

CALCUTTA UNIVERSITY.

GRÍGOPÁLA VASU-MALLIK'S FELLOWSHIP,

1901,

LECTURES

ON

HINDU PHILOSOPHY

(VEDĀNTA)

BY

MAHÁMAHOPĀDHIYĀṬA

CHANDRAKĀNTA TARKĀLANKĀRA,

LATE

PROFESSOR, CALCUTTA SANSKRIT COLLEGE,

HONOURARY MEMBER,

ASIATIC SOCIETY, &c. &c.



PRINTED BY KUNJA BIHARI DE,

AT THE HARASUNDARA MACHINE PRESS,

98, HARRISON ROAD, CALCUTTA.

1901.

All rights reserved.

Copyright Registered under Act XX of 1847.

বাবু শ্রীগোপালবহ্নিমল্লিকের
ফেলোসিপের লেক্চর ।

চতুর্থ বর্ষ ।

হিন্দুদর্শন ।

(বেদান্ত)

স্তুবন্তি গুৰ্বীমমিধৈয়সম্পদং
বিশুদ্ধিসুতীরপরে বিদধিতঃ ।
ভূতি স্থিতার্থাং প্রতিদূষণং কচৈ
মুদুর্লভাঃ সৰ্ব্বমনীরমা গিবঃ ॥

মহামহোপাধ্যায়

শ্রীযুক্ত চন্দ্রকান্ত তর্কালঙ্কার

প্রণীত ও প্রকাশিত ।


কলিকাতা ৯৮ নং হ্যারিসন রোড হরমুন্দর মেসিন প্রেসে

শ্রীকুঞ্জবিহারী দে দ্বারা মুদ্রিত ।

শকাব্দাঃ ১৯২৩ ।

কার্তিক ।

১৮৪৭ সালের ২০ আইন অনুসারে এই পুস্তকের
কপিরাইট রেজিষ্টরী করা হইল।



বিজ্ঞাপন ।

বাণী শ্রীগোপালবসুমতীকর ফেলোসিপের চতুর্থ বর্ষের লেক্চর প্রকাশিত হইল । এ বর্ষে সাতটি লেক্চর দেওয়া হইয়াছে । ইহার ছয়টি লেক্চর আত্মার বিষয়ে এবং একটি লেক্চর অপরাপর বিষয়ে প্রদত্ত হইয়াছে । সময়ভাবে আত্মার বিষয়ে বক্তব্য সম্পূর্ণ করিতে পারিলাম না । ঐ হেতুতেই অপরাপর বিষয়গুলিও সংক্ষেপে বলিতে হইয়াছে । সরল ভাষায় বক্তব্য প্রকাশ করিবার জন্য চেষ্টা করিয়াছি । পরন্তু বিষয়ের কাঠিন্য এবং আমার বুদ্ধি দৌর্বল্য নিবন্ধন আশানুরূপ কৃতকার্য হইতে পারি নাই । ভ্রমপ্রমাদ পরিলক্ষিত হইলে সুধীগণ অনুগ্রহ পূর্বক তাহা শুধিরা লইবেন । লেক্চরের স্মৃতিতে, কতিপয় প্রয়োজনীয় শব্দের স্মৃতিপত্র এবং লেক্চরে উল্লিখিত গ্রন্থের ও গ্রন্থকর্তাদের নামের স্মৃতিপত্র প্রদত্ত হইল । আবশ্যক স্থানে সংক্ষিপ্ত শুদ্ধি পত্রও দেওয়া হইল ।

কলিকাতা,
১৩০৮ সাল ।
আশ্বিন ।

বিনীত
শ্রীচন্দ্রকান্ত দেবশর্মা ।

শুদ্ধিপত্র ।

পৃষ্ঠা	পঙ্ক্তি	অশুদ্ধ	শুদ্ধ
২	১৭	তীক্ষ্ণ	তীক্ষ্ণ
৭	১৭	একাঙ্গা	এক আঙ্গা
১০	১	উদ্দেশ্য	উদ্দেশ্য
২৩	৬	ধেয়ঃ	ধেয়ঃ
৩১	১৫	কুৎসে	কুৎসে
৩১	১৬	শ্রীতু	শ্রোতু
৪৬	২৩	অর্থাৎ	।
৪৯	৩	পদ্বি	পদ্বি
৪৯	২২	এইরূপ	এইরূপে
৫৩	১৩	ব্যবহৃত	ব্যবহিত
৫৫	১৩	বিভ্রম	বিভ্রমের
৫৬	২৪	তাহার	তাহার
৫৮	১৬	জীব ও	জীবও
৫৯	১৬	অবিদ্যাও	অবিদ্যা ও
৭১	১২	সেই	সেইরূপ
৮০	৬	অজ্ঞান	অজ্ঞানগত
৮০	৬	প্রতিবিম্ব	চিৎপ্রতিবিম্ব
৯২	১৪	চৈতন্যোই	চৈতন্যই
১০৭	১৮	তাদৃশ	এতাদৃশ
১০৯	১৫	লোকস্থ	লোকস্থ
১১৭	৭	পরিহারে	পরিহারের

পৃষ্ঠা	পঙ্ক্তি	অঙ্ক	শব্দ
১৩৫	২০	অসম্ভব	অসম্ভব
১৪৪	১০	এতদ্বা	এতদ্বারা
১৬১	২৪	সময়ে	সময়ে
১৬৭	৯	বস্তুগত্যা	বস্তুগত্যা
১৬৮	১২	বুদ্ধ্যাপহিত	বুদ্ধ্যাপহিত
১৭০	২২	স্বযুগ্মি	স্বযুগ্মি
১৮৬	১৩	তথা	যথা

সূচী পত্র ।

প্রথম লেক্চর ।

বিষয়	পৃষ্ঠা	পঙ্ক্তি
আত্মা এক ও অদ্বিতীয়	১	৩
দেহভেদে আত্মা ভেদ নাই	১	৫
আত্মা এক হইলে স্মৃতিদির ব্যবস্থা হইতে পারে না	১	৮
আত্মভেদবাদীদিগের মত	২	২০
কণাদেবের মত	২	২৪
নানাত্মবাদী ও একাত্মবাদীর মতের বৈলক্ষণ্য	৫	১২
নানাত্মবাদীদিগের মতে স্মৃতিজ্ঞানাদির ব্যবস্থা হইতে পারে না	৬	১৫
কণাদমতে অব্যবস্থা	৮	৫
সাংখ্যমতে অব্যবস্থা	৮	১৫
প্রধানের প্রবৃত্তির হেতু	৮	২৪
সাংখ্যমতে ব্যবস্থার উপপত্তি ও তাহার খণ্ডন	৯	১১
আত্মভেদবাদীদিগের মতে অদৃষ্ট ব্যবস্থার হেতু হইতে পারে না	১১	৭
অভিসন্ধি ব্যবস্থার হেতু হইতে পারে না	১২	২২
আত্মার প্রদেশভেদ ব্যবস্থার হেতু হইতে পারে না	১৩	১৯
আত্মভেদের প্রমাণ নাই । আত্মার অভেদের প্রমাণ আছে	২২	৭
বেদান্তমতে গুণ ও গুণীর ভেদ নাই	২৩	৩
অন্ত্য বিশেষ আত্মার ভেদক হইতে পারে না	২৩	১৯
বেদান্তমতে আকাশাদির বিভূষ নাই	২৫	৭

বিষয়	পৃষ্ঠা	পঙ্ক্তি
তार्কিক শিরোমণির মত, কোন অংশে বেদান্তমতের নিকটবর্তী	২৫	১৮
আত্মার প্রদেশভেদ স্বীকার করিলে আত্মভেদ স্বীকার করিতে হয় না	২৫	২৩
নানীয়াবাদে স্মৃতিস্থানাদির ব্যবস্থা হইতে পারে না	২৬	৮
শাস্ত্রবিরুদ্ধ কল্পনা গ্রাহ্য হইতে পারে না	২৬	১৪
এক পদার্থে উপাধিভেদে ব্যবস্থা বৈশেষিকমতসিদ্ধ	২৬	১৬
বৈশেষিক মতেও একায়াবাদ অঙ্গীকৃত হওয়াই উচিত	২৭	১

দ্বিতীয় লোকচর ।

অবচ্ছিন্নবাদ ও প্রতিবিশ্ববাদ	২৮	৭
অবচ্ছিন্নবাদের স্থূল তাৎপর্য ও যুক্তি	২৮	২১
অবচ্ছিন্নবাদে নিরম্য-নিয়ন্তৃ-ভাব হইতে পারে	৩১	২২
প্রতিবিশ্ববাদের স্থূল তাৎপর্য	৩৩	১
প্রতিবিশ্ববাদ ব্রহ্মসূত্র-বিরুদ্ধ নহে	৩৩	২৭
প্রতিবিশ্ববাদ ব্রহ্মসূত্র-সম্মত	৩৪	৩
যাহার রূপ নাই, তাহারও প্রতিবিশ্ব হয়	৩৫	১৭
নীরূপ দ্রব্যের প্রতিবিশ্ব হয় না, এই কল্পনার কোন প্রমাণ নাই	৩৬	২০
দ্রব্য পরিভাষার প্রমাণ নাই	৩৭	১৩
বৈশেষিকমতে দ্রব্যের লক্ষণ	৩৯	১
দ্রব্যলক্ষণের অতিব্যাপ্তি	৩৯	১১
বেদান্তমতে আত্মা দ্রব্য-পদার্থ নহে	৪০	২৪
বৈশেষিকমত প্রতি-বিরুদ্ধ	৪১	২
প্রতিধ্বনি শব্দের প্রতিবিশ্ব	৪১	১৮
নীরূপ দ্রব্যের প্রতিবিশ্ব হয়, ইহার উদাহরণ	৪৪	১৪

বিষয়	পৃষ্ঠা	পঞ্জি
আগমবিরুদ্ধ-অনুমানের প্রামাণ্য নাই	৪৬	১৯
প্রতিবিশ্ব বিষয়ের বিপরীতভাবে গৃহীত হয়	৪৭	১৫
বিশ্ব ও প্রতিবিশ্বের বাস্তবিক ভেদ নাই	৪৭	২৩
প্রতিবিশ্ব মিথ্যা নহে	৪৮	১৩
দর্পণগত মুখ-প্রতিবিশ্ব,—মুখের প্রতিগুচ্ছ নহে	৪৯	৩
মুখের সান্নিধ্যবশত দর্পণে মুখান্তরের উৎপত্তি হয় না	৪৯	১৯
নিমিত্তকারণের বিনাশ কার্যাবিনাশের হেতু নহে	৫০	২২
যাহার ভ্রম আছে, তাহার তত্ত্বজ্ঞান হয়	৫৬	১২
বিশ্ব ও প্রতিবিশ্ব অভিন্ন হইলেও প্রতিবিশ্বগত দোষ	.	.
বিষগত হয় না	৫৭	২
অবচ্ছিন্নবাদে ঈশ্বরের সর্কাস্তর্যামিত্ব হইতে পারে না	৫৭	২০
প্রাজ্ঞ, তৈজস ও বিশ্ব	৫৮	১৬
জীবের তিনটি উপাধি	৫৯	৪
উক্ত উপাধিভেদে এক শরীরে জীবের ভেদ হয় না	৫৯	৮
জীব ও ব্রহ্মের ঐক্য থাকিলেও জীব সর্কজ নহে	৬০	৬

চতুর্থ লেক্চর ।

মূল প্রকৃতি	৬১	৬
মায়া ও অবিজ্ঞা	৬১	৮
জীব ও ঈশ্বর	৬১	৯
প্রতিবিশ্ববাদের যুক্তি ও অবচ্ছিন্ন বাদের দোষ	৬২	১৬
অবচ্ছিন্নবাদে জীবৈশ্বরের সাক্ষর্য্য	৬৫	৯
অবচ্ছিন্নবাদে স্মৃতি দুঃখাদির অব্যবস্থা	৬৫	১৫
বিশুদ্ধ চৈতন্য	৬৬	২৩
চৈতন্যের চতুর্বিধ ভেদ	৬৭	৫
ঈশ্বর প্রত্যক্ষ নহেন	৬৭	১৫

বিষয়	পৃষ্ঠা	পঙ্ক্তি
অধ্যাস্থ স্থলে সামান্যংশ সত্য বিশেষাংশ মিথ্যা	৭০	৯
চেতন ও অচেতনের বিভাগ	৭১	১৭
আনন্দময় ও বিজ্ঞানময়	৭৩	৮
পরমাত্মার চারি প্রকার অবস্থা	৭৩	২৪
জীবের উপাধি উপরি উপরি কল্পিত	৭৬	২১
জীব ত্রিবিধ	৭৭	১
স্বপ্নাবস্থাতে জীবের দেহ কল্পিত	৭৭	২১
জীব ও ঈশ্বরের ভেদ অজ্ঞান কল্পিত	৭৮	১২
অন্তঃকরণ জীবের বিশেষ অভিব্যক্তি স্থান	৮০	৬
প্রতিবিশ্বের সত্যত্বমত	৮১	৪
প্রতিবিশ্বের মিথ্যা ত্বমত	৮২	২
প্রতিবিশ্বদর্শন স্থলে বিশ্বের দর্শন হয় এই		
মতের খণ্ডন	৮৪	৪
একটী আখ্যায়িকা।	৮৮	১৪

চতুর্থ লেক্চর ।

একজীববাদ ও অনেক জীববাদ	৯১	৩২
অজ্ঞানের আশ্রয় ও বিষয়	৯১	১৩
বন্ধমোক্ষব্যবস্থার উপপত্তি	৯৩	১৪
জীবভেদে প্রপঞ্চের ভেদ আছে কি না	৯৭	১৭
একজীববাদ বিষয়ে পূর্বাচার্য্যাদিগের মত	১০০	১৬
সরিশেষানেকশরীরৈকজীববাদ	১০০	২৩
অবিশেষানেকশরীরৈকজীববাদ	১০১	৫
জীব এক হইলেও বিভিন্ন দেহে স্মৃতিদির অনুসন্ধান		
হয় না	১০১	৭
একটী শত্রু দেহ সজীব, অপরাপর দেহ নির্জীব	১০২	১৭

(৮০)

বিষয়	পৃষ্ঠা	পঙ.জি
কে একটী মাত্র জীব ?	১০৩	৬
একশরীরৈকজীববাদ	১০৩	২১
একজীববাদে বদ্ধমোক্ষের ও গুরুশিষ্যাদির ব্যবস্থা	১০৪	৭
বিভিন্নমতের তাৎপর্য	১০৫	১৪
জীব ও ব্রহ্ম এক হইলেও ব্রহ্ম জীবগত দুঃখভাগী		
হন্ না	১০৫	১৯
অনুজ্ঞা ও পরিহার	১১০	১০
ভেদাভেদবাদ অসঙ্গত	১১১	৩
জন্মমরণাদিব্যবস্থা আত্মভেদের হেতু হইতে পারে না	১১২	৭
ভেদ প্রত্যক্ষ নহে	১১২	২১*
ভেদ অনুমেয় হইতে পারে না	১১৩	৮
ভেদপ্রতিপাদন শাস্ত্রের অভিপ্রেত নহে	১১৩	১৬
অভেদ প্রতিপাদন শাস্ত্রের অভিপ্রেত	১১৩	২০
অভেদ স্বাভাবিক, ভেদ ঔপাধিক	১১৫	১৩
দেহ ও আত্মার সম্বন্ধ	১১৬	৪
সম্যগ্দর্শীর অনুজ্ঞা পরিহার নাই	১১৭	৬
বৈদিক কর্মে দেহাতিরিক্ত আত্মদর্শীর অধিকার,		
সম্যগ্দর্শীর অধিকার নহে	১১৭	১৭
সমস্ত বৈদিক কর্মের ফল ইহলোকে হয় না	১১৯	৪

পঞ্চম লেক্চর ।

জীবাশ্মার কর্তৃত্ব আছে কিনা *	১২২	১
কর্তৃত্ব কি, এবং কাহাকে কর্তা বলা যায়	১২৩	২
প্রযত্নের আশ্রয় কর্তা এবং এবং কর্তার ধর্ম কর্তৃত্ব	১২৫	১৯
জীবাশ্মার কর্তৃত্ব বিষয়ে দার্শনিকদিগের মতভেদের কারণ	১২৬	২
* বৈশেষিক মত	১২৬	৪

(৭০)

বিষয়	পৃষ্ঠা	পঙ্ক্তি
সাংখ্য মত	১২৬	৮
সাংখ্য মতের অনৌচিত্য	১২৭	৭
সাংখ্যমতেও আত্মা ভোক্তা	১৩০	৪
বুদ্ধি কর্তা হইতে পারে না	১৩১	৬
কর্তা অনাদি	১৩৩	১
আত্মা কূটস্থ হইলেও কর্তা হইতে পারে	১৩৪	৪
বুদ্ধির কর্তৃত্বপক্ষে দোষ	১৩৪	১০
আত্মার কর্তৃত্ব পক্ষে ঐ দোষ হয় না	১৩৭	১৭
শৈবদর্শনের মত	১৩৮	৯
• আত্মার কর্তৃত্ব বিষয়ে অনুভব প্রমাণ	১৩৮	১৮
আত্মার কর্তৃত্ব বিষয়ে বেদবাক্য প্রমাণ	১৩৮	২২
বুদ্ধির কর্তৃত্ব স্বীকার করিলে জ্ঞাতৃত্বও বুদ্ধিরই হইতে পারে	১৪০	৩
উপাদান কারণ কর্তা নহে	১৪০	২৪
কর্তৃত্ব চৈতন্যের অব্যভিচারী	১৪১	১৪
জ্ঞাতৃত্বের হ্রাস কর্তৃত্বও পরিণামের হেতু নহে	১৪২	২৩
শৈবাচার্য্যাদিগের মতে কর্তৃত্ব	১৪৩	৮
আত্মার শক্তি শরীরাদি ক্রিয়ার হেতু	১৪৩	১৮

যষ্ঠ লেক্চর ।

আত্মার কর্তৃত্ববিষয়ে বেদান্ত মত	১৪৫	২
বুদ্ধি কর্তা নহে । ভোক্তাই কর্তা	১৪৫	১৯
যজ্ঞমান যজ্ঞের কর্তা, ঋত্বিক যজ্ঞের কর্তা নহে	১৪৮	৬
আত্মা ভোক্তা	১৪৯	১১
আত্মার নিজের অগ্রিয় ও অহিতকর কার্যা করিবার হেতু	১৫০	৬
হিতকরক্রমে অহিতকর কর্মের অনুষ্ঠান	১৫০	২০

বিষয়	পৃষ্ঠা	পঙ্ক্তি
উপলব্ধিবিষয়ে আত্মা স্বতন্ত্র	১৫১	১৫
সাহায্যগ্রহণে স্বাতন্ত্র্যের হানি হয় না	১৫২	৮
আত্মার কর্তৃত্ব স্বাভাবিক কি ঔপাধিক	১৫৪	৪
মীমাংসক ও নৈয়ায়িক প্রভৃতির মত	১৫৪	৭
বেদান্ত মত	১৫৪	১৬
আত্মার কর্তৃত্ব স্বাভাবিক নহে, উহা ঔপাধিক	১৫৪	২৩
বোধ্যবিষয় না থাকিলেও আত্মা বোধস্বরূপ হইতে পারে	১৫৫	২২
ক্রিয়াবেশ না থাকিলে আত্মা কর্তা হইতে পারে না	১৫৭	৩
ক্রিয়াশক্তি কর্তৃত্ব নহে এবং আত্মাতে ক্রিয়াশক্তি নাই	১৫৮	১৮
শক্তের সহিত শক্তির সম্বন্ধ অবশ্যসম্ভাবী	১৫৯	১
উপাদান কারণে স্বরূপে কার্যের অবস্থিতি	১৫৯	২২
কর্তৃশক্তি থাকিলে তাহার কার্য পরিহার অসম্ভব	১৬১	১০
কর্তৃত্বভাবের অকর্তৃত্ব হইতে পারে না	১৬২	৩
মুক্তি অনুষ্ঠান সাধ্য নহে	১৬২	১০
শ্রবণাদি ভ্রমাপনয়নের হেতু	১৬৩	৪
আত্মার কর্তৃত্ববোধক ও অকর্তৃত্ববোধক শাস্ত্রের অবিরাধ	১৬৫	২
মুক্তি ও সংসার কাহার	১৬৮	১
আত্মার কর্তৃত্ব ঔপাধিক ইহা স্মৃতিস্থিতি অবস্থা দ্বারা প্রতিপন্ন হয়	১৬৯	৮
স্বপ্নাবস্থাতে মনের সহিত আত্মার সম্বন্ধ থাকে	১৭১	২০

সপ্তম লেক্চর ।

সৃষ্টি ও প্রলয়	১৭৩	৪
প্রলয়বিষয়ে মীমাংসক নৈয়ায়িক ও পাতঞ্জল মত	১৭৩	১৬
সংসারগতি	১৭৪	১
উত্তরমার্গ ও দক্ষিণমার্গ	১৭৪	৫

বিষয়	পৃষ্ঠা	পঙ্ক্তি
পঞ্চাঙ্গি বিজ্ঞা	১৭৪	৯২
মৃত্যুকালে জীবের অবস্থা	১৭৫	১৯
সংসারগতির কষ্টকরতা	১৭৫	২০
বৈরাগ্য	১৭৬	১
চিত্তশুদ্ধির আবশ্যিকতা	১৭৬	৮
ভক্তির আবশ্যিকতা	১৭৭	২
শগদমাদি	১৭৭	১০
সংস্থাসের প্রকাব ভেদ	১৭৭	১৭
উপাসনার আবশ্যিকতা	১৭৮	১০
নিষ্ঠুরব্রহ্মের উপাসনা	১৭৮	১৬
জ্ঞান ও উপাসনার ভেদ	১৭৮	১৯
শ্রবণ, মনন, নিদিধ্যাসন ও যোগ	১৭৯	৪
যড়বিধ সিদ্ধি	১৭৯	৯
যোগাঙ্গ	১৮২	১২
আত্মার বেদান্তপ্রতিপত্ত্ব	১৮৩	৮
আত্মা অজ্ঞেয় হইলেও আত্মজ্ঞান হইতে পারে	১৮৪	৭
শ্রবণাদির আবৃত্তি	১৮৮	২০
আত্মসাক্ষাৎকার ও তাহার কর্তা	১৯০	৯
জীবাত্মার কি পবমাত্মার তত্ত্বজ্ঞান মুক্তির হেতু	১৯১	৫
আশ্রমকর্মের উপযোগিতা	১৯৩	১২
সমুচ্চয়বাদ ও তাহার যুক্তি	১৯৩	১৮
কেবল জ্ঞানবাদ ও তাহার যুক্তি	১৯৪	১০
গৃহস্থের আত্মসাক্ষাৎকার হইতে পারে কি না	১৯৬	১৫
মুক্তি	১৯৭	১৩
বৈশেষিক মত	১৯৮	৩
শ্রায় মত	১৯৮	৬
সাংখ্য ও পাতঞ্জল মত	২০০	২

বিষয়	পৃষ্ঠা	পঙ্ক্তি
জৈন মত	২০০ "	১৫
বৌদ্ধ মত	২০০	২২
বৌদ্ধোক্ত নির্বাণ ও শঙ্করাচার্য্যের নির্বাণের বৈলক্ষণ্য	২০১	৩
বেদান্তমতে মুক্তি কার্য্য নহে, নিত্য	২০১	৮
ক্রমমুক্তি, জীবনমুক্তি ও বিদেহ কৈবল্য	২০২	৩
উৎক্রান্তি	২০৭	৫
সালোক্যাদি মুক্তি	২০৩	২০

লেক্চরে ব্যবহৃত কতিপয় প্রয়োজনীয় শব্দের সূচী ।

শব্দ	পৃষ্ঠা	শব্দ	পৃষ্ঠা
অ		অপরোক্ষ	১১৮
অণুপরিমাণ	৫	অবয়	১৫৭
অপবর্গ	৬	অগ্নিহোত্র	১৭৪
অসঙ্গ	৮	অবরোহ	১৭৫
অনুভূষমান	২২	অধ্যাস	
অন্ত্য বিশেষ	২৩	অন্তরঙ্গ সাধন	১৭৮
অবচ্ছিন্নবাদ	২৮	অর্থবাদ	১৮০
অবচ্ছেদ	২৯	অপরিগ্রহ	১৮২
অভ্যুপগত	৩৭	অবগতি	১৯২
অনুগতপ্রত্যয়			
অতিব্যাপ্তি	৪০	আ	
অমূর্ত	৪৫	আত্মপ্রদেশ	১৪
অপেক্ষা বুদ্ধি	৫১	আখ্যা	৩৭
অনবচ্ছিন্ন	৫৭	আপ্য	৫২
অকৃতাভ্যাগম	৬৩	আবরণ শক্তি	৬১
অবচ্ছেদ	৬৪	আদিদৈবিক	৭৪
অধিষ্ঠান	৬৮	আধ্যাত্মিক	
অন্যোন্মাদ্যাস	৬৯	আগন্তুক	১৫৪
অনুবৃত্ত	৭০	আক্ষেপক	১৬১
অনুজ্ঞা	১১০	আধ্যাত্মিক	১৬৩
অশেষ্য		আবিষ্কৃত	১৬৪
অশেষ্য		আন্তর	১৭০
অভ্যাস	১১৪		

শব্দ	পৃষ্ঠা	শব্দ	পৃষ্ঠা
ই		ক	
ইষ্টসাধনতাজ্ঞান	১৩	কৃতিসাধ্যত্বজ্ঞান	১৩
ইতরেতরাশ্রয়	২৪	কৃতবিপ্রাণাণ	৬৩
		কুটস্থ	৬৮
ঈ		ক্রব্যাদ	১১৫
ঈশিতব্য }	৩১	কাবীরী	১১৯
ঈশিতা }		কুলাল	১২৩
ঈশ্বর প্রণিধান	১৮২	কারক	১৫৩
		ক্রিয়াবেশ	১৫৬
উ		ক্রমমুক্তি	২০২
উপাধি	৪		
উপরম	৯	গ	
উপাদান কারণ	৫০	গোপুর	৪২
উপসর্পিত	৮৪		
উত্তমন }	১৫০	চ	
উপলব্ধি }		চালনী	৭
উপলব্ধি }		চিদাভাস	৭১
উত্তর মার্গ	১৭৪	চৈতন্যপ্রদীপ্ত	১৫৮
উপমর্দক	১৯১		
উৎক্রান্তি	২০৩	জ	
		জ্যোতিষ্টোম	১৩৯
খ		জাতেষ্টি	১৪৯
খাদিক্	১৪৮	জীবমুক্তি	২০২
এ		ত	
একাত্মবাদ	৩	তুরীয় }	৭৫
একদেশী	৩৪	তৈজস }	

(১১/০)

শব্দ	পৃষ্ঠা	শব্দ	পৃষ্ঠা
দ		পারমার্থিক	১৫
দীক্ষিত	১৪৮	প্রাদেশিকত্ব	২২
দক্ষিণমার্গ	১৭৪	প্রতিবিশ্ববাদ	২৮
দুর্ভূমি	১৭৬	প্রত্যাখ্যাত	৩৭
দ্বন্দ্ব	১৭৭	প্রতিবিশ্ব	৪২
		প্রতিফলিত	
		প্রতিহত	৪৭
ধর্মী	১১২	প্রতিফালিত	
		প্রতিমুদ্রা	৪৯
		স্পর্শন	৫৩
নানাত্তবাদ	৫	গরামর্শ	৫৮
নান্তরীয়ক	৮	পরিচ্ছিন্ন	৬১
নিহীন	৩২	প্রোক্ত	৭৫
নিরুপাধিক	৫৪	প্রাতিভাসিক	৭৭
নিয়ম্য	১১০	প্রোক্ষাবান্	৮৩
নিয়ন্তা		পরিহার	১১০
নৈরাঅ্যবাদ	১৪২	প্রতিযোগী	১১২
নির্কাণ	২০২	পরোক্ষ	১১৮
		পিষ্টপেষণ	১২২
		পরিণাম	১২৬
প্রধান	৬	প্রতিসংক্রম	১৪২
প্রকৃতি		প্রযোক্তা	১৫৩
প্রত্যুত	৮	পঞ্চাঙ্গবিজ্ঞা	১৭৫
পরিণাম		প্রতীকোপাসনা	১৭৭
প্রতিনিয়ত	১১	পূর্য্যষ্টক	২০০
প্রত্যাঅনিয়ত		পরমমুক্তি	২০২

(১৮০)

শব্দ	পৃষ্ঠা	শব্দ	পৃষ্ঠা
ব্যবস্থা	১	ব্যপকত্ব	১৪২
বিশেষ	৩	ব্যতিবেক	১৫৭
বিভু	৫	বুদ্ধান্ত	১৬৯
বৈচিত্র্য	৯	বাসনা	১৭০
ব্যবস্থিত	১১	বহিরঙ্গসাধন	১৭৮
বৈজাত্য	২০	বিদেহকৈবল্য	২০২
বিশ্বলিঙ্গ	২৯		
ব্যপদেশ	২৯	ভ	
বিশ্ব	৪২	ভোগসাধন	৫
বীচীতরঙ্গ	৪২	ভাবনাথ্যসংস্কার	১০
বিপ্রকৃষ্ট	৪৫	ভাসমান	৫৬
বিষাণ	৫০	ভ্রমাপ্রয়ত্ব	৫৬
বিশেষদর্শন	৫৭	ভোগায়তন	৫৭
বিকল্প	৫৮		
বৈযধিকরণ্য	৬০	ম	
বিক্ষেপশক্তি	৬১	মূলবিদ্যা	৫৪
বিক্ষেপাধ্যাস	৭০	মূল প্রকৃতি	৬১
ব্যাবৃত্ত	৭০	য	
ব্যষ্টি	৭৪	যাবদ্রব্যভাবী	৫১
বিরাট	৭৪	ল	
বিশ্ব	৭৫	লিঙ্গ	৩
ব্যাসজ্যবৃত্তি	৯৬	লক্ষণদ	১৭৬
বিনিগম্যনা	৯৭		
ব্যাপািব	১২৩	শ	
বিসম্যাবচ্ছেদ	১৩৫	শবীরাবচ্ছিন্ন	১৪

(১৮০)

শব্দ	পৃষ্ঠা	শব্দ	পৃষ্ঠা
শব্দ		সমষ্টি	৭৪
শব্দ	১৫৯	স্থাপু	৮৭
শব্দ	১৭৮	সংঘাত	৮৯
য		সম্যগদর্শন	১০৬
শব্দ	১৯৫	সাংবৃত	১১৬
শব্দ	১১৮	সম্যগদর্শী	১১৭
যাটিকৌণিক		সমানাধিকরণ	
স		সর্বতন্ত্রসিদ্ধান্ত	১২৭
সর্বজনীন	২	স্বসংবেদন	১৪১
সমবেত		স্পন্দ	১৪৩
সমবায়	৬	স্বতন্ত্র	১৫০
সাঙ্খ্য	১৫	স্বপ্নান্ত	১৬৯
সমানধর্মীক্রান্ত	২০	সত্ত্বশুদ্ধি	১৭৬
স্বস্বামিভাব	২১	সমুচ্চয়বাদ	১৯৩
সর্বগতত্ব	২২		

লেক্চরের উল্লিখিত গ্রন্থের নাম ।

বৈশেষিকদর্শন	নৈষ্কর্ম্যাসিদ্ধি
ব্রহ্মপ্রভা	বৃহদারণ্যকভাষ্য
উপনিষৎ	বার্তিক
ব্রহ্মসূত্র	বিদ্যানোরঞ্জিনী
অথর্ববেদ	সিদ্ধান্তলেশসংগ্রহ
ব্রহ্মসূত্র	ব্রহ্মমীমাংসা
গীতা	ভামতী
ভূতবিবেক	শ্রীমদ্রুকুমারজলিত্রাকরণ
শ্রুতি	নরেশ্বরপরীক্ষা
স্মৃতি	পাতঞ্জলভাষ্য
ব্রহ্মবিজ্ঞানভরণ	নরেশ্বরপরীক্ষাপ্রকাশ
বিবরণপ্রমেয়সংগ্রহ	বেদান্তদর্শন
বিবরণোপস্থাস	পূর্বমীমাংসা
ভূতবিবেক	ছান্দোগ্য উপনিষৎ
প্রকটার্থবিবরণ	জ্যোতির্ব্রহ্মসংহিতা
সংক্ষেপশারীরক	শারীরকভাষ্য
চিত্রদীপ	পঞ্চদশী
মেঘদূত	অমৃতবিন্দু উপনিষৎ
ব্রহ্মানন্দ	কেনোপনিষৎ
মাণ্ডুক্যোপনিষৎ	বৃহদারণ্যকোপনিষৎ
মাণ্ডুক্যোপনিষদর্থাবিস্করণ	সাংখ্যদর্শন
মাণ্ডুক্যোপনিষদর্থাবিস্করণ- কারিকাভাষ্য	পাতঞ্জলদর্শন
দৃগ্বেশ্যবিবেক	বেদ
বেদান্তসার	মিতাকরা
দ্বৈতবিবেক	বিজ্ঞানামৃতভাষ্য
বিবরণ	শ্রীমদ্রুকুমারজলিত্রাকরণ
কল্পতরু	
অদ্বৈতবিজ্ঞান	

লোকচর্যের উল্লিখিত গ্রন্থকর্তাদের নাম ।

বৈশেষিক	সৰ্বজ্ঞগুনি
সাংখ্য	রাগতীর্থ বতি
কণাদ	সিদ্ধান্তলেশসংগ্রহকার
রত্নপ্রভাকার	সংক্ষেপশারীরককার
শঙ্করাচার্য	মধুসূদন সরস্বতী
গোবিন্দানন্দ	স্মৃতিকার
রঘুনাথশিরোমণি	বাচস্পতি মিশ্র
বেদব্যাস	অদ্বৈতানন্দ
ভাষ্যকার	উদয়নাচার্য
ভগবান্	শৈবাচার্য
সুবংশরাচার্য	বিজ্ঞান ভিক্ষু
গীমাংসক	আচার্য সিদ্ধগুরু
ব্রহ্মবিজ্ঞানভরণকার	ভট্ট রামকণ্ঠ সূরি
নৈয়ায়িক	
বিবরণ প্রমেয়সংগ্রহকার	জৈমিনি
বিবরণোপন্যাসকার	গীমাংসক
বিজ্ঞান্য মুনি	পাতঞ্জলভাষ্যকার
রাগানন্দ সরস্বতী	বাত্তিককার
তত্ত্ববিবেককার	পূৰ্ব্বাচার্য
প্রকটার্থবিবরণকার	পঞ্চদশীকার
অচ্যুতকৃষ্ণানন্দ তীর্থ	যাজ্ঞবল্ক্য
কালিদাস	বিজ্ঞানেশ্বর
গৌড়পাদাচার্য	জায়ভাষ্যকার
কল্পতরুকার	পতঞ্জলি
বাদরায়ণ	শূত্রবাদী
অদ্বৈতবিজ্ঞানকার	বিজ্ঞানবাদী
জিবিষ্ণুচার্য	বৈষ্ণবাচার্য
সম্প্রদায়বৈজ্ঞানিক	

বাবু শ্রীগোপালবহুমল্লিকের
ফেলোসিপের লেক্চর ।

চতুর্থ বর্ষ ।

প্রথম লেক্চর ।

আত্মা ।

আত্মা দেহাদি হইতে অতিরিক্ত, আত্মা জড় স্বভাব নহে, আত্মার চৈতন্য আগন্তুক নহে, আত্মা নিত্য-চৈতন্য-স্বরূপ, আত্মা অপ্রকাশ, আত্মা এক ও অদ্বিতীয়, ইহা সংক্ষেপে প্রতিপাদিত হইয়াছে । আত্মা এক ও অদ্বিতীয় হইলে স্পর্শই বুঝা যাইতেছে যে, দেহভেদে আত্মা ভিন্ন ভিন্ন নহে, এক আত্মাই সমস্ত দেহে অধিষ্ঠিত । ইহাও বুঝা যাইতেছে যে, দেহভেদে আত্মার ভেদ না থাকিলে—সমস্ত দেহেই এক আত্মা অধিষ্ঠিত, হইলে, সুখ দুঃখাদির ব্যবস্থা অর্থাৎ ব্যক্তিভেদে প্রতিনিয়ত অবস্থান হইতে পারে না । কারণ, এক আত্মা সমস্ত দেহে অধিষ্ঠিত হইলে জগতে এক জন সুখী হইলে সকলে সুখী, এক জন দুঃখী হইলে সকলে দুঃখী, এক জন জ্ঞানী হইলে সকলে জ্ঞানী, এক জন

বদ্ধ হইলে সকলে বদ্ধ, এক জন মুক্ত হইলে সকলে মুক্ত, এক জন অন্ধ হইলে সকলে অন্ধ, এক জন বধির হইলে সকলে বধির, এক জন জাত হইলে সকলে জাত এবং এক জন মৃত হইলে সকলে মৃত হইতে পারে । কারণ, সকল দেহে যখন এক আত্মা অধিষ্ঠিত, তখন এক দেহে সুখাদি অবস্থা সংঘটিত হইলে আত্মার সুখাদি হইয়াছে সন্দেহ নাই । দেহভেদে আত্মার ভেদ নাই বলিয়া এক দেহে যে আত্মার সুখাদি হইয়াছে দেহান্তরেও সেই আত্মাই রহিয়াছে স্তরাং—সমস্ত দেহেই আত্মার সুখাদি অবস্থা সংঘটিত হওয়া সম্ভব । অর্থাৎ সমস্ত দেহেই আত্মা সুখী বা দুঃখী হওয়া উচিত । সুখাদি দেহের ধর্ম নহে, উহা আত্মার ধর্ম । যেখানেই হউক না কেন, আত্মাতে স্থখ উপস্থিত হইলে অর্থাৎ আত্মা সুখী হইলে ঐ সময়ে স্থানান্তরে বা দেহান্তরে আত্মা সুখী হইবে না ইহার কোন হেতু পরিলক্ষিত হয় না । অথচ স্পষ্ট দেখা যাইতেছে যে, যে সময়ে এক জন সুখী সেই সময়ে অন্য জন দুঃখী হইতেছে । জগতে কেহ জ্ঞানী কেহ অজ্ঞানী, কেহ বদ্ধ কেহ মুক্ত, কেহ অন্ধ কেহ চক্ষুজ্ঞান, কেহ বধির কেহ তীক্ষ্ণকর্ণ, এবং কেহ জাত কেহ মৃত হইতেছে । সুখাদির উক্তরূপ ব্যবস্থা যখন সর্বজনীন, তখন আত্মা এক ও অদ্বিতীয়, এই বেদান্তসিদ্ধান্ত একান্ত অসম্ভব । এইরূপ বিবেচনা করিয়া, বৈশেষিক ও সাংখ্য প্রভৃতি আচার্য্যগণ আত্মার নানান্ন অর্থাৎ দেহভেদে আত্মার ভেদ স্বীকার করিয়াছেন । এ বিষয়ে বৈশেষিক দর্শনপ্রণেতা কণাদের তিনটি সূত্র আছে, তাহা উদ্ধৃত করা যাইতেছে । কণাদের প্রথম সূত্রটি এই—

সুখদুঃখজ্ঞাননিষ্পত্ত্যনিশীষাদ্বৈকাত্ম্যম্ ।

• ইহার তাৎপর্য্য এই যে, সুখ, দুঃখ ও জ্ঞান-দ্বারা তদাত্ম্য-রূপে আত্মা অনুমিত হয় । সুখ, দুঃখ ও জ্ঞান আত্মার লিঙ্গ বা অনুমাপক হেতু । নির্বিশেষে সমস্ত দেহে সুখ দুঃখ ও জ্ঞানের নিষ্পত্তি হইতেছে । এই জন্য স্বীকার করিতে হইতেছে যে, আত্মার অনুমাপক লিঙ্গের কোনরূপ বিশেষ বা বৈলক্ষণ্য নাই । অতএব আত্মা একমাত্র । দেহভেদে আত্মা ভিন্ন ভিন্ন নহে । আকাশের একত্র সমর্থন করিবার সময় কণাদ বলিয়াছেন যে,—

• শব্দলিঙ্গাবিশীষাদ্বিশীষলিঙ্গাভাবাচ্ছ ।

অর্থাৎ শব্দ আকাশের লিঙ্গ বা অনুমাপক হেতু । শব্দ দ্বারা শব্দের আত্ম্যরূপে আকাশ অনুমিত হয় । আকাশলিঙ্গ-শব্দের কোন বিশেষ বা বৈলক্ষণ্য নাই, এবং এমন কোন বিশেষ অনুমাপক হেতু নাই, যদ্বারা আকাশের নানাত্ব অনুমান করা যাইতে পারে । অতএব আকাশ এক । প্রকৃত-স্থলে সুখ, দুঃখ ও জ্ঞাননিষ্পত্তি আত্মার লিঙ্গ । ঐ লিঙ্গের কোন বিশেষ বা বৈলক্ষণ্য নাই, এবং এমন কোন বিশেষ লিঙ্গও নাই, যদ্বারা আত্মার নানাত্ব অনুমিত হইতে পারে । অতএব আত্মা এক । কণাদ উক্ত সূত্র দ্বারা পূর্বপক্ষরূপে একাত্ম-বাদের অবতারণা করিয়াছেন । এ বিষয়ে কণাদের সিদ্ধান্ত এই যে, সুখ, দুঃখ ও জ্ঞান-নিষ্পত্তিরূপ আত্মার অনুমাপক হেতুর কোন বিশেষ নাই ইহা সত্য, কিন্তু বিশেষ লিঙ্গ নাই ইহা স্বীকার করা যাইতে পারে না । এমন বিশেষ লিঙ্গ আছে, যদ্বারা আত্মার নানাত্ব বা দেহভেদে আত্মভেদ অনুমিত হইতে পারে ।

সেই বিশেষ লিঙ্গ আর কিছুই নহে । পূর্বোক্ত স্ত্রুথ দুঃখা-
দির ব্যবস্থা । কণাদেবের দ্বিতীয় সূত্রটি এই,—

ব্যবস্থাতো নানা ।

অর্থাৎ স্ত্রুথ দুঃখাদির ব্যবস্থা আছে এই জন্য আত্মা নানা
অর্থাৎ দেহভেদে ভিন্ন ভিন্ন । কণাদেবের তৃতীয় সূত্র—

শাস্ত্রসামর্থ্যম্ ।

অর্থাৎ শাস্ত্র প্রমাণেও আত্মার নানাত্ব প্রতিপন্ন হয় ।
টীকাকারেরা কণাদ-সূত্রের যেরূপ ব্যাখ্যা করিয়াছেন, তাহার
তাৎপর্য প্রদর্শিত হইল । সাংখ্যাচার্যদিগের মত স্থানান্তরে
বিবৃত হইয়াছে বলিয়া এখানে বিশেষরূপে উল্লিখিত হইল না ।
টীকাকারেরা কণাদ-সূত্রের যেরূপ তাৎপর্য বর্ণনা করিয়াছেন,
ঐ তাৎপর্য প্রকৃতপক্ষে কণাদেবের অভিপ্রেত কি না, তাহা
নির্ণয় করা স্ককঠিন । কণাদ-সূত্রগুলির মোটামুটি অর্থ এই-
রূপ হইতে পারে—স্ত্রুথ, দুঃখ ও জ্ঞান-নিষ্পত্তির বিশেষ নাই
বলিয়া আত্মা এক । স্ত্রুথ দুঃখাদির ব্যবস্থা আছে বলিয়া
আত্মা নানা । শাস্ত্রপ্রমাণ অনুসারেও ইহা বুঝিতে হইবে ।
এতদ্বারা এরূপও বলা যাইতে পারে যে আত্মা বস্তুগত্যা এক ।
স্ত্রুথাদির ব্যবস্থা দেখিতে পাওয়া যায় বলিয়া আকাশের ন্যায়
উপাধিভেদে আত্মা নানা । শাস্ত্রেও প্রকৃতপক্ষে আত্মার একত্ব
এবং উপাধিভেদে আত্মার নানাত্ব সমর্থিত হইয়াছে ।
আত্মা বস্তুগত্যা এক এবং উপাধিভেদে ভিন্ন, এই বিষয়ে
শাস্ত্রীয় প্রমাণ স্থানান্তরে প্রদর্শিত হইয়াছে বলিয়া এখানে
তাহা উদ্ধৃত করা হইল না । আত্মা এক এবং উপাধিভেদে
ভিন্ন ভিন্ন ইহা বেদান্তশাস্ত্রে স্পষ্ট ভাষায় কথিত

হইয়াছে । কণাদ-সূত্রের তাৎপর্য উক্তরূপ হইলে বেনান্ত মতের সহিত বৈশেষিক মতের বিশেষ পার্থক্য হয় না । সে যাহা হউক, যদি টীকাকারদিগের বর্ণিত তাৎপর্যই কণাদের অভিপ্রেত বলিয়া ধরিয়া লওয়া যায়, তথাপি ইহা নিঃসঙ্কোচে বলা যাইতে পারে যে স্থখাদি লিঙ্গের বিশেষ নাই বলিয়া আত্মা এক, ইহা কণাদেরও সম্ভবত বলিয়া বোধ হইয়াছিল । কিন্তু একাত্মবাদে স্থখ দুঃখাদির ব্যবস্থা হইতে পারে না বলিয়া কণাদ, নানাত্মবাদ অর্থাৎ আত্মার নানাত্ব অঙ্গীকার করিতে বাধ্য হইয়াছেন । দেখা যাইতেছে যে স্থখ দুঃখাদির ব্যবস্থার উপপত্তি করিবার জন্যই আত্মার নানাত্ব স্বীকার করা হইয়াছে ।

কিন্তু নানাত্মবাদীর। স্থখ দুঃখাদির ব্যবস্থার বিরূপ উপপত্তি করিতে পারিয়াছেন, তাহার আলোচনা করা অসম্ভব হইবে না । ঐ আলোচনা করিতে হইলে নানাত্মবাদীদিগের দুই একটি সিদ্ধান্ত অবগত হওয়া আবশ্যিক । সংক্ষেপে তাহা প্রদর্শিত হইতেছে । নানাত্মবাদে সমস্ত আত্মাই বিভূ বা সর্বগত । তন্মধ্যে বৈশেষিক ও সাংখ্য আচার্য্যদিগের মতভেদ আছে । বৈশেষিক আচার্য্যদিগের মতে আত্মা বিভূ হইলেও আত্মা ঘটকুড়্যাদির ন্যায় দ্রব্যপদার্থ এবং ঘটকুড়্যাদির ন্যায় অচেতন-স্বভাব । অর্থাৎ আত্মার স্বাভাবিক চৈতন্য নাই । অণুপরিমাণ অর্থাৎ সূক্ষ্ম-পরিমাণ মন আত্মার উপকরণ বা ভোগসাধন । মনও আত্মার ন্যায় দ্রব্যপদার্থ । আত্মানামক দ্রব্যের সহিত মনো নামক দ্রব্যের সংযোগ হইলে বুদ্ধি, স্থখ, দুঃখ, ইচ্ছা, দ্বেষ, প্রবল, ধর্ম, অধর্ম ও “ভাবনাখ্য”

সংস্কার, এই নয়টাই বিশেষ গুণ আত্মদ্রব্যে সমুৎপন্ন হয় । যে আত্মার সহিত মনের সংযোগ হইলে যে বিশেষ গুণের উৎপত্তি হয়, ঐ বিশেষ গুণ ঐ আত্মাতেই সমবেত হয় আত্মান্তরে সমবেত হয় না । আত্মাতে বিশেষ গুণের সমবায় বা সমুৎপত্তিই সংসার । আত্মাতে বিশেষ গুণের অত্যন্ত অনুৎপত্তিই মোক্ষ ।

সাংখ্যাচার্য্যদিগের মতেও সমস্ত আত্মা বিভূ বা সর্বগত । এ অংশে বৈশেষিক ও সাংখ্য আচার্য্যদিগের মতভেদ নাই । পরন্তু বৈশেষিক আচার্য্যদিগের মতে আত্মা স্বতঃ অচেতন এবং বুদ্ধ্যাদি বিশেষগুণের আশ্রয় । সাংখ্যাচার্য্যদিগের মতে সমস্ত আত্মাই চৈতন্যমাত্র-স্বরূপ, নিগুণ ও নিরতিশয় । প্রধান বা প্রকৃতি সর্বভূ-সাধারণ । প্রধানের প্রকৃতি পুরুষার্থ বা আত্মার্থ । সুতরাং আত্মার ভোগ ও অপবর্গ বা মুক্তি প্রধান দ্বারাই সম্পন্ন হয় ।

সুধীগণ বুঝিতে পারিতেছেন যে, বেদান্তমতে একমাত্র আত্মা সর্বশরীরগত । আত্মভেদবাদীদিগের মতে অসংখ্য আত্মা সর্বশরীরগত । তাঁহাদের মতে জগতে যত আত্মা আছে, প্রত্যেক শরীরে সেই সমস্ত আত্মা অবস্থিত । আমার শরীরে যেমন আমি আছি, সেইরূপ আপনারা সকলেই আমার শরীরে আছেন । কেবল তাহাই নহে, পশু পক্ষী কীট পতঙ্গ প্রভৃতি যত প্রাণী আছে, তৎসমস্তই আমার শরীরে আছে, এইরূপে জগতের প্রত্যেক শরীরে অসংখ্য আত্মা আছে । কেন না, সকল আত্মাই বিভূ বা সর্বগত । আত্মা নাই এমন স্থান অসম্ভব । সকল আত্মাই যখন সর্বগত, তখন প্রত্যেক শরীরে অসংখ্য

আত্মা আছে, সে বিষয়ে সন্দেহ হইতে পারে না । বেদান্তি-
মতে আত্মা একমাত্র । এই জন্য বেদান্তমতে সুখ দুঃখাদির
ব্যবস্থা হইতে পারে না, বলিয়া বৈশেষিক প্রভৃতি আচার্য্যগণ
দেহভেদে আত্মভেদ স্বীকার করিয়াছেন । তাঁহারা অসংখ্য
আত্মা এবং তাহাদের অর্থাৎ অসংখ্য আত্মার সর্বগতত্ব
স্বতরাং সর্বশরীরে অবস্থিতি স্বীকার করিয়া সুখ দুঃখাদির
ব্যবস্থা কিরূপ উপপন্ন করিতে পারিয়াছেন, স্বধীগণ তাহার
বিচার করিবেন । বেদান্তমতে এক আত্মা সর্বদেহে অবস্থিত,
বৈশেষিক প্রভৃতি আচার্য্যগণের মতে প্রত্যেক দেহে অসংখ্য
আত্মা অবস্থিত । সূচীর এক ছিদ্র, চালনীর শত ছিদ্র ।
চালনী সূচীকে নিন্দা করেন ইহা কোতুকাবহ বটে ! শকুন্তলা
দুঃস্বপ্নকে যথার্থ বলিয়াছিলেন যে,—

বাজন্, সর্ষপমাত্রাণি পরচ্ছিন্নাণি পশ্যসি ।

আত্মনোবিল্বমাত্রাণি পশ্যন্নপি ন পশ্যসি ।

মহারাজ, তুমি পরের সর্ষপমাত্র ছিদ্র অর্থাৎ অতি ক্ষুদ্র
দোয় দেখিতে পাও, নিজের বিল্বমাত্র ছিদ্র অর্থাৎ বৃহৎ দোয়-
সকল দেখিয়াও দেখ না । একাত্মা সর্বদেহে অধিষ্ঠিত হইলে
সুখ দুঃখাদির ব্যবস্থা হইতে পারে না বলিয়া যাহারা বেদান্ত-
মতের অনৌচিত্য প্রদর্শন করিতে বদ্ধপরিকর হইয়াছেন,
তাঁহারা অনন্ত আত্মার সর্বদেহে অধিষ্ঠান স্বীকার করিতে
কুণ্ঠিত হন নাই, ইহা আশ্চর্য্যের বিষয় সন্দেহ নাই ।

সে যাহা হউক । একাত্মবাদে এক আত্মা সর্বদেহে অধিষ্ঠিত
বলিয়া যদি সুখ দুঃখাদির অব্যবস্থা হয়, তবে নানাত্মবাদে
অনন্ত আত্মা সর্বদেহে অধিষ্ঠিত বলিয়া সুখ দুঃখাদির অব্যবস্থা

কেন হইবে না, তাহা বুঝিতে পারা যায় না । প্রত্যুত সমস্ত আত্মাই যখন সমস্ত দেহে অবস্থিত বা সন্নিহিত, তখন সন্নিধানাদির বিশেষ নাই বলিয়া এক আত্মার সুখ দুঃখ সংবন্ধ হইলে সমস্ত আত্মার সুখ দুঃখ সংবন্ধ হইতে পারে ইহা অনায়াসে বুঝিতে পারা যায় । বৈশেষিকমতে একটী আত্মার সহিত যখন মনের সংযোগ হয়, তখন অপরাপর আত্মার সহিতও মনের সংযোগ নাস্তরীযক বা অপরিহার্য । কেন না, সমস্ত আত্মার সন্নিধানাদির কোন বিশেষ বা বৈলক্ষণ্য নাই । হেতুর বিশেষ নাই বলিয়া ফলগত বিশেষও হইতে পারে না । অর্থাৎ আত্মার সহিত মনের সন্নিধানাদিগত কোন বিশেষ নাই বলিয়া একটী আত্মার সহিত মনের সংযোগ হইলে নির্বিশেষে সমস্ত আত্মার সহিত মনের সংযোগ হইবে । সমস্ত আত্মার সহিত মনের সংযোগ হইলে মনঃসংযোগ-জন্য সুখাদির অনুভবও নির্বিশেষে সমস্ত আত্মার হইতে পারে ।

সাংখ্যাচার্য্যদিগের মতেও পূর্বেবক্ত দোষ বিদ্যমান । তাঁহাদের মতে সমস্ত আত্মা চৈতন্যস্বরূপ এবং নির্বিশেষে সর্বত্র সন্নিহিত । সুখ দুঃখাদি প্রকৃতির পরিণাম-বিশেষ, প্রকৃতি সর্বপুরুষ-সাধারণ । অতএব যে দেশে প্রকৃতির সুখ দুঃখাদিরূপ পরিণাম হয়, সমস্ত আত্মা সে দেশে সন্নিহিত বলিয়া এক আত্মার সুখ দুঃখ সম্বন্ধ, হইলে সমস্ত আত্মার সুখ দুঃখ সম্বন্ধ হইতে পারে । সাংখ্যাচার্য্যেরা বলেন যে, পুরুষ বা আত্মা অসঙ্গ ও নির্লিপ্ত । প্রধান বা প্রকৃতি পরিণামস্বভাব । প্রধানের পরিণাম দ্বারাই পুরুষের সংসার ও মোক্ষ সম্পন্ন হয় । কিন্তু কি জন্য প্রধানের প্রবৃত্তি বা পরিণাম হয় তাহা বিবেচনা

করা উচিত । নিজের মাহাত্ম্য প্রকাশার্থ প্রধানের প্রবৃত্তি হইলে প্রধানের মাহাত্ম্যের অন্ত নাই বলিয়া প্রধানের প্রবৃত্তির উপরম হইতে পারে না, সুতরাং অনির্মোক্ষ প্রসঙ্গ হয় । অর্থাৎ স্বমাহাত্ম্য প্রকাশের জন্য প্রধানের প্রবৃত্তি হইলে চিরকাল প্রধানের প্রবৃত্তি অব্যাহত থাকিবে । প্রধানের প্রবৃত্তি অব্যাহত থাকিলে সুখ দুঃখাদির নিবৃত্তি হওয়া অসম্ভব । কেন না, সুখ দুঃখাদি—প্রধানের পরিণামবিশেষ ভিন্ন আর কিছুই নহে । সুখ দুঃখাদির নিবৃত্তি না হইলে মুক্তি হইতে পারে না । কেন না, সাংখ্যমতে অত্যন্ত দুঃখনিবৃত্তিই মুক্তি । অতএব বলিতে হইতেছে যে, স্বমাহাত্ম্য খ্যাপনের জন্য প্রধানের প্রবৃত্তি নহে । পুরুষার্থ সম্পাদনের জন্যই প্রধানের প্রবৃত্তি । পুরুষার্থ দুই শ্রেণীতে বিভক্ত, ভোগ ও মুক্তি । যে পুরুষের ভোগ পূর্ণ হয় নাই, অর্থাৎ পরিসমাপ্ত হয় নাই, সেই পুরুষের প্রতি, প্রধান সুখাদিরূপে পরিণত হয় । পক্ষান্তরে যে পুরুষের ভোগ পূর্ণ বা পরিসমাপ্ত হইয়াছে, সে পুরুষের প্রতি প্রধান বা প্রকৃতি সুখাদিরূপে পরিণত হয় না । সুতরাং নির্বিশেষে সমস্ত জীবের সন্নিধি থাকিলেও উক্তরূপে প্রকৃতির প্রবৃত্তিগত বৈচিত্র্য আছে বলিয়া সুখ দুঃখাদির এবং বন্ধ মুক্তির ব্যবস্থা হইবার কোন বাধা নাই । প্রধানের প্রবৃত্তি-বৈচিত্র্য স্বীকার না করিলে, প্রধান প্রবৃত্তির উদ্দেশ্যই সিদ্ধ হইতে পারে না । পূর্বেই বলিয়াছি যে, পুরুষের ভোগ ও মুক্তি প্রধান-প্রবৃত্তির উদ্দেশ্য । যেরূপে ঐ অভিলষিত সিদ্ধ হইতে পারে, তদ্রূপ কল্পনাই আদরণীয় ।

এতদ্বারা বক্তব্য এই যে, সুখ দুঃখাদির ব্যবস্থা

না হইলে উদ্দেশ্য সিদ্ধ হয় না বলিয়া সুখ দুঃখাদির ব্যবস্থা হইবে, ইহা নিতান্ত অসঙ্গত কথা । কারণ, কোনরূপ উপপত্তি বা যুক্তি অনুসারে ব্যবস্থা সঙ্গত হইতে পারে । যুক্তি বা উপপত্তি না থাকিলে কেবল উদ্দেশ্য-সিদ্ধির জন্য ব্যবস্থা হইবে একথা বলা অসঙ্গত । ব্যবস্থার হেতু নাই বলিয়া অব্যবস্থার আপত্তি উঠিয়াছে । ব্যবস্থাসিদ্ধির হেতু নির্দিষ্ট না হইলে ঐ আপত্তির খণ্ডন হইতে পারে না । বলিতে পারা যায় যে, না হউক উদ্দেশ্য সিদ্ধি । কিন্তু ব্যবস্থার হেতু নাই বলিয়া অব্যবস্থার যে আপত্তি উত্থিত হইয়াছে, তাহা তদ্বারা কিরূপে নিরাকৃত হইবে ? ফলতঃ হেতু না থাকিলে, কেবল প্রয়োজনবশতঃ ব্যবস্থা স্বীকার করা যাইতে পারে না । প্রধান অচেতন পদার্থ । তাহার প্রয়োজন বা উদ্দেশ্য থাকাও সমীচীন কল্পনা নহে । ইহা আমার উদ্দেশ্য, ইহা আমার উদ্দেশ্য নহে, জড়পদার্থের এতাদৃশ বিবেচনা হইতেই পারে না ।

আর এক কথা । প্রধানের প্রবৃত্তি-বৈচিত্র্য অনুসারে সুখাদি ব্যবস্থার কল্পনা করা হইয়াছে । কিন্তু প্রধানের প্রবৃত্তিবৈচিত্র্য কি ? তৎপ্রতিও মনোযোগ করা উচিত । সুখ দুঃখাদিরূপ বিশেষ-বিশেষ পরিণাম প্রধানের প্রবৃত্তিবৈচিত্র্য । তন্মিন্ন অন্য কোনরূপ বৈচিত্র্য যুক্তি দ্বারা নির্ণীত হইতে পারে না । প্রধান সর্বপুরুষসাধারণ, তাহার সুখাদি পরিণামও অবশ্য সর্বপুরুষসাধারণ হইবে । যে প্রদেশে ঐরূপ পরিণাম হয়, ঐ প্রদেশে সমস্ত আত্মা সম্মিহিত রহিয়াছে এবং সমস্ত আত্মা স্বপ্রকাশ । অথচ ঐ সুখাদি কোন আত্মার সম্বন্ধে ভাসমান

হইবে,কোন আত্মার সম্বন্ধে ভাসমান হইবে না, এইরূপ নিম্নলিখিত ব্যবস্থা কিরূপে অঙ্গীকৃত হইতে পারে ? অতএব কোন পুরুষের সংবন্ধে প্রকৃতি সুখাদিরূপে পরিণত হয়, কোন পুরুষের সংবন্ধে হয় না, সাংখ্যাচার্য্যদিগের এই কল্পনা একান্ত অসঙ্গত । প্রকৃতি যখন সর্বপুরুষসাধারণ, তখন তাহার পরিণাম পুরুষবিশেষ-নিয়মিত হইবার কোন হেতু নাই ।

আত্ম-ভেদবাদীরা বলেন যে, সমস্ত আত্মা সর্বগত হইলেও বিহিত ও প্রতিষিদ্ধ কর্ম-জন্য শুভাদৃষ্ট ও দুঃখাদৃষ্ট বা পুণ্য পাপ প্রত্যেক আত্মাতে ব্যবস্থিত অর্থাৎ পৃথক্ পৃথক্ ভাবে অবস্থিত রহিয়াছে । সুতরাং অদৃষ্টই প্রতিনিয়ত ভোগের নিয়ামক হইবে । অর্থাৎ মনঃসংযোগ সমস্ত আত্মার সাধারণ হইলেও অদৃষ্ট প্রত্যেক আত্মার অসাধারণ বলিয়া অদৃষ্টই সুখ দুঃখাদি ব্যবস্থার হেতু হইবে । অদৃষ্ট যখন প্রত্যাভিনিয়ত, তখন অনায়াসে বলিতে পারা যায় যে, যে আত্মার অদৃষ্টবশতঃ যে মনঃসংযোগ সমুৎপন্ন হয়, ঐ মনঃসংযোগ-জন্য সুখ দুঃখ সেই আত্মার ভোগ্য হইবে । মনঃসংযোগ সর্বাত্মসাধারণ হইলেও তজ্জনিত সুখ দুঃখ সমস্ত আত্মার ভোগ্য হইবে না ।

এতদ্বারা বক্তব্য এই যে, অদৃষ্ট প্রত্যেক আত্মার অসাধারণ ধর্ম, ইহা প্রতিপন্ন হইতে পারিলে অদৃষ্ট দ্বারা সুখদুঃখাদির ব্যবস্থা বৈশেষিক আচার্য্যগণ কথঞ্চিৎ সমর্থন করিতে পারেন । কিন্তু অদৃষ্ট প্রত্যেক আত্মার অসাধারণ ধর্ম, অর্থাৎ অদৃষ্ট সর্বাত্মসাধারণ নহে, ইহা প্রতিপন্ন হইবার কোন হেতু দেখা যায় না । কেন না, সৎকর্মের অনুষ্ঠান

করিলে শুভাদৃষ্ট এবং অসৎ কর্মের অনুষ্ঠান করিলে অশুভাদৃষ্ট সমুৎপন্ন হয় । কর্মের অনুষ্ঠান আত্ম-মনঃ-সংযোগ-সম্পাদ্য । আত্মমনঃসংযোগ সর্বাত্মসাধারণ । এখন বিবেচনা করিতে হইবে যে সর্বাত্মসাধারণ আত্মমনঃসংযোগ দ্বারা যে কর্ম সম্পাদিত হয়, তাহা সর্বাত্ম-কর্তৃক সম্পাদিত হয়, ইহা অগত্যা স্বীকার করিতে হইতেছে । কেন না, ঐ কর্ম সর্বাত্মসাধারণ আত্মমনঃসংযোগ-সম্পাদ্য এবং সমস্ত আত্মা সর্ববগত বলিয়া সর্বাত্ম সন্নিধানে সমুৎপন্ন । এই জন্য বলিতে হয় যে এক জন পুণ্য বা পাপ আচরণ করিলে তাহা সমস্ত আত্মা কর্তৃক আচরিত হয় । সুতরাং তদ্রূপ অদৃষ্ট সর্বাত্মসাধারণ হওয়াই উচিত ।

স্বধীগণ বুঝিতে পারিতেছেন যে অদৃষ্ট প্রত্যেক আত্মার অসাধারণ ধর্ম হইলে তদ্বারা সুখদুঃখাদির ব্যবস্থা হইতে পারে বটে, কিন্তু অদৃষ্টের কারণ আত্মমনঃ সংযোগ—প্রত্যেক আত্মাতে ব্যবস্থিত হইবার হেতু নাই বলিয়া অদৃষ্ট প্রত্যেক আত্মাতে ব্যবস্থিত হইতে পারে না । উহা সর্বাত্মসাধারণ হইয়া পড়ে । অর্থাৎ অদৃষ্ট যখন সাধারণ আত্মমনঃসংযোগ-জন্য বা সর্বাত্মসাধারণ-মনঃসংযোগ-জন্য, তখন ঐই আত্মার ঐই অদৃষ্ট এইরূপে অদৃষ্ট নিয়মিত হইবার কোন হেতু নাই । সুতরাং অদৃষ্ট দ্বারাও প্রতিনিয়ত ভোগের উপপত্তি বা সমর্থন করা যাইতে পারে না ।

আশঙ্কা হইতে পারে যে, অভিসন্ধ্যাদি দ্বারা অদৃষ্টের ব্যবস্থা এবং অদৃষ্ট দ্বারা ভোগের ব্যবস্থা হইবে অর্থাৎ আমি এই কর্ম দ্বারা এই ফল লাভ

করিব, এইরূপ অভিসন্ধিপূর্বক লোকে কর্মের অনুষ্ঠান করে । অতএব বলা যাইতে পারে যে, যে আত্মার অভিসন্ধি অনুসারে যে কর্মের অনুষ্ঠান হয়, সেই আত্মাতেই তৎকর্ম-জন্য অদৃষ্টের উৎপত্তি হইবে । উক্তরূপে অদৃষ্ট প্রত্যাশানিয়ত হইলে অদৃষ্টানুসারে ভোগও প্রত্যাশানিয়ত হইতে পারে । এই আশঙ্কার সমাধান স্থলে বক্তব্য এই যে, উক্ত প্রকার অভিসন্ধিও আত্মমনঃসংযোগ-জন্য । আত্মমনঃসংযোগ সর্বাত্মসাধারণ ইহা পূর্বেই বলিয়াছি । আত্মমনঃসংযোগ সর্বাত্মসাধারণ হইলে তজ্জন্য অভিসন্ধিও সর্বাত্মসাধারণ হইবে । সুতরাং এই অভিসন্ধি এই আত্মার, অপর-আত্মার নহে, এইরূপ বলিবার উপায় নাই । অতএব অভিসন্ধি দ্বারাও ব্যবস্থা নির্বাহ হইতে পারে না । ইচ্ছাসাধনতা-জ্ঞান, কৃতীসাধ্যত্ব-জ্ঞান প্রভৃতিও কল্যাচরণের হেতু বটে । . পরন্তু তাহারাও ব্যবস্থার হেতু হইতে পারে না । কেন না, পূর্বেবক্ত যুক্তি অনুসারে তৎসমস্তই সর্বাত্মসাধারণ হইবে । সাংখ্যমতে অদৃষ্টাদি আত্মারধর্ম নহে বুদ্ধির ধর্ম, ভোগ কিন্তু আত্মার ধর্ম । সুতরাং বুদ্ধিগত অদৃষ্টাদি আত্মগত ভোগের নিয়ামক হইবে, এ কল্পনা সমীচীন বলা যাইতে পারে না ।

বৈশেষিক আচার্য্যেরা বলেন যে, সমস্ত আত্মা বিড়ু বা সর্বগত হইলেও মন অণুপরিমাণ । অণুপরিমাণ মন শরীরেই প্রতিষ্ঠিত, এ বিষয়ে সন্দেহ করিবার কারণ নাই । এতদ্বারা বুঝা যাইতেছে যে, প্রতি শরীরে ভিন্ন ভিন্ন মন অবস্থিত । শরীরস্থ মনের সহিত আত্মার সংযোগ শরীরের বহির্দেশা-বচ্ছেদে হওয়া একান্ত অসম্ভব । এ জন্য বলিতে হইতেছে

কে, আত্মা বিভূ হইলেও শরীরস্থ মনের সহিত আত্মার সংযোগ শরীরাবচ্ছিন্ন আত্মপ্রদেশেই সমুৎপন্ন হইবে । যদি তাহাই হইল, তবে আত্মপ্রদেশ দ্বারাই অভিসন্ধ্যাতির, অদৃষ্টের এবং সুখাদি ভোগের ব্যবস্থা অনায়াসে সিদ্ধ হইতে পারে । এতদ্ব্যতীত বক্তব্য এই যে, সমস্ত আত্মাই বিভূ বা সর্বগত সুতরাং সমস্ত আত্মাই সর্বশরীরে অন্তর্ভূত হইতেছে^১ বলিয়া আত্মপ্রদেশদ্বারাও অভিসন্ধ্যাতির এবং ভোগের ব্যবস্থা সমর্থন করিতে পারা যায় না । কেন না, সমস্ত আত্মার প্রদেশ সমস্ত শরীরে অবস্থিত বলিয়া সমস্ত প্রদেশের সহিত মনের সংযোগ হইবে সন্দেহ নাই । সুতরাং আত্মপ্রদেশের দ্বারাও অভিসন্ধ্যাতির, অদৃষ্টের এবং সুখাদি ভোগের ব্যবস্থা হইতে পারিতেছে না ।

বৈশেষিক আচার্য্যগণ আত্মপ্রদেশের ভেদ স্বীকার করিয়া ব্যবস্থা সমর্থন করিতে সমুদ্যত হইয়াছেন । পরন্তু আত্মপ্রদেশ বলিতে কি বুঝিতে হইবে, তাহা বিবেচনা করা উচিত । মনঃসংযুক্ত আত্মাকেই যদি আত্মপ্রদেশ বলা হয়, তবে সমস্ত আত্মা সর্বগত বলিয়া সর্বশরীরে সমস্ত আত্মার সমাবেশ অপরিহার্য্য । সুতরাং শরীরাবস্থিত মনের সংযোগ সমস্ত আত্মার সহিত সঙ্ঘটিত হইবে । অতএব তদ্বারা ব্যবস্থা সমর্থন করা অসম্ভব । যদি বলা হয় যে সমস্ত আত্মা সর্বশরীরগত হইলেও প্রত্যেক আত্মার বিশেষ বিশেষ প্রদেশ কল্পনা করা যাইতে পারে—কল্পনা করা যাইতে পারে যে আত্মা সর্বশরীরগত হইলেও ঐ বিশেষ বিশেষ আত্মপ্রদেশ বিশেষ বিশেষ শরীরগত হইবে । উহা সর্বশরীরগত হইবে

না । সুতরাং আত্মাদ্বারা না হউক, আত্মপ্রদেশদ্বারা সুখ দুঃখাদির ব্যবস্থা হইবার কোন বাধা হইতে পারে না ।

এতদুত্তরে বক্তব্য এই যে, তাঁহাদের মতে সমস্ত শরীরে সমস্ত আত্মার সান্নিধ্য তুল্যরূপে বর্তমান । এ অবস্থায় কোন আত্মার প্রদেশ কোন বিশেষ শরীরেই থাকিবে, অপরাপর শরীরে থাকিবে না, ঈদৃশ কল্পনার কোন হেতু নাই । অধিকন্তু আত্মা নিষ্প্রদেশ অর্থাৎ নিরবয়ব বস্তুগত্যা আত্মার প্রদেশ বা অবয়ব নাই । উহা কাল্পনিক ভিন্ন বাস্তবিক বলা যাইতে পারে না । যাহা কাল্পনিক, তাহা পারমার্থিক কার্যের নিয়ামক হইতে পারে না । কাল্পনিক বিষয়ের অস্তিত্ব নাই । যাহার অস্তিত্ব নাই, সে কিরূপে ব্যবস্থার সাধক হইবে ? ভোগের প্রদেশবিশেষ স্বীকার করিলেও এক প্রদেশে দুই আত্মার সমানরূপে সুখ দুঃখ ভোগ দেখিতে পাওয়া যায় বলিয়া তদ্বারাও ভোগ-সাংকর্যের পরিহার করা যাইতে পারে না । কেন না, দুই আত্মার অদৃষ্ট সমান-প্রদেশ হওয়া নিতান্ত অসম্ভব নহে । দেখিতে পাওয়া যায় যে, দেবদত্ত যে প্রদেশে সুখ বা দুঃখ অনুভব করিয়াছে, দেবদত্ত শরীর সেই প্রদেশ হইতে প্রদেশান্তর গত হইলে এবং যজ্ঞদত্তের শরীর পূর্বোক্ত প্রদেশে সমাগত হইলে যজ্ঞদত্তও দেবদত্তের ন্যায় সুখ বা দুঃখ অনুভব করিয়া থাকে । দেবদত্তের এবং যজ্ঞদত্তের অদৃষ্ট সমান-প্রদেশ না হইলে তাহাদের উভয়ের তুল্যরূপে সুখ দুঃখ ভোগ হইতে পারে না । অতএব দেবদত্তের এবং যজ্ঞদত্তের অদৃষ্ট সমান-প্রদেশ, ইহা স্বীকার করিতে হইতেছে ।

অদৃষ্ট, প্রত্যক্ষ-পরিদৃষ্ট পদার্থ নহে । ভোগরূপ কার্য দর্শনে তৎকারণরূপে অদৃষ্টের অনুমান করিতে হয় । সমান প্রদেশে উভয়ের ভোগ দৃষ্ট হইতেছে বলিয়া উভয়ের অদৃষ্টও সমান-প্রদেশ, এরূপ অনুমান করিবার কারণ রহিয়াছে । দেবদত্তের আত্মা এবং যজ্ঞদত্তের আত্মা সর্বগত, উভয়ের ভোগও সমান এবং সমান প্রদেশে সমুৎপন্ন । সুতরাং উক্ত স্থলে একটা শরীর দ্বারা উভয়ের ভোগ হইতে পারে ।

যদি বলা হয় যে আত্মা সকল ভিন্ন ভিন্ন অতএব আত্মভেদে আত্মপ্রদেশও ভিন্ন ভিন্ন হইবে সুতরাং ভোগ সাংকর্ষ্যের আপত্তি সঙ্গত নহে । তাহা হইলে বক্তব্য এই যে আত্মপ্রদেশ ভিন্ন ভিন্ন ইহা স্বীকার করিলেও ভিন্ন ভিন্ন আত্মপ্রদেশ এক শরীরে অন্তর্ভূত হয় বলিয়া উক্ত স্থলে ভোগসাংকর্ষ্যের পরিহার করা যাইতে পারে না । কল্পিতপ্রদেশ পারমার্থিক ভোগের নিয়ামক হইতে পারে না ইহা পূর্বেই বলিয়াছি । আত্মার প্রদেশ কল্পিত নহে, আত্মার প্রদেশ পারমার্থিক অর্থাৎ যথার্থ, ইহা স্বীকার করিলে আত্মা সাবয়ব পদার্থ, ইহা স্বীকার করিতে হয় । কেন না, প্রদেশ আর কিছুই নহে, উহা অবয়বের নামান্তর মাত্র । আত্মা কিন্তু সাবয়ব নহে—আত্মা নিরবয়ব ইহা সিদ্ধ হইয়াছে । এবং তাহা বৈশেষিক আচার্য্যদিগেরও অনুমত । সুতরাং আত্মার প্রদেশ-ভেদ স্বীকার করা এবং তদ্বারা ভোগ ব্যবস্থা সমর্থন করিতে যাওয়া সঙ্গত বলা যাইতে পারে না ।

যে আত্মার যে শরীর, সেই শরীরে সেই আত্মারই ভোগ হইবে অন্য আত্মার ভোগ হইবে না । অতএব শরীর বিশেষ,

তৎশরীরস্বামী-আত্মার প্রাদেশরূপে অঙ্গীকৃত হইলে ভোগ ব্যৱস্থা সমর্থিত হইতে পারে, বৈশেষিক আচার্য্যদিগের এতাদৃশ কল্পনা করিবারও উপায় নাই । কারণ, শরীর সমস্ত আত্মার সন্নিধিতে সমুৎপন্ন । এ অবস্থায় এই শরীর এই আত্মার অন্য আত্মার নহে, অর্থাৎ এই আত্মাই এই শরীরের স্বামী অপরাপর আত্মা এই শরীরের স্বামী নহে, তাহার অপরাপর শরীরের স্বামী, এই-রূপ নিয়ম হইবার কোন হেতু নাই । অর্থাৎ বিশেষ বিশেষ আত্মা বিশেষ বিশেষ শরীরের স্বামী হইবে স্ততরাং বিশেষ বিশেষ শরীরে বিশেষ বিশেষ আত্মার ভোগ হইবে । সমস্ত শরীরে সমস্ত আত্মার ভোগ হইবে না । এতাদৃশ নিয়ম কোন প্রমাণ দ্বারা সমর্থন করিতে পারা যায় না । অধিকন্তু শরীর ভোগ নিয়ামক হইলে শরীরান্তর সম্পাদ্য স্বর্গ নরক ভোগ হইতে পারে না । কেন না, ব্রাহ্মণাদি শরীর দ্বারা যেকন্মের অনুষ্ঠান হয়, সেই কন্ম জন্ম অদৃষ্ট ব্রাহ্মণাদি শরীরপ্রদেশে সমুৎপন্ন হইবে । স্বর্গাদির উপভোগ কিন্তু ব্রাহ্মণাদি শরীরপ্রদেশে হয় না । প্রাদেশান্তরে শরীরান্তর দ্বারা স্বর্গাদির উপভোগ সম্পন্ন হইয়া থাকে । কথাটা একটু পরিষ্কারভাবে বুঝিবার চেষ্টা করা যাইতেছে । আত্মা সর্বগত ইহা পূর্বেই বলিয়াছি । সর্বগত আত্মা ইহলোকে এবং লোকান্তরে সমস্ত প্রদেশে তুল্যরূপে বিদ্যমান থাকিবে । আত্মা সর্বগত বলিয়া তাহার প্রাদেশান্তরে গমন, বা প্রাদেশান্তর হইতে এতৎপ্রদেশে আগমন হইতে পারে না । কেন না, বিভূ বা সর্বগত পদার্থের গতি বা আগতি কিছুই হইতে পারে না । মৃত্যুর পরেও ইহলোকস্থ আত্মাপ্রদেশ লোকান্তরে যায় না । পরন্তু লোকান্তরস্থ আত্মাপ্রদেশে অদৃষ্ট-

বশত শরীরান্তরের সংযোগ হইয়া পারলৌকিক ভোগ সম্পন্ন হয় । তাহা হইলে আত্মার প্রদেশ কল্পনা করিয়াও পারলৌকিক ভোগের অর্থাৎ স্বর্গ নরক ভোগের উপপত্তি করিতে পারা যায় না । কেন না, পারলৌকিক ভোগের হেতু অদৃষ্ট এতলোকস্থ আত্মপ্রদেশে সমুৎপন্ন হইয়াছে । যে আত্মপ্রদেশে অদৃষ্ট সমুৎপন্ন হইল, সে আত্মপ্রদেশ ইহলোকেই রহিল । যদি তাহাই হইল, তবে ইহলোকস্থ আত্মপ্রদেশগত অদৃষ্ট পরলোকস্থ আত্মপ্রদেশের ভোগ কিরূপে সম্পাদন করিতে পারে ? শরীরাবচ্ছিন্ন আত্মপ্রদেশ অদৃষ্টের আশ্রয় বা ভোগের নিয়ামক বলিলেও পূর্বোক্ত দোষের নিবারণ হয় না । কারণ, ইহলোকে ভ্রাক্ষণাদি শরীরাবচ্ছিন্ন আত্মপ্রদেশে অদৃষ্ট উৎপন্ন হইয়াছে । পরলোক স্বর্গিশরীরাবচ্ছিন্ন আত্মপ্রদেশে ভোগ নিয়ামক অদৃষ্ট উৎপন্ন হয় নাই । সুতরাং স্বর্গিশরীরাবচ্ছিন্ন আত্মপ্রদেশে ভোগ হইতে পারে না ।

কেহ কেহ বলেন যে ইহলোকস্থ আত্মপ্রদেশে অদৃষ্ট উৎপন্ন হইলেও ঐ অদৃষ্ট আত্মাতেই উৎপন্ন হইয়াছে । অদৃষ্ট যে আত্মাতে উৎপন্ন হইয়াছে, উহা যে কোন প্রদেশে ঐ আত্মার ভোগ সম্পাদন করিবে । সুতরাং ইহলোকস্থ আত্মপ্রদেশে সমুৎপন্ন অদৃষ্ট পরলোকস্থ আত্মপ্রদেশের ভোগহেতু হইতে পারে । এতদুত্তরে বক্তব্য এই যে, তাহা হইলে ভোগ নিয়ামক অদৃষ্ট ভোগশরীর অপেক্ষা অত্যন্ত দূরস্থ হইতেছে । কেন না, ইহলোকস্থ আত্মপ্রদেশে অদৃষ্ট উৎপন্ন হইয়াছে, তদ্বারা পরলোকস্থ আত্মপ্রদেশে ভোগ সম্পন্ন হইবে । রত্নপ্রভাকার বলেন যে ভোগ শরীর অপেক্ষা দূরস্থ অদৃষ্ট ভোগের নিয়ামক হইবে, এ

বিষয়ে কোন প্রমাণ নাই। বিবেচনা করা উচিত যে দৃষ্টান্তসমূহে অদৃষ্টের কল্পনা করিতে হয়। দেখিতে পাওয়া যায় যে, কারণ এবং কার্য সমান-দেশ-স্থ হইয়া থাকে। দূরস্থ কারণ দূরস্থ কার্যের উৎপাদন করে, ইহা দৃষ্টচর নহে। সুতরাং অদৃষ্টের বেলায় ঐরূপ কল্পনা সমীচীন বলা যাইতে পারে না।

অট্টালিকার এক প্রদেশে প্রদীপ থাকিলে প্রদেশান্তর আলোকিত হয় না। পৃথিবীর এক প্রদেশে ভূকম্প, বায়ুপ্রাণ বা জলপ্রাণ হইলে পৃথিবীর প্রদেশান্তরে তজ্জনিত অনিষ্ট-পাত হয় না। সমুদ্রে প্রবল তরঙ্গের প্রাচুর্য্য হইলে বিচক্ষণ নাবিকেরা তরঙ্গনিবৃত্তির জন্য সমুদ্রে তৈল নিঃক্ষেপ করিয়া থাকেন। সমুদ্রের যে প্রদেশে তৈল নিঃক্ষিপ্ত হয়, তদ্বারা ঐ প্রদেশের তরঙ্গের নিবৃত্তি হইয়া থাকে। সমুদ্রের প্রদেশান্তরে তরঙ্গের নিবৃত্তি হয় না। অতএব আত্মার প্রদেশান্তরস্থ অদৃষ্ট প্রদেশান্তরগত ভোগের নিয়ামক হইবে, এই কল্পনা দৃষ্টান্ত-সারিণী হইতেছে না। তৈল—তরল পদার্থের উদ্বেলন নিবৃত্তি করিতে পারে, ইহা এতদেশেও সুপরিজ্ঞাত। ডাল উথলিয়া উঠিলে মেয়েরা তাহাতে কিঞ্চিৎ তৈল প্রদান করিয়া তাহার উদ্বেলন নিবৃত্তি করিয়া থাকে।

সে যাহা হউক, সত্য বটে যে, এক এক শরীরে একটি একটি মন আছে। ঐ মনের সহিত আত্মার সংযোগ হইয়া আত্মাতে অদৃষ্টের উৎপত্তি হয়। কিন্তু বিবেচনা করা উচিত যে, একটি শরীরে একটিমাত্র মন হইলেও একটি শরীরে একটিমাত্র আত্মা নহে। সমস্ত আত্মাই সর্বগত বলিয়া প্রত্যেক শরীরে অনন্ত আত্মার সন্নিধান রহিয়াছে। এক শরীরে

মন এক হইলেও আত্মভেদে মনঃসংযোগের বা আত্মমনঃ-
সংযোগের ভেদ হইবে সন্দেহ নাই । আত্মভেদে মনঃসংযোগের
ভেদ হইলে এক শরীরে অনন্ত আত্মার সহিত এক মনের
অনন্ত সংযোগ হয় ইহা স্বীকার করিতে হইতেছে । তাহা
হইলেও তন্মধ্যে কোন এক সংযোগ ব্যক্তি কোন আত্মার
ভোগের ও অদৃষ্টের হেতু হইবে, এক শরীরে অনন্ত সংযোগ
ব্যক্তি অনন্ত আত্মার ভোগের হেতু হইবে না । এইরূপ
স্বীকার করিলে ভোগের এবং অদৃষ্টের ব্যবস্থা হইতে পারে ।

এতদুত্তরে বক্তব্য এই যে উক্তরূপ কল্পনা করিলে ব্যবস্থা
হইতে পারে বটে, পরন্তু উক্তরূপ কল্পনা করিবার কোন হেতু
নাই । কেবল ব্যবস্থা হইতে পারে বলিয়া প্রয়োজনের অনু-
রোধে প্রমাণশূন্য কল্পনা স্বীকার করিতে হইতেছে । তাহা
কিন্তু সমীচীন বলা বাহিতে পারে না । কেন না, উক্তরূপ কল্পনা
ব্যবস্থার হেতু হইতে পারিলেও উক্তরূপ কল্পনা করিবার
কোন হেতু আদৌ নাই । যাহার হেতু নাই, তাহা স্বয়ং
নির্মূল । যাহা নিজে নির্মূল, তদ্বারা অন্যের ব্যব-
স্থার প্রত্যাশা দুরাশা মাত্র । স্বীকার করি যে মন
এক হইলেও আত্মভেদে মনঃসংযোগ ভিন্ন ভিন্ন হইবে ।
পরন্তু ভিন্ন ভিন্ন হইলেও সংযোগগুলি একরূপ অর্থাৎ সমান-
ধর্মাক্রান্ত । সংযোগ ব্যক্তিগত কোনরূপ বৈজাত্য অর্থাৎ বিশে-
ষত্ব নাই । সুতরাং এই সংযোগ ব্যক্তি এই আত্মার ভোগের
হেতু হইবে, অপরাপর আত্মার ভোগের হেতু হইবে না ।
এরূপ কল্পনা করিতে পারা যায় না । কেন না, এক শরীরে
সংস্কৃত আত্মার সমিধান রহিয়াছে । ঐ শরীরে মন একটা

বটে । কিন্তু ঐ একটি মন ঐ শরীর সম্বন্ধিত সমস্ত আত্মার সহিত সংযুক্ত হইবে সন্দেহ নাই । এরূপস্থলে ঐ শরীর নিষ্পাদ্য শুভাশুভ কৰ্ম্ম, একটি মাত্র নির্দিষ্ট আত্মাতে অদৃষ্ট উৎপাদন করিবে, অপরাপর আত্মাতে অদৃষ্টের উৎপাদন করিবে না এইরূপ বলিবার কোন হেতু নাই । অতএব এক শরীরে সমস্ত আত্মার ভোগপ্রসঙ্গ অপরিহার্য্য ।

শরীর ও মনের সহিত আত্মার স্ব-স্বামিভাব সংবন্ধ স্বীকার করিলে ব্যবস্থার উপপত্তি করা যাইতে পারে বটে, কিন্তু এরূপ স্ব-স্বামিভাব সংবন্ধ নির্দিষ্ট করিবার কোন উপায় নাই, ইহা পূর্বে বলিয়াছি । কথাটা আরও পরিষ্কার ভাবে বুঝিবার চেষ্টা করা যাইতেছে । প্রত্যেক শরীরে অসংখ্য আত্মার সম্মিধান থাকিলেও যে আত্মার যে শরীর, সেই শরীর নিষ্পাদ্য কৰ্ম্ম সেই আত্মাতেই অদৃষ্ট উৎপাদন করিবে । এবং প্রত্যেক শরীরে এক একটি মনের সহিত অসংখ্য আত্মার সংযোগ হইলেও যে আত্মার যে মন, সেই মনের সংযোগ সেই আত্মাতেই ভোগের হেতু হইবে । এইরূপে দেহ ও মনের সহিত আত্মার স্ব-স্বামিভাব সংবন্ধই ব্যবস্থার হেতু হইতে পারে । এতদ্বত্তরে বক্তব্য এই যে স্ব-স্বামিভাব সংবন্ধ নির্দিষ্ট হইতে পারিলে উহা ব্যবস্থার হেতু হইতে পারে বটে, কিন্তু স্ব-স্বামিভাব সংবন্ধ নির্দিষ্ট করিবার উপায় নাই । শরীর, সমস্ত আত্মার সম্মিধানে সমুৎপন্ন । মন, সমস্ত আত্মার সহিত সংযুক্ত । এ অবস্থায় এই আত্মার এই শরীর এবং এই আত্মার এই মন এইরূপে শরীর ও মনকে নিয়মিত করিবার কোন হেতু নাই । অদৃষ্টের দ্বারাও স্ব-স্বামিভাব সংবন্ধ নিয়মিত করা যাইতে পারে ।

না। কেন না, অদৃষ্ট নিয়মিত হইলে তদ্বারা স্ব-স্বামিভাৱ সংবন্ধ নিয়মিত হইতে পারে। পরন্তু অদৃষ্ট নিয়মিত হইবার হেতু নাই। সমস্ত আত্মার সন্নিধানের অবিশেষ বলিয়া এই আত্মাতে এই অদৃষ্ট উপপন্ন হইবে অপরাপর আত্মাতে উপপন্ন হইবে না, এতাদৃশ নিয়মের কোন হেতু নাই। ইহা পূর্বেই বলিয়াছি।

আর একটা বিষয় বিবেচনা করা উচিত। বৈশেষিক আচার্য্যগণ দেহভেদে আত্মভেদ অঙ্গীকার করিয়াছেন, আত্মার কর্তৃত্ব স্বীকার করিয়াছেন এবং সমস্ত আত্মা বিভূ বা সর্বগত, ইহা সিদ্ধান্ত করিয়াছেন। বৈদান্তিক আচার্য্যগণ বলেন যে বৈশেষিক আচার্য্যদিগের মত সমীচীন হয় নাই। প্রথমতঃ কর্তার সর্বগতত্বের কোন প্রমাণ নাই। প্রত্যুত আমি গঙ্গাতে স্নান করিয়াছি এখন দেবালয়ে দেবার্চনা করিতেছি ইত্যাদি-রূপে কর্তার প্রাদেশিকত্ব অর্থাৎ প্রদেশ বিশেষে অবস্থিতিই অনুভূয়মান হইতেছে। দ্বিতীয়তঃ অনেক আত্মা সর্বগত বলাও সম্ভব হয় নাই। কেন না, অনেক আত্মা সর্বগত হইলে এক স্থানে অনেক আত্মার সন্নিধান স্বীকার করিতে হয়। কিন্তু এক স্থানে অনেকের অবস্থিতি আছে, ইহার দৃষ্টান্ত নাই। বৈশেষিক আচার্য্যগণ দৃষ্টান্তসারেই কল্পনা করিয়া থাকেন। অনেকের একদেশত্ব কোন স্থানে দেখা যায় না। যদি বলা হয় যে, পরিপক্ক আত্মফল লোহিতবর্ণ এবং মধুর। এস্থলে এক আত্মফলে লোহিতরূপ ও মধুর রসের সমাবেশ আছে। রূপ ও রস অবশ্য এক নহে। সুতরাং আত্মফলেই অনেকের অর্থাৎ রূপের ও রসের সমানদেশত্ব দেখা যাইতেছে। তাহা-

হইলে বক্তব্য এই যে, ইহা বৈশেষিক মতে দৃষ্টান্ত হইতে হইতে পারে বটে, কিন্তু বেদান্তমতে দৃষ্টান্ত হইতে পারে না। কারণ, বেদান্তমতে বস্তুগত্যা গুণের ও গুণীর ভেদ নাই। ভগবান শঙ্করাচার্য্য বলেন যে, গুণাদির দ্রব্যধীনত্ব প্রত্যক্ষ-পরিদৃষ্ট। যাহারা পরস্পর ভিন্ন, তাহাদের মধ্যে একে অন্যের অধীন হয় না। শৃঙ্খলঃ কাম্বলঃ বীহিষী ঘ্রনুঃ অর্থাৎ গুরু কাম্বল লোহিত ধেনু ইত্যাদিস্থলে তত্তৎ-বিশেষণ দ্বারা দ্রব্যই প্রতীয়মান হয়। সুতরাং গুণ দ্রব্য হইতে ভিন্ন নহে। উহা দ্রব্যের প্রকার ভেদ মাত্র। ফলতঃ বেদান্তমতে দ্রব্যের ও গুণের বাস্তবিক ভেদ নাই। কল্পিত ভেদ আছে মাত্র। আরও বিবেচনা করা উচিত যে, রূপ রসাদির লক্ষণ-ভেদ আছে, তাহাদের পরস্পর ভেদ বলিলেও বলা যাইতে পারে। আত্মার লক্ষণ-ভেদ নাই। বৈশেষিকমতে আত্মাই আত্মার লক্ষণ। সকল আত্মাতেই আত্মরূপ লক্ষণ অবিশিষ্ট। সুতরাং আত্ম-ভেদ কল্পনার প্রমাণ নাই। পূজ্যপাদ গোবিন্দানন্দ বলেন যে, যজ্ঞদত্তের আত্মা যেমন যজ্ঞদত্তের আত্মা হইতে ভিন্ন নহে, সেইরূপ দেবদত্তের আত্মা হইতেও ভিন্ন নহে। কারণ, যজ্ঞদত্তের আত্মাও আত্মা, দেবদত্তের আত্মাও আত্মা।

বৈশেষিক আচার্য্যগণ বলেন যে, অন্ত্যবিশেষ আত্মা সকলের পরস্পর ভেদের হেতু হইবে। অর্থাৎ আত্মত্ব ধর্ম্ম সমস্ত আত্মাতে অবিশিষ্ট বলিয়া আত্মত্ব ধর্ম্ম পরস্পর ভেদ কল্পনার হেতু হইতে পারে না সত্য, পরন্তু ভিন্ন ভিন্ন আত্মাতে ভিন্ন ভিন্ন অন্ত্যবিশেষ আছে। ঐ অন্ত্য বিশেষ সমস্ত আত্মার পরস্পর ভেদ-সাধক হইতে পারে। যেমন

দ্রব্যত্ব ধর্ম দ্বারা পৃথিবী জলাদির পরস্পর ভেদ সাধিত না হইলেও পৃথিবীত্ব জলত্বাদি দ্বারা তাহা সাধিত হয় । কেননা, পৃথিবীতে জলত্ব নাই জলে পৃথিবীত্ব নাই । সেইরূপ আত্মত্ব ধর্ম দ্বারা আত্মা সকলের পরস্পর ভেদ সাধিত না হইলেও অন্ত্য বিশেষরূপ ধর্মদ্বারা তাহা সাধিত হইতে পারে । কেননা, এক আত্মাতে যে অন্ত্য বিশেষ আছে অপরাপর আত্মাতে সে অন্ত্য বিশেষ নাই ।

এতদ্বারা বক্তব্য এই যে, যেখানে অণ্ড কোন ভেদক ধর্ম নাই অথচ পদার্থ সকল ভিন্ন ভিন্ন ইহা প্রমাণ দ্বারা প্রতিপন্ন হয়, সেই স্থলে ভেদকধর্ম রূপে অন্ত্য বিশেষ কল্পিত হইয়াছে । পার্থিব পরমাণু প্রভৃতির পরস্পর ভেদ এবং কাল ও আকাশাদির পরস্পর ভেদ অন্ত্যবিশেষ দ্বারা নির্ণীত হয় । কেননা, অন্ত্যবিশেষ সকল ভিন্ন ভিন্ন । একটী পদার্থে যে অন্ত্যবিশেষ আছে অপর পদার্থে সে অন্ত্যবিশেষ নাই । যেরূপ বলা হইল তাহাতে বুঝা যাইতেছে যে ভিন্ন ভিন্ন পদার্থের ভেদকধর্ম রূপে অন্ত্যবিশেষ পরিকল্পিত হইয়াছে । সুতরাং আত্মার ভেদ প্রামাণিক না হইলে আত্মার ভেদকরূপে অন্ত্যবিশেষ কল্পিত হইতে পারে না । অনাত্মা হইতে আত্মার ভেদ আত্মত্ব ধর্ম দ্বারাই নির্ণীত হইতে পারে, তজ্জন্ম অন্ত্যবিশেষ কল্পনা অনাবশ্যক । আত্মা সকলের পরস্পর ভেদের জন্ম অন্ত্যবিশেষ কল্পনার আবশ্যক হইতে পারে বটে, কিন্তু আত্মা সকলের পরস্পর ভেদের কোন প্রমাণ নাই । এরূপ অবস্থায় অন্ত্যবিশেষ দ্বারা আত্মভেদ কল্পনা করিতে গেলে ইতরেতরাশ্রয় দোষ উপস্থিত হয় । কেননা, আত্মভেদ

সিদ্ধ হইলে তাহার উপপাদনের জন্য অন্ত্যবিশেষ কল্পিত হইবে । পক্ষান্তরে অন্ত্যবিশেষ কল্পিত হইলে তদ্বারা আত্মভেদ সিদ্ধ হইবে । অর্থাৎ আত্মভেদের জ্ঞান-সাপেক্ষ অন্ত্যবিশেষ-জ্ঞান এবং অন্ত্যবিশেষের জ্ঞান-সাপেক্ষ আত্মভেদ-জ্ঞান, এইরূপে ইতরেতরাশ্রয় দোষ অপরিহার্য হইয়া পড়ে ।

বৈশেষিক আচার্য্যগণ বলেন যে কাল, দিক্ ও আকাশ এই তিনটি পদার্থ বিভু । সুতরাং অনেক পদার্থের সর্ব-গতত্বের দৃষ্টান্ত নাই ইহা বলা যাইতে পারে না । কিন্তু বৈশেষিক আচার্য্যদিগের এ দৃষ্টান্তও বেদান্ত-মত-সিদ্ধ নহে । বেদান্ত মতে কালাদির বিভুত্ব অঙ্গীকৃত হয় নাই । বেদান্তমতে এক ব্রহ্ম ভিন্ন অন্য কোন পদার্থই বিভু নহে । রত্নপ্রভাকার বলেন যে, বিভুত্ব ধর্ম্ম একমাত্র-বৃত্তি এইরূপ স্বীকার করিলে যথেষ্ট লাঘব হয় । অতএব বিভু পদার্থের নানাত্ব স্বীকার করা অসঙ্গত । অদ্বিতীয় তার্কিক পূজ্যপাদ রঘুনাথ শিরোমণির মতে দিক্, কাল ও আকাশ ঈশ্বর হইতে অতিরিক্ত পদার্থ নহে । ঐ সকল ঈশ্বরের নামান্তর মাত্র । তার্কিক শিরোমণি ঈদৃশ সিদ্ধান্ত করিয়া তিনি প্রকারান্তরে বেদান্ত মতের কতকটা নিকটবর্তী হইয়াছেন । কেন না, বেদান্তমত অন্তরূপ হইলেও এ অংশে তিনি বিভু পদার্থের ভেদ স্বীকার করেন নাই । এই জন্য বলিতেছিলাম যে, তিনি প্রকারান্তরে কতকটা বেদান্ত মতের নিকটবর্তী হইয়াছেন ।

একটি কথা বলিতে ভুলিয়াছি । দ্বৈতবাদীরা আত্মা সকলের প্রদেশ ভেদ কল্পনা করিয়া ভোগাদি ব্যবস্থার

সমর্থন করিতে চাহিয়াছেন । সুধীগণ বিবেচনা করিবেন যে প্রাদেশভেদ স্বীকার করিলে আত্মভেদ স্বীকারের কিছুমাত্র প্রয়োজন হইতেছে না । অসংখ্য আত্মার প্রাদেশভেদ স্বীকার না করিয়া এক আত্মার প্রাদেশভেদ স্বীকার করিলেই ব্যবস্থা উপপন্ন হইতে পারে । আত্মভেদ-কল্পনার অন্য কোন প্রমাণ নাই । কেবল ভোগাদির ব্যবস্থা দৃষ্ট হইতেছে—একাত্মবাদে তাহা উপপন্ন হয় না বলিয়া আত্মভেদ কল্পিত হইয়াছে । সুধীগণ দেখিলেন যে আত্মভেদ-পক্ষেও ভোগাদির ব্যবস্থা হইতে পারে না । কথঞ্চিৎ ব্যবস্থার সমর্থন একাত্মবাদেও হইতে পারে । যখন একাত্মবাদেও ভোগাদি ব্যবস্থার উপপত্তি হইতে পারে, তখন ভোগাদি ব্যবস্থার উপপাদনের জন্য আত্মভেদ কল্পনা অবশ্যই গৌরব-পরাহত, ইহা সহজেই বুঝিতে পারা যায় । কেবল তাহাই নহে, আত্মভেদ স্বীকার করিলে অদ্বৈত শ্রুতির সহিত বিরোধও উপস্থিত হয় । শাস্ত্রবিরুদ্ধ কল্পনা গ্রহণীয় হইতে পারে না ।

বৈশেষিক মতে আকাশ এক, কিন্তু ভেরী ও বীণাদি কারণ ভেদে এক আকাশেই তার ও মন্দ শব্দের ব্যবস্থা তাঁহারাও স্বীকার করিতেছেন । কেবল তাহাই নহে, বৈশেষিক মতে আকাশই শ্রবণেন্দ্রিয় । আকাশ এক সূতরাং জগতে শ্রবণেন্দ্রিয় এক হইলেও কর্ণশঙ্কলীরূপ উপাধি ভেদে শ্রবণেন্দ্রিয়ের ভেদ এবং শব্দগ্রহণের ব্যবস্থা তাঁহাদের মতেও অঙ্গীকৃত হইয়াছে । বৈশেষিকেরা যখন এক পদার্থে উপাধি-ভেদে ব্যবস্থা স্বীকার করিয়াছেন, তখন ব্যবস্থা সমর্থনের জন্য আত্মভেদ স্বীকার করা তাঁহাদের উচিত হয় নাই । উপাধি-

ভেদে এক আত্মাতে স্থখ দুঃখ ভোগাদির ব্যবস্থা স্বীকার করাই তাঁহাদের উচিত ছিল । শাস্ত্রসামর্থ্যে এই সূত্র দ্বারা কণাদ শাস্ত্র-প্রমাণের উপরেই নির্ভর করিয়াছেন । আত্মা এক এবং উপাধি ভেদে ভিন্ন এইরূপ সিদ্ধান্ত,—

৭ উপাধিনা ক্রিয়তে মীদরূপঃ ।

ইত্যাদি উপনিষৎ শাস্ত্রে এবং অন্যান্য শাস্ত্রে স্পষ্ট ভাষায় উপদিষ্ট হইয়াছে । অদ্বৈতবাদে যে উপনিষদের তাৎপর্য, তাহা অনেক স্থলে বিরূত হইয়াছে । পক্ষান্তরে দ্বৈতবাদীরা স্থখ-দুঃখ ভোগাদির ব্যবস্থার জন্যই আত্মভেদ স্বীকার করিয়াছেন । দুঃখের বিষয় যে, আত্মভেদ স্বীকার করিয়াও তাঁহারা ব্যবস্থার সমর্থন করিতে পারেন নাই । সুতরাং মল্লিনেপি লম্বুনি ন শান্তী-
জ্ঞাধিঃ ; এই ন্যায়ের বিষয়ীভূত হইয়াছেন । ন্যায়টির তাৎপর্য এই, আরোগ্য কামনায় লম্বুন ভক্ষণ করা হইল কিন্তু ব্যাধি বিদূরিত হইল না । দ্বৈতবাদীরা ব্যবস্থা সমর্থন করিবার জন্য আত্মভেদ স্বীকার করিলেন অথচ তদ্বারা ব্যবস্থা সমর্থিত হইল না । অতএব বুদ্ধাদিরূপ উপাধির ভেদবশতঃ শ্রুত-নুমত এক আত্মাতেই স্থখদুঃখাদির ব্যবস্থা অঙ্গীকার করা উচিত । শ্রুতি বিরুদ্ধ আত্মভেদ কল্পনা করা উচিত নহে । সুতরাং বেদান্তসিদ্ধান্ত যে অতীব সমীচীন, তাহা স্থধীদিগকে বলিয়া দিতে হইবে না ।

দ্বিতীয় লেক্চর ।

আত্মা ।

আত্মা এক হইলেও উপাধিভেদে সুখদুঃখভোগের ব্যবস্থা হইতে পারে । সুতরাং সুখদুঃখাদির ব্যবস্থার জন্য আত্মভেদ কল্পনা করা অসঙ্গত । অধিকন্তু আত্মভেদপক্ষে ব্যবস্থা হইতে পারে না, ইহা পূর্বে বলিয়াছি । এখন উপাধিভেদে কিরূপে ব্যবস্থা উপপন্ন হইতে পারে, তাহার আলোচনা করা যাই-
তেছে । এ বিষয়ে বৈদান্তিক আচার্য্যগণের মধ্যে বিস্তর মতভেদ আছে । তন্মধ্যে অবচ্ছিন্নবাদ এবং প্রতিবিশ্ববাদ এই দুইটি মতের সমধিক প্রাধান্য পরিলক্ষিত হয় । সংক্ষেপতঃ অবচ্ছিন্নবাদে অন্তঃকরণাবচ্ছিন্ন চৈতন্য এবং প্রতিবিশ্ববাদে অন্তঃকরণ-প্রতিবিশ্বিত চৈতন্য জীবাত্মা বলিয়া অঙ্গীকৃত হইয়াছে ।

অবচ্ছিন্নবাদীরা বলেন যে, অনাদি অনন্ত অদ্বিতীয় চিন্মাত্র, সমস্ত জগৎ ব্যাপিয়া অবস্থিত আছেন । অন্তঃকরণগুলি শরীরভেদে ভিন্ন ভিন্ন । অন্তঃকরণ পরিচ্ছিন্ন । অন্তএব অন্তঃকরণ, চৈতন্যের অবচ্ছেদক হইতে পারে । এইরূপ যুক্তির অনুসরণ করিয়া তাঁহারা বিবেচনা করেন যে, অন্তঃকরণাবচ্ছিন্ন চৈতন্যই জীবাত্মা । অন্তঃকরণরূপ উপাধির ভেদে অন্তঃকরণাবচ্ছিন্ন চৈতন্যরূপ জীবাত্মাও ভিন্ন ভিন্ন হইবে । যেমন আকাশ এক হইলেও উহা সর্বগত বলিয়া

সমস্ত পদার্থের সহিত তাহার সংবন্ধ আছে, এই জন্য ঘটাকাশ পটাকাশ ইত্যাদিরূপে ঘটপটাদিরূপ-উপাধির ভেদে আকাশ ভিন্ন ভিন্ন রূপে প্রতীয়মান হয় । সেইরূপ আত্মা এক হইলেও অন্তঃকরণরূপ-উপাধির ভেদে তত্তদন্তঃকরণাবচ্ছিন্ন চৈতন্যরূপ আত্মাও ভিন্ন ভিন্ন রূপে অর্থাৎ নানারূপে প্রতীয়মান হইবে । সর্বগত আকাশের যেমন ঘটাদি পদার্থ দ্বারা অবচ্ছেদ অবশ্য-
স্তাবী, সর্বগত চৈতন্যের অন্তঃকরণ দ্বারা অবচ্ছেদও সেইরূপ অবশ্যস্তাবী । উক্তরূপে চৈতন্যের অন্তঃকরণাদি দ্বারা অবচ্ছেদ অপরিহার্য বলিয়া অন্তঃকরণাবচ্ছিন্ন চৈতন্যই জীবাত্মা, ইহা স্বীকার করাই সম্ভব । অবচ্ছিন্নবাদের সংক্ষিপ্ত সিদ্ধান্ত প্রদর্শিত হইল । অবচ্ছিন্নবাদীরা বিবেচনা করেন যে,—

अहं नानाव्यपदेशादन्वया चाप्य द्वायकितवा दत्त्वमधीयंत एके ।

এই সূত্রদ্বারা ব্রহ্মসূত্রকর্ত্তা ভগবান্ বেদব্যাস অবচ্ছিন্ন-বাদ অনুমোদন করিয়াছেন । সূত্রের সংক্ষিপ্ত অর্থ এইরূপ । জীবাত্মা পরমাত্মার অংশ । কেন না, সীত্বেষ্টব্যঃ, তমিৎ বিদিত্বা অনিমৃত্যুমিতি । অর্থাৎ পরমাত্মার অন্বেষণ কর্ত্তব্য । তাঁহাকে জানিয়াই মৃত্যু অতিক্রম করা যায় । ইত্যাদি । প্রতিতে জীবাত্মা ও পরমাত্মার নানাত্ব বা ভেদ নির্দিষ্ট হই-
য়াছে । • পরমাত্মা অন্বেষ্যব্য ও বেদ্য এবং জীবাত্মা অন্বেষণ বর্ত্তা ও বেত্তা । নানাত্ব বা ভেদ নির্দিষ্ট হইয়াছে বলিয়া বিক্ষুব্ধ হইয়া যেমন অগ্নির অংশ, জীবাত্মা সেইরূপ পরমাত্মার অংশ । নানা-
ব্যপদেশ আছে বলিয়া জীবাত্মা ও পরমাত্মা বাস্তবিক ভিন্ন ভিন্ন, এরূপ আশঙ্কা করা যাইতে পারে না । কারণ, শাস্ত্রে
যে রূপ জীবাত্মা ও পরমাত্মার নানাত্বজ্ঞাপক ব্যপদেশ আছে,

সেইরূপ অনান্যজ্ঞাপক ব্যপদেশও শাস্ত্রেই আছে । অথর্ব-বেদের ব্রহ্মসূক্তে ক্রান্ত হয় যে,—

ব্রহ্মদায়া ব্রহ্মদাসা ব্রহ্মে নি কিতবা ভত ।

অর্থাৎ কৈবর্ত, দাম্ভকগ্নকর্তা এবং দ্যুতকারী এ সমস্তই ব্রহ্ম । ভাষ্যকার বলেন যে, এস্থলে নিকৃষ্ট শ্রেণীর জীবের উদাহরণ প্রদর্শন দ্বারা সমস্ত জীব বস্তুগত। ব্রহ্ম, ইহাই বুঝান হইয়াছে । স্থানান্তরেও ব্রহ্মপ্রকরণে উক্ত হইয়াছে,—

ত্বং স্ত্রী ত্বং পুমানসি ত্বং কুমার ভত বা কুমারী ।

ত্বং জীর্ণাদৃশ্যেন বস্তুসি ত্বং জাতো ভবসি বিচ্ছন্তীমুখঃ ॥

ব্রহ্মকে সম্বোধন করিয়া বলা হইতেছে যে, হে ব্রহ্ম ! তুমি স্ত্রী, তুমি পুরুষ, তুমি কুমার, তুমি কুমারী । তুমি জীর্ণ হইয়া দণ্ডের সাহায্যে গমন কর, তুমি নানারূপ হইয়া জন্মগ্রহণ কর । এইরূপে ও অনুরূপেও জীব ব্রহ্মের অভেদ শাস্ত্রে নির্দিষ্ট হইয়াছে । পূর্বোক্তরূপে ভেদও উপদিষ্ট হইয়াছে । অতএব উভয় প্রকার উপদেশের সামঞ্জস্যের জন্য আচার্য্য সিদ্ধান্ত করিয়াছেন যে, অগ্নির বিস্ফুলিঙ্গের ন্যায় জীবাত্মা পরমাত্মার অংশ ।

‘দাদীস্ব সৰ্ব্বাভূতানি ত্রিপাদস্যামৃত’ দিবি ।

এই পরমাত্মার একপাদ অর্থাৎ এক অংশ সমস্ত জীব । ত্রিপাদ অর্থাৎ অপর তিন অংশ অমৃত । এতদ্বারাও জীবাত্মা পরমাত্মার অংশ ইহা প্রতীত হইতেছে । গীতাতে ভগবান্ বলিয়াছেন—

সমীৰাণী জীবলীকী জীবভূতঃ সনাতনঃ ।

জীবাত্মা পরমাত্মার অংশ । অবচ্ছিন্নবাদীরা বিবেচনা

করেন যে, এতদ্বারা অবচ্ছিন্নবাদ যে সূত্রকারের অনুমত, ইহা বুঝাইতেছে । যাহা অবচ্ছিন্ন তাহা অংশরূপে নির্দিষ্ট হইতে পারে । অনবচ্ছিন্ন পরমাত্মার বস্তুগত্যা অংশাংশিভাব হইতে পারে না বটে, কিন্তু আকাশের বস্তুগত্যা অংশাংশিভাব না থাকিলেও ঘটাবচ্ছিন্ন আকাশ যেমন মহাকাশের অংশরূপে বিবেচিত হয়, সেইরূপ অন্তঃকরণাবচ্ছিন্ন চৈতন্য মহাচৈতন্যের অংশরূপে ব্যবহৃত হইতে পারে । নিরবয়ব আকাশের ন্যায় নিরবয়ব চৈতন্যের বস্তুগত্যা অংশাংশিভাব একান্ত অসম্ভব । পূর্বোক্ত রূপে জীবাত্মার ও পরমাত্মার ভেদ এবং অভেদ উভয়ই শ্রুত হইয়াছে । পরন্তু জীবাত্মা বস্তুগত্যা পরমাত্মা হইতে ভিন্ন নহে, ইহা বুঝাইবার জন্য লোকবুদ্ধির অনুসরণ পূর্বক দ্যাময়ী শ্রুতি অংশাংশি ভাব কল্পনা করিয়া উপদেশ প্রদান করিয়াছেন । অন্য প্রসঙ্গে ভূতবিবেকে উক্ত হইয়াছে যে,—

নিরংগীঃ স্যামমাণীঃ কলশীঃ স্যি বৈতি পৃচ্ছতঃ ।

তজ্জাষয়ীশ্বরং ব্রুতী শ্রুতিঃ শ্রীতুর্হিতৈষিণ্যো ॥

পরমাত্মা নিরংশ হইলেও লোকে তাঁহাতে অংশের আরোপ করিয়া, মায়াশক্তি কুৎস পরমাত্মাতে অবস্থিত কি তাঁহার অংশবিশেষে অবস্থিত এইরূপ প্রশ্ন করিয়া থাকে । প্রশ্নকর্ত্তার এতাদৃশ প্রশ্নের উত্তর করিবার সময়ে শ্রোতার হিতৈষিণী শ্রুতি প্রশ্নকর্ত্তার ভাষাতেই প্রশ্নের উত্তর প্রদান করিয়াছেন ।

আপত্তি হইতে পারে যে, জীবাত্মা পরমাত্মার অংশ হইলে জীবাত্মা ঈশিতব্য এবং পরমাত্মা ঈশিতা এই সিদ্ধান্ত সঙ্গত হইতেছে না । কারণ, জীবাত্মা অন্তঃকরণোপাধিক

এবং পরমাত্মা মায়াোপাধিক অর্থাৎ জীবাত্মার উপাধি অন্তঃ-
করণ, পরমাত্মার উপাধি মায়া । জীবাত্মা ও পরমাত্মা উভয়েই
যখন উপাধিক, তখন জীবাত্মা নিয়ম্য পরমাত্মা নিয়ন্তা, এরূপ
বিভাগ হইবার কোন হেতু নাই । এতদ্বারা বক্তব্য এই
যে, পরমাত্মার উপাধিভূত মায়া নিরতিশয় বা উৎকৃষ্ট এবং
জীবাত্মার উপাধিভূত অন্তঃকরণাদি নিহীন বা নিকৃষ্ট । এই
জন্য উৎকৃষ্টোপাধিসম্পন্ন ঈশ্বর নিকৃষ্টোপাধিসম্পন্ন জীবাত্মার
নিয়ন্তা হইতে পারেন । উৎকৃষ্ট শক্তিসম্পন্ন ব্যক্তি নিকৃষ্ট
শক্তিশালীদিগের নিয়ন্তা হইয়া থাকেন, লোকে ইহার উদা-
হরণের অভাব নাই । আরও বিবেচনা করা উচিত যে অবিদ্যা-
প্রত্যাশ্রয়িত উপাধিবশতঃই জীবাত্মা নিয়ম্য ও ঈশ্বর
নিয়ন্তা । এই নিয়ম্য-নিয়ন্তৃত্ব ভাব বাস্তবিক নহে । কেন না,
আজ্ঞা-সাক্ষাৎকার সম্পন্ন হইলে তত্ত্বজ্ঞান দ্বারা অজ্ঞান বিনষ্ট
হইয়া যায় । তৎকালে অজ্ঞানকার্য্য অন্তঃকরণাদিরূপ
উপাধিও বিনষ্ট হয় । সুতরাং নিয়ম্য নিয়ন্তৃত্ব ভাব থাকিতে
পারে না । স্বরেশ্বরচার্য্য বলিয়াছেন—

ঈশিতব্যস্যসর্বস্বঃ সত্যমজ্ঞানহীনুজঃ ।

সম্যগ্জ্ঞানি তমোধ্বস্তাবীশ্বরায়ামদীশ্বরঃ ॥

অর্থাৎ জীবাত্মা ঈশিতব্য পরমাত্মা ঈশিতা, এইরূপে ঈশি-
তব্য এবং ঈশিত সংবন্ধের হেতু জীবাত্মার স্বরূপের অজ্ঞান ।
জীবাত্মার সম্যক্ জ্ঞান হইলে অর্থাৎ জীবাত্মার ব্রহ্মত্ব সাক্ষাৎ-
কৃত হইলে পূর্বোক্ত অজ্ঞান বিনষ্ট হইয়া যায় । তখন আর
ঈশিতব্য-ঈশিত্ব-ভাব থাকে না । তখন জীবাত্মা নিজের
ঈশ্বরদিগেরও ঈশ্বর হয় ।

অবচ্ছিন্নবাদ সংক্ষেপে প্রদর্শিত হইল । এখন প্রতি-
বিশ্ববাদ প্রদর্শিত হইতেছে । প্রতিবিশ্ববাদীরা বলেন যে,
অন্তঃকরণাবচ্ছিন্ন চৈতন্য জীবাত্মা নহে । কেন নহে, তাহার
হেতু পরে প্রদর্শিত হইবে । তাঁহারা বলেন যে, অন্তঃকরণ-
প্রতিবিশ্বিত চৈতন্যই জীবাত্মা । অন্তঃকরণ বা বুদ্ধি সত্ত্ব-
প্রধান স্তত্রাং স্বচ্ছ । তাহাতে চৈতন্য প্রতিবিশ্বিত হয় ।
এই চিৎপ্রতিবিশ্বই জীবাত্মা । বুদ্ধিরূপ উপাধিভেদে অর্থাৎ
ভিন্ন ভিন্ন বুদ্ধিতে চিৎপ্রতিবিশ্বও ভিন্ন ভিন্ন হয় বলিয়া সুখ
দুঃখ ভোগাদির ব্যবস্থা অনায়াসে সমর্থিত হইতে পারে ।

আশঙ্কা হইতে পারে যে, ঋগ্মী নানা অদর্শমান ইত্যাদি
পূর্ব লিখিত ব্রহ্মসূত্রে জীবাত্মা পরমাত্মার অংশ ইহা প্রতি-
পাদিত হইয়াছে । তদ্বারা অবচ্ছিন্নবাদ প্রতিপন্ন হয় ।
স্বতরাং প্রতিবিশ্ববাদ ব্রহ্মসূত্র-বিরুদ্ধ । এতদ্বত্তরে
বক্তব্য এই যে, জীবাত্মা পরমাত্মার অংশ এতদ্বারা
যেমন অবচ্ছিন্নবাদ প্রতিপন্ন হইতে পারে, সেইরূপ
প্রতিবিশ্ববাদও প্রতিপন্ন হইতে পারে । কারণ, অবচ্ছেদক
উপাধিভেদে যেমন জীবাত্মা ভিন্ন ভিন্ন হইবে, সেইরূপ
আশ্রয়রূপ উপাধিভেদে প্রতিবিশ্বও ভিন্ন ভিন্ন হইবে । অত-
এব অন্তঃকরণাবচ্ছিন্ন চৈতন্য যেমন মহাচৈতন্যের অংশ বলিয়া
বিবেচিত হয়, সেইরূপ অন্তঃকরণ-প্রতিবিশ্বিত চৈতন্যও
মহাচৈতন্যের অংশ বলিয়া অনায়াসে বিবেচিত হইতে পারে ।
তাহা হইলে ঋগ্মী নানা অদর্শমান ইত্যাদি সূত্রের সহিত
প্রতিবিশ্ববাদের কোনরূপ বিরোধ হইতেছে না । ঋগ্মী
নানা অদর্শমান ইত্যাদি সূত্রদ্বারা অবচ্ছিন্নবাদই সূত্রকারের

অভিপ্রেত, প্রতিবিশ্ববাদ অভিপ্রেত নহে, তর্কমুখে ইহা স্বীকার করিলেও প্রতিবিশ্ববাদ ব্রহ্মসূত্রের বিরুদ্ধ ইহা বলা যাইতে পারে না । বরং প্রতিবিশ্ববাদই ব্রহ্মসূত্রের অভিপ্রেত, ইহা বলাই সমধিক সম্ভবত হইবে । কারণ অংশী নানা অপদেহাত ইত্যাদি সূত্র অবচ্ছিন্ন বাদের বোধক হইলেও বলা যাইতে পারে যে, ঐ সূত্রদ্বারা অবচ্ছিন্নবাদ প্রতিপাদন করিয়া পরে উপসংহারকালে ভগবান বাদরাযণ বলিয়াছেন যে,—

আভাস এব চ ।

অর্থাৎ জীবাত্মা পরমাত্মার আভাস, কি না প্রতিবিশ্ব । আভাস এব চ এই সূত্রে এব শব্দ প্রয়োগ করাতে বেশ বুঝা যাইতেছে যে, প্রতিবিশ্বপক্ষই ব্রহ্মসূত্রকারের অভিপ্রেত । উপক্রম সময়ে অংশী নানা অপদেহাত এই সূত্রদ্বারা যে অবচ্ছিন্নবাদের উপন্যাস করিয়াছেন, তাহা বাস্তবিক সূত্রকারের অভিপ্রেত নহে, উহা একদেশীর মত মাত্র । ভগবান্ গোবিন্দানন্দ ভাষ্যরত্নপ্রভাগ্রছে এই মত সমর্থন করিয়াছেন । তিনি বলেন—

অংশ ইত্যাদ্যসূত্রে জীবস্যাংশত্বং ঘটাকাশস্বৈবোপাধ্যবচ্ছেদ

বুদ্ধয়োক্তং, সম্মতি এককারিত্যাবচ্ছেদপক্ষার্থচি সূচয়ন্ রূপং রূপং
প্রতিরূপোবভূবিত্যাदिश्रुतिसिद्धं प्रतिविश्वपक्षमुपन्यस्यতি भगवान्
সূত্রকারঃ ।

অর্থাৎ অংশী নানা অপদেহাত ইত্যাদি সূত্রে জীবের অংশত্ব বলা হইয়াছে । ঘটাকাশ যেমন ঘটরূপ উপাধিদ্বারা পরিচ্ছিন্ন, সেইরূপ জীবাত্মাও অন্তঃকরণাদিরূপ উপাধিদ্বারা পরিচ্ছিন্ন এই বিবেচনায় জীবাত্মা পরমাত্মার অংশ ইহা বলা

হইয়াছে । এখন আভাস এব চ এই সূত্রে এব শব্দ নির্দেশ করিয়া ভগবান্ সূত্রকার অবচ্ছেদ পক্ষে নিজের অরুচি প্রতি-
পাদন করিয়াছেন এবং জীবাত্মা পরমাত্মার আভাস এইরূপ বলিয়া শ্রুতিসিদ্ধ প্রতিবিশ্ব পক্ষে নিজের অভিমতি প্রকাশ করিয়াছেন । শ্রুতি বলিয়াছেন,—

যথা হ্যযং জ্যোতিরাত্মা বিবস্বানপো ভিন্না বহুধৌকৌলগচ্ছন্ ।

উপাধিনা ক্রিয়তে ভেদরূপো দেবঃ স্তেতেশ্ব বমজোযমাত্মা ॥

জ্যোতিঃস্বরূপ সূর্য্য এক । তিনি যেমন ভিন্ন ভিন্ন জলে অনুগত বা অনুপ্রবিষ্ট হইয়া বহুপ্রকার অর্থাৎ অনেক হন, সেইরূপ আত্মা চিন্মাত্র এবং এক হইলেও উপাধিদ্বারা ক্ষেত্রে অর্থাৎ দেহাদিতে অনেক হন । স্মৃতিও বলিয়াছেন,—

এক এব তু ভূতাত্মা ভূতৈ ভূতৈ অবস্থিতঃ ।

একধা বহুধা চৈব দৃশ্যতে জলচন্দ্রবৎ ॥

এক ভূতাত্মাই নানা দেহে অবস্থিত । তিনি এক হইয়াও জলচন্দ্রের ন্যায় অর্থাৎ জল-প্রতিবিস্মিত চন্দ্রের ন্যায় বহু প্রকারে অর্থাৎ অনেকরূপে দৃষ্ট হন ।

কেহ আপত্তি করেন যে, আত্মার রূপ নাই । স্মৃতরাং বুদ্ধিতে আত্মার প্রতিবিশ্ব পতিত হয় ইহা বলা যাইতে পারে না । দর্পণে মুখের প্রতিবিশ্ব দেখিতে পাওয়া যায় বটে, কিন্তু মুখের রূপ আছে । স্মৃতরাং রূপবদ্বস্ত অর্থাৎ যাহার রূপ আছে, তাহা অন্যত্র প্রতিবিস্মিত হইতে পারে, এরূপ কল্পনা করিতে পারা যায় । তাহা হইলে বুঝা যাইতেছে যে, যাহার রূপ নাই, তাহার প্রতিবিশ্ব হইতে পারে না । আত্মার রূপ নাই এই জন্য আত্মার প্রতিবিশ্ব হইতে পারে

না । এতদুত্তরে বক্তব্য এই যে, যাহার রূপ নাই, তাহার প্রতিবিন্ধ হয় না, একথা ঠিক নহে । কেন না, রূপের রূপ নাই, অথচ স্ফটিকাদিতে রূপের প্রতিবিন্ধ দেখা যাইতেছে । লোহিতাদিরূপযুক্ত বস্তু স্ফটিকের নিকটস্থ হইলে স্ফটিকে লোহিতাদিরূপের প্রতিবিন্ধ প্রত্যক্ষ পরিদৃষ্ট হয় । তাহার অপলাপ করা যাইতে পারে না ।

আপত্তিকারীরা বলেন যে, নীরূপ বস্তুর প্রতিবিন্ধ হয় না এ কথা ঠিক না হইলেও নীরূপ দ্রব্যের প্রতিবিন্ধ হয় না, একথা ঠিক । অর্থাৎ যে দ্রব্যের রূপ নাই, তাহার প্রতিবিন্ধ হয় না, এ কথা অনায়াসে বলা যাইতে পারে । রূপ দ্রব্যপদার্থ নহে, এই জন্য উহা নীরূপ হইলেও তাহার প্রতিবিন্ধ হইবার কোন বাধা নাই । আত্মা কিন্তু দ্রব্যপদার্থ অথচ নীরূপ বা রূপগূন্য । সুতরাং আত্মার প্রতিবিন্ধ হইতে পারে না । বৈশেষিক আচার্য্যদিগের মতে—ক্ষিতি, জল, তেজ, বায়ু, আকাশ, কাল, দিক্, আত্মা ও মন এই নয়টি দ্রব্যপদার্থ বলিয়া পরিগণিত । তাঁহাদের মতে বায়ু প্রভৃতি পদার্থের রূপ নাই । অতএব আত্মা নীরূপ দ্রব্য । সুতরাং আত্মার প্রতিবিন্ধ অসম্ভব ।

এই আপত্তির উত্তরে অনেক বলিবার আছে । প্রথমতঃ নীরূপ দ্রব্যের প্রতিবিন্ধ হইতে পারে না এইরূপ বলা হইয়াছে । কেন হইতে পারে না, তাহার কোন হেতু প্রদর্শন করা হয় নাই । হেতু ভিন্ন কোন বিষয় সিদ্ধ হইতে পারে না । সুতরাং নীরূপ দ্রব্যের প্রতিবিন্ধ হইতে পারে না ইহা কল্পনা মাত্র । ঐ কল্পনার কোন

প্রমাণ নাই । বাহার প্রমাণ নাই, তথাবিধ কল্পনা অনুসারে কোন বস্তু অভ্যুপগত বা প্রত্যাখ্যাত হইতে পারে না । ইহা বলিলে অসঙ্গত হইবে না যে, রূপবদ্ভব্য প্রত্যক্ষগোচর স্তরাং তাহার প্রতিবিম্বও প্রত্যক্ষগোচর হয় । নীরূপ ভব্য প্রত্যক্ষগোচর হয় না স্তরাং তাহার প্রতিবিম্বও প্রত্যক্ষগোচর হয় না । নীরূপ ভব্যের প্রতিবিম্ব প্রত্যক্ষগোচর হয় না বলিয়া নীরূপ ভব্যের প্রতিবিম্ব হয় না এরূপ কল্পনা করা সঙ্গত নহে । কারণ, বস্তুর অস্তিত্বের প্রতি একমাত্র প্রত্যক্ষই প্রমাণ নহে । অপ্রত্যক্ষ হইলেও প্রমাণান্তর-সিদ্ধ বলিয়া যে রূপ নীরূপ ভব্যের অস্তিত্ব স্বীকার করা হইয়াছে, সেইরূপ অপ্রত্যক্ষ হইলেও পূর্বোক্ত শ্রুত্যাदि-প্রমাণ-সিদ্ধ বলিয়া অত্মার প্রতিবিম্বের অস্তিত্বও স্বীকার করা উচিত ।

দ্বিতীয়তঃ, বৈশেষিক আচার্য্যগণ ক্ষিত্যাदि নয়টি পদার্থে অনুগত একটি ভব্য জাতি স্বীকার করিয়া ক্ষিত্যাदि নয়টি পদার্থের ভব্য আখ্যা প্রদান করিয়াছেন । অর্থাৎ তাঁহাদের মতে ক্ষিত্যাদি নয়টি পদার্থ ভব্য নামে কথিত হইয়াছে । বৈশেষিক আচার্য্যেরা স্বীকার করেন যে, জাতি অনুগত-প্রত্যয়-সিদ্ধ । যেমন সকল ঘটেই ঘট এইরূপ অনুগত প্রতীতি আছে বলিয়া সকল ঘটে একটি ঘট জাতি আছে । সকল মনুষ্যেই মনুষ্য এই রূপ প্রতীতি আছে বলিয়া সকল মনুষ্যে একটি মনুষ্য জাতি আছে, ইত্যাদি । বৈশেষিক আচার্য্যেরা বলেন যে, ক্ষিত্যাদি নয়টি পদার্থেই ভব্য এইরূপ অনুগত প্রতীতি আছে । অর্থাৎ ক্ষিতি ভব্য, জল ভব্য, তেজ ভব্য, ইত্যাদি রূপে

নয়টি পদার্থেই দ্রব্য এইরূপ অনুগত প্রতীতি হইয়া থাকে । অতএব উক্ত নয়টি পদার্থে একটি দ্রব্যত্ব জ্ঞাতি আছে ।

বৈশেষিক আচার্য্যেরা এইরূপ বলেন বটে, পরন্তু সর্বসাধারণে তাহা স্বীকার করিতে প্রস্তুত নহেন । লৌকিকদিগের অর্থাৎ সর্বসাধারণের ক্ষিত্যাদি নয়টি পদার্থে দ্রব্যরূপে অনুগত প্রতীতি আদৌ নাই । সুতরাং নবানুগত দ্রব্যত্ব জ্ঞাতি সিদ্ধ হইতে পারে না । এই জন্য তাঁহারা যে ক্ষিত্যাদি নয়টি পদার্থের দ্রব্য এই একটি সাধারণ নাম দিয়াছেন, তাহাই প্রমাণশূন্য হইতেছে । নীরূপ দ্রব্যের প্রতিবিশ্ব হয় না এই কল্পনা ঐ নামমলেই সমুদ্ভাবিত হইয়াছে । অর্থাৎ বৈশেষিক আচার্য্যগণ আত্মার দ্রব্য নাম দিয়া আপত্তি তুলিয়াছেন যে, তাঁহাদের প্রদত্ত নাম অনুসারে আত্মার প্রতিবিশ্ব হইতে পারে না । এতাদৃশ আপত্তির বিরূপ সারবত্তা আছে, তাহা সুধীগণ অনায়াসে বুঝিতে পারিবেন । তজ্জন্ত বাক্যব্যয় অনাবশ্যক । নীরূপ বস্তুর প্রতিবিশ্ব হয় না, বৈশেষিক আচার্য্যেরাও এ কথা বলিতে পারেন না । কেন না, রূপ নীরূপ হইলেও তাহার প্রতিবিশ্ব দৃষ্ট হইতেছে, এই জন্য তাঁহারা বলেন যে, নীরূপ দ্রব্যের প্রতিবিশ্ব হয় না । তাঁহাদের মতে রূপ দ্রব্য নহে আত্মা দ্রব্য । তবেই দেখা যাইতেছে যে, বস্তুগত বা পদার্থগত কোন আপত্তি হইতে না পারিলেও তাঁহাদের প্রদত্ত নাম অনুসারে আপত্তি উত্থাপন করা হইয়াছে । এ আপত্তি অকিঞ্চিৎকর । অধিকন্তু তাঁহাদের প্রদত্ত নাম যে ঠিক হয় নাই, তাহা পূর্বেই বলিয়াছি ।

তৃতীয়তঃ, বৈশেষিক আচার্য্যেরা দ্রব্যের যে লক্ষণ দিয়াছেন, ঐ লক্ষণ ঠিক হইয়াছে কি না এবং ঐ লক্ষণ আত্মাতে নির্বিবাদে সঙ্গত হয় কি না, তাহাও বিবেচনা করা উচিত। ভগবান্ কণাদ দ্রব্যের এইরূপ লক্ষণ নির্দেশ করিয়াছেন—

ক্রিয়াগুণাবন্ সমবায়িকারণমিতি দ্রব্যলক্ষণম ।

যাহা ক্রিয়াযুক্ত, গুণযুক্ত এবং সমবায়ি কারণ, তাহা দ্রব্য। আকাশাদি দ্রব্যে ক্রিয়া নাই বটে, কিন্তু গুণ আছে এবং সকল দ্রব্যই গুণের সমবায়ি কারণ। গুণাদিতে ক্রিয়া নাই, গুণ নাই, সুতরাং গুণাদি পদার্থ সমবায়ি কারণও নহে। এই জন্য গুণাদি পদার্থ দ্রব্য নহে। কিন্তু দেখিতে পাওয়া যায় যে—

एकं रूपं द्वे रूपे रूपं रसान् पृथक्

অর্থাৎ একটী রূপ, দুইটী রূপ, রূপ রস হইতে পৃথক্ এইরূপে রূপাদিগুণেও একত্বাদি সংখ্যার এবং পৃথক্‌ত্বের প্রতীতি হইয়া থাকে। বৈশেষিক মতে সংখ্যা এবং পৃথক্‌ত্ব গুণ পদার্থ বলিয়া অঙ্গীকৃত হইয়াছে। রূপাদিগুণে একত্বাদিগুণ থাকিলে রূপাদিগুণ একত্বাদি গুণের সমবায়ি কারণও হইবে সুতরাং রূপাদিগুণে দ্রব্যলক্ষণের অতিব্যাপ্তি হইতেছে, অর্থাৎ কণাদের লক্ষণ অনুসারে ক্ষিত্যাदि পদার্থের ন্যায় রূপাদিগুণও দ্রব্য বলিয়া পরিগণিত হইতে পারে।

এতদ্বত্তরে বৈশেষিক আচার্য্যগণ বলেন যে, রূপাদিতে অর্থাৎ গুণাদিতে সংখ্যাতির প্রতীতি ভ্রান্ত প্রতীতি মাত্র, উহা যথার্থ প্রতীতি নহে। ক্ষিত্যাदि নয়টী দ্রব্য সংখ্যাতির

প্রতীতিই যথার্থ প্রতীতি । সূত্রাং গুণাদিতে দ্রব্য লক্ষণের অতিব্যাপ্তি হয় না । অর্থাৎ রূপাদি গুণ দ্রব্য বলিয়া পরিগণিত হইতে পারে না । বৈশেষিক আচার্য্যেরা গুণ দ্রব্যের লক্ষণ ইহা স্বীকার করিয়াছেন অথচ দ্রব্যে গুণ প্রতীতি যথার্থ, গুণাদিতে গুণ প্রতীতি যথার্থ নহে এইরূপ সিদ্ধান্ত করিয়াছেন । কোন্ পদার্থ কোন্ পদার্থে থাকে, কোন্ পদার্থেই বা থাকে না, একমাত্র অনুভব তাহার প্রমাণ ইহা বৈশেষিক আচার্য্যদিগেরও অনুমত । এখন বিবেচনা করা উচিত যে ক্ষিত্যাদি দ্রব্যেও একত্বাদির অনুভব হইতেছে, রূপাদি গুণেও একত্বাদির অনুভব হইতেছে । তন্মধ্যে দ্রব্যে একত্বাদির অনুভব যথার্থ, রূপাদি গুণে একত্বাদির অনুভব যথার্থ নহে, এতাদৃশ কল্পনা করিবার কোন বিশেষ্য হেতু নাই । তুল্যরূপ অনুভবদ্বয়ের মধ্যে একটি যথার্থ অপরটি অযথার্থ, বিনা কারণে এইরূপ কল্পনা করা কতদূর সম্ভব, সূত্রীগণ তাহার বিচার করিবেন । বৈশেষিক আচার্য্যদিগের নিতান্ত গরজ পড়িয়াছে বলিয়াই দ্রব্যে একত্বাদি প্রতীতি যথার্থ, রূপাদিতে একত্বাদি প্রতীতি যথার্থ নহে, তাঁহারা এইরূপ বলিতে বাধ্য হইয়াছেন । সর্বসাধারণে তাঁহা নির্বিরোধে স্বীকার করিবে কেন ?

সে যাহা হউক, বৈশেষিক মতে আত্মার কতিপয় গুণ অঙ্গীকৃত হইয়াছে । আত্মা ঐ সকল গুণের আশ্রয় এবং তন্মধ্যে যে গুণগুলি জন্য আত্মা তাহার সমবায়ি কারণ সূত্রাং তাঁহাদের মতে আত্মা দ্রব্য পদার্থ হইতে পারে । বেদান্ত মতে কিন্তু আত্মাকে দ্রব্য পদার্থ বলা যাইতে পারে

না । বেদান্তমতে আত্মা নিগুণ ও নিষ্ক্রিয় । বেদান্তমত অর্থাৎ আত্মার নিগুণত্ব, শ্রুতিসিদ্ধ । বৈশেষিকমত অর্থাৎ আত্মার সগুণত্ব, বুদ্ধিকল্পিত মাত্র । শ্রুতিবিরুদ্ধ কল্পনা অনাদরণীয় হইবে, ইহা বলাই বাহুল্য । সুধীগণ স্মরণ করিবেন যে, বৈশেষিক আচার্যাদিগের পরিকল্পিত সমবায় পদার্থের • অস্তিত্ব বৈদান্তিক আচার্য্যগণ স্বীকার করেন নাই । সমবায় নামে কোন পদার্থ নাই, উহার কল্পনা করিতে পারা যায় না, ইহাও তাঁহারা প্রতিপন্ন করিয়াছেন । সমবায় নামে কোন পদার্থ না থাকিলে সমবায়ি কারণ এ কথাই নিরালম্বন হইয়া পড়ে । সুতরাং সমবায়ি কারণত্ব দ্রব্যের লক্ষণ ইহা যে অজাতপুত্রের নামকরণের ন্যায় একান্ত অসঙ্গত, তাহা বলিয়া দিতে হইবে না । প্রতিপন্ন হইল যে বৈশেষিকানুসৃত দ্রব্য লক্ষণ আত্মাতে সঙ্গত হয় না । আত্মা যখন বৈশেষিকাভিমত দ্রব্য পদার্থের অন্তর্গত হইতেছে না, তখন নীরূপ দ্রব্যের প্রতিবিন্দ্ব হয় না, এইরূপ নিয়ম স্বীকার করিলেও আত্মার প্রতিবিন্দ্ব হইবার কোন বাধা হইতে পারে না ।

চতুর্থতঃ, মীমাংসক মতে শব্দ দ্রব্য পদার্থ । শব্দের রূপ নাই, ইহা সর্ববাদি-সিদ্ধ । শব্দের রূপ থাকিলে শব্দের চাক্ষুষ প্রত্যক্ষ হইত । তাহা হয় না, এই জন্য বুঝিতে পারা যায় যে, শব্দের রূপ নাই । অথচ শব্দের প্রতিবিন্দ্ব হইতেছে । প্রতিধ্বনিই শব্দের প্রতিবিন্দ্ব । রূপের এবং রূপবদ্বন্মুর প্রতিরূপ যেমন তাহার প্রতিবিন্দ্ব, ধ্বনির প্রতিরূপ প্রতিধ্বনিও সেইরূপ ধ্বনির প্রতিবিন্দ্ব । রূপাদি পদার্থ

দ্রষ্টব্য, এই জন্য তাহার প্রতিবিশ্বও দেখিতে পাওয়া যায় । শব্দ শ্রোতব্য পদার্থ, তাহার প্রতিবিশ্ব দেখিতে পাওয়া যায় না বটে, কিন্তু শুনিতে পাওয়া যায় । প্রকৃত বস্তু বা আসল বস্তুর নাম বিশ্ব, তাহার প্রতিকূলের নাম প্রতিবিশ্ব । বিশ্ব প্রতিবিশ্বের এইরূপ ব্যবস্থা লোকসিদ্ধ । ধ্বনি প্রকৃত বস্তু, প্রতিধ্বনি তাহার প্রতিবিশ্ব । গোপুরাদি প্রদেশে শব্দ প্রতিফলিত হইলে বর্ণপদাদিযুক্ত শব্দ প্রতীক্ষমান হইয়া থাকে । কিন্তু কণ্ঠাদিপ্রদেশেই বর্ণপদাদির অভিব্যঞ্জক ধ্বনির উৎপত্তি হয় । গোপুরাদি প্রদেশে বর্ণপদাদির অভিব্যঞ্জক ধ্বনির উৎপাদক কণ্ঠাদি প্রদেশ নাই । সুতরাং তৎপ্রদেশে বর্ণাত্মক শব্দের উৎপত্তি হইতে পারে না । এই জন্য বলিতে হইতেছে যে গোপুরাদি প্রদেশে প্রকৃত শব্দ শ্রুত হয় না প্রকৃত শব্দের প্রতিধ্বনি শ্রুত হয় ।

আপত্তি হইতে পারে যে, কণ্ঠাদিপ্রদেশে যে ধ্বনি উৎপন্ন হয়, বীচীতরঙ্গন্যায়ে ঐ ধ্বনিই প্রতিফলনপ্রদেশে অর্থাৎ গোপুরাদিপ্রদেশে প্রাপ্ত হয় । সুতরাং গোপুরাদিপ্রদেশেও বর্ণপদাদির অভিব্যক্তি হইতে পারে এবং প্রকৃত শব্দ শ্রুত হইতে পারে । পরন্তু এরূপ কল্পনা সম্ভব নহে । কারণ, তাহা হইলে প্রথম ধ্বনিপ্রদেশেই প্রতিধ্বনির অনুভব হইতে পারে । প্রদেশান্তরে অর্থাৎ গোপুরাদি প্রদেশে প্রতিধ্বনির উপলব্ধি হইতে পারে না । ব্রহ্মবিদ্যাভরণকার বলেন—
বীচীতরঙ্গন্যায়েন হি জনিতাঃ শব্দা আদ্যপ্রদেশাবচ্ছেদেনৈব
প্রতীক্ষ্যন্তে । অতঃ গোপুরাদ্যবচ্ছেদেন প্রতীক্ষমানস্য মূলশব্দ-
লাসম্ভবান্ তদবচ্ছেদেন প্রতীতিসিদ্ধয়ে প্রতিবিশ্বত্বৈবাস্বয়ণীয়া ।

অর্থাৎ বীচীতরঙ্গন্যায়ে যে শব্দ উৎপাদিত হয়, তাহী আত্ম প্রদেশ অবচ্ছেদেই প্রতীয়মান হইয়া থাকে । এক স্থানে উচ্চ শব্দ উচ্চারিত হইলে স্থানান্তরস্থ শ্রোতা তাহা শুনিতে পায় । অন্য স্থানে প্রথম যে শব্দ উচ্চারিত হইয়াছে এই শব্দের সহিত স্থানান্তরস্থ শ্রোতার শ্রবণেন্দ্রিয়ের কোন সংবন্ধ নাই । অবশ্য বীচীতরঙ্গন্যায়ে সমুৎপন্ন পরবর্তী শব্দই স্থানান্তরস্থ শ্রোতার প্রতিগোচর হয় । তাহা হইলেও শ্রোতা যে প্রদেশে অবস্থিত হইয়া শব্দ শুনিতে পায় ঐ প্রদেশ অবচ্ছেদে ঐ শব্দ প্রতীয়মান হয় না । অর্থাৎ শ্রোতা এরূপ বোঝে না যে, এইখানে এই শব্দ হইতেছে । শ্রোতা স্পষ্টই বুঝিতে পারে যে, এই শব্দ অগুরু স্থানে হইয়াছে । ~~দূর~~ হইতে আর্তধ্বনি শ্রুত হইলে দয়ালু শ্রোতা ঐ ধ্বনি লক্ষ্য করিয়া আর্ত পরিত্রাণের জন্য প্রধাবিত হয় । এতাবত স্পষ্টই বুঝা যাইতেছে যে, শ্রোতা যে স্থানে অবস্থিত হইয়া শব্দ শুনিয়াছে উহা ঐ স্থানের শব্দ, কখনই তাহার এরূপ বিবেচনা হয় নাই । শ্রোতার অবশ্য বিবেচনা হইয়াছে যে, যে শব্দ শুন্য যাইতেছে তাহা দূর স্থানের শব্দ, এ স্থানের শব্দ নহে । এতদ্বারা প্রতিপন্ন হইতেছে যে, বীচীতরঙ্গন্যায়ে সমুৎপন্ন শব্দ আত্মপ্রদেশ অবচ্ছেদেই প্রতীয়মান হইয়া থাকে । প্রদেশান্তর অবচ্ছেদে প্রতীয়মান হয় না । কেন না, বীচী-তরঙ্গন্যায়ে শব্দের উৎপত্তি না হইলে দূরস্থ শ্রোতার প্রথমোৎপন্ন শব্দ শুনবার উপায় নাই । এবং বীচীতরঙ্গন্যায়ে সমুৎপন্ন শব্দ আত্মপ্রদেশ অবচ্ছেদে প্রতীয়মান না হইলে শ্রোতা তদভিমুখে ধাবমান হইতে পারে না । প্রাতিধ্বনি

কিন্তু আদ্যপ্রদেশ অবচ্ছেদে প্রতীয়মান হয় না । প্রতিধ্বনি যে প্রদেশে উপলব্ধ হয়, সেই প্রদেশ অবচ্ছেদেই তাহা প্রতীয়মান হইয়া থাকে । অনেক সময় ধ্বনিকর্তা নিজের ধ্বনির প্রতিধ্বনি শুনিতে পায় । কিন্তু যে স্থান হইতে ধ্বনি উচ্চারিত হয়, অন্যস্থান হইতে তাহার প্রতিধ্বনি শ্রুত হইয়া থাকে । অতএব ভিন্ন প্রদেশ অবচ্ছেদে প্রতীয়মান হয় বলিয়া প্রতিধ্বনিকে বীচীতিরঙ্গন্যায়ে সমুৎপন্ন মূলশব্দ বলা যাইতে পারে না । কারণ, প্রতিধ্বনি বীচীতিরঙ্গন্যায়ে সমুৎপন্ন মূলশব্দ হইলে উহা আদ্যপ্রদেশ অবচ্ছেদেই উপলব্ধ হইত, প্রদেশান্তর অবচ্ছেদে অর্থাৎ প্রতিধ্বনির প্রদেশ অবচ্ছেদে উপলব্ধ হইত না । গোপুরাদি অবচ্ছেদে অর্থাৎ প্রতিধ্বনির প্রদেশ অবচ্ছেদে প্রতীয়মান হয় বলিয়া প্রতিধ্বনি ধ্বনির প্রতিবিন্দু এইরূপ অঙ্গীকার করিতে হইতেছে ।

গীমাংসক মতে শব্দ দ্রব্যপদার্থ, শব্দের রূপ নাই, অথচ শব্দের প্রতিবিন্দু হইতেছে ইহা প্রদর্শিত হইল । নীরূপ দ্রব্যের প্রতিবিন্দু হয়, ইহার আর একটা উদাহরণ প্রদর্শিত হইতেছে । বৈশেষিকমতে আকাশ দ্রব্যপদার্থ আকাশের রূপ নাই । অথচ আকাশের প্রতিবিন্দু হইতেছে । জানু-মাত্র পরিমিত স্বল্প জলে অভ্রনক্ষত্রাদিসহিত দূরস্থ বিশাল-আকাশের প্রতিবিন্দু পরিদৃষ্ট হয় । কেহ কেহ বলেন যে, সূর্য্যের কিরণরাশি আকাশে পরিব্যাপ্ত রহিয়াছে । তাহার অর্থাৎ ঐ কিরণ রাশির প্রতিবিন্দুই দেখিতে পাওয়া যায়, আকাশের প্রতিবিন্দু হয়, ইহা ভ্রান্তি মাত্র । তাহারাই এইরূপ বলেন, তাহাদের বিবেচনা করা উচিত যে, সৌরকরজাল দূর

নিকট নির্বিবশেষে সমস্ত আকাশে পরিব্যাপ্ত রহিয়াছে । জলে সূর্য্যকিরণ মাত্রের প্রতিবিম্ব হইলে দূরস্থ বিশাল আকাশের প্রতিবিম্ব দর্শনের কোন হেতু দেখা যায় না । প্রতিবিম্বটী বিশাল কটাহের মধ্য ভাগের ন্যায় দেখাইবারও কোন কারণ হইতে পারে না । প্রামাণিক আচার্য্যগণ আকাশের প্রতিবিম্বই স্বীকার করিয়াছেন । নীরূপ ও অমূর্ত্ত আকাশের যেমন জলে প্রতিবিম্ব হয়, সেইরূপ নীরূপ ও অমূর্ত্ত চিদাত্মারও বুদ্ধিতে প্রতিবিম্ব হইবার কোন বাধা নাই ।

আপত্তি হইতে পারে যে, চিদাত্মা সর্বব্যাপী, তিনি বুদ্ধিতেও বিদ্যমান সুতরাং বুদ্ধিতে চিদাত্মার প্রতিবিম্ব হইতে পারে না । যেখানে যাহার প্রতিবিম্ব হয়, তাহাদের অর্থাৎ যাহাতে প্রতিবিম্ব হয় ও যাহার প্রতিবিম্ব হয়, ঐ উভয়ের বিপ্রকৃষ্ট-দেশত্ব অর্থাৎ ব্যবধান না থাকিলে প্রতিবিম্ব হয় না । এ বিষয়ে বক্তব্য এই যে, যে যাহার মধ্যে অবস্থিত তাহাতেও তাহার প্রতিবিম্ব অদৃষ্ট-পূর্ব্ব নহে । প্রদীপ কাচপাত্রের মধ্যে অবস্থিত হইলেও তাহাতে প্রদীপের প্রতিবিম্ব দেখিতে পাওয়া যায় । স্বচ্ছ জলের অন্তর্গত তৃণাদির প্রতিবিম্বও কদাচিৎ ঐ জলেই দৃষ্ট হয় । পাশ্চাত্য পাণ্ডিতেরা বলেন যে, চক্ষুর দ্বারা যে সকল বস্তু দেখিতে পাওয়া যায়, দ্রষ্টব্য বস্তুর প্রতিবিম্ব চক্ষুতে পতিত হইয়া তাহার দর্শন সম্পন্ন হয় । মৎস্য জলমধ্যস্থ বস্তু দেখিতে পায়, ডুবরীরা জলমধ্যস্থ রত্নাদির উত্তোলন করিতে সক্ষম হয়, সুতরাং তাহারা উহা দেখিতে পায় সন্দেহ নাই । ঐ স্থলে দ্রষ্টব্য বস্তুর প্রতিবিম্ব তাহাদের

চক্ষুতে পতিত হয় । যথাকথঞ্চিৎ প্রদেশভেদ চিদাত্মাতেও
নিতান্তি দুর্লভ হয় না ।

আরও বিবেচনা করা উচিত যে, চিদাত্মার ন্যায় আকাশও
সর্বব্যাপী । যে জলে আকাশের প্রতিবিম্ব পরিদৃষ্ট হয়,
ঐ জলেও আকাশ আছে, অথচ তাহাতে আকাশের প্রতি-
বিম্ব দৃষ্ট হইতেছে । অতএব উক্ত আপত্তি অকিঞ্চিৎকর ।
রত্নপ্রভাকার বলেন যে, অল্প জলে অদূরবর্তী আকাশের
প্রতিবিম্ব দৃষ্ট হয় । এই জন্য উপাধির দূরত্ব সর্বত্র
‘অপেক্ষিত’ নহে । বুদ্ধিবৃত্তিতে চৈতন্যের প্রতিবিম্ব সাংখ্য
এবং বৈদান্তিক আচার্য্যগণ একবাক্যে স্বীকার করিয়াছেন ।
বুদ্ধির বিষয়াকার বৃত্তি হইলে বিষয় প্রকাশিত হয় ।
কিন্তু বুদ্ধি জড় পদার্থ, তাহার বৃত্তিও জড় পদার্থ । **জড়**
পদার্থ বলিয়া বুদ্ধিবৃত্তি নিজে প্রকাশরূপ নহে । • যাহা
প্রকাশরূপ নহে তাহা অন্যের প্রকাশক হইতে পারে না ।
চিৎপ্রতিবিম্ব-যোগে বুদ্ধিবৃত্তি প্রকাশরূপ হইয়া তবে বিষয়
প্রকাশ করিয়া থাকে । বুদ্ধিবৃত্তিতে চিৎপ্রতিবিম্ব সাংখ্য ও
বেদান্ত মতে নির্বিবাদ । সুতরাং বেদান্তীর মতে বুদ্ধিতে চিৎ-
প্রতিবিম্ব হওয়ার বিপক্ষে কোন আপত্তিই উঠিতে পারে না ।
বুদ্ধিতে চিৎপ্রতিবিম্ব পূর্বোক্ত শ্রুতি ও স্মৃতি-সিদ্ধ । অতএব
বৈশেষিক প্রভৃতি আচার্য্যগণ তদ্বিরুদ্ধে যে আনুমানিক
আপত্তি তুলিয়াছেন, তাহাও অকিঞ্চিৎকর । কেন না আগম-
বাধিত অর্থাৎ শাস্ত্রবিরুদ্ধ অনুমান প্রমাণরূপে গণ্য হইতে
পারে না অর্থাৎ শাস্ত্রবিরুদ্ধ অনুমান অপ্রমাণ, ইহা বৈশেষিক
ও নৈয়ায়িক আচার্য্যগণও মুক্তকণ্ঠে স্বীকার করিয়াছেন ।

স্বতরাং বুদ্ধিতে চিদাত্মার প্রতিবিম্ব পড়ে, এ বিষয়ে কোম সন্দেহ থাকিতেছে না । প্রতিবিম্ববাদীরা বলেন যে, বুদ্ধিগত চিদাত্মার প্রতিবিম্বই জীবাত্মা ।

কেহ কেহ বলেন যে, প্রতিবিম্বনামে কোন পদার্থই নাই । তাঁহারা বিবেচনা করেন যে, দর্পণে মুখের প্রতিবিম্ব দেখা যায় বলিয়া বোধ হয় বটে, পরন্তু তাহা ভ্রান্তি মাত্র । বস্তুগত্যা দর্পণে মুখের প্রতিবিম্ব পড়ে না । কিন্তু দর্পণে দৃষ্টিনিষ্কোপ করিলে নেত্ররশ্মি দর্পণে সংযুক্ত হইয়া উহা প্রতিহত বা প্রতিফালিত হইয়া পরাবৃত্ত হয় । পরাবৃত্ত হইয়া আসল অর্থাৎ, বিম্বভূত মুখের প্রত্যক্ষ সম্পাদন করে । নেত্ররশ্মি দর্পণে প্রতিফালিত হওয়াতে দর্পণ অপেক্ষা পৃথক্-ভাবে মুখের গ্রহণ হয় না । এই জন্য, দর্পণে মুখের প্রতিবিম্ব পড়ে এবং তাহা গৃহীত হয়, এইরূপ ভ্রম হইয়া থাকে ।

এই কল্পনা সমীচীন হয় নাই । কেন না, তাহা হইলে অর্থাৎ প্রকৃত মুখের গ্রহণ হইলে বিপরীত ভাবে গ্রহণ হইতে পারে না । পূর্বমুখ হইয়া দর্পণে দৃষ্টিনিষ্কোপ করিলে দর্পণে পশ্চিম মুখ প্রতিবিম্ব দেখিতে পাওয়া যায় । এই-রূপ দক্ষিণ অংশ বামরূপে এবং বাম অংশ দক্ষিণরূপে দৃষ্ট হইয়া থাকে । বিম্বভূত মুখাদি দৃষ্ট হইলে এরূপ হইতে পারে না । অতএব দর্পণে মুখাদির প্রতিবিম্ব স্বীকার করিতে হইতেছে । স্থির হইল যে, প্রতিবিম্বের অস্তিত্ব আছে । এখন বিম্ব এবং প্রতিবিম্ব পরস্পর ভিন্ন কি অভিন্ন তদ্বিশয়ে কিঞ্চিৎ আলোচনা করা যাইতেছে । বৈদান্তিক

আচার্য্যদিগের মতে বিশ্ব এবং প্রতিবিশ্বের বাস্তবিক ভেদ নাই। ঐ উভয়ের ভেদকল্পিতমাত্র । পূর্বাচার্য্য বলিয়াছেন,—

মুখাভাসকৌ দর্পণে দৃশ্যমানৌ মুখলান্ পৃথক্বেন নেবাस्ति वस्तु ।
चिदाভাসকৌধীषু জীবোঽপি তদ্বন্ স নিত্যোপলব্ধিস্বরূপৌহমাत्मा ॥

অর্থাৎ দর্পণে দৃশ্যমান মুখ প্রতিবিশ্ব বস্তুগত্যা মুখ হইতে পৃথক্ বস্তু নহে । বুদ্ধিতে চিৎপ্রতিবিশ্বও চিদাত্মা হইতে পৃথক্ বস্তু নহে । আমি সেই নিত্যোপলব্ধি স্বরূপ আত্মা । বিচারণ্য মুনি বলেন যে বিশ্ব ও প্রতিবিশ্ব পরস্পর ভিন্ন হইলে প্রতিবিশ্বই হইতে পারে না । এক বস্তু অন্য বস্তুর প্রতিবিশ্ব হয় না । মুখের প্রতিবিশ্ব মুখ হইতে ভিন্ন হইলে তাহা মুখের প্রতিবিশ্ব হইতে পারে না । অতএব মুখের প্রতিবিশ্ব মুখ হইতে ভিন্ন নহে ।

প্রতিবিশ্ব মিথ্যা, এ কথা বলা যাইতে পারে না । কারণ, প্রতিবিশ্ব মিথ্যা হইলে দর্পণে যে মুখের প্রতিবিশ্ব দৃষ্ট হয়, তাহা শুভ্রিকাতে রজতদৃষ্টির ন্যায় ভ্রান্তিগাত্র, ইহা অবশ্য বলিতে হইবে । যে জ্ঞান উত্তরকালে বাধিত হয়, তাহা ভ্রান্তিজ্ঞানরূপে নির্ণীত হয়, ইহা স্থানান্তরে বলিয়াছি । দর্পণে মুখজ্ঞান বস্তুগত্যা ভ্রমাত্মক হইলে অবশ্য কোনকালে তাহার বাধজ্ঞান হইত । অর্থাৎ কোন না কোনকালে 'নহং মুখ' অর্থাৎ ইহা মুখ নহে ইত্যাকার বাধজ্ঞান অবশ্য হইত । তাদৃশ বাধজ্ঞান কোন কালেও হয় না । 'নান্ন মুখ' অর্থাৎ এই দর্পণে মুখ নাই, এইরূপ মুখের দেশবিশেষের অর্থাৎ দর্পণের সহিত সংবন্ধ মাত্র বাধিত হয় । মুখস্বরূপ কখনই বাধিত হয় না । প্রত্যুত 'মদীয়মিবেহং মুখ' অর্থাৎ এ

মুখ আমারই, এইরূপ প্রত্যভিজ্ঞা দ্বারা প্রতিবিন্দু বিন্দু হইতে ভিন্ন নহে ইহাই প্রতীত হয় ।

কেহ কেহ বলেন যে, শ্লিষ্ট পক্ষে পদ্যবিশুদ্ধ করিলে পক্ষে যেমন পদলাঙ্ঘিত মুদ্রা বা পদের প্রতিমুদ্রা দৃষ্ট হয়, দর্পণগত মুখপ্রতিবিন্দুও সেইরূপ মুখ-লাঙ্ঘিত মুদ্রা বা মুখের প্রতিমুদ্রা মাত্র । এ কল্পনা নিতান্ত অসঙ্গত । কারণ, যাহাতে যাহার প্রতিমুদ্রা অঙ্কিত হয়, তাহাতে তাহার সংযোগ অবশ্য অপেক্ষিত হইয়া থাকে । শ্লিষ্ট পক্ষে পদের সংযোগ হইলেই পক্ষে পদের প্রতিমুদ্রা অঙ্কিত হইতে দেখা যায় । দর্পণের সহিত মুখের কোনরূপ সংযোগ হয় না । এই জন্য দর্পণগত প্রতিবিন্দু মুখের প্রতিমুদ্রা বলা হইতে পারে না । আরও বিবেচনা করা উচিত যে, প্রতিমুদ্রা মুদ্রার তুল্য পরিমাণ হয়, অর্থাৎ মুদ্রা ও প্রতিমুদ্রার পরিমাণ একরূপ হইয়া থাকে । পদের যেকোন পরিমাণ, শ্লিষ্টপক্ষে পদের প্রতিমুদ্রারও ঠিক সেইরূপ পরিমাণ হয় । কিন্তু ক্ষুদ্র দর্পণে বৃহৎ মুখের প্রতিবিন্দু কখনই মুখের তুল্য পরিমাণ হইতে পারে না । অতএব প্রতিবিন্দু বিন্দুর প্রতিমুদ্রা নহে ।

কেহ কেহ বলেন যে, দর্পণে যাহা দৃষ্ট হয় তাহা মুখান্তর, উহা গ্রীবাংশ মুখ নহে । এ কথাও অসঙ্গত । কারণ, গ্রীবাংশ-মুখের অর্থাৎ আমার গ্রীবাংশ যে মুখ রহিয়াছে, তাহাই দর্পণে দৃষ্ট হইতেছে, এইরূপ গ্রীবাংশ মুখের এবং মদীয় মূর্ত্তি-মুখ এইরূপে নিজমুখের প্রত্যভিজ্ঞা হইতেছে বলিয়া দর্পণে মুখান্তর দৃষ্ট হয় এ কথা বলা অসঙ্গত । যাহারা মুখ-

প্রতিবিন্দকে মুখান্তর বলিতে চাহেন, তাঁহাদের প্রাতি জিজ্ঞাস্য হইতে পারে যে, দর্পণে সাময়িক মুখান্তরের উৎপত্তির হেতু কি ? অর্থাৎ কি কারণ বশতঃ দর্পণে মুখান্তরের উৎপত্তি হয় ? বস্তুগত্যা দর্পণে মুখান্তরের উৎপত্তির কোনও কারণ নাই । অতএব দর্পণে মুখান্তরের উৎপত্তি হয় না । শশমস্তকে বিঘাণের উৎপত্তির কারণ নাই বলিয়া যেমন শশমস্তকে বিঘাণের উৎপত্তি হয় না, দর্পণেও সেইরূপ মুখান্তরের উৎপত্তির কারণ নাই বলিয়া দর্পণে মুখান্তরের উৎপত্তি হয় না । এইরূপ অবধারণ করা সর্বথা সমীচীন ।

মুখের সন্নিধান হইলে দর্পণের অবয়ব মুখাকারে পরিণত হইয়া দর্পণে মুখান্তরের উৎপত্তি করিবে, এ কল্পনা নিতান্ত অসঙ্গত । কারণ, দর্পণের অবয়বের পরিণাম শিল্পীর প্রযত্ন সাধ্য । বিশ্বসন্নিধান মাত্রে তাহার মুখরূপ পরিণাম হইতে পারে না । দর্পণ দ্রব্যকে প্রতিমার মুখরূপে পরিণত করিতে হইলে লোকে তাহার জন্য শিল্পী নিযুক্ত করিয়া অভিলষিত সম্পাদন করিয়া লয় । তদর্থ মুখের সন্নিধান সম্পাদন করে না । মুখসন্নিধান তাহার কারণ হইলে তাদৃশ সহজ উপায় পরিত্যাগ করিয়া লোকে শিল্পী নিযুক্ত করিত না—শিল্পীর বেতনভার বহন করিত না । দর্পণ বিদ্যমান থাকিতে দর্পণাবয়বের অন্তরূপ পরিণাম হওয়াও অসম্ভব । দর্পণাবয়বের অন্তরূপ পরিণাম হইলে দর্পণ বিনষ্ট হইবার কথা । দর্পণ বিনাশ কিন্তু অনুভব বাধিত । আর এক কথা, বিশ্বের সন্নিধান বশতঃ দর্পণে মুখান্তরের উৎপত্তি স্বীকার করিলে দর্পণ মুখের উপাদান কারণ এবং বিশ্বসন্নিধান নিমিত্তকারণ, ইহা অবশ্য

বলিতে হইবে । তাহা হইলে মুখ অপগত হইলেও অর্থাৎ মুখসন্নিধান অপগত হইলেও দর্পণে যথের উপলব্ধি হইতে পারে । কেন না, নিমিত্ত-কারণ-বিনাশ কার্য্য-বিনাশের হেতু নহে । উপাদান-কারণের বিনাশই কার্য্য-বিনাশের হেতু । ঘট্টের প্রতি কপাল উপাদান কারণ দণ্ডসংযোগ নিমিত্ত কারণ । কপাল বিনষ্ট হইলে ঘট বিনষ্ট হয় বটে কিন্তু দণ্ডসংযোগ বিনষ্ট হইলে ঘট বিনষ্ট হয় না ।

আপত্তি হইতে পারে যে, বৈশেষিক মতে অপেক্ষাবুদ্ধি দ্বিত্বাদির নিমিত্ত কারণ বটে পরন্তু অপেক্ষা বুদ্ধি নষ্ট হইলে দ্বিত্বাদি নষ্ট হয়, সেইরূপ বিশ্বসন্নিধান নষ্ট হইলে মুখও নষ্ট হইবে । ইহার উত্তরে বক্তব্য এই যে, বৈশেষিক মতে অপেক্ষাবুদ্ধি দ্বিত্বাদির নিমিত্ত কারণ বটে । কিন্তু বৈদান্তিক আচার্য্যগণ তাহা স্বীকার করেন না । তাঁহারা বলেন যে, দ্বিত্বাদি মাষদ্রব্য ভারী, অপেক্ষা বুদ্ধি তাহার অভিব্যক্তির হেতু মাত্র ।

কেহ কেহ বলেন যে, কোন কোন স্থলে নিমিত্ত কারণের অপর্গমেও কার্য্যের অপগম হইয়া থাকে । চিরকাল সংবেষ্টিত কট হস্তসংযোগে প্রসারিত করিতে পারা যায় । হস্তসংযোগ কট প্রসারণের নিমিত্তকারণ সন্দেহ নাই । অথচ নিমিত্ত কারণরূপ হস্তসংযোগ অপগত হইলে কট প্রসারণও অপগত হয় । অর্থাৎ প্রসারিত কট হইতে হস্ত বিগ্নিষ্ট করিলে বা তুলিয়া লইলে প্রসারিত কট পূর্ব্ববৎ সংবেষ্টিত অবস্থা-প্রাপ্ত হয় । এস্থলে হস্তসংযোগ অপগত হইলে যেমন কট-প্রসারণের অপগম হয়, সেইরূপ বিশ্বের অপগম হইলে

প্রতিবিম্বও অপগত হইবে । এতদুত্তরে বক্তব্য এই যে, হস্তসংযোগ অপগত হইলে কট প্রসারণ অপগত হয় সত্য, কিন্তু হস্ত সংযোগের অপগম কট প্রসারণ অপগত হইবার হেতু নহে । পরন্তু কট, চিরকাল সংবেষ্টিত অবস্থায় থাকিতে সংবেষ্টন জন্য এক প্রকার সংস্কার কটে উৎপন্ন হয় । হস্ত-সংযোগ অপগত হইলে প্রতিবন্ধক না থাকায় ঐ সংস্কার সংবেষ্টনরূপ বিরুদ্ধ কার্যের উৎপাদন করে । তদ্বারা কট পূর্ববৎ সংবেষ্টিত অবস্থা প্রাপ্ত হয় । সংবেষ্টিত কট চিরকাল প্রসারিত অবস্থায় রাখিলে তাহার সংবেষ্টন সংস্কার নষ্ট হইয়া যায় । তখন কটকে সংবেষ্টিত করিয়া হস্তসংযোগে তাহার প্রসারণ করিলে এবং তৎপরে হস্তসংযোগ অপগত হইলে কট-প্রসারণের অপগম হয় না । হস্তসংযোগের অপগম কট-প্রসারণের অপগমের কারণ হইলে উক্ত স্থলেও তাহা হইত । তাহা হয় না । অতএব স্পষ্ট বুঝা যাইতেছে যে, হস্তসংযোগের অপগম কট-প্রসারণের অপগমের হেতু নহে । কিন্তু সংবেষ্টনজনিত সংস্কার অনুসারে সংবেষ্টনরূপ বিরুদ্ধ কার্যের উৎপত্তি হওয়াতে কট-প্রসারণ অপগত হয় ।

কমল-বিকাশ চিরকালাবস্থিত হইলেও সূর্য্যকিরণ অপগত হইলে রাত্রিতে কমলের মুকুলাবস্থা হইয়া থাকে বটে ; কিন্তু সেখানেও নিমিত্তরূপ সূর্য্যকিরণের অপগম কমলের বিকাশ-বস্থার অপগমের বা মুকুলাবস্থার হেতু নহে । কারণ, বিকাশ-বস্থা হইবার পূর্বেও কমলের মুকুলাবস্থা ছিল । ঐ মুকুলাবস্থা অবশ্যই সূর্য্যকিরণের অপগম জন্য নহে । উহার হেতু কমলগত পার্থিব ও আপ্য অবয়ব বিশেষ । সূর্য্যকিরণ অপগম

হইলে প্রতিবন্ধক থাকে না বলিয়া ঐ অবয়বগুলি কমলের মুকুলাবস্থা সম্পাদন করে । হান কমলে ঐ অবয়বগুলি থাকে না, এই জন্য সূর্য্যকিরণ অপগত হইলেও পুনর্ব্বার তাহার মুকুলাবস্থা হয় না । ফলতঃ নিমিত্ত কারণ বিনাশে দ্রব্যনাশ সর্ব্বতন্ত্র বিরুদ্ধ, অদৃষ্টচর ও অন্তঃতপূর্ব্ব ।

দর্পণে মুখান্তরের উৎপত্তি হইলে তাহার স্পার্শন প্রত্যক্ষও হইতে পারিত । অর্থাৎ দর্পণে হস্ত অর্পণ করিলে নাসিকাদি উন্নতানত প্রদেশের উপলব্ধি হইত । তাহা হয় না । দর্পণে হস্ত অর্পণ করিলে উহা সমতল বলিয়াই বোধ হয় । এই কারণেও বলিতে হয় যে, দর্পণে মুখান্তরের উৎপত্তি হয় না । যদি বলা হয় যে, দর্পণের অভ্যন্তর ভাগে মুখান্তরের উৎপত্তি হয় ; সুতরাং দর্পণের উপরিস্থ কঠিন ভাগ দ্বারা মুখান্তর ব্যবহৃত হয় বলিয়া দর্পণে হস্তাঙ্গ করিলে মুখান্তরের স্পার্শন প্রত্যক্ষ হয় না । তাহা হইলে বক্তব্য এই যে, দর্পণের উপরিস্থ কঠিন ভাগ দ্বারা মুখান্তর ব্যবহৃত হয় বলিয়া তাহার যেমন স্পার্শন প্রত্যক্ষ হয় না, সেইরূপ চাক্ষুষ প্রত্যক্ষও হইতে পারে না । কেন না, উপরিস্থ কঠিন ভাগ ভেদ করিয়া নেত্ররশ্মি অভ্যন্তরভাগে প্রবেশ করিতে পারে না । দর্পণে মুখান্তর উৎপত্তির কোন কারণ নাই, ইহা পূর্ব্ব বলিয়াছি ।

যে রূপ বলা হইল, তদ্বারা প্রতিপন্ন হইতেছে যে, প্রতি-
বিশ্ব বিশ্ব হইতে ভিন্ন নহে । প্রপন্ন হইতে পারে যে, প্রতিবিশ্ব
বিশ্ব হইতে ভিন্ন না হইলে দর্পণগত মুখ প্রতিবিশ্ব মুখ
হইতে ভিন্ন নহে । মুখ কিন্তু গ্রীবাস্থিত । গ্রীবাস্থি মুখ কি

হেতুতে দর্পণগতরূপে প্রতিবিম্বমান হয় ? এতদুত্তরে বক্তব্য এই যে, বিশ্বের প্রতিবিম্ব-দেশ-ব্যুৎপত্তি বোধ অবিদ্যার বা মায়া-কার্য্য মাত্র । মায়া অঘটন বিষয়ও অনায়াসে ঘটাইতে পারে । তাহার অসাধ্য কিছুই নাই । স্বপ্নে কদাচিৎ নিজ মস্তকচ্ছেদনও দেখিতে পাওয়া যায়, উহা মায়া-কার্য্য ভিন্ন আর কিছুই নহে । ফলত বিশ্ব উপাধি-দেশস্বরূপে ভাসমান হইলেই প্রতিবিম্বরূপে ব্যবহৃত হয় । দেশান্তরস্থ বিশ্বের দেশান্তরস্বরূপে অর্থাৎ উপাধি-দেশস্বরূপে ভাসমান অবিদ্যার কার্য্য । আপত্তি হইতে পারে যে, এরূপ হইলে তীরস্থ উদ্ধাগ বৃক্ষ জলাশয়ে অধোগ্ররূপে ভাসমান হইতে পারে না । কেন না, অবিদ্যা আর কিছুই নহে, উহা বিপরীত জ্ঞানের বা মিথ্যা জ্ঞানের নামান্তর মাত্র । বৃক্ষের উদ্ধাগত্বের নিশ্চয় থাকাতে তাহার অধোগ্রত্ব ভ্রম হইতে পারে না । কেবল তাহাই নহে, বৃক্ষ জলস্থ নহে উহা তীরস্থ, প্রতিবিম্বদর্শীরও এরূপ নিশ্চয় আছে । সুতরাং এরূপ নিশ্চয় থাকাতে তাহার পক্ষে বৃক্ষ জলস্থ এইরূপ ভ্রমও হইতে পারে না । এতদুত্তরে বক্তব্য এই যে, প্রতিবিম্ববিভ্রম মূল্যবিদ্যার কার্য্য । বৃক্ষের উদ্ধাগত্বাদি নিশ্চয় মূল্যবিদ্যার বিনাশক হয় না । এই জন্য তাদৃশ নিশ্চয় সত্ত্বেও তাদৃশ প্রতিবিম্ববিভ্রম হইবার বাধা হইতে পারে না । বিবরণ-প্রমেয় সংগ্রহকার বলেন, অধিষ্ঠান তত্ত্বজ্ঞান নিরুপাধিক ভ্রমের বিরোধী, সোপাধিক ভ্রমের বিরোধী নহে । সোপাধিক ভ্রমে উপাধিই দোষ বলিয়া পরিকীর্তিত । প্রকৃত স্থলে প্রতিবিম্বের আধার উপাধি পদবাচ্য । বিবরণোপান্যাস-

কারের মতে উপাধি-সন্নিধান দোষ বলিয়া অভিহিত হইয়াছে ।

আপত্তি হইতে পারে যে, আত্মাতে কর্তৃত্ব-বিভ্রমও সোপা-
ধিক । কেন না, উহা অহঙ্কারোপাধিক । কারণ, যে পর্য্যন্ত
অহঙ্কার বিদ্যমান থাকে, সেই পর্য্যন্ত আত্মাতে কর্তৃত্ববিভ্রম
থাকে । অধিষ্ঠান তত্ত্বজ্ঞান সোপাধিক ভ্রমের বিরোধী না
হইলে আত্মতত্ত্বজ্ঞান হইলেও কর্তৃত্বাদি ভ্রমের নিবৃত্তি
হইতে পারে না । অর্থাৎ অহঙ্কাররূপ উপাধির অপগম না
হইলে উহার নিবৃত্তি হওয়া অসম্ভব । বিচারণ্য মুনি বলেন
যে, এ কথা ঠিক । কিন্তু আত্মাতে কর্তৃত্বাদি বিভ্রম সোপাধিক
হইলেও অহঙ্কারবিভ্রম নিরূপাধিক । উহা সোপাধিক
নহে । সুতরাং আত্মতত্ত্বজ্ঞান হইলে নিরূপাধিক অহঙ্কার-
বিভ্রম নিবৃত্তি হইবে, তদ্বিষয়ে কোন সন্দেহ নাই । অহঙ্কার-
বিভ্রম বিনিবৃত্ত হইলে অহঙ্কাররূপ উপাধির অপগম সম্পন্ন হয়
বলিয়া সুতরাং কর্তৃত্বাদি বিভ্রমেরও নিবৃত্তি হইবে । রামানন্দ
সরস্বতী বলেন যে, অহঙ্কার অজ্ঞানের কার্য্য । আত্মতত্ত্বজ্ঞান
অজ্ঞানের নাশক । অজ্ঞান তত্ত্বজ্ঞাননাশ্য, অহঙ্কার অজ্ঞানের
কার্য্য । তত্ত্বজ্ঞান দ্বারা অজ্ঞান বিনষ্ট হইলে অজ্ঞানকার্য্য
অহঙ্কার বা অহঙ্কারবিভ্রমও নিবৃত্ত হইবে । অহঙ্কার অজ্ঞা-
নের কার্য্য বলিয়া তত্ত্বজ্ঞান কার্য্যের প্রতিবন্ধক হয় না ।
মুখাদি তত্ত্বজ্ঞান যে অজ্ঞানের নিবর্তক, দর্পণাদি সে অজ্ঞানের
কার্য্য নহে, এই জন্য তাহা তত্ত্বজ্ঞান কার্য্যের প্রতিবন্ধক হয় ।
অর্থাৎ মুখাদির তত্ত্বজ্ঞান হইলেও দর্পণাদিতে মুখাদির প্রতি-
বিশ্ববিভ্রম বিনিবৃত্ত হয় না । সে যাহা হউক, বিষ ও প্রতি-

বিশ্বের বিপরীত-মুখত্ব কল্পিত ভেদ বশত উপপন্ন হইবে । প্রতিবিশ্ব বিশ্ব হইতে অভিন্ন হইলে জীবের মোক্ষাশ্রয়িত্ব সুন্দর-রূপে উপপন্ন হইতে পারে ।

সত্য বটে, দেবদত্তের প্রতিবিশ্বের কোন জ্ঞান হয় না অতএব চিৎপ্রতিবিশ্বস্বরূপ জীবেরও তত্ত্বজ্ঞান হইতে পারে না । কিন্তু দেবদত্তের জড়ংশ মাত্র প্রতিবিশ্বিত হয় । জড়ংশে জ্ঞান আদৌ নাই । চৈতন্যের প্রতিবিশ্ব চেতন, সুতরাং জীবের তত্ত্বজ্ঞান হইবার কোন বাধা নাই । প্রতিবিশ্ব ও বিশ্ব এক হইলে জীব ও ব্রহ্মের অভেদ অনায়াসে প্রতিপন্ন হয় । তথাপি কল্পিত ভেদ আছে বলিয়া জীবে সংসার কল্পিত, ঈশ্বরে কল্পিত সংসারও নাই । কল্পিত ভেদ অনুসারে সংসারভ্রম জীবে কল্পিত বলিয়া তত্ত্বজ্ঞান জীবেই কল্পিত হয় । যদিও লোকে ভ্রম নিবর্তক তত্ত্বজ্ঞান বিশ্বভূত দেবদত্তের দেখিতে পাওয়া যায়, তথাপি বিশ্বত্ব তাহার প্রযোজক নহে । ভ্রমাত্মকতাই তাহার প্রযোজক । অর্থাৎ তাহার ভ্রম আছে, তাহারই ভ্রমনিবর্তক তত্ত্বজ্ঞান হইয়া থাকে । ঈশ্বরের ভ্রম নাই । এই জন্য ভ্রম-নিবর্তক তত্ত্বজ্ঞান ঈশ্বরের হয় না । কল্পিত ভেদ অনুসারে জীবের ভ্রম আছে, এই জন্য ভ্রম নিবর্তক তত্ত্বজ্ঞানও জীবের হয় ।

প্রশ্ন হইতে পারে যে, ব্রহ্মা জীবের সহিত নিজের ঐক্য জানেন কি না ? যদি বলা হয় যে, জানেন না, তাহা হইলে, ব্রহ্মের সর্বসত্তার হানি হয়, যদি বলা হয় যে, জানেন, তাহা হইলে জীবগত ভ্রমাদি স্বগতরূপে তাহার দেখা উচিত । এই

প্রশ্নের উত্তরে বক্তব্য এই যে, দেখিতে পাওয়া যায় যে, দেবঃ দত্ত, প্রতিবিশ্ব মুখের সহিত বিশ্বভূত নিজ মুখের ঐক্য অবগত থাকিলেও প্রতিবিশ্বগত অল্লত্ব এবং মলিনত্ব বিশ্বভূত নিজমুখ-গত রূপে সর্বদা বিবেচনা করেন না । যখন তিনি বিবেচনা করেন যে, অল্লত্ব মলিনত্বাদি উপাধিকারিত—স্বাভাবিক নহে, তখন তিনি কোনরূপেই নিজ মুখের অল্লত্বাদি বিবেচনা করিয়া দুঃখিত হন না । যেরূপ বলা হইল, তাহাতে বুঝা যাইতেছে যে, ভ্রম এবং বিশেষ দর্শনের অভাব না থাকিলে উপাধি-কারিত দোষগুলি কোনরূপেই বিশ্বপদার্থগত বলিয়া বিবে-চিত হয় না । ঈশ্বরে ভ্রম নাই বিশেষ দর্শনের অভাবও নাই । সুতরাং তিনি জীবগত ভ্রমাদি স্বগতরূপে বিবেচনা করিবেন, এ কল্পনা অসম্ভব ।

প্রতিবিশ্ববাদীর। বিবেচনা করেন যে, জীব অন্তঃকরণ-প্রতিবিশ্ব হইলেও সর্বগত ব্রহ্ম অন্তঃকরণ অবচ্ছেদেও বিদ্যমান থাকিয়া তিনি অন্তর্যামিরূপে জীবের নিয়ামক হইতে পারেন । জলে আকাশের প্রতিবিশ্ব পড়িলেও যেমন তথায় বিশ্বভূত আকাশ বিদ্যমান থাকে, সেইরূপ অন্তঃকরণে ব্রহ্মের প্রতিবিশ্ব পড়িলেও বিশ্বভূত ব্রহ্ম তথায় বিদ্যমান থাকেন । সুতরাং প্রতিবিশ্ববাদে ঈশ্বরের অন্তর্যামিত্ব সর্বথা উপপন্ন হইতে পারে । অবচ্ছিন্নবাদে কিন্তু ঈশ্বরের অন্তর্যামিত্ব উপপন্ন হয় না । কেন না, যেমন ঘটগত আকাশ ঘটাবচ্ছিন্ন আকাশ বটে । পরন্তু অনবচ্ছিন্ন আকাশ ঘটে নাই—ঘটের বহির্দেশেই আছে । সেইরূপ অন্তঃকরণগত চৈতন্য অন্তঃকরণাবচ্ছিন্ন চৈতন্য বটে । পরন্তু অনবচ্ছিন্ন চৈতন্য

অন্তঃকরণে নাই অন্তঃকরণের বহির্দেশেই আছে । এক অন্তঃকরণে অবচ্ছিন্ন ও অনবচ্ছিন্ন রূপে চৈতন্যের দ্বৈতগুণ্য, এক ঘটে অবচ্ছিন্ন ও অনবচ্ছিন্নরূপে আকাশের দ্বৈতগুণ্যের ন্যায় অনুভব-বাধিত । অন্তঃকরণগত চৈতন্য দ্বিগুণ হইলেও এক গুণের ন্যায় উহাও অবশ্য অন্তঃকরণাবচ্ছিন্ন হইবে । অন্তঃকরণ যেমন এক গুণ চৈতন্যের অবচ্ছেদ করে, সেইরূপ উহা দ্বিগুণ চৈতন্যেরও অবচ্ছেদ করিবে সন্দেহ নাই । সুতরাং অবচ্ছিন্ন বাদে ঈশ্বরের অন্তর্যামিত্য উপপন্ন হইতে পারে না । প্রত্যুত চৈতন্যের দ্বৈতগুণ্য স্বীকার করিলে জীবের দ্বৈতগুণ্যাপত্তি হয়, সুধীগণ ইহা অনায়াসে বুঝিতে পারিতেছেন ।

পূর্বের যেরূপ বলা হইয়াছে তদ্বারা প্রতিপন্ন হয় যে, জীব চিৎপ্রতিবিন্ম্বরূপ । ঐ চিৎপ্রতিবিন্ম চিন্মাত্র ভিন্ন আর কিছুই নহে । অন্তঃকরণে প্রতিবিন্মিত হইবার পূর্বের চিন্মাত্র অবিদ্যাতে প্রতিবিন্মিত হয় । বিবরণোপন্যাসকার বলেন যে, উক্তরূপে অবিদ্যা-প্রতিবিন্মত্বাক্রান্ত শুদ্ধ চিন্মাত্র জীব ও প্রাজ্ঞ নামে অভিহিত । ইনিই স্রষ্টি অবস্থার সাক্ষী । স্রষ্টি হইতে উৎথিত হইলে স্রষ্টিকালীন প্রকাশ পরামর্শ যোগ্য হয় বলিয়া ইনি অবিকল্প চিন্মাত্র অপেক্ষা ঈষদ্বিকল্প যোগ্য বা ঈষদ্বিন্ম । অবিদ্যা-প্রতিবিন্মরূপ জীব অন্তঃকরণ-প্রতিবিন্মরূপ হইয়া স্বপ্ন অবস্থায় স্ফুটতর বিকল্প-যোগ্য হয় । কেন না, তৎকালে আমি প্রমাতা আমি কর্তা ইত্যাদি স্ফুটতর বিকল্প হইয়া থাকে । তেজোময় অন্তঃকরণরূপ উপাধি-যুক্ত হয় বলিয়া, স্বপ্ন অবস্থায় জীব তৈজস

শব্দে অভিহিত হয় । জাগ্রদবস্থায় অন্তঃকরণসংস্কৃষ্ট স্মৃল শরীরে জীবের অভিব্যক্তি হয় বলিয়া তদবস্থায় জীব স্ফুটতম বিকল্প-যোগ্য হইয়া থাকে । জাগ্রদবস্থায় জীবের অপর নাম বিশ্ব । বুঝা যাইতেছে যে, জীবের তিনটি উপাধি । সুষুপ্তি অবস্থায় উপাধি অবিদ্যা, স্বপ্ন অবস্থায় উপাধি জাগ্রদ্বা-
সনাময় অন্তঃকরণ বা অন্তঃকরণ-প্রধান সূক্ষ্ম দেহ, জাগ্রদবস্থায় উপাধি স্মৃল শরীর ।

আপত্তি হইতে পারে যে, উপাধিভেদে জীবভেদ হইলে এক শরীরেই অবিদ্যা, অন্তঃকরণ ও স্মৃলশরীররূপ ত্রিবিধ উপাধি বিদ্যমান রহিয়াছে বলিয়া এক দেহেও জীবের ভেদ বা অনেকত্ব হইতে পারে । পৃথক্ পৃথক্ ভাবে পৃথক্ পৃথক্ উপাধির সংবন্ধ হইলে এ আপত্তি হইতে পারিত, তাহা ত হয় না । পূর্ব পূর্ব উপাধি পরিত্যাগ না করিয়াই জীব উত্তরোত্তর উপাধির সহিত সংবধ্যমান হয় । অর্থাৎ অবিদ্যারূপ উপাধিযুক্ত হইয়াই জীব অন্তঃকরণরূপ উপাধিযুক্ত হয়, এবং তৎসংযুক্ত অর্থাৎ অবিদ্যাও অন্তঃকরণযুক্ত হইয়াই স্মৃল-দেহে অভিব্যক্ত হয় । সুতরাং এক শরীরে জীবভেদের আপত্তি হইতে পারে না । বিশেষ এই যে, জীব যখন জাগ্রদবস্থা হইতে স্বপ্ন অবস্থায় গমন করে, তখন স্মৃল-দেহের অভিমান পরিত্যক্ত হয় । স্বপ্ন অবস্থা হইতে যখন সুষুপ্তি অবস্থায় গমন করে তখন অন্তঃকরণের অভিমানও পরিত্যক্ত হয় । অবিদ্যা-প্রতিবিশ্ব মাত্র অবস্থিত থাকে । স্বপ্নাদি অবস্থায় আসিবার সময় পূর্ব পূর্ব উপাধির সহিত উত্তরোত্তর উপাধিতে সংবন্ধ হয় । অতএব জীবভেদের

আপত্তি হইতে পারে না । অবিদ্যা, অন্তঃকরণ এবং স্মৃতিদেহরূপ উপাধিবশত সংসার চিন্মাত্রে কল্লিত । মুক্তি অবস্থাতেও চিন্মাত্রের অবস্থিতি অব্যাহত । স্মরণ বন্ধ ও মুক্তির বৈয়ধিকরণের আপত্তি উঠিতে পারে না । কেন না, উপাধি অনুসারে যে চিন্মাত্রে বন্ধ বা সংসার কল্লিত হইয়াছিল, উপাধিবিগমে মুক্তিও তাহাতেই কল্লিত হইয়াছে । জীব ও ঈশ্বর বস্তুগত্যা এক হইলেও মায়া ও অবিদ্যারূপ উপাধিভেদে উভয়ের ভেদ কল্লিত হইয়াছে । এই জন্য ঈশ্বরের ন্যায় জীবের সর্বজ্ঞতার আপত্তি হইতে পারে না । /

তৃতীয় লেক্চর ।

আত্মা ।

অবচ্ছিন্নবাদ এবং প্রতিবিশ্ববাদ বলা হইয়াছে । প্রতি-
বিশ্ববাদ বিষয়ে পূর্ববাচাৰ্য্যদিগের ঐকমত্য নাই । অতএব
প্রতিবিশ্ববাদ বিষয়ে এবং প্রসঙ্গত জীব ও ঈশ্বরের বিভাগ
বিষয়ে সংক্ষেপে পূর্ববাচাৰ্য্যদিগের মত প্রদৰ্শিত হইতেছে ।
অবিদ্যা-প্রতিবিশ্বিত চৈতন্য বা অবিদ্যাগত চিৎপ্রতিবিশ্ব
জীব, ইহা পূর্বের প্রতিপাদিত হইয়াছে । তদ্ব্যববেককারের
মতে মূলপ্রকৃতি ত্রিগুণাত্মিকা । উহা আবার দুইরূপে
বিভক্ত ।^{১০} বিশুদ্ধ-সত্ত্ব-প্রধানা প্রকৃতি মায়া এবং অবিশুদ্ধ-
সত্ত্ব-প্রধানা বা মলিন-সত্ত্ব-প্রধানা প্রকৃতি অবিদ্যা । মায়া-প্রতি-
বিশ্ব ঈশ্বর এবং অবিদ্যা-প্রতিবিশ্ব জীব । একটীর্থবিবরণ-
কারের মতে অনাদি অনির্বাচ্য চিন্মাত্র-সংবন্ধিনী মূলপ্রকৃতির
নাম মায়া । মায়াগত চিৎপ্রতিবিশ্ব ঈশ্বর । মায়ার পরিচ্ছিন্ন
প্রদেশগুলিই অবিদ্যা । ঐ প্রদেশগুলি আবরণশক্তি এবং
বিক্ষেপশক্তি-যুক্ত । যে শক্তিদ্বারা ব্রহ্মচৈতন্যের আবরণ হয়,
তাহার নাম আবরণশক্তি । ব্রহ্ম নাই, ব্রহ্ম প্রকাশ পায় না
ইত্যাদি ব্যবহার-যোগ্যতাই ব্রহ্মচৈতন্যের আবরণ । যে শক্তি
দ্বারা বিক্ষেপ সম্পন্ন হয়, তাহার নাম বিক্ষেপশক্তি । অচ্যুত-
কৃষ্ণানন্দ তীর্থ বলেন যে, তত্ত্বজীবগত দুঃখাদিই বিক্ষেপ
শব্দের অর্থ ।

প্রকটার্থবিবরণকারের মতে তথাবিধ শক্তিদ্বয়-যুক্ত—
পরিচ্ছিন্ন—মায়া-প্রদেশগুলি অবিদ্যা-শব্দ-বাচ্য । * তদগত
চিৎপ্রতিবিম্ব জীব । কেহ কেহ বলেন, এক মূলপ্রকৃতির
দুইটি শক্তি । বিক্ষেপশক্তি ও আবরণশক্তি । যে শক্তি-
প্রভাবে জগতের সৃষ্টি হয়, তাহার নাম বিক্ষেপশক্তি ।
বিক্ষেপশক্তির প্রাধান্য বিবক্ষিত হইলে ঐ মূলপ্রকৃতি মায়া-
শব্দ-বাচ্য হয় । তাদৃশ মায়া ঈশ্বরের উপাধি । আবরণশক্তির
প্রাধান্য বিবক্ষিত হইলে ঐ মূলপ্রকৃতিই অবিদ্যা বলিয়া কথিত
হয় । অবিদ্যার অপর নাম অজ্ঞান । ঐ অবিদ্যা বা অজ্ঞান
জীবের উপাধি । মূলপ্রকৃতি জীবেশ্বর-সাধারণ-চিন্মাত্র-
সংবন্ধিনী হইলেও আমি অজ্ঞ এইরূপে অজ্ঞান-সংবন্ধের
অনুভব জীবের হয় ঈশ্বরের হয় না । কেন না, অজ্ঞান-
জীবের উপাধি, ঈশ্বরের উপাধি নহে । এই জন্য জীব অজ্ঞান-
সংবন্ধের অনুভব করে ঈশ্বর অজ্ঞান সংবন্ধের অনুভব
করেন না ।

সংক্ষেপশারীরকের মতে অবিদ্যাগত বা মায়াগত চিৎ-
প্রতিবিম্ব ঈশ্বর এবং অন্তঃকরণগত চিৎপ্রতিবিম্ব জীব ।
সত্য বটে, চৈতন্য সর্বব্যাপী । সুতরাং অন্তঃকরণের দ্বারা
চৈতন্যের অবচ্ছেদ অবশ্যস্তুাবী । তাহা হইলেও অন্তঃকরণা-
বচ্ছিন্ন চৈতন্য জীব, এরূপ বলা সম্ভব নহে । কারণ,
ইহলোকে যে চৈতন্যপ্রদেশ বদন্তঃকরণাবচ্ছিন্ন হয়,
পরলোকে সে চৈতন্যপ্রদেশ তদন্তঃকরণাবচ্ছিন্ন হয় না ।
কেন না, অন্তঃকরণ পরিচ্ছিন্ন বলিয়া তাহার পরলোকে গমন
হইতে পারে বটে, কিন্তু চৈতন্য অপরিচ্ছিন্ন বা সর্বব্যাপী

বলিয়া তাহার গতি নাই । সুতরাং পরলোকগামী অন্তঃকরণ
 পরলোকস্থ চৈতন্যপ্রদেশের অবচ্ছেদ করিবে ইহলোকস্থ
 চৈতন্য প্রদেশের অবচ্ছেদ করিবে না । কেন না, অন্তঃকরণ
 পরলোকে গিয়াছে ইহলোকস্থ চৈতন্যপ্রদেশ পরলোকে যায়
 নাই ইহলোকেই রহিয়াছে । অতএব ইহলোকে ও পরলোকে
 অন্তঃকরণাবচ্ছিন্ন চৈতন্যপ্রদেশ ভিন্ন ভিন্ন হইবে সন্দেহ নাই ।
 মনে করুন একটি বৃহৎ প্রাসাদের অনেকগুলি অংশ বা
 প্রকোষ্ঠ আছে । তাহার একটি প্রকোষ্ঠে একটি প্রদীপ
 রহিয়াছে । প্রাসাদের সেই প্রকোষ্ঠটি প্রদীপাবচ্ছিন্ন হইবে ।
 অর্থাৎ প্রদীপ ঐ প্রকোষ্ঠের অবচ্ছেদ সম্পাদন করিবে । কাল-
 ভরে ঐ প্রদীপটি ঐ প্রাসাদের অপর প্রকোষ্ঠে নীত হইলে
 ঐ প্রকোষ্ঠ অর্থাৎ যে প্রকোষ্ঠে প্রদীপ নীত হইল ঐ
 প্রকোষ্ঠটি তৎকালে প্রদীপাবচ্ছিন্ন হইবে । পূর্বপ্রকোষ্ঠটি
 তখন প্রদীপাবচ্ছিন্ন হইবে না । এস্থলে প্রদীপরূপ উপাধির
 ভেদ না থাকিলেও তাহার স্থানান্তর গমন দ্বারা যেমন ভিন্ন
 ভিন্ন সময়ে প্রাসাদের ভিন্ন ভিন্ন প্রদেশ তদবচ্ছিন্ন হয়, সেই
 রূপ অন্তঃকরণরূপ উপাধি এক হইলেও তাহার ইহলোকে
 অবস্থিতি এবং পরলোকে গতি হয় বলিয়া ভিন্ন ভিন্ন সময়ে ভিন্ন
 ভিন্ন আত্মপ্রদেশ তদবচ্ছিন্ন হইবে । তাহা হইলে ইহলোকের
 জীব এবং পরলোকের জীবও, ভিন্ন ভিন্ন হইয়া পড়িতেছে ।
 তাহা হইলে কৃতবিপ্রার্শ এবং অকৃতাত্মাগমদোষ উপস্থিত
 হইতেছে । কৃতকর্মের ফলভোগ না হওয়ার নাম কৃতবিপ্রার্শ ।
 কেন না কৃতকর্ম ফল-প্রদান না করিয়াই বিনষ্ট হয় ইহা
 স্বীকার করিতে হইতেছে । ইহারই নাম কৃতবিপ্রার্শ । অকৃতাত্ম-

ভ্যাগম কি না অকৃতকর্মের ফলভোগ । অর্থাৎ যে কর্ম করা হয় নাই তাহার ফলভোগ করার নাম অকৃতভ্যাগম ।* অন্তঃ-
করণাবচ্ছিন্ন চৈতন্য জীব হইলে কৃতবিপ্রণাশ ও অকৃতভ্যাগম-
রূপ দোষদ্বয় অপরিহার্য্য হইয়া পড়ে । সকলেই স্বীকার
করিবেন যে, জীব ইহলোকে শুভাশুভ কর্ম করিয়া পর-
লোকে তাহার ফলভোগ করে । অবচ্ছিন্নবাদে তাহা হইতে
পারে না । কেন না, ইহলোকে যে আত্মপ্রদেশ অন্তঃকরণা-
বচ্ছিন্ন হয়, পরলোকে সে আত্মপ্রদেশ অন্তঃকরণাবচ্ছিন্ন হয় না,
অপর আত্মপ্রদেশ অন্তঃকরণাবচ্ছিন্ন হয় । সুতরাং ইহলোকে
যে জীব কর্ম করে, সে জীব পরলোকে তাহার ফলভোগ
করে না । পরলোকে যে জীব ফলভোগ করে, সে জীব
ইহলোকে তৎফলজনক কর্ম আচরণ করে নাই । অতএব
অন্তঃকরণাবচ্ছিন্ন চৈতন্য জীব, ইহা বলা যাইতে পারে না ।

অচ্যুত কৃষ্ণানন্দ তীর্থ প্রকারান্তরে ইহাই বলিয়াছেন । তিনি
বলেন যে, ইহলোকে ব্রাহ্মণাদি-শরীরগত অন্তঃকরণ—চৈতন্য
প্রদেশের অবচ্ছেদক, পরলোকে দেবাদি-শরীরগত অন্তঃকরণ—
চৈতন্য প্রদেশের অবচ্ছেদক । অর্থাৎ অবচ্ছেদক অন্তঃকরণ
এক হইলেও অবচ্ছেদ্য চৈতন্যপ্রদেশ ভিন্ন ভিন্ন হইতেছে,
তদ্বিষয়ে সংশয় নাই । সুতরাং বলিতে হইতেছে যে, ব্রাহ্মণাদি-
শরীরগত অন্তঃকরণাবচ্ছিন্ন চৈতন্যপ্রদেশ কর্মকর্তা, দেবাদি-
শরীরগত অন্তঃকরণাবচ্ছিন্ন চৈতন্যপ্রদেশ কর্মকর্তা নহে কিন্তু
কর্মফলের ভোক্তা । অতএব কৃতবিপ্রণাশ ও অকৃতভ্যাগম
দোষ ঘটিতেছে । কেন না, যে কর্ম করে সে তাহার ফল-
ভোগ করে না । যে কর্ম করে নাই, সে অকৃতকর্মের

ফলভোগ করে । স্পষ্ট ভাষায় বলিতে হইলে বলিতে পারা যায় যে, এক জীব কন্ম করে অপর জীব তাহার ফলভোগ করে, অবচ্ছিন্নবাদে ইহা স্বীকার না করিয়া পারা যায় না ।

আপত্তি হইতে পারে যে, চৈতন্য এক অদ্বিতীয় ও সর্বব্যাপী । প্রদেশভেদ হইলেও চৈতন্যের ভেদ নাই । ইহলোকে যে চৈতন্য অন্তঃকরণাবচ্ছিন্ন ছিল, প্রদেশভেদ হইলেও পরলোকেও সেই চৈতন্যই অন্তঃকরণাবচ্ছিন্ন হইবে । অতএব কৃতবিপ্রণাশ ও অকৃতাত্যাগম দোষ হইতে পারে না । ইহার উত্তরে বক্তব্য এই যে, তাহা হইলে চৈতন্য এক বলিয়া যে চৈতন্য অন্তঃকরণাবচ্ছিন্ন, সেই চৈতন্যই মায়াবচ্ছিন্ন ইহা অবশ্য বলিতে হইবে । ইহা বলিতে গেলে জীবের ও ঈশ্বরের সাক্ষ্য উপস্থিত হয় । কেন না অবচ্ছিন্নবাদীর মতে অন্তঃকরণাবচ্ছিন্ন চৈতন্য জীব এবং মায়াবচ্ছিন্ন চৈতন্য ঈশ্বর । আরও বিবেচনা করা উচিত যে, চৈত্র মৈত্রাদিভেদে অন্তঃকরণ এক প্রকার অপরিমংখ্য বলি যাহতে পারে । অবচ্ছিন্নবাদীর মতে একমাত্র চৈতন্য সমস্ত অন্তঃকরণাবচ্ছিন্ন হইবে । তাহা হইলে সুখদুঃখাদির ব্যবস্থা হইতে পারে না । অর্থাৎ চৈত্র সুখী মৈত্র দুঃখী এইরূপ ব্যবস্থা হইতে পারে না । কেন না, যে চৈতন্য চৈত্রের অন্তঃকরণাবচ্ছিন্ন, সেই চৈতন্যই মৈত্রের অন্তঃকরণাবচ্ছিন্ন । দেখিতে পাওয়া যায় যে একটী কাচপাত্রে নীল পীতাদি রূপের সমাবেশ থাকিলে এবং তাহার প্রদেশভেদ স্বীকার করিলে নীল পীতাদি রূপের সাক্ষ্য হয় না । কাচপাত্রটী একপ্রদেশ অবচ্ছেদে নীল অপর প্রদেশ অবচ্ছেদে পীত, কাচপাত্র এক হইলেও উক্তরূপে নীল-

পীতাদির ব্যবস্থা হইতে পারে । কিন্তু প্রদেশভেদে হইলেও এক• কাচপাত্রই নীল পীতাদি রূপাবচ্ছিন্ন এইরূপ বলিতে গেলে নীল পীতাদি রূপের ব্যবস্থা কিছুতেই হইতে পারে না । প্রকৃত স্থলেও সেইরূপ প্রদেশ-ভেদ স্বীকার না করিলে স্তূথদুঃখাদির ব্যবস্থা হইতে পারে না । প্রদেশভেদ স্বীকার করিলে কিন্তু কৃতবিপ্রণাশ ও অকৃতাত্যাগম দোষ অপরিহার্য হইয়া পড়ে । এই জন্য অবচ্ছিন্নবাদ সমীচীন বলা যাইতে পারে না ।

প্রতিবিশ্ববাদে এ দোষ হয় না । কারণ, অবচ্ছেদক উপাধির গমনাগমনে যেমন অবচ্ছেদ্যের ভেদ হয়, প্রতিবিশ্বের উপাধির গমনাগমনে সেরূপ প্রতিবিশ্বের ভেদ হয় না । একটা দৃষ্টান্তের সাহায্যে কথাটি বুঝিবার চেষ্টা করা যাইতেছে । রসবিশেষ দ্বারা অবসিক্ত পত্রবিশেষে যন্ত্রের সাহায্যে প্রতিবিশ্ব নিপতিত হয় । ফটোগ্রাফের কথা কহিতেছি । অন্তঃকরণে চিত্রপ্রতিবিশ্ব নিপতিত হয় বলিয়া অন্তঃকরণ যেমন উপাধিরূপে ব্যবহৃত হইয়াছে, পত্রবিশেষে প্রতিবিশ্ব নিপতিত হয় বলিয়া ঐ পত্রবিশেষও সেইরূপ উপাধি বলিয়া ব্যবহৃত হইবে । ঐ উপাধিবিশেষের অর্থাৎ প্রতিবিশ্বাধার পত্রবিশেষের ভিন্ন ভিন্ন স্থানে গমনাগমনে তদারূঢ় প্রতিবিশ্ব ভিন্ন ভিন্ন হয় না । ইহা সকলেই অবগত আছেন । সেইরূপ অন্তঃকরণ বিভিন্ন প্রদেশগত হইলেও তদারূঢ় চিত্রপ্রতিবিশ্ব ভিন্ন ভিন্ন হইতে পারে না ।

জীব ও ঈশ্বর উভয়েই ভিন্ন ভিন্ন উপাধিগত চিত্রপ্রতিবিশ্ব, এই মতে যে চৈতন্য বিশ্বস্থানীয় অর্থাৎ মায়া ও অন্তঃকরণে

যে চৈতন্যের প্রতিবিম্ব পতিত হয়, তাহা বিশুদ্ধ চৈতন্য। কেন না, তাহা কোনরূপ উপাধি দ্বারা পরিচ্ছিন্ন নহে। তথা-বিধ বিশ্বস্থানীয় বিশুদ্ধ চৈতন্যই ব্রহ্ম বলিয়া কথিত। এবং তাহাই মুক্তপুরুষের অধিগন্তব্য বা প্রাপ্য।

চিত্রদীপে চৈতন্যের চতুর্বিধ ভেদ অঙ্গীকৃত হইয়াছে। জীব, কূটস্থ, ঈশ্বর ও ব্রহ্ম। বলা বাহুল্য যে, চৈতন্য একমাত্র। এই সকল ভেদ স্বাভাবিক নহে উপাধিক বা ব্যাবহারিক। এক আকাশ যেমন ঘটাকাশ, জলাকাশ, মহাকাশ ও মেঘাকাশরূপে চতুর্বিধ, এক চৈতন্যও সেইরূপ জীব, কূটস্থ, ঈশ্বর ও ব্রহ্ম-রূপে চতুর্বিধ। দৃষ্টান্ত স্থলে ঘটাবচ্ছিন্ন আকাশের নাম ঘটাকাশ। ঘটস্থিত জলে প্রতি-বিস্তৃত সাদ্রশ্যক্রমে আকাশ জলাকাশ। অনবচ্ছিন্ন আকাশ মহাকাশ। অর্থাৎ ঘটাদিরূপ উপাধিদ্বারা আকাশের অব-চ্ছেদ বিবক্ষিত না হইলে স্বাভাবিক আকাশ মহাকাশরূপে ব্যবহৃত হয়। মহাকাশের মধ্যে মেঘমণ্ডল অবস্থিত থাকে। মেঘ হইতে বৃষ্টি হয়। তদ্বারা অনুমান করা যাইতে পারে যে, মেঘে জলের সন্ধান আছে। কালিদাস মেঘদূতে বলিয়াছেন—

ধূমজ্যোতিঃসলিলমহতাং সন্নিপাতঃ স্নানীঘঃ ।

অর্থাৎ ধূম, জ্যোতি, জল ও বায়ু মিলিত হইলে উহা মেঘ বলিয়া অভিহিত হয়। মেঘে অবস্থিত—মেঘের অবয়বরূপ জল অবশ্য তরল নহে। কারণ, তরল হইলেই উহা বৃষ্টিরূপে নিপতিত হয়। সাধারণত ঐ জল তুষারাকারে মেঘে অব-স্থিত থাকে। ঐ তুষারাকারজলে প্রতিবিস্তৃত আকাশের

নাম মেঘাকাশ । ঘটস্থিত জলে আকাশের প্রতিবিম্ব দেখিতে পাওয়া যায় । মেঘের অবয়বভূত তুষারাকার জলও জল । অতএব তাহাতেও আকাশের প্রতিবিম্ব অনুমান করা যাইতে পারে । উক্তরূপে এক আকাশ যেমন চারি প্রকারে বিভক্ত হইয়াছে, এক চৈতন্য ও সেইরূপ চারি প্রকারে বিভক্ত । বেদান্ত মতে সমস্ত জগৎ চৈতন্যে কল্পিত । স্থূল শরীর ও সূক্ষ্ম শরীর নামক জীবের শরীরদ্বয়ও চৈতন্যে কল্পিত । যাহাতে যাহার কল্পনা হয়, তাহা ঐ কল্পনার অধিষ্ঠান-রূপে ব্যবহৃত হইয়া থাকে । শুক্তিকাতে রজতের ভ্রম হয় সূতরাং রজত শুক্তিকাতে কল্পিত হয় বলিতে পারা যায় । এস্থলে শুক্তিকা রজত কল্পনার অধিষ্ঠান অর্থাৎ আশ্রয় । স্থূল সূক্ষ্ম শরীরদ্বয় চৈতন্যে কল্পিত হয় সূতরাং চৈতন্য শরীরদ্বয়-কল্পনার অধিষ্ঠান । চৈতন্য—শরীরদ্বয়-কল্পনার অধিষ্ঠান বলিয়া উহা উক্ত শরীরদ্বয়বচ্ছিন্ন অর্থাৎ উক্ত শরীরদ্বয় দ্বারা অধিষ্ঠান চৈতন্যের অবচ্ছেদ হয় । উক্ত শরীরদ্বয়-কল্পনার অধিষ্ঠান অথচ উক্ত শরীরদ্বয়বচ্ছিন্ন চৈতন্যের নাম কূটস্থ । ঐ চৈতন্য কূটের ন্যায় নির্বিকারে অবস্থিত বলিয়া তাহাকে কূটস্থ বলা যায় । সূক্ষ্ম শরীর চৈতন্যে বা কূটস্থে কল্পিত । অন্তঃকরণ বা বুদ্ধি সূক্ষ্ম শরীরের অন্তর্গত । সূক্ষ্ম শরীর কূটস্থে কল্পিত হইলে তদন্তর্গত বুদ্ধি কূটস্থে কল্পিত হইরে, ইহা বলাই বাহুল্য । অন্তঃকরণ-প্রতিবিম্বিত চৈতন্য জীব । প্রাণধারণার্থ জীবধাতু হইতে জীবশব্দ সমুৎপন্ন হইয়াছে । অন্তঃকরণগত চিদাভাস-প্রাণ-ধারণ-করে বলিয়া জীবশব্দবাচ্য । নির্বিকার কূটস্থের সংসার নাই । চিদাভাসের সংসার আছে অর্থাৎ জীব

সংসারী, কূটস্থ সংসারী নহে । অনবচ্ছিন্ন চৈতন্য ব্রহ্মপদ-
বাচ্য । ° মায়া ব্রহ্মাশ্রিত । এই মায়া তমোরূপে কথিত ।
বেদান্ত মতে জগৎ মায়াময় । বটধানাতে যেমন মহান্ বট-
বৃক্ষ সূক্ষ্মরূপে অবস্থিত, সেইরূপ ব্রহ্মাশ্রিত মায়াতে জগৎ
সূক্ষ্মরূপে অবস্থিত । স্ততরাং সমস্ত প্রাণীর বুদ্ধিও সূক্ষ্ম-
রূপে মায়াতে অবস্থিত রহিয়াছে । সূক্ষ্মরূপে অবস্থিত
বুদ্ধিই বুদ্ধিবাসনা বা ধীবাসনা বলিয়া অভিহিত হয় । মায়া
ব্রহ্মাশ্রিত । সমস্ত প্রাণীর বুদ্ধি বাসনা মায়াতে অবস্থিত ।
মায়াগত বুদ্ধি বাসনাতে প্রতিবিম্বিত চৈতন্য ঈশ্বর । তন্মধ্যে
কূটস্থ ঘটাকাশ স্থানীয়, জীব জলাকাশ স্থানীয়, ব্রহ্ম
মহাকাশ স্থানীয়, ঈশ্বর মেঘাকাশ স্থানীয় । সমস্ত বস্তু
প্রাণীদিগের বুদ্ধির বিষয় । স্ততরাং সমস্ত প্রাণীর বুদ্ধি বাসনা
সর্ববস্তু বিষয়ক । তাদৃশ বুদ্ধি বাসনা ঈশ্বরের উপাধি, এই
জন্য ঈশ্বর সর্বজ্ঞ । সর্বজ্ঞ বলিয়াই তিনি সর্বকর্তা ।
অস্বাদাদির বুদ্ধিবাসনা ঈশ্বরের উপাধি হইলে ঈশ্বরের
সর্বজ্ঞতা অস্বাদাদির অনুভূত হওয়া উচিত, এ আপত্তি
অকিঞ্চিৎকর । কারণ, আমাদের বুদ্ধি বাসনা ঈশ্বরের
উপাধি হইলেও তাঁহার সর্বজ্ঞতা আমাদের অনুভূত হইতে
পারে না । কেন না, বাসনা প্রত্যক্ষ নহে বলিয়া বাস-
নোপহিত ঈশ্বরও প্রত্যক্ষ নহেন । স্ততরাং তাঁহার সর্বজ্ঞতাও
আমাদের প্রত্যক্ষ গোচর হইতে পারে না । জলাকাশ দ্বারা
যেমন ঘটাকাশ সম্পূর্ণরূপে তিরোহিত হয়, সেইরূপ জীবদ্বারা
কূটস্থও সম্পূর্ণরূপে তিরোহিত হয় । এই জন্য কূটস্থ
প্রতিভাত হয় না । এই তিরোধান শাস্ত্রে অন্যান্যাদ্যাস

নামে অভিহিত হইয়াছে । জীব অহং ইত্যাকারে ভাসমান ।

জীব ও কূটস্থের অবিবেক, মূলাবিদ্যা বলিয়া কথিত হয় ।

এই মূলাবিদ্যার বিক্ষেপ ও আবরণ নামে দুইটি শক্তি আছে । আবরণ শক্তিদ্বারা কূটস্থের অসঙ্গত্ব এবং আনন্দরূপত্ব-রূপ বিশেষ অংশ আবৃত হয় । শুক্তিকার শুক্তিভ্বরূপ বিশেষ অংশ আবৃত হইয়া যেমন শুক্তিকাতে রজত অধ্যস্ত হয়, সেইরূপ কূটস্থের বিশেষ অংশ আবৃত হইয়া অহং ইত্যাকারে প্রতীয়মান জীব কূটস্থে অধ্যস্ত হয় । ইহাকে বিক্ষেপাধ্যাস কহে । শুক্তি-রজতাধ্যাসস্থলে যেমন শুক্তিগত ইদংভ্বরূপ সামান্যাংশ সত্য, রজতাংশ মিথ্যা, অথচ শুক্তিগত ইদমংশ রজতে প্রতীয়মান হয়, সেইরূপ কূটস্থগত স্বয়ংভ্ব এবং বস্তুভ্ব সত্য অহংভ্ব মিথ্যা । অথচ কূটস্থগত স্বয়ংভ্ব এবং বস্তুভ্ব অহমর্থে অর্থাৎ জীবে প্রতীয়মান হয় । শুক্তির নীলপৃষ্ঠ ত্রিকোণত্বাদি যেমন তিরোহিত থাকে, কূটস্থের অসঙ্গত্বাদিও সেইরূপ তিরোহিত থাকে । অধিষ্ঠানরূপ-শুক্তি-গত ইদংভ্বরূপ সামান্যাংশ এবং অধ্যস্ত-রজত-গত রজতভ্বরূপ বিশেষাংশ যেমন এক সঙ্গে প্রকাশিত হয়, সেইরূপ অধিষ্ঠান-কূটস্থ-গত স্বয়ংভ্বরূপ সামান্যাংশ এবং অধ্যস্ত জীবগত অহংভ্বরূপ বিশেষ অংশ এক সঙ্গে প্রকাশিত হয় । স্বয়ংভ্ব সামান্যাংশ, অহংভ্ব বিশেষ অংশ । দেবদত্ত স্বয়ং করিয়াছে, তুমি স্বয়ং দেখিবে, আমি স্বয়ং যাইব, এইরূপে স্বয়ংভ্ব অনুরক্তধর্ম এবং পুরুষা-ন্তরেও ব্যবহৃত হয় । এই জন্য স্বয়ংভ্ব সামান্য অংশ । এক পুরুষের অন্য পুরুষে অহং এইরূপ ব্যবহার হয় না । স্মৃতির অহংভ্ব অনুরক্তধর্ম নহে উহা ব্যাবৃত্তধর্ম । অতএব অহংভ্ব বিশেষ

অংশ । ইদংত্ব এবং রজতত্ব যেমন ভিন্ন, স্বয়ংত্ব এবং অহংত্বও সেইরূপ ভিন্ন । সামান্যরূপ অর্থাৎ অনুগত-স্বভাব স্বয়ং শব্দার্থই কূটস্থ এবং তাহাই আত্মা । অর্থাৎ স্বয়ং শব্দ এবং আত্মশব্দ পর্যায়ায় শব্দ । এই জন্য স্বয়ং শব্দের এবং আত্ম-শব্দের সহ প্রয়োগ নাই ।

আপত্তি হইতে পারে যে, স্বয়ংশব্দ আত্মশব্দের পর্যায়ায় হইলে অচেতনে স্বয়ং শব্দের প্রয়োগ কিরূপে হইতে পারে ? কেন না, অচেতনের ত আত্মা নাই । অথচ ঘট স্বয়ং জল আহরণ করিতে পারে না, ঘটের দ্বারা জলাহরণ করিতে হয়, ইত্যাদি-রূপে ঘটাদিরূপ অচেতন পদার্থেও স্বয়ংপদের প্রয়োগ দেখিতে পাওয়া যায় । ইহার উত্তরে বক্তব্য এই যে, চেতন চিদাভাস যেমন কূটস্থে কল্পিত অচেতন ঘটাদিও সেই কূটস্থে কল্পিত । আত্মা সর্বব্যাপী । ঘটাদিরও স্ফুর্তি হয় অতএব স্ফূরণরূপে আত্মা ঘটাদিতেও অনুগত । অতএব নিজের স্বয়ংত্ব না থাকিলেও আত্মসত্তা অবলম্বনে ঘটাদিতে স্বয়ং শব্দের প্রয়োগ হইবার বাধা নাই ।

আপত্তি হইতে পারে যে, ঘটাদিতে আত্মচেতনের সত্তা থাকিলে ঘটাদিকে অচেতন বলা যাইতে পারে না । ঘটাদিও অশ্বাদির ন্যায় চেতন বলিয়া গণ্য হওয়াই সম্ভব হয় । অধিক কি, চৈতন্য সর্বব্যাপী হইলে জগতে কোন পদার্থকেই অচেতন বলা যাইতে পারে না । এতদ্বত্তরে বক্তব্য এই যে, ঘটাদিতে আত্মচেতনের অনুগতি থাকিলেও ঘটাদি অচেতন । যাহাতে আত্মচেতনের সত্তা আছে, তাহা চেতন, যাহাতে আত্মচেতনের সত্তা নাই, তাহা অচেতন,

ঐরূপ বিভাগ হইতে পারিলে ঘটাদিকে অচেতন বলা যাইতে পারিত না বটে । কিন্তু ঐরূপ বিভাগ হইতে পারে না । কেন না, আত্মচৈতন্য সর্বব্যাপী । আত্মচৈতন্য নাই, ঐরূপ স্থান বা পদার্থ জগতে নাই । অথচ জগতে চেতন ও অচেতনের বিভাগ আছে । অতএব বলিতে হইতেছে যে, চেতন ও অচেতনের বিভাগের হেতু অন্যরূপ । তাহা এই— যাহার বুদ্ধিগত চিদাভাস আছে, তাহা চেতন । যাহার চিদাভাস নাই, তাহা অচেতন । প্রাণীদিগের চিদাভাস আছে এই জন্য প্রাণীবর্গ চেতন । ঘটাদির চিদাভাস নাই, এই জন্য ঘটাদি অচেতন । ঘটাদির চিদাভাস নাই এ বিষয়ে বিদ্যারণ্য মুনি একটি সুন্দর দৃষ্টান্ত প্রদর্শন করিয়াছেন । একখানি বৃহদ্বক্ষ চিত্রাঙ্কনের উপযোগী করিয়া তাহাতে নানাবিধ চিত্র অঙ্কিত করা হয় । চিত্রপটে মনুষ্যাদির যে চিত্র অঙ্কিত করা হয়, তাহাদের পৃথক্ পৃথক্ বস্ত্রাভাসও অঙ্কিত করা হইয়া থাকে । ঐ বস্ত্রাভাস যেমন চিত্রাধার পটের অনুরূপ-রূপে অঙ্কিত হয়, সেইরূপ প্রাণীদিগের পৃথক্ পৃথক্ চিদাভাস কল্পিত হয় । ঐ চিদাভাস জীবশব্দবাচ্য ও সংসারী । বস্ত্রাভাসগত গুরুনীলাদিবর্ণ যেমন চিত্রাধার-বস্ত্র-গতরূপে প্রতীয়মান হয়, সেইরূপ চিদাভাস-গত বা জীবগত সংসার বিশ্বভূত-চৈতন্য-গতরূপে প্রতীয়মান হয় । চিত্রাংকিত পর্বতাদির যেমন বস্ত্রাভাস অঙ্কিত করা হয় না, সেইরূপ জগতের মৃত্তিকাদির চিদাভাস কল্পিত হয় নাই । যে রূপ বলা হইল, তৎপ্রতি মনোযোগ করিলে বুঝিতে পারা যায় যে, আত্মচৈতন্য সর্বব্যাপী হইলেও যাহার চিদাভাস আছে,

তাহা চেতন, যাহার চিদাভাস নাই, তাহা অচেতন এই-
রূপ চেতনাচেতন বিভাগ অনায়াসে সম্পন্ন হইতে পারে ।
চিদাভাস চেতন ও চিত্তের সদৃশ বলিয়া তদুভয়ের অবিবেক
লোক-প্রসিদ্ধ সূত্রাং চিদাভাসগত সংসার চিদগতরূপে
প্রতীয়মান হয় । এই জন্য জীবগত সংসার কূটস্থগতরূপে
প্রতীয়মান হইয়া থাকে ।

ব্রহ্মানন্দে বলা হইয়াছে যে, মাণ্ডুক্যোপনিষদে স্মৃষ্টি-
কালে যে আনন্দময় উপদিষ্ট হইয়াছে, তাহাই জীঘ ।
বিষয়-ভোগপ্রদ কর্ম ক্ষয় হইলে নিদ্রারূপে অন্তঃকরণ বিলীন
হয় । স্মৃষ্টি কালে যে অন্তঃকরণ বিলীন হইয়াছিল, ভোগ-
প্রদ কর্মের বৃত্তিলাভ হইলে তাহা ঘনীভূত হয় । . জল
যেমন তরলতা পরিত্যাগ পূর্বক ঘনীভূত অর্থাৎ ভূষারভাবা-
পন্ন হয়, বিলীন হৃত যেমন পুনর্বার ঘনীভূত হয়, অন্তঃকরণও
সেইরূপ বিলীনতা পরিত্যাগ পূর্বক ঘনীভূত হয়, অর্থাৎ
পূর্বাবস্থা প্রাপ্ত হয় । স্মৃষ্টি কালে বিলীनावস্থা অন্তঃকরণ
আত্মার উপাধি । তদুপাধিক আত্মা আনন্দময় বলিয়া
কথিত । জাগ্রদবস্থাতে ঘনীভূত অন্তঃকরণ আত্মার উপাধি ।
তদুপাধিক জীব বিজ্ঞানময়-শব্দ-বাচ্য । প্রশ্ন হইতে পারে যে,
স্মৃষ্টিকালীন আনন্দময়—সর্বেশ্বর, সর্বজ্ঞ, অন্তর্যামী ও জগৎ-
কারণরূপে মাণ্ডুক্যোপনিষদে পরিকীৰ্ত্তিত হইয়াছে । স্মৃষ্টি-
কালীন আনন্দময় জীব হইলে তাহার সর্বেশ্বরত্বাদি কীৰ্ত্তন
কিরূপে সম্ভব হইতে পারে ? ইহার উত্তরে বক্তব্য এই যে,
মাণ্ডুক্যোপনিষদের তাৎপর্যের প্রতি মনোযোগ করিলে উক্ত
প্রশ্ন সহজে মীমাংসিত হইতে পারে । পরমাঙ্গার চারি

প্রকার অবস্থা মাণ্ডুক্যোপনিষদে বলা হইয়াছে । তন্মধ্যে তিন প্রকার অবস্থা সোপাধিক এবং তুরীয় অবস্থা বা শুদ্ধ চৈতন্য নিরুপাধিক । সোপাধিক অবস্থাত্ৰয় আধিদৈবিক ও আধ্যাত্মিক ভেদে দ্বিবিধ । পরমাত্মা চিত্রপটস্থানীয় । চিত্রপটের যেমন চারিটি অবস্থা পরমাত্মারও সেইরূপ চারিটি অবস্থা ।

চিত্রপটের চারিটি অবস্থা প্রদর্শিত হইতেছে । স্বাভাবিক শুভ্র পট, ধৌত বলিয়া অভিহিত হয় । চিত্রাঙ্কনের উপযোগী করিবার জন্য ঐ পটে অন্নমণ্ডাদি লিপ্ত করা হইয়া থাকে । তাদৃশ অবস্থায় ঐ পট ঘটিত বা ঘটিত বলিয়া কথিত হয় । পরে মসীদ্বারা বা পেন্সীল দিয়া অভিপ্রেত বিষয়গুলি পটে অঙ্কিত করা হয় । বিষয়গুলি মসীদ্বারা অঙ্কিত হইলে ঐ পট লাক্ষিতরূপে কথিত হইয়া থাকে । তৎপরে অঙ্কিত চিত্রগুলি যথোপযুক্তবর্ণ দ্বারা পরিপূরিত হইলে ঐ পট রঞ্জিত আখ্যা প্রাপ্ত হয় । একমাত্র পটের যেমন চারিটি অবস্থা, পরমাত্মারও সেইরূপ চারিটি অবস্থা । মায়া এবং মায়ার কার্য্য অন্তঃকরণাদি পরমাত্মার উপাধি বলিয়া শাস্ত্রে কথিত । মায়া রূপ এবং মায়ার কার্য্যরূপ উপাধি রহিত অর্থাৎ নিরুপাধিক বা উপাধিশূন্য পরমাত্মা শুদ্ধ চৈতন্য । মায়োপাধিক পরমাত্মা ঈশ্বর । সমষ্টি-সূক্ষ্ম-শরীরোপাধিক পরমাত্মা হিরণ্যগর্ভ । সমষ্টি-স্থূল-শরীরোপাধিক পরমাত্মা বিরাট বা বিরাট পুরুষ । পরমাত্মা চিত্রপট স্থানীয় । চিত্রপটস্থানীয় পরমাত্মাতে স্থাবর জঙ্গমাত্মক নিখিল প্রপঞ্চ চিত্রস্থানীয় । পূর্বেই বলিয়াছি যে, যেমন চিত্রাংকিত মনুষ্যদিগের চিত্রাধার-বস্ত্র-সদৃশ বস্ত্রাভাস লিখিত হয়, সেইরূপ পরমাত্মাতে

অধ্যস্ত দেহীদিগের অধিষ্ঠান-চৈতন্য-সদৃশ চিদাভাস কল্পিত হয় । চিদাভাসের অপর নাগ জীব, তাহাই সংসারী ।

আধি-দৈবিক বিভাগ বলা হইল । আধ্যাত্মিক বিভাগ বলা হইতেছে । পরমাত্মার আধ্যাত্মিক সোপাধিক বিভাগ তিন প্রকার ; প্রাজ্ঞ, তৈজস ও বিশ্ব । সৃষ্টিপ্রকালে অন্তঃকরণ বিলীন হইলে অজ্ঞানমাত্রসাক্ষী পরমাত্মা প্রাজ্ঞ । মাণ্ডুক্যোপনিষদে প্রাজ্ঞই আনন্দময় বলিয়া কথিত হইয়াছে । স্বপ্নাবস্থাতে ব্যাষ্টিসূক্ষ্ম-শরীরাত্মিমানী আত্মা তৈজস । জাগ্রদবস্থাতে ব্যাষ্টি সূক্ষ্ম-শরীরাত্মিমানী আত্মা বিশ্ব বলিয়া অভিহিত । সমষ্টি কি না সমস্ত । ব্যাষ্টি কি না অসমস্ত অর্থাৎ এক একটী । সৃষ্টিগণ বুঝিতে পারিতেছেন যে, মায়া ও অজ্ঞান এবং ব্যাষ্টি ও সমষ্টি ভেদেই জীবেশ্বরের ভেদ কল্পনা করা হইয়াছে । বস্তু-গত কোন ভেদ নাই । মাণ্ডুক্যোপনিষদে অহং ইত্যাকার অনুভবে প্রকাশমান আত্মার অবস্থা ভেদে চারিটী পাদ বা ভাগ কল্পনা করা হইয়াছে—বিশ্ব, তৈজস, প্রাজ্ঞ ও তুরীয় । তন্মধ্যে সূক্ষ্মোপাধিক আত্মা বিশ্ব, সূক্ষ্মোপাধিক আত্মা তৈজস, সূক্ষ্মতরোপাধিক আত্মা প্রাজ্ঞ এবং নিরূপাধিক আত্মা তুরীয় । বিশ্বের উপাধি সূক্ষ্ম শরীর । তৈজসের উপাধি সূক্ষ্ম শরীর । প্রাজ্ঞের উপাধি অজ্ঞান । তাহা সূক্ষ্ম শরীর অপেক্ষাও সূক্ষ্ম । এই জন্য তাহাকে সূক্ষ্মতর উপাধি বলা যায় । ব্যাষ্টি সূক্ষ্ম শরীরের উপাধি বিবক্ষা করিলে আত্মা বিশ্বশব্দবাচ্য, সমষ্টি সূক্ষ্মশরীরের উপাধি বিবক্ষা করিলে বিরাট শব্দবাচ্য । বুঝা যাইতেছে যে, বিশ্ব ও বিরাট বস্তুগত্যা এক । কেবল ব্যাষ্টি ও সমষ্টি উপাধিভেদেই তাহাদের ভেদ । এইরূপ

সূক্ষ্মশরীরোপাধিক তৈজস ও হিরণ্যগর্ভও বস্তুগত্যা ভিন্ন নহে । কেবল সূক্ষ্ম শরীরের ব্যষ্টি ও সমষ্টি ভেদেই তাহাদের ভেদ । আজ্ঞানোপাধিক প্রাজ্ঞ এবং মায়োপাধিক ঈশ্বরও বস্তুগত্যা অভিন্ন । উপাধিগত সত্ত্বগুণের প্রাধান্য ও অপ্রাধান্য অনুসারেই তাহাদের ভেদ । এইরূপে প্রাজ্ঞ-শব্দ-বাচ্য আনন্দময় এবং ঈশ্বর এক, এইরূপ অভিপ্রায়েই আনন্দময়ের সর্বৈশ্বরত্ব ও সর্বজ্ঞত্বাদি পরিকীর্তিত হইয়াছে । মাণ্ডুক্যোপনিষদে নিম্নোপাধি ত্রিভাঙ্গক তুরীয় পাদের বোধসৌকর্যের জন্য বিশ্বাদি পূর্ব পূর্ব পাদ, তৈজসাদি উত্তরোত্তর পাদে প্রবিলাপিত করা হইয়াছে । অর্থাৎ আত্মার চারি পাদ কল্পনা করিয়া এবং পূর্ব পূর্ব পাদ উত্তরোত্তর পাদের অন্তর্ভুক্ত করিয়া নিম্নোপাধি ত্রিভাঙ্গক তুরীয় পাদ বুঝাইয়া দেওয়া হইয়াছে । কেন না, স্থূল উপাধি সূক্ষ্ম উপাধিতে এবং সূক্ষ্ম উপাধি সূক্ষ্মতর উপাধিতে অন্তর্ভুক্ত হইবে, ইহা সহজে বুঝিতে পারা যায় । কারণে কার্যের অন্তর্ভাব বেদান্তমতে সুপ্রসিদ্ধ । গোড়পাদাচার্যের মাণ্ডুক্যোপনিষদার্থাবিস্করণ কারিকার ভাষ্যে ভগবান্ শঙ্করাচার্য উক্তরূপ ব্যাখ্যাই করিয়াছেন ।

দৃগ্দৃশ্যবিবেকে কূটস্থ চৈতন্যকে জীবের অন্তর্ভুক্ত করিয়া জীব, ঈশ্বর ও ত্রিভাঙ্গরূপে চিতের ত্রৈবিধ্য ব্যুৎপাদিত হইয়াছে । তন্মধ্যে জলাশয়, তদগত তরঙ্গ এবং তদগত বুদ্ধদ যোগন উপরি উপরি পরিকল্পিত । কেন না, জলাশয়ের উপরি তরঙ্গ এবং তরঙ্গের উপরি বুদ্ধদ পরিদৃষ্ট হয় । সেইরূপ অবচ্ছেদক উপাধি, অন্তঃকরণরূপ উপাধি এবং নিদ্রারূপ উপাধি

উপরি উপরি পরিকল্পিত হয় । তাদৃশ উপাধি ভেদে জীব ত্রিবিধ । পারমার্থিক, ব্যবহারিক ও প্রাতি-ভাসিক । তন্মধ্যে অবচ্ছিন্ন জীব পারমার্থিক । যদিও অবচ্ছেদক কল্পিত, তথাপি অবচ্ছেদ্য কল্পিত নহে । সুতরাং অবচ্ছিন্ন জীব পারমার্থিক হইবার কোন বাধা নাই । অবচ্ছেদ্য অকল্পিত বলিয়া, ব্রহ্মের সহিত উহার ভেদ নাই । ইহা বলাই বাহুল্য । অবচ্ছিন্ন জীবে মায়া অবস্থিত । অন্তঃ-করণ মায়াতে কল্পিত । অন্তঃকরণগত চিদাভাস ব্যবহারিক জীব । চিদাভাস অন্তঃকরণতাদাত্ম্যাপন্ন হয় । অন্তঃকরণ এবং তদগত চিদাভাসের অবিবেক, চিদাভাসের অন্তঃকরণ তাদাত্ম্যাপত্তির হেতু । বুঝা যাইতেছে যে, ব্যবহারিক জীব মায়িক । অন্তঃকরণ মায়ার কার্য সুতরাং মায়া হইতে আতিরিক্ত নহে । যদিও ব্যবহারিক জীব মায়িক, তথাপি যে পর্যন্ত ব্যবহার থাকে অর্থাৎ মুক্তি না হয়, সেই পর্যন্ত ব্যবহারিক জীবের অনুবৃত্তি থাকে বলিয়া তাহাকে ব্যবহারিক আখ্যা প্রদান করা অসঙ্গত নহে । বেদান্তসারের মতে জ্ঞানেন্দ্রিয় সহিত বুদ্ধির নাম বিজ্ঞানময় কোষ । উহাই কর্তৃত্ব-ভোক্তৃত্বের অভিমানী, ইহলোক পরলোকগামী ব্যবহারিক জীব বলিয়া অভিহিত হইয়াছে । স্বপ্নকালে ব্যবহারিক জীবকেও আবৃত্তি করিয়া মায়া অবস্থিত হয় । নিদ্রা মায়ার অবস্থা-ভেদ মাত্র । স্বপ্নাবস্থাতে দ্রষ্টব্য-বিষয়ের ন্যায় জীবের স্বদেহও পরিকল্পিত এবং ঐ পরিকল্পিত দেহে জীবের অহং এইরূপ অভিমান হয় । মনুষ্যজীব স্বপ্নাবস্থাতে নিজেকে দেবতা বা পশুরূপে বিবেচনা করে ইহার

উদাহরণ বিরল নহে । স্বাপ্ন প্রপঞ্চের ন্যায় স্বাপ্নদেহ এবং স্বাপ্নদেহে অহং অভিমানী জীবও প্রতিভাসিক বলিয়া কথিত । কেন না, প্রবোধ হইলে যেমন স্বাপ্ন প্রপঞ্চের নিরুত্তি হয়, সেইরূপ স্বাপ্নদেহ এবং স্বাপ্নদেহে অহং অভিমানকারী জীবেরও নিরুত্তি হয় । দ্বৈতবিবেকে বলা হইয়াছে যে—

‘চৈতন্য’ যদধিষ্ঠানং লিঙ্গদেহস্য যঃ পুনঃ ।

‘চিচ্ছায়া লিঙ্গদেহস্য তত্সংঘো জীব ভূত্বতি ॥

অর্থাৎ যে চৈতন্যে লিঙ্গদেহ কল্পিত হয়, সেই অধিষ্ঠান চৈতন্য অর্থাৎ কুটম্ব চৈতন্য, চৈতন্যে পরিকল্পিত লিঙ্গদেহ এবং লিঙ্গদেহে বিদ্যমান চিদাভাস, মিলিত এই তিনটী জীব বলিয়া কথিত হইয়াছে । বিবরণ গ্রন্থের অনুসরণ করিয়া কোন কোন আচার্য্য বলেন যে, জীব ও ঈশ্বর উভয়ে প্রতি-বিশ্ব স্বরূপ নহেন, কিন্তু জীব ও ঈশ্বর বিশ্ব প্রতিবিশ্ব ভাবে অবস্থিত । বিশ্বভূত চৈতন্য ঈশ্বর ও অজ্ঞানগত চিৎপ্রতি-বিশ্ব জীব । তাঁহারা বিবেচনা করেন যে—

‘বিভেদজনকোহ্যনি নাশমাত্মনিকং গতি ।

‘আত্মনী ব্রহ্মাণ্যোমিদমসন্তং কঃ কথিষ্যতি ॥

আত্মা অর্থাৎ জীব ও ব্রহ্মের ভেদ আদৌ নাই । অজ্ঞান, জীব ও ব্রহ্মের বিভেদজনক । বিভেদজনক অজ্ঞান অত্যন্ত বিনাশ প্রাপ্ত হইলে অবিদ্যমান জীব ব্রহ্মের ভেদ কে করিবে ? এই বচনে অজ্ঞান জীব ব্রহ্মের ভেদক ইহা স্পষ্ট বলা হইয়াছে । সুতরাং জীব ও ঈশ্বর উভয়ে প্রতিবিশ্বাত্মক হইতে পারে না । কারণ, উভয়ে প্রতিবিশ্বাত্মক হইলে উভয় প্রতিবিশ্বের জন্য

ভিন্ন ভিন্ন উপাধি বা প্রতিবিশ্বের অধিকরণ অপেক্ষিত হইবে । একটী উপাধিতে দুইরূপ প্রতিবিশ্ব হওয়া অসম্ভব । অথচ উক্ত স্মৃতিবাক্যে একমাত্র অজ্ঞান জীব ব্রহ্মের ভেদকরূপে কথিত হইয়াছে, সুতরাং বিষমভূত চৈতন্য ঈশ্বর এবং অজ্ঞান প্রতিবিশ্বিত চৈতন্য জীব, ইহা স্বীকার করিতে হইতেছে ।

কেহ কেহ বলেন যে, অজ্ঞানগত চৈতন্য প্রতিবিশ্ব ঈশ্বর এবং অন্তঃকরণগত চিৎপ্রতিবিশ্ব জীব । এ কল্পনা সমীচীন বলা যাইতে পারে না । কারণ, প্রথমত উল্লিখিত স্মৃতিবাক্যে কেনল অজ্ঞান জীববিশ্বের ভেদক, ইহাই বলা হইয়াছে অন্তঃকরণ ভেদকরূপে কথিত হয় নাই । দ্বিতীয়ত তাহা হইলে যোগীর কায়ব্যূহের অধিষ্ঠাতৃত্ব হইতে পারে না । শাস্ত্রে আছে যোগী যোগপ্রভাবে প্রয়োজন বশত নানাশরীর পরিগ্রহ করিয়া এক সময়ে বিভিন্ন শরীর দ্বারা বিভিন্ন বিষয় ভোগ করিয়া থাকেন । জীব—অন্তঃকরণগত চিৎপ্রতিবিশ্বস্বরূপ হইলে তাহা হইতে পারে না । কারণ, অন্তঃকরণ পরিচ্ছিন্ন পদার্থ । উহা এক সময়ে অনেক শরীরে অধিষ্ঠিত হইতে পারে না । সুতরাং তদগত চিৎপ্রতিবিশ্বও এক সময়ে অনেক দেহের অধিষ্ঠাতা হইতে পারে না । যোগ প্রভাবে যোগীর অন্তঃকরণ এক সময়ে অনেক শরীরে অধিষ্ঠিত হইবার উপযুক্ত বিপুলতা প্রাপ্ত হয়, এ কথাও বলিবার উপায় নাই । কেন না, কায়ব্যূহস্থলে শরীর ভেদে অন্তঃকরণভেদ অঙ্গীকৃত হইয়াছে । অভিনব সৃষ্ট অপরাপর অন্তঃকরণগুলি প্রধান অন্তঃকরণের অধীনরূপে অবস্থিত থাকিবে,

পূর্বস্থিত অন্তঃকরণ এবং অভিনব সৃষ্ট অন্তঃকরণের মধ্যে এইমাত্র বৈলক্ষণ্য, ইহা শাস্ত্রসিদ্ধান্ত । যোগীর অন্তঃকরণ বিপুলতা প্রাপ্ত হইলে অন্তঃকরণ ভেদ অঙ্গীকার করিবার কিছুমাত্র কারণ দেখা যায় না । অতএব স্বীকার করা উচিত যে, অন্তঃকরণগত চিৎপ্রতিবিন্দু জীব নহে । অজ্ঞানগত চিৎপ্রতিবিন্দুই জীব । জীব অজ্ঞান প্রতিবিন্দুরূপ হইলেও অজ্ঞানের পরিণামবিশেষরূপ অন্তঃকরণ জীবের বিশেষ অভিব্যক্তি স্থান বটে । সূর্য্যকিরণ সর্বত্র প্রসৃত হইলেও দর্পণ যেমন তাহার বিশেষ অভিব্যক্তি স্থান, অন্তঃকরণ সেইরূপ অজ্ঞানগত চিৎপ্রতিবিন্দু স্বরূপ জীবের বিশেষ অভিব্যক্তি স্থান । এই জন্য অন্তঃকরণও জীবাত্মার উপাধিরূপে ব্যবহৃত হইয়া থাকে । এতাবত অজ্ঞানরূপ উপাধি পরিত্যক্ত হইতে পারে না । ঈশ্বর বিম্বভূত বলিয়া ঈশ্বর স্বতন্ত্র । জীবাত্মা প্রতিবিন্দু বলিয়া ঈশ্বরপরতন্ত্র । লোকে দেখিতে পাওয়া যায় যে, বিম্ব স্বতন্ত্র ও প্রতিবিন্দু তৎপরতন্ত্র । প্রতিবিন্দুগত ঋজুবক্রাদি ভাব দর্শন করিয়া বিম্বভূত পুরুষ ক্রীড়া করে ইহা বহুল পরিমাণে লোকে দেখিতে পাওয়া যায় । সেইরূপ প্রতিবিন্দুগত অর্থাৎ জীবগত বিকার দর্শন করিয়া ব্রহ্ম ক্রীড়া করেন মাত্র ।

লোকবন্তু লীলাকীবল্যম্ ।

এই সূত্রদ্বারা ভগবান্ বাদরায়ণ ইহাই বলিয়াছেন ।
কল্পতরুকার বলেন যে,—

প্রতুবিন্দুগতাঃ পশ্যন্ ঋজুবক্রাদিবিক্রিয়াঃ ।

পুমান্ ক্রীড়িত্ব যথা ব্রহ্ম তথা জীবস্থবিক্রিয়াঃ ॥

প্রতিবিশ্বগত ঋজুবক্রাদি বিকার দর্শন করিয়া পুরুষ
যে রূপ ক্রীড়া করে, ত্রুক্ষা সেইরূপ জীবগত বিকার দর্শন
করিয়া ক্রীড়া করেন ।

কোন কোন প্রাচীন আচার্য্যদিগের মতে প্রতিবিশ্ব বিশ্ব
হইতে ভিন্ন নহে । বিশ্ব সত্য, স্তূতরাং প্রতিবিশ্বও স্বরূপত
সত্য । প্রতিবিশ্বের বিশ্ব হইতে ভেদ-প্রতীতি ভ্রমাত্মক ।
অর্থাৎ প্রতিবিশ্বের বিশ্বভেদ অধ্যস্ত মাত্র । প্রতিবিশ্ব
স্বরূপত সত্য বলিয়া মুক্তিকালেও জীবের অবস্থিতি অব্যাহত
থাকিতেছে । অতএব প্রতিবিশ্ব মুক্তিকালে থাকে না
বিবেচনা করিয়া মুক্তি-সংবন্ধের জন্য প্রতিবিশ্বের অতিরিক্ত
অবচ্ছিন্নরূপ জীবান্তর অথবা কূটস্থ নামক চৈতন্যান্তর কল্পনা
করা নিম্প্রয়োজন । যদিও জীবের উপাধি বিনশ্বর বলিয়া
মুক্তিকালে প্রতিবিশ্ব ভাব অপগত হয়, তথাপি জীবের স্বরূপ
কোন কালেও অপগত হয় না । কারণ, বিশ্বই প্রতিবিশ্বের
স্বরূপ, তাহা অবিনাশী । এই জন্য জীব অবিনাশী বলিয়া শাস্ত্রে
অভিহিত হইয়াছে । জীবের উপাধিভূত অন্তঃকরণাদি
দ্বারা সর্ব্বগত চৈতন্যের অবচ্ছেদ অবশ্যস্তাবী ও অপরিহার্য্য
বটে । পরন্তু অবচ্ছিন্ন চৈতন্য জীব নহে । উহা ঈশ্বর ।
কেন না, অন্তর্যামীরূপে ঈশ্বরের বিকার মধ্যে অবস্থান শাস্ত্র-
সিদ্ধ । ঈকার মধ্যে অবস্থিত হইলেই তত্ত্বদ্বিকার দ্বারা
চৈতন্যের অবচ্ছেদ হইবে, ইহা সহজবোধ্য । স্পষ্ট বুঝা
যাইতেছে যে, অন্তর্যামী ঈশ্বর অবচ্ছিন্ন চৈতন্যস্বরূপ
হইবেন । স্তূতরাং জীবাত্মা অবচ্ছিন্ন চৈতন্যস্বরূপ, ইহা বুঝা
সঙ্গত নহে ।

অদ্বৈতবিদ্যা-কারের মতে প্রতিবিশ্ব বিশ্বাভিন্ন নহে অর্থাৎ বিশ্ব ও প্রতিবিশ্ব এক পদার্থ নহে । তাঁহার মতে বিশ্ব সত্য, প্রতিবিশ্ব মিথ্যা । সকলেই অবগত আছেন, মুখের সম্মুখে দর্পণ ধরিলে গ্রীবাস্থ মুখ দর্পণে প্রতিবিস্তৃত হয় । এস্থলে মুখ সত্য, দর্পণগত মুখ-প্রতিবিশ্ব মিথ্যা । সুতরাং গ্রীবাস্থ মুখ দর্পণে নাই । গ্রীবাস্থ মুখ হইতে অতিরিক্ত মুখাভাস দর্পণে সমুৎপন্ন হইয়াছে, ইহা স্বীকার করা সর্বথা সমীচীন । দর্পণে যে মুখপ্রতিবিশ্ব দৃষ্ট হয়, তাহাতে নয়ন গোলকাদি প্রদেশ স্পর্শরূপে পরিদৃষ্ট হইয়া থাকে । বিশ্বভূত মুখের নয়ন গোলকাদি নিজের প্রত্যক্ষ হয় না । প্রতিবিশ্ব বিশ্বাভিন্ন হইলে প্রতিবিশ্বগত নয়ন গোলকাদিও প্রত্যক্ষ হইতে পারে না । দর্পণে যে চৈত্রমুখের প্রতিবিশ্ব দৃষ্ট হয়, পার্শ্বস্থ ব্যক্তির তাহা চৈত্রমুখ হইতে ভিন্ন রূপেই দেখিতে পায় । অতএব নিজহস্তগত রজত হইতে ভিন্ন গুণ্ডিকরজত যেমন স্বরূপত মিথ্যা, চৈত্রমুখ হইতে ভিন্ন চৈত্রমুখের প্রতিবিশ্বও সেইরূপ স্বরূপত মিথ্যা । বিশ্বভূত মুখ এবং দর্পণগত মুখপ্রতিবিশ্বের ভেদ স্পষ্ট পরিলক্ষিত হয় • এবং বিশ্ব ও প্রতিবিশ্বের প্রাঙ্গুখত্ব প্রত্যঙ্গুখত্বাদি বিরুদ্ধধর্মেরও প্রতীতি হয় । এই জন্য বিশ্ব প্রতিবিশ্বের অভেদ অসম্ভব । সুতরাং আমার মুখ দর্পণে প্রতীয়মান হইতেছে এইরূপে বিশ্ব ও প্রতিবিশ্বের অভেদ প্রতীতি গোণ বলিতে হইবে । ছায়াগুখে মুখব্যপদেশ গোণ ভিন্ন মুখ্য হইতে পারে না । বালকেরা দর্পণে নিজের প্রতিবিশ্ব দর্শন করিলে ঐ প্রতিবিশ্বকে পুরুষান্তররূপে বিবে-

চনা করিয়া তাহাকে ধরিতে চেষ্টা করে । বিশ্ব ও প্রতি-
বিশ্ব অভিন্ন হইলে বালকদিগের তাদৃশ ভ্রম হইত না ।
অতএব বিশ্ব ও প্রতিবিশ্ব অভিন্ন নহে ।

আপত্তি হইতে পারে যে, বিশ্ব ও প্রতিবিশ্ব ভিন্ন বলা
যাইতে পারে না । কারণ, প্রেক্ষাবানেরা নিজমুখের অবস্থা
অবগত হইবার জন্য দর্পণ গ্রহণ পূর্বক প্রতিবিশ্ব দেখিয়া
থাকেন । বিশ্ব ও প্রতিবিশ্ব অভিন্ন হইলে তাঁহাদের ঐরূপ
আচরণ সম্ভব হইতে পারে । বিশ্ব ও প্রতিবিশ্ব ভিন্ন হইলে
ঐরূপ আচরণ সম্ভব হইতে পারে না । কেন না, ভিন্ন বস্তু
দেখিয়া ভিন্ন বস্তুর অবস্থা অবগত হওয়া সম্ভবপর নহে ।
ইহার উত্তরে বক্তব্য এই যে, প্রেক্ষাবানদিগের তাদৃশ ব্যব-
হার দ্বারা বিশ্ব প্রতিবিশ্বের অভেদ সমর্থিত হইতে পারে
না । কারণ, প্রতিবিশ্ব বিশ্বের সমান আকার হয় এইরূপ
নিয়ম লোকে দেখিতে পাওয়া যায় । সুতরাং নিজমুখের
সমান আকার প্রতিবিশ্ব দর্শন করিয়া নিজমুখের অবস্থা
অবগত হইবার জন্য দর্পণে নিজমুখের প্রতিবিশ্ব দর্শন সর্বথা
সম্ভব ।

যাঁহারা বলেন যে, নয়নরশ্মি উপাধিপ্রতিহত হইয়া বিশ্ব
প্রত্যাবৃত্ত হইয়া বিশ্বের চাক্ষুষ অনুভব জন্মাইয়া থাকে ।
তাঁহাদের মতে প্রতিবিশ্ব নামে কোন পদার্থ নাই । প্রতিবিশ্ব-
দর্শনস্থলেও বস্তুগত্যা বিশ্বভূত মুখাদিই দৃষ্ট হইয়া থাকে ।
প্রতিবিশ্ব-দর্শন-বুদ্ধি ভ্রান্তিমাত্র । জল বা দর্পণাদি স্বচ্ছ পদার্থ
সম্মুখীন হইলে নয়নরশ্মি তদভিমুখে ধাবিত হয় । পরন্তু
নয়নরশ্মি জলাদির অভ্যন্তরে প্রবিষ্ট হয় না । জলাদি দ্বারা

প্রতিহত হইয়া নয়নরশ্মি নয়নাভিমুখে প্রত্যাবৃত্ত হইয়া মুখের প্রত্যক্ষ সম্পাদন করে । সাধারণ লোকের তাদৃশ সূক্ষ্ম-দর্শিতা নাই । সুতরাং জলাদিতে মুখের প্রতিবিন্দু দৃষ্ট হইতেছে বিবেচনা করিয়া তাহারা ভ্রান্ত হয় । এই মত সমীচীন বলা যাইতে পারে না । তাহার কারণ এই যে, স্বচ্ছজলে সূর্যের প্রতিবিন্দু দর্শনস্থলে জলান্তর্গত বালুকাদিও পরিদৃষ্ট হইয়া থাকে । বালুকার সহিত নয়নরশ্মির সংবন্ধ না হইলে বালুকা প্রত্যক্ষ হইতে পারে না । জলমধ্যগত বালুকা প্রত্যক্ষ হয় । অতএব নয়নরশ্মি জল দ্বারা প্রতিহত না হইয়া জল মধ্যে প্রবিষ্ট হইয়াছে সন্দেহ নাই । পূর্ণান্তরে সূর্য্যরশ্মি নয়নরশ্মির প্রতিঘাতক । মধ্যাহ্নকালে সূর্য্যের দিকে দৃষ্টি নিক্ষেপ করিলে নয়নরশ্মি প্রতিহত হয় । এ অবস্থায় নয়ন-রশ্মি জল-প্রতিহত হইয়া প্রতিঘাতক সূর্য্যকিরণসমূহ ভেদ করিয়া সূর্য্যমণ্ডল সংযুক্ত হইয়া সূর্য্যমণ্ডলের প্রত্যক্ষ সম্পাদন করিবে ইহা কিরূপে স্বীকার করা যাইতে পারে । কেবল তাহাই নহে । উর্দ্ধে দৃষ্টি না করিলে মধ্যাহ্নকালে সূর্য্যমণ্ডল দৃষ্টিগোচর হয় না । কিন্তু ঐ সময়েও জলাশয়ে অধোমুখে দৃষ্টি নিক্ষেপ করিলে সূর্য্যপ্রতিবিন্দু দৃষ্ট হয় । নয়নরশ্মি প্রতিহত হইয়া মুখের দিকেই আসিতে পারে । উর্দ্ধদিকে যাইবার কোন কারণ নাই । প্রাতঃকালে পশ্চিমাভিমুখে জলাশয়ে দৃষ্টি নিক্ষেপ করিলে সূর্য্যের প্রতিবিন্দু দৃষ্টিগোচর হয় । সূর্য্যমণ্ডল তখন দ্রষ্টার পৃষ্ঠদেশে অবস্থিত । নয়ন-রশ্মি প্রতিহত হইয়া পৃষ্ঠদেশে উপসর্পিত হইবে, ইহা অসঙ্গত কল্পনা । নির্মল চন্দ্রমণ্ডল দর্শন করিলে নয়নের একরূপ

পরিভূষ্টি এবং শীতলতা অনুভব হইয়া থাকে । চন্দ্রের প্রতি-
বিশ্ব দর্শনে তাহা হয় না । সুতরাং নয়নরশ্মি স্বচ্ছদ্রব্য দ্বারা
প্রতিহত হইয়া বিশ্বভূত মুখাদির প্রত্যক্ষ সম্পাদন করে,
এতাদৃশ কল্পনা সম্ভব হইতেছে না ।

আর একটি কথা বিবেচ্য । মলিন দর্পণে গৌরবর্ণ
মুখের প্রতিবিশ্বও মলিন বলিয়া বোধ হয় । দর্পণ-প্রতিহত
নয়নরশ্মি মুখাভিমুখে আগত হইয়া মুখের প্রত্যক্ষ সম্পা-
দন করে এই মতে মুখ-প্রতিবিশ্বের মালিন্য অনুভব না
হইয়া তাহার স্বাভাবিক গৌরবই অনুভবগোচর হওয়া উচিত ।
তাহা না হইয়া কিন্তু শ্যামরূপে বা মলিন রূপেই মুখের অনু-
ভব হইয়া থাকে । আপত্তি হইতে পারে যে, শঙ্খ শুভ্রবর্ণ
হইলেও পিত্তদোষ-দূষিত ব্যক্তির পক্ষে পীতবর্ণরূপে
প্রतीयমান এবং তদ্রূপেই প্রত্যক্ষ গোচর হয় । এ স্থলে
শঙ্খপ্রত্যক্ষে শঙ্খগত শুক্লরূপের উপযোগ হয় নাই । দোষ-
বশত আরোপিত পীতরূপ প্রত্যক্ষের নির্বাহক হইয়াছে ।
প্রকৃতস্থলেও বলিতে পারা যায় যে মুখের গৌরবর্ণ
থাকিলেও তাহা প্রত্যক্ষের উপযোগী হয় না । কিন্তু
দোষবশত আরোপিত দর্পণ-শ্যামলিমা দ্বারা মুখের
প্রত্যক্ষ হইবে । ইহার উত্তরে বক্তব্য এই যে, আরোপিত-
রূপ দ্বারা প্রতিবিশ্বের প্রত্যক্ষ স্বীকার করিলে আরো-
পিত দর্পণগত শ্যামলিমা দ্বারা নীরূপ অর্থাৎ রূপশূন্য
বায়ু প্রভৃতি পদার্থের প্রতিবিশ্বও চান্দ্র্য হইতে পারে ।
আরোপিত নীলরূপ দ্বারা নীরূপ আকাশের চান্দ্র্য প্রতি-
বিশ্ব অঙ্গীকৃত হইয়াছে । দর্পণগত মলিনির্মা দ্বারা মুখের

প্রত্যক্ষ স্বীকার করিলে দর্পণগত শ্যামলিমা দ্বারা বায়ুর প্রত্যক্ষ হইবার কোন বাধা হইতে পারে না। অতএব নয়নরশ্মি দর্পণ প্রতিহত হইয়া নয়নাভিমুখে আগত হইয়া মুখের প্রত্যক্ষ সম্পাদন করে, এ কল্পনা অসঙ্গত। দর্পণে প্রতিমুখের অধ্যাস কল্পনাই সর্বথা সমীচীন।

প্রশ্ন হইতে পারে যে, প্রতিবিশ্ব মিথ্যা হইলে ব্রহ্ম-প্রতিবিশ্ব স্বরূপ জীবও মিথ্যা। জীব মিথ্যা হইলে কে মুক্ত হইবে? এতদ্ভিন্ন বক্তব্য এই যে, প্রতিবিশ্বস্বরূপ জীব মিথ্যা হইলেও অবচ্ছিন্নজীব সত্য। তাহারই মুক্তি হইবে। ইহাও বলা যাইতে পারে যে, প্রতিবিশ্ব মিথ্যা হইলে জীব মিথ্যা, তাহার সংসার মিথ্যা, মুক্তি মিথ্যা এই আপত্তি উত্থাপিত করা হইয়াছে। কিন্তু বেদান্ত মতে ইহাকে আপত্তি না বলিয়া সিদ্ধান্ত বলা উচিত। পূজ্যপাদ গোড়পাদ স্বামী বলিয়াছেন—

ন নিরোধো ন চীত্পত্তির্ন বন্ধী ন চ সাধকঃ ।

ন মুমুক্ত্যর্ন বৈ মুক্তা ব্রহ্মেণ পরমার্থতা ॥

নিরোধ নাই, উপত্তি নাই, বন্ধ অর্থাৎ সংসারী নাই, সাধক নাই, মুমুক্ত নাই, মুক্ত নাই। ইহাই পরমার্থ বা যথার্থ অর্থ। তিনি আরও বলেন—

প্রপঞ্চো যদি বিদ্রুত নিবর্তিত ন সংশয়ঃ ।

মায়ামাত্রমিহং হৈতমহৈতং পরমার্থতঃ । ॥

প্রপঞ্চ যদি থাকিত অবশ্যই তাহার নিবৃতি হইত। বস্তুগত্যা প্রপঞ্চ নাই। এই দ্বৈত মায়ামাত্র। অদ্বৈত পারমার্থিক। প্রতিবিশ্বের মিথ্যাত্ববাদীদিগের মতে আর একটা আপত্তি এই হইতে পারে যে, বুদ্ধিগত চিৎপ্রতিবিশ্ব

জীব এবং বিশ্বভূত চৈতন্য ব্রহ্ম । প্রতিবিশ্ব মিথ্যা ও বিনাশী, ব্রহ্ম সত্য ও অবিনাশী । বুদ্ধিগত চিদাভাস বা চিৎপ্রতিবিশ্ব অহং প্রত্যয়ের বিষয় । তাহা হইলে অহং ব্রহ্ম অর্থাৎ আমি ব্রহ্ম এইরূপ সামানাধিকরণ্য কিরূপে সম্ভব হইতে পারে ? সৌম্যং দেবদত্তঃ অর্থাৎ এ সেই দেবদত্ত এস্থলে সামানাধিকরণ্য রহিয়াছে অথচ সঃ এবং অয়ং এই উভয়ের অভেদ প্রতীত হইতেছে । প্রতিবিশ্ব সত্য হইলে অহং ব্রহ্ম এস্থলে অহং পদার্থের এবং ব্রহ্ম পদার্থের অভেদ প্রতিপন্ন হইতে পারে বটে । কিন্তু প্রতিবিশ্ব মিথ্যা হইলে কোনমতেই উভয়ের অভেদ প্রতিপন্ন হইতে পারে না । মিথ্যা ও সত্যের এবং বিনাশী ও অবিনাশীর অভেদ একান্ত অসম্ভব । ইহার উত্তরে প্রতিবিশ্ব মিথ্যাত্ববাদীরা বলেন যে, অহং ব্রহ্ম এই সামানাধিকরণ্য অভেদে নহে কিন্তু বাধাতে অর্থাৎ এই সামানাধিকরণ্যের দ্বারা অহং পদার্থ ও ব্রহ্ম পদার্থ এ উভয়ের অভেদ বুঝিতে হইবে না । কিন্তু অহং পদার্থের বাধা বুঝিতে হইবে । কোন পুরুষে স্থাপু ভ্রম হইলে পরে বিশেষদর্শনাধীন পুরুষত্ব নিশ্চয় হইলে যেমন স্থাপুত্ব বাধিত হয়, সেইরূপ অহং ব্রহ্ম এইরূপে কূটস্থের ব্রহ্মত্ব বোধ হইলে অধ্যস্ত অহমর্থরূপত্ব বাধিত হয় বা নিবৃত্ত হয় । চিদাভাস অহমর্থ হইলেও চিদাভাস এবং কূটস্থের অন্যান্যাধ্যাস থাকায় কূটস্থেরও অহমর্থত্ব প্রতীয়মান হইয়া থাকে । অহং ব্রহ্ম এই বোধ দ্বারা তাহা নিবৃত্ত হয় । নৈকর্মা সিদ্ধিতে বলা হইয়াছে—

• যোগং স্থাপুঃ পুমানিষ পুংধিয়া স্থাপুধীরিব ।

• ব্রহ্মাস্মীতিধিয়াঃশীঘ্রা হ্যহং বুদ্ধিনিবর্ত্তয়তি ॥

যে স্থাণু সে পুরুষ অর্থাৎ যাহা স্থাণুরূপে প্রতীয়মান হইতেছিল, তাহা পুরুষ । এইস্থলে পুরুষ বুদ্ধি দ্বারা যেমন স্থাণুবুদ্ধির নিবৃত্তি হয়, সেইরূপ ব্রহ্মাস্মি অর্থাৎ আমি ব্রহ্ম এই বুদ্ধি দ্বারা অহং বুদ্ধি নিঃশেষে নিবর্তিত হয় ।

বৃহদারণ্যক ভাষ্যে ভগবান্ শঙ্করাচার্য্য বলিয়াছেন যে, অবিকৃত ব্রহ্মই স্বীয় অবিদ্যা দ্বারা সংসারী অর্থাৎ জীবভাবাপন্ন হন এবং অবিদ্যা দ্বারা মুক্ত হন । কোন্তেয় অর্থাৎ কুন্তীপুত্র ক্রূর্ণ যেমন কোন্তেয় থাকিয়াই অর্থাৎ কোনরূপ বিকার প্রাপ্ত না হইয়াই রাধেয় অর্থাৎ রাধাপুত্র হইয়াছিল, অবিকৃত ব্রহ্মই সেইরূপ জীব ভাবাপন্ন হন । স্বীয় অবিদ্যা দ্বারা জীবভাবাপন্ন ব্রহ্ম প্রপঞ্চের কল্লক । স্বপ্নাবস্থায় যেমন জীব দেবতা প্রভৃতির সহিত স্বাপ্নপ্রপঞ্চের পরিকল্পক হয়, সেইরূপ ঈশ্বরের সহিত সমস্ত প্রপঞ্চ জীবদ্বারা কল্পিত হয় । অবিকৃত ব্রহ্মই জীবভাবাপন্ন হন, এ বিষয়ে দেবিডাচার্য্য একটা আখ্যায়িকার নির্দেশ করিয়াছেন । তাহা এই,—জাতমাত্র কোন রাজপুত্র কোনও কারণে পিতামাতা কর্তৃক পরিত্যক্ত হইয়া ব্যাধগৃহে পরিবর্তিত হইয়াছিল । রাজপুত্র জানিতেন না যে, তিনি রাজপুত্র বা রাজবংশে সমুৎপন্ন । তিনি নিজেকে ব্যাধগৃহে জাত এবং ব্যাধজাতি বলিয়াই বিবেচনা করিতেন । এবং ব্যাধের কর্মই করিতেন । তিনি নিজেকে রাশা বলিয়া জানিতেন না । রাজার কর্মেরও অনুষ্ঠান করিতেন না । পরম কারণিক কোন ব্যক্তি রাজপুত্রের রাজকী-প্রাপ্তি যোগ্যতা অবগত হইয়া ‘তুমি ব্যাধ নহ, তুমি অমুক রাজার পুত্র কোন গীতিকে ব্যাধগৃহে প্রবিষ্ট হইয়াছ’, রাজপুত্রকে

এইরূপ বুঝাইয়া দিলে ঐ রাজপুত্র ব্যাধজাতির অভিমান ও কৰ্ম্ম পরিত্যাগ করিয়া আমি রাজা এইরূপ বিবেচনা করেন এবং পিতৃপিতামহের পদবীর অনুসরণ করেন । সেইরূপ জীবাত্মা পরমাত্মার জাতি এবং অসংসারী হইলেও অগ্নি-বিশ্বলিঙ্গাদির ন্যায় পরমাত্মা হইতে বিভক্ত ও দেহেন্দ্রিয়াদি গহনে প্রবিষ্ট হইয়া নিজের পরমাত্মাভাব না জানিয়া আমি দেহেন্দ্রিয়-সংঘাতরূপ, স্কুল, ক্লশ, স্তম্ভী, দুঃখী ইত্যাদিরূপে নিজেকে সংসারী বলিয়া বিবেচনা করে । পরম-কারুণিক আচার্য্য যদি তাহাকে বুঝাইয়া দেন যে, তুমি দেহেন্দ্রিয়াদি-সংঘাতাত্মক নহ, তুমি অসংসারী পরব্রহ্ম । তাহা হইলে ঐ জীব পুত্রৈষণাদি এষণাদ্রয় পরিত্যাগ করিয়া আমি ব্রহ্মই এইরূপে নিজের ব্রহ্মভাব অবগত হয় । অগ্নির বিশ্বলিঙ্গ অগ্নি হইতে ভ্রষ্ট হইবার পূর্বে অগ্নির সহিত এক ছিল । জীবাত্মাও পরমাত্মা হইতে বিভক্ত হইবার পূর্বে পরমাত্মাই ছিল । এ বিষয়ে সন্দেহ হইতে পারে না । একত্ব প্রতীতির দৃঢ়তা সম্পাদনের জন্য অগ্নিবিশ্বলিঙ্গাদি দৃষ্টান্ত উপনিষদে উক্ত হইয়াছে । ঐ সকল দৃষ্টান্ত ভেদ-প্রতিপাদনার্থ নহে । বার্ত্তিককার বলেন—

রাজসূনোঃ স্মৃতিপ্রাপ্তৌ ব্যাধমাবী নিবর্ত্তনৈ ।

তথৈবমাत्मनीঃস্বস্ত্য তত্বমস্ত্যাদিবাक्यतः ॥

রাজপুত্রের স্মৃতিপ্রাপ্তি হইলেই তাহার ব্যাধভাব নিবর্ত্তিত হয় । অজ্ঞ আত্মারও তত্বমস্ত্যাদি বাক্য দ্বারা জীবভাব নিবর্ত্তিত হয় । সম্প্রদায়বেত্তা পূর্ব্বাচার্য্য বলেন—

নীচানাং বসন্তৌ তদীয়তনয়ৈঃ সার্বং চিরং বর্ধিতঃ
 তজ্জাতীয়মবৈতি রাজতনয়ঃ স্বাत्মানমপ্যজ্জসা ।
 সংঘাতে মহদাদিभिঃ সহ বসন্ত তদ্বৎ পরঃ পুরুষঃ
 স্বাत्মানং সুখদুঃখমোহকলিলং মিথ্যৈব ধিদ্ধন্যতে ॥
 দাতা ভোগপরঃ সমগ্রবিভবো যঃ শাসিতা দুষ্কৃতা
 রাজা স ত্বমসীতি মাতৃমুখতঃ শ্রুত্বা যথাবৎ স তু ।
 রাজীভূয় যথার্থমেব যততে তদ্বৎ পুমান্ বোধিতঃ
 শ্রুত্বা তত্বমসীত্যপ্যস্ব্যে দুরিতং ব্রহ্মৈব সম্পদ্যতে ॥

ইহার তাৎপর্য্য এই, রাজপুত্র নীচলোকের গৃহে নীচ-
 লোকের সন্তানের সহিত চিরকাল সংবর্দ্ধিত হইয়া নিজেকেও
 তজ্জাতীয় বিবেচনা করে । পরমপুরুষও সেইরূপ শরীরাদি-
 সংঘাতে বুদ্ধাদির সহিত বাস করিয়া নিজেকে স্থখ দুঃখ
 মোহাকুল বিবেচনা করেন । এই বিবেচনা সত্য মহে, মিথ্যা
 মাত্র । কষ্টের বিষয় যে, এইরূপ মিথ্যা বিবেচনার প্রাচুর্য্যব
 হয় । তুমি দাতা ভোগপর সমগ্র ঐশ্বর্য্যশালী এবং দুষ্কর্ম্মকারী-
 দিগের শাসন কর্তা রাজা, এইরূপে মাতৃমুখে যথাযথ বৃত্তান্ত
 অবগত হইয়া রাজপুত্র নিজেকে রাজা বিবেচনা করিয়া রাজো-
 চিত কার্য্য করিতে যত্নবান্ হন । জীবাত্মাও শ্রুতি দ্বারা
 তত্বমসি অর্থাৎ তুমি পরমাত্মা এইরূপ বোধিত হইলে দুরিত
 পরিত্যাগ পূর্ব্বক ব্রহ্ম রূপেই সম্পন্ন হন । ॥

জীবাত্মার স্বরূপ কি, তদ্বিষয়ে পূর্ব্বাচার্য্যদিগের মত
 সংক্ষেপে প্রদর্শিত হইল । জীবাত্মা এক কি অনেক, এই
 বিষয় প্রস্তাবান্তরে আলোচিত হইবে

চতুর্থ লেক্চর ।

আত্মা ।

অবহিন্দবাদ প্রতিবিন্দবাদ প্রভৃতি সংক্ষেপে বলা হইয়াছে । এখন একজীববাদ ও অনেকজীববাদ প্রভৃতির আলোচনা করা যাইতেছে । জীবাত্মা এক কি অনেক, এবিষয়ে পূর্বাচার্যেরা যথেষ্ট পর্য্যালোচনা করিয়াছেন । অন্তঃকরণরূপ-উপাধি-ভেদে জীবভেদের কথা বলিয়াছি । বলা বাহুল্য, উহা অনেক-জীব-বাদ । অন্তঃকরণ জীবের উপাধি বটে, কিন্তু অন্তঃকরণমাত্রই জীবের উপাধি নহে । মায়ী বা অজ্ঞান এবং দেহও জীবের উপাধি । ইহাও পূর্বাচার্যদিগের অনুমত । বিন্দুভূতচৈতন্য ঈশ্বর, অজ্ঞান-প্রতিবিন্দিত চৈতন্য জীব । জলাশয়, তরঙ্গ ও বুদ্ধ যেরূপ উপযুক্তপরি অবস্থিত, জীবের উপাধি—অজ্ঞান, অন্তঃকরণ এবং দেহও সেইরূপ উপযুক্তপরি পরিকল্পিত । এসকল কথা সংক্ষেপে বলিয়াছি । কোন কোন আচার্যের মতে অজ্ঞান একমাত্র । শুদ্ধব্রহ্ম অজ্ঞানের আশ্রয় এবং শুদ্ধব্রহ্মই অজ্ঞানের বিষয় । সর্বজ্ঞ মুনি বলেন,—

আশ্রয়ত্ববিষয়ত্বভাগিনী নির্বিভাগচিতিবৈব ক্ৰিয়তা ।

পূর্বসিদ্ধতমসৌহি দস্থিমী নাশ্রয়ী ভবতি নাপি গৌচরঃ ॥

• ইহার তাৎপর্য এই যে, জীবেশ্বর-বিভাগ-শূন্য শুদ্ধ চৈতন্যই অজ্ঞানের আশ্রয় ও বিষয় । কেন না, জীবেশ্বর-

বিভাগের হেতু অজ্ঞান ইহা পূর্বের প্রতিপাদিত হইয়াছে । এতদ্বারা বুঝা যাইতেছে, যে জীবেশ্বর-বিভাগের পূর্বেরও অজ্ঞানের অবস্থিতি ছিল । কারণ, অজ্ঞান না থাকিলে জীবেশ্বর-বিভাগ হইতেই পারে না । কেন না, অজ্ঞান কারণ, জীবেশ্বর-বিভাগ তাহার কার্য্য । কারণের অস্তিত্ব নাই, অথচ তাহার কার্য্য থাকিবে ইহা অসম্ভব । সুতরাং বলিতে হইতেছে যে, অজ্ঞান পূর্বসিদ্ধ, জীবেশ্বর-বিভাগ পশ্চাদ্ভাবী । পশ্চিম অর্থাৎ পশ্চাদ্ভাবী জীব, পূর্বসিদ্ধ অজ্ঞানের আশ্রয় হইতে পারে না । যেহেতু জীব-বিভাগের পূর্বেরও অজ্ঞান ছিল । জীবেশ্বর-বিভাগের পূর্বের অজ্ঞান ছিল, অতএব তৎকালে তাহার কোন বিষয়ও অবশ্যই ছিল, ইহা সহজে বুঝিতে পারা যায় । পশ্চাদ্ভাবী জীব পূর্বসিদ্ধ অজ্ঞানের বিষয় হইতে পারে না । অতএব স্বীকার করিতে হইতেছে যে, শুদ্ধ চৈতন্যেই অজ্ঞানের আশ্রয় এবং শুদ্ধ চৈতন্যেই অজ্ঞানের বিষয় ।

ইহা স্বীকার না করিলে ইতরেতরাশ্রয় দোষ উপস্থিত হয় । কারণ, অজ্ঞান দ্বারা জীব—ব্রহ্ম হইতে বিভিন্ন হয় বলিয়া জীববিভাগ অজ্ঞানের সত্তা-সাপেক্ষ । কেন না, অজ্ঞানই যখন জীববিভাগের হেতু, তখন অজ্ঞান না থাকিলে জীববিভাগ হইতে পারে না । পক্ষান্তরে অজ্ঞান, জীবাশ্রিত হইলে জীবের সত্তা না থাকিলে অজ্ঞানের সত্তা থাকিতে পারে না । উক্তরূপে জীবসত্তা অজ্ঞান-সত্তা-সাপেক্ষ, এবং অজ্ঞানসত্তা জীবসত্তা-সাপেক্ষ হইতেছে বলিয়া ইতরেতরাশ্রয় দোষ হইতেছে সন্দেহ নাই । যদিও জীবেশ্বর-

বিভাগ অনাদি, তথাপি উহা বাস্তবিক নহে । কিন্তু মায়িক । সূতরাং অনাদি জীবেশ্বর-বিভাগ অনাদি-মায়া-সাপেক্ষ হইবে, ইহাতে কিছুমাত্র অনুপপত্তি হইতে পারে না । মায়া অজ্ঞানের নামান্তর মাত্র । অতএব জীবেশ্বর বিভাগ অনাদি হইলেও উহা অনাদি-অজ্ঞান-সত্তা-সাপেক্ষ, ইহাতে সন্দেহ করিবার কোন হেতু নাই ।

আপত্তি হইতে পারে যে, অহমরূপ অর্থাৎ আমি অজ্ঞান-বান্ ইত্যাকারে জীবান্ধিতরূপে অজ্ঞানের অনুভব হইতেছে । অজ্ঞান ব্রহ্মান্ধিত হইলে ঐরূপ অনুভব হইতে পারে না । এতদুত্তরে বক্তব্য এই যে বেদান্তমতে জীব ও ব্রহ্মের ভেদ নাই । অতএব ঐ আপত্তি উঠিতেই পারে না । অজ্ঞানশ্রয় বিশুদ্ধ চৈতন্যই অহঙ্কারোপহিত হয় বলিয়া অহমরূপ এই অনুভব অনায়াসে উপপন্ন হইতে পারে ।

সে যাহা হউক, জিজ্ঞাস্য হইতে পারে যে, জীববিভাগ যখন অজ্ঞানরূপ, তখন অজ্ঞান বিনষ্ট না হইলে জীবের মুক্তিও হইতে পারে না । ইহা সহজে বুঝিতে পারা যায় । মুক্তি যদি অজ্ঞানের বিনাশরূপ হয়, তাহা হইলে কোন একটী জীব মুক্ত হইলে সমস্ত জীব মুক্ত হইতে পারে । কারণ, একটী জীবের মুক্তি হইলে অজ্ঞানের বিনাশ হইয়াছে বলিতে হইবে । কেন না, অজ্ঞানের বিনাশ না হইলে মুক্তি হওয়া অসম্ভব । অজ্ঞান যখন একমাত্র, তখন তাহার বিনাশ হইলে অন্য অজ্ঞান নাই বলিয়া কোন জীব বদ্ধ থাকিতে পারে না । সমস্ত জীব মুক্ত হইতে পারে । সূতরাং বদ্ধ-মুক্তির ব্যবস্থা হইতে পারে না ।

" ইহার উত্তরে বলা হইয়াছে যে, অজ্ঞান এক হইলেও অজ্ঞান সাংশ বা সাবয়ব । তাহার কারণ এই যে, জীব-
 ন্মুক্তি শাস্ত্রসিদ্ধ । অজ্ঞানের বিনাশ না হইলে জীবন্মুক্তি
 হইতে পারে না । পক্ষান্তরে অজ্ঞান লেশ না থাকিলে
 জীবন্মুক্ত পুরুষের লৌকিক ও শাস্ত্রীয় ব্যবহার হইতে পারে
 না । অতএব বলিতে হইতেছে যে, জীবন্মুক্ত পুরুষের পক্ষে
 আংশিকরূপে অজ্ঞান বিনষ্ট হইয়াছে এবং আংশিকরূপে
 অজ্ঞানের অনুরক্তি আছে । এই জন্য স্বীকার করিতে হই-
 তেছে যে, অজ্ঞান এক হইলেও সাংশ বা সাবয়ব । যদি
 তাহাই হইল, তবে ইহা অনায়াসে বলা যাইতে পারে যে,
 যে উপাধিতে বা অন্তঃকরণে ব্রহ্মজ্ঞান সমুৎপন্ন হয়, ঐ
 উপাধি-সংবন্ধীয় অজ্ঞানাংশ বিনষ্ট হয়, অপরাপর অংশ
 পূর্ববৎ অবস্থিত থাকে । সুতরাং বন্ধ মুক্তির ব্যবস্থা হই-
 বার কোনরূপ বাধা হইতে পারে না ।

কেহ কেহ বলেন যে, কোন কোন নৈয়ায়িকের মতে
 ঘটসংযোগাভাব যেমন ঘটাত্যন্তাভাবের বৃত্তির বা অবস্থিতির
 নিয়ামক, মন সেইরূপ চৈতন্যে অজ্ঞানের বৃত্তির বা অবস্থিতির
 নিয়ামক । কথাটা একটু পরিষ্কাররূপে বুঝিবার চেষ্টা করা
 যাইতেছে । নৈয়ায়িকের মত এই যে, যে সকল প্রদেশে
 ঘটের সংযোগ নাই, সেই সকল প্রদেশে ঘটের ভূত্যন্তাভাব
 বর্তমান থাকে, তন্মধ্যে কোন প্রদেশে ঘট আনীত হইলে
 তৎকালে ঐ প্রদেশে ঘটের সংযোগের অভাবের অভাব হয়
 অর্থাৎ যে প্রদেশে ঘট আনীত হয়, ঐ প্রদেশে ঘটের
 সংযোগের অভাব থাকে না কিন্তু ঘটের সংযোগ থাকে

বলিয়া, তৎপ্রদেশে তৎকালে ঘটের অত্যন্তাভাব থাকে না।
পরন্তু যে সকল প্রদেশে ঘটের সংযোগ থাকে না অর্থাৎ
ঘটের সংযোগের অভাব থাকে সে সকল প্রদেশে
ঘটের অত্যন্তাভাব পূর্ববৎ বর্তমান থাকে। প্রকৃত স্থলেও যে
উপাধিতে ব্রহ্মজ্ঞান উৎপন্ন হয়, সেই উপাধি বা গন
বিনষ্ট হইয়া যায়। সুতরাং সেই আত্ম-প্রদেশে অজ্ঞানের
বৃত্তি বা সংসর্গ থাকে না। প্রদেশান্তরে পূর্ববৎ সংসর্গ
থাকে। অজ্ঞানের সংসর্গই বন্ধ এবং তাহার অসংসর্গই
মোক্ষ, এই রূপে বন্ধ মোক্ষ ব্যবস্থার উপপত্তি হইতে
পারে।

কোন কোন আচার্য্যের মতে অজ্ঞান জীবাশ্রিত, তাঁহারা
বলেন—

জীবাশ্রয়া ব্রহ্মপদা স্যবিদ্যা তত্ববিন্দতা ।

অর্থাৎ অবিদ্যার আশ্রয় জীব এবং অবিদ্যার বিষয় ব্রহ্ম
ইহাই তত্ত্ববেত্তাদিগের অনুমত। এই মত অবলম্বন করিয়া
কেহ কেহ বলেন যে, শুদ্ধচৈতন্য অজ্ঞানের আশ্রয় নহে, জীব
অজ্ঞানের আশ্রয়, ব্রহ্ম অজ্ঞানের বিষয়। কেন না, আমি
ব্রহ্ম জানি না, এইরূপে ব্রহ্মবিষয়ক অজ্ঞানের অনুভব হইয়া
থাকে। অন্তঃকরণগত চিৎপ্রতিবিম্ব জীব। অন্তঃকরণ-
ভেদে তীক্ষ্ণত চিৎপ্রতিবিম্ব ভিন্ন ভিন্ন। অজ্ঞান ভিন্ন ভিন্ন
জীবত্বাতে বর্তমান বটে। কিন্তু উহা প্রত্যেক জীবত্বাতে
পর্য্যবসিত বা পরিসমাপ্তরূপে বর্তমান। কোন জীবত্বাতে
তত্ত্বজ্ঞান উৎপন্ন হইলে অজ্ঞান ঐ জীবত্বাকে পরিত্যাগ করে
সুতরাং সে মুক্ত হয়। অন্যায় জীবত্বাতে অজ্ঞান পূর্ববৎ

বর্তমান থাকে বলিয়া তাহারা মুক্ত হয় না, তাহারা পূর্বের ন্যায় বদ্ধ বা সংসারী থাকে ।

একটী দৃষ্টান্তের সাহায্যে বিষয়টী বুঝিবার চেষ্টা করা যাইতেছে । ন্যায়মতে ঘটত্র জাতি একমাত্র অথচ ঘটত্রজাতি নিখিল-ঘট-বৃত্তি । নিখিল ঘটবৃত্তি হইলেও উহা দ্বিত্বাদির ন্যায় ব্যাসজ্য বৃত্তি নহে । দুইটী ঘট না হইলে অর্থাৎ একটীমাত্র ঘট অবলম্বনে দ্বিত্বজ্ঞান হয় না । এই জন্য দ্বিত্বাদি ব্যাসজ্য বৃত্তি । একাধিক আশ্রয়ের সাহায্য ভিন্ন যাহার জ্ঞান হয় না, তাহাকে ব্যাসজ্যবৃত্তি বলা যাইতে পারে । ঘটত্রাদিজাতি সেরূপ নহে । একাধিক ঘট অবলম্বনে যেমন ঘটত্রের জ্ঞান হয়, একটী ঘট অবলম্বনেও সেইরূপ ঘটত্রের জ্ঞান হয় । এই জন্য ঘটত্রাদি জাতি ব্যাসজ্য বৃত্তি নহে, উহা প্রত্যেক পর্য্যবসায়ী । অর্থাৎ ঘটত্রাদি জাতি নিখিল ঘটবৃত্তি হইলেও প্রত্যেক ঘটে সম্পূর্ণরূপে বিद्यমান । অনেক ঘট যেমন ঘট, এক ঘটও সেইরূপ ঘট । কোন একটী ঘট বিনষ্ট হইলে ঘটত্র জাতির বিনাশ হয় না । পরন্তু যে ঘট বিনষ্ট হইয়াছে, ঘটত্র জাতি তাহাকে পরিত্যাগ করে, অর্থাৎ বিনষ্ট ঘটের সহিত ঘটত্র জাতির সংবন্ধ থাকে না । *প্রকৃত স্থলেও ঐরূপ বুঝিতে হইবে । অর্থাৎ অজ্ঞান এক এবং তাহা সমস্ত জীবে বর্তমান । অজ্ঞান সমস্ত জীবে বর্তমান হইলেও উহা দ্বিত্বাদির ন্যায় ব্যাসজ্য বৃত্তি নহে । কিন্তু ঘটত্রাদির ন্যায় প্রত্যেক-পর্য্যবসায়ী । তন্মধ্যে কোন জীবের ব্রহ্মসাক্ষাৎকার হইলে অজ্ঞান তাহাকে পরিত্যাগ করে অর্থাৎ ঐ জীবের সহিত অজ্ঞানের সংবন্ধ থাকে না ।

অপরাপর জীবের সহিত অজ্ঞানের সংবন্ধ পূর্ববৎ বিদ্যমান থাকে । সুতরাং অজ্ঞান এক হইলেও বন্ধমুক্তির ব্যবস্থা হইবার কোন বাধা হয় না ।

কেহ কেহ বলেন যে, অজ্ঞান এক হইলেও জীবভেদে অজ্ঞানের আবরণ শক্তি ও বিক্ষেপশক্তি ভিন্ন ভিন্ন । যে জীবের তত্ত্বজ্ঞান উৎপন্ন হয়, তাহার সংবন্ধে অজ্ঞানের আবরণশক্তি ও বিক্ষেপশক্তি বিনষ্ট হইয়া যায় । অপরাপর জীবের পক্ষে ঐ শক্তিদ্বয় পূর্ববৎ অবস্থিত থাকে । এইরূপে বন্ধমুক্তির ব্যবস্থা উপপন্ন হইতে পারে । কোন কোন আচার্য্য অনায়াসে বন্ধমুক্তির ব্যবস্থা সমর্থন করিবার জন্য জীবভেদে অজ্ঞানের ভেদ স্বীকার করিয়াছেন । তাঁহাদের মতে যে জীবের তত্ত্বজ্ঞান বা তত্ত্বসাক্ষাৎকার হয়, তাহার অজ্ঞান বিনষ্ট হইয়া যায় সুতরাং ঐ জীবের মুক্তি হয়, অন্য জীবের অজ্ঞান অবিনষ্ট থাকে বলিয়া তাহাদের সংসার থাকিয়া যায় ।

এস্থলে প্রসঙ্গত একটী কথা বলা উচিত বোধ হইতেছে । জীবগত অবিद्या জগৎসৃষ্টির হেতু এইরূপ একটী মত আছে । জীবভেদে অজ্ঞানের ভেদ হইলে কোন্ জীবের অজ্ঞান জগৎসৃষ্টির হেতু হইবে? এই প্রশ্ন সহজেই উপস্থিত হইতে পারে । ইহার উত্তরে বলা যাইতে পারে যে, কোন জীববিশেষের অজ্ঞান জগৎসৃষ্টির হেতু হইবে, ইহার কোন প্রমাণ নাই । সুতরাং বিনিগমনা অর্থাৎ একতর পক্ষপাতিনী যুক্তি নাই বলিয়া সমস্ত জীবের অজ্ঞানসমষ্টি জগৎসৃষ্টির হেতু হইবে, ইহা বলাই সম্ভব । অনেকগুলি তত্ত্ব মিলিত হইয়া যেমন এক-

ধানি পটের উৎপাদন করে, সেইরূপ অনেকগুলি অজ্ঞান অর্থাৎ সমস্ত জীবের সমস্ত অজ্ঞান মিলিত হইয়া, এই জগৎ সমুৎপন্ন করিয়াছে, ইহা অনায়াসে বলিতে পারা যায় । তাঁহারা আরও বলেন যে, এক জীব মুক্ত হইলে তাহার অজ্ঞান নষ্ট হইয়া যাওয়াতে তদারক্ণ তজ্জীবসাধারণ প্রপঞ্চও বিনষ্ট হইয়া যায় । যে অজ্ঞান বিনষ্ট হইয়া যায়, তদ্বিভিন্ন অপরাপর অজ্ঞানগুলি অবস্থিত থাকে এবং তাহারাই যে জীবমুক্ত হইয়াছে, তদ্বিভিন্ন অপরাপর জীবের সাধারণ খণ্ডপ্রপঞ্চের উৎপাদন করে । অনেকগুলি তন্তু একখানি পটের আরম্ভক হইলে এবং তন্মধ্যে একটি তন্তু বিনষ্ট হইলে তদারক্ণ মহাপট বিনষ্ট হইয়া যায়, এবং বিদ্যমান অপরাপর তন্তুগুলি খণ্ডপটের সমুৎপাদন করে । ন্যায়মতে ইহা নির্বিবাদে স্বীকৃত হইয়াছে । প্রকৃত-স্থলেও ঐরূপ বলা যাইতে পারে অর্থাৎ সমস্ত জীবের অবিদ্যা সমস্ত-জীব-সাধারণ প্রপঞ্চের উৎপাদক এবং তন্মধ্যে একটি জীব মুক্ত হইলে তাহার অবিদ্যা বিনষ্ট হইয়া যায় বলিয়া পূর্বপ্রপঞ্চ বিনষ্ট এবং অবস্থিত অবিদ্যাগুলি দ্বারা প্রপঞ্চান্তরৈর সমুৎপত্তি হইবে, ইহা অনায়াসে বলা যাইতে পারে ।

কোন কোন আচার্য্য সর্বজীবসাধারণ এক প্রপঞ্চ স্বীকার না করিয়া জীবভেদে প্রপঞ্চভেদ স্বীকার করিয়াছেন । তাঁহারা বিবেচনা করেন যে, এক সময়ে বা বিভিন্ন সময়ে অনেক পুরুষের এক শুদ্ধিকাতে রজতবিভ্রম এবং এক রজ্জুতে সর্পবিভ্রম হইয়া থাকে । ঐ বিভ্রম তত্তৎপুরুষের অজ্ঞানরূত স্বতরাং প্রতিভাসিক ও প্রত্যেক পুরুষের পক্ষে ভিন্ন

ভিন্ন । শক্তিকার জ্ঞান থাকিলে তাহাতে রজতবিভ্রম হয় না, রজ্জুজ্ঞান থাকিলে তাহাতে সর্পবিভ্রম হয় না । অতএব শক্তিকার অজ্ঞান শক্তিকাতে রজত বিভ্রমের এবং রজ্জুর অজ্ঞান রজ্জুতে সর্পবিভ্রমের হেতু সন্দেহ নাই । বলিয়া দিতে হইবে না যে, একের অজ্ঞান অন্যের বিভ্রমের কারণ হয় না । নিজ নিজ অজ্ঞান নিজ নিজ বিভ্রমের কারণ হইয়া থাকে । দেবদত্ত, যজ্ঞদত্ত এবং বিষ্ণুমিত্রের শক্তিকাতে রজতবিভ্রম ও রজ্জুতে সর্পবিভ্রম হইলে অবশ্য তাহাদের সকলের শক্তিকার এবং রজ্জুর অজ্ঞান আছে, পরন্তু দেবদত্তের অজ্ঞান দেবদত্তের বিভ্রমের, যজ্ঞদত্তের অজ্ঞান যজ্ঞদত্তের বিভ্রমের এবং বিষ্ণুমিত্রের অজ্ঞান বিষ্ণুমিত্রের বিভ্রমের হেতু । হেতু ভিন্ন ভিন্ন বলিয়া তৎকার্য্য বিভ্রমও পুরুষভেদে ভিন্ন ভিন্ন হইবে সন্দেহ নাই । ব্রহ্ম প্রপঞ্চ-বিভ্রমও তদ্রূপ বুঝিতে হইবে । ব্রহ্মজ্ঞান হইলে ব্রহ্ম প্রপঞ্চ বিভ্রম থাকে না । সুতরাং ব্রহ্মের অজ্ঞান প্রপঞ্চ বিভ্রমের কারণ । বুঝা যাইতেছে যে, ব্রহ্ম প্রপঞ্চ বিভ্রমের হেতু এবং তৎকার্য্য প্রপঞ্চ-বিভ্রম, শক্তিকাদিতে রজতাদি বিভ্রমের ন্যায় পুরুষভেদে ভিন্ন ভিন্ন । কেন না, একের অজ্ঞান অন্যের প্রপঞ্চ-বিভ্রমের হেতু হইতে পারে না । অতএব প্রপঞ্চ-বিভ্রম পুরুষভেদে ভিন্ন ভিন্ন । সুতরাং শক্তিরজত এবং রজ্জুসর্পাদির ন্যায় বিয়দাদি প্রপঞ্চও পুরুষভেদে ভিন্ন ভিন্ন ইহা অনায়াসে বলা যাইতে পারে । বিয়দাদি প্রপঞ্চ পুরুষ ভেদে ভিন্ন ভিন্ন হইলে যে পুরুষের তত্ত্ব সাক্ষাৎকার হইয়াছে, তাহার অবিদ্যা বিনষ্ট হওয়াতে তাহার বিয়দাদি প্রপঞ্চের নিবৃত্তি

হইবে । অপরাপর পুরুষের বিষয়াদি প্রাপঞ্চ পূর্ববৎ অবস্থিত থাকিবে, ইহা বেশ বুঝিতে পারা যায় ।

প্রশ্ন হইতে পারে যে, বিষয়াদি প্রাপঞ্চ পুরুষ-ভেদে ভিন্ন হইলে অনেক পুরুষের প্রাপঞ্চের ঐক্য প্রতীতি কিরূপে হইতেছে ? তুমি যে ঘট দেখিয়াছ, আমিও ঐ ঘট দেখিয়াছি । এইরূপ প্রতীতির অপলাপ করিতে পারা যায় না । এতদুত্তরে বক্তব্য এই যে, তাদৃশ ঐক্যপ্রতীতি ভ্রমাত্মক । অনেক পুরুষের এক রজ্জুতে সর্পভ্রম হইলে তাহাদের পরিকল্পিত সর্প ভিন্ন ভিন্ন সন্দেহ নাই । অথচ তাহাদের সর্পের ঐক্যপ্রতীতি হইয়া থাকে । তাহারা বলিয়া থাকে যে, তুমি যে সর্প দেখিয়াছ, আমিও ঐ সর্প দেখিয়াছি । এস্থলে সর্পের ঐক্যপ্রতীতি ভ্রমাত্মক, তদ্বিষয়ে বিবাদ হইতে পারে না । ঘটাদির ঐক্য-প্রতীতিও সেইরূপ ভ্রমাত্মক হইবে । ইহাতে বিস্ময়ের বিষয় কিছু নাই । যাহাদের মতে বিষয়াদি প্রাপঞ্চের হেতু ঈশ্বরীয় মায়া, তাহাদের মতে কোন আপত্তি উঠিতেই পারে না ।

অনেক জীববাদ সংক্ষেপে বলা হইল । এখন এক জীববাদ প্রদর্শিত হইতেছে । এক জীববাদেও মতভেদ পরিলক্ষিত হয় । কোন কোন আচার্য্য বলেন যে, এক হিরণ্য-গর্ভই মুখ্য জীব । তিনি অর্থাৎ হিরণ্যগর্ভ ব্রহ্ম-প্রতিবিন্দু-স্বরূপ । অন্য অন্য জীব হিরণ্যগর্ভের প্রতিবিন্দু । চিত্রলিখিত মনুষ্যদেহে যেরূপ বস্ত্রাভাস পরিকল্পিত হয়, উহা বাস্তবিক বস্ত্র নহে বস্ত্রাভাস মাত্র । হিরণ্যগর্ভের প্রতিবিন্দুও সেইরূপ বস্তুগত্যা জীব নহে, জীবাভাস মাত্র । এই মতটী “সবিশেষা-নেকশরীরৈকজীববাদ” বলিয়া অভিহিত হইয়াছে । ‘অপর

আচার্য্যেরা বিবেচনা করেন যে, হিরণ্যগর্ভ কল্পভেদে ভিন্ন ভিন্ন । কোন্ হিরণ্যগর্ভ মুখ্য জীব, তাহার নিয়ামক কোন প্রমাণ নাই । এই জন্য তাঁহারা বলেন যে জীব একমাত্র । ঐ এক জীব অবিশেষে সমস্ত শরীরে অধিষ্ঠিত । এই মতটী “অবিশেষানেকশরীরৈকজীববাদ” নামে শাস্ত্রে কথিত হইয়াছে ।

এই মতে আপত্তি হইতে পারে যে, সমস্ত শরীরে এক জীব অধিষ্ঠিত থাকিলে শরীরাবয়ব-ভেদে যেমন স্থখাদির অনুসন্ধান হয়, শরীর-ভেদেও সেইরূপ স্থখাদির অনুসন্ধান হইতে পারে ।* অর্থাৎ চরণে কণ্টক বিদ্ধ হইলে চরণের বেদনার এবং শরীরে চন্দন লেপন করিলে স্থখের যেরূপ অনুসন্ধান হয়, সেইরূপ শরীরান্তরের স্থখ দুঃখেরও অনুসন্ধান হইতে পারে । কারণ, এক শরীরে বিভিন্ন অবয়বে যেমন এক আত্মা অধিষ্ঠিত, বিভিন্ন শরীরেও সেইরূপ এক আত্মা অধিষ্ঠিত । এ অবস্থায় বিভিন্ন অবয়বের স্থখাদির যখন অনুসন্ধান হইতেছে, তখন বিভিন্ন শরীরের স্থখাদির অনুসন্ধান না হইবার কোন কারণ নাই ।

এতদ্বারা বক্তব্য এই যে, দেহভেদ স্থখাদি অনুসন্ধানের প্রতিবন্ধক বলিয়া দেহান্তরে দেহান্তরের স্থখাদির অনুসন্ধান হয় না । তাঁহারা দেহভেদে আত্মভেদ স্বীকার করেন, তাঁহাদের মতেও দেহভেদ অনুসন্ধানের প্রতিবন্ধক ইহা অবশ্য স্বীকার করিতে হইবে । তাহা না হইলে জন্মান্তরীয় বিষয়ের অনুসন্ধান হইতে পারে । কেন না, জন্মান্তরীয় দেহে যে আত্মা অধিষ্ঠিত ছিল, বর্তমান দেহেও সেই আত্মা অধিষ্ঠিত

আছে । দেহভেদ অনুসন্ধানের প্রতিবন্ধক না হইলে জন্মান্তরীয় বিষয়ের অনুসন্ধান নিবারিত হইতে পারে না । দেহভেদ অনুসন্ধানের প্রতিবন্ধক, ইহা অস্বীকৃত হইলে, সমস্ত দেহে এক আত্মা অধিষ্ঠিত থাকিলেও দেহান্তরে দেহান্তরের স্থখাদির অনুসন্ধান হইতে পারে না । আপত্তি হইতে পারে যে, যোগীদিগের কায়ব্যুহদ্বারা এক সময়ে স্থখ দুঃখের ভোগ হইয়া থাকে ইহা শাস্ত্রসিদ্ধ, কিন্তু দেহভেদ স্থখাদির অনুসন্ধানের প্রতিবন্ধক হইলে যোগীদিগের কায়ব্যুহদ্বারা ভোগ নির্বাহ হইতে পারে না । ইহার উত্তরে বক্তব্য এই যে, যোগীদিগের পক্ষে দেহভেদ স্থখাদির অনুসন্ধানের প্রতিবন্ধক হইবে না । যোগের প্রভাব অচিন্ত্যনীয় । যোগ-প্রভাবে যেমন ব্যবহিত এবং বিপ্রকৃষ্ট বস্তুর প্রত্যক্ষ হইয়া থাকে, সেইরূপ দেহান্তরের স্থখাদিরও অনুসন্ধান হইবে । তদ্বিষয়ে কোন আশঙ্কা হইতে পারে না ।

ব্রহ্ম স্থায়ী অবিদ্যা দ্বারা সংসারী এবং অবিদ্যা দ্বারা মুক্ত হন এই মতাবলম্বী কোন কোন আচার্য্য বলেন যে, জীব এক মাত্র । তদ্বারা জগতে একটী মাত্র শরীর সজীব, অপর সমস্ত শরীর নির্জীব । সমস্ত শরীরে সজীবতা পরিলক্ষিত হয় বটে, কিন্তু তাহা স্বপ্নদৃষ্ট শরীরের সজীবতার ন্যায় বুঝিতে হইবে । স্বপ্নদৃষ্ট শরীর এবং তাহার সজীবতা যেমন স্বপ্নদৃষ্টার অবিদ্যা-পরিকল্পিত, সেইরূপ জগতে অপরাপর শরীর এবং তাহার সজীবতা ঐ একমাত্র জীবের অবিদ্যা-পরিকল্পিত । কেবল তাহাই নহে, সমস্ত জগৎ ঐ একমাত্র জীবের অবিদ্যা-পরিকল্পিত । যে পর্য্যন্ত স্বপ্ন দর্শন থাকে, সেই পর্য্যন্ত স্বপ্ন-

পদার্থের অনুবর্তন এবং স্বপ্নান্তে স্বপ্ন-পদার্থের বিনিবৃত্তি হয়, ইহা সকলেই অবগত আছেন । প্রকৃত স্থলেও একমাত্র জীবের অবিদ্যা যে পর্য্যন্ত বিদ্যমান থাকিবে, সেই পর্য্যন্ত তৎপরিকল্পিত সমস্ত জগৎ বর্তমান থাকিবে । বিদ্যা দ্বারা ঐ অবিদ্যা বিনিবৃত্ত হইলে তৎকল্পিত জগৎও বিনিবৃত্ত হইবে । ঐ একমাত্র জীব কে ? এই প্রশ্নের উত্তরে বিদ্ব-
নানোরঞ্জিনীগ্রন্থে রামতীর্থযতি বলেন যে, যে দ্রষ্টা সেই একমাত্র জীব । অন্য সমস্ত তাহার অবিদ্যা-কল্পিত । শিষ্য বলিলেন যে, আমি আমাকে এবং অন্যায়কে আমার মত সংসারীরূপে দেখিতেছি । গুরু উত্তর করিলেন যে, তবে তুমিই জীব, তোমার অবিদ্যা দ্বারা আমরা এবং অন্যায়েরা বদ্ধ মুক্ত স্থখী দুঃখী প্রভৃতি বিচিত্ররূপে পরিকল্পিত । স্বপ্ন দৃষ্ট বস্তু যেমন প্রবোধ পর্য্যন্ত অবিসংবাদিতরূপে প্রতিভাত হয়, তোমার দৃষ্টি পরিকল্পিত সমস্ত জগৎ সেইরূপ তোমার ব্রহ্ম সাক্ষাৎকার পর্য্যন্ত অবিসংবাদিতরূপে প্রতিভাত হইবে । তোমার ব্রহ্ম সাক্ষাৎকার হইলে, তোমার সহিত তোমার দৃষ্টি-কল্পিত সকলেই মুক্ত হইবে । সিদ্ধান্তলেশ সংগ্রহকার বলেন যে, এই মতে জীব এক বলিয়া বদ্ধমুক্ত ব্যবস্থা নাই । অর্থাৎ কেহ বদ্ধ কেহ মুক্ত এরূপ ব্যবস্থা নাই । শুকাদি মুক্ত হইয়াছেন ইহাও স্বপ্ন পুরুষান্তরের মুক্তির ন্যায় পরিকল্পিত মাত্র । এই মতটী “একশরীরৈকজীববাদ” নামে অভিহিত হইয়াছে ।

• সংক্ষেপশারীরককার সর্বজ্ঞাত্মমুনির মতে অবিদ্যা-
গত চিত্তপ্রতিবিম্ব জীব । অবিদ্যা এক । স্বতরাং তদগত

প্রতিবিশ্বও এক । এক অবিদ্যাতে নানা প্রতিবিশ্ব হইতে পারে না । অতএব জীব এক । অন্তঃকরণ নানা ইহা সর্বমতসিদ্ধ । অন্তঃকরণ অবিদ্যাতে কল্লিত । অবিদ্যা-কল্লিত অন্তঃকরণ দ্বারা অবিদ্যাগত প্রতিবিশ্বের অবচ্ছেদ অবশ্যস্তাবী । যে অন্তঃকরণে ব্রহ্ম সাক্ষাৎকার হইবে, সেই অন্তঃকরণাবচ্ছিন্ন প্রতিবিশ্ব মুক্ত হইবে, অন্যায় অন্তঃকরণাবচ্ছিন্ন প্রতিবিশ্ব বদ্ধ থাকিবে । এইরূপে জীব এক হইলেও অন্তঃকরণরূপ অবচ্ছেদক ভেদে বদ্ধ যুক্তির ব্যবস্থা উপপন্ন হইতে পারে । প্রতিবিশ্ব এক হইলেও অনন্ত-অন্তঃকরণ-ভেদে অনন্ত প্রমাত্রাদি ভাব হইবার কোন বাধা নাই । অতএব গুরুশিষ্যাди ব্যবস্থাও একজীব বাদে সম্ভব হইতেছে । সংক্ষেপশারীরককার বলেন—

স্বীয়াবিদ্যাকল্লিতাচার্য্যবিদন্যায়াদিভ্যো জায়তে তস্য বিদ্যা ।

বিদ্যাজন্মধ্বস্তমীহস্য তস্য স্বীয় রূপেবস্থিতিঃ স্বপ্রকাশী ॥

ব্রহ্মাশ্রিত অবিদ্যা দ্বারা ব্রহ্ম সংসারী । ব্রহ্মের স্বীয় অবিদ্যা দ্বারা বেদ, আচার্য্য ও ন্যায় পরিকল্লিত । ঐ পরিকল্লিত আচার্য্য, বেদ ও ন্যায় হইতে সেই ব্রহ্মের ব্রহ্মবিদ্যা সমুৎপন্ন হয় । ব্রহ্মবিদ্যা সমুৎপন্ন হইলে মোহ বা অবিদ্যা বিনষ্ট হয় । অবিদ্যা বিনষ্ট হইলে ব্রহ্ম স্বপ্রকাশ নিজ স্বরূপে অবস্থিত হন । মধুসূদন সরস্বতী বলেন যে, জীব এক হইলেও অবিদ্যাকার্য্য অন্তঃকরণ অনন্ত । অন্তঃকরণাবচ্ছিন্ন জীবের প্রমাত্রাদি ভাবও অন্তঃকরণ ভেদে অনন্ত । তন্মধ্যে যে অন্তঃকরণাবচ্ছিন্ন প্রতিবিশ্বে অর্থাৎ যে অন্তঃকরণাবচ্ছিন্ন জীবে জ্ঞান মননাদি শাস্ত্রবিহিত উপায় সম্পন্ন

হইয়া সাক্ষাৎকারাত্মক ব্রহ্মবিদ্যা। আবিভূত হয়, তিনি আচার্য্য। বেদ শব্দের তাৎপর্য্যার্থ ব্রহ্মবিদ্যা। বা বেদান্ত। ন্যায় কি না ব্রহ্মমীমাংসা বা বেদান্ত দর্শন। অতএব জীব এক হইলেও অন্তঃকরণ ভিন্ন ভিন্ন বলিয়া সকলের নিজ নিজ গুরু, নিকট হইতে ব্রহ্মবিদ্যা লাভের জন্য যত্ন চেষ্টা করা সর্ব্বথা সম্ভব হইতেছে। এতাবত জীবভেদের আপত্তি হইতে পারে না। কারণ, অবিদ্যা-প্রতিবিম্ব স্বরূপ জীব একমাত্র হইলেও অন্তঃকরণরূপ উপাধি ভেদে যুগপৎ বা ক্রমে ব্রহ্মবিদ্যালান্বিত প্রাপ্তি সম্ভবপর। এবিষয়ে পূর্বাচার্য্যেরা বিস্তর আলোচনা করিয়াছেন। বাহুল্য ভয়ে তাহা বিশেষরূপে বিস্তৃত হইল না।

অনাদি মায়াবশত ব্রহ্মই জীবভাব প্রাপ্ত হন এবং বিবেক দ্বারা মুক্ত হন। ইহার অপর নাম একজীববাদ।

সে যাহা হউক। জীবাত্মা ব্রহ্মের অংশ বা ব্রহ্মের প্রতি-
বিন্দু ইহা বলা হইয়াছে। * ইহাও বলা হইয়াছে যে, ব্রহ্মই
স্বীয় অবিদ্যা দ্বারা জীবভাব প্রাপ্ত হন। জীব ও ব্রহ্ম ভিন্ন
নহে, এ বিষয়ে উক্ত মতত্রয়ের ঐকমত্য আছে। তদ্বিষয়ে
কোন বিসংবাদ নাই। জীব ও ব্রহ্ম এক, অর্থাৎ জীব ব্রহ্মা-
ভিন্ন, ইহা সমস্ত বেদান্তের অবিসংবাদিত সিদ্ধান্ত। তদ্বিষয়ে
এই একটী কথা বলিবার আছে। হস্তপদাদি দেবদত্তের
অঙ্গ, দেবদত্ত অঙ্গী। হস্তপদাদিগত দুঃখের দ্বারা দেবদত্তের
দুঃখিত্ব লোক-প্রসিদ্ধ। জীব ব্রহ্মের অংশ হইলে জীবগত
দুঃখের দ্বারা ব্রহ্মেরও দুঃখিত্ব হইতে পারে। তাহা হইলে
মুক্তি বা ব্রহ্মভাব অনর্থবহুল স্তূতরাং যত্নপূর্ব্বক পরিহার্য্য

হইতে পারে কোনরূপে অভিলষণীয় হইতে পারে না । কেন না, হস্তপদাদি-অঙ্গ-গত দুঃখের দ্বারা যেমন অঙ্গী দেবদত্ত দুঃখী হয়, সেইরূপ জীব ব্রহ্মের অংশ হইলে জীবগত দুঃখের দ্বারা অঙ্গীর অর্থাৎ ব্রহ্মের দুঃখিত্ব হইবে । জীব অনন্ত, সূতরাং অনন্ত-জীব-গত দুঃখ দ্বারা ব্রহ্ম দুঃখী হয় বলিয়া ব্রহ্মের দুঃখও অনন্ত । সংসারী জীব সংসার অবস্থায় নিজের দুঃখ-মাত্র ভোগ করে । ঐ জীব সম্যক্ দর্শন বা তত্ত্বজ্ঞান দ্বারা ব্রহ্মত্ব প্রাপ্তি হইলে অর্থাৎ মুক্ত হইলে ঐ মুক্তি অবস্থাতে সমস্ত জীবগত দুঃখ অনুভব করিবে । সূতরাং সংসারীর দুঃখ অপেক্ষা মুক্তের দুঃখ মহত্তর হইতেছে সন্দেহ নাই । এরূপ অবস্থায় মুক্তি অপেক্ষা বরং পূর্বাবস্থ সংসার ভাল । কেন না, সংসারাবস্থায় নিজের দুঃখ মাত্র অনুভব হইবে, মুক্তি অবস্থায় সকলের দুঃখ অনুভব হইবে ।

এতদ্বত্তরে বলব্য এই যে, ব্রহ্ম সমস্ত জীবগত দুঃখ-ভাগী হইলে উক্ত আপত্তি সঙ্গত হইতে পারিত । কিন্তু তাহা নহে । অর্থাৎ ব্রহ্ম জীবগত দুঃখভাগী নহে । অনাদি অনির্বচনীয় অবিদ্যারূপ উপাধি বশত ব্রহ্ম জীবভাবাপন্ন হইয়া অবিদ্যা বশতই দেহাদিতে আত্মভাব প্রাপ্ত অর্থাৎ দেহাদিতে আত্মাভিমানী হইয়া থাকে । উহাই দুঃখ-ভোগের কারণ । অতএব অবিদ্যা বশতই দেহাদিগত দুঃখ আত্মগত বিবেচনা করিয়া নিজেই দুঃখ উপভোগ করিতেছে এইরূপ অভিমান করে । ব্রহ্মের বা পরমেশ্বরের দেহাদিতে আত্মভাব বা আত্মাভিমান নাই । দুঃখভোগের অভিমানও নাই । অতএব ব্রহ্মের দুঃখভাগিত্ব আদৌ নাই । সূতরাং মুক্তি

অবস্থায় অনন্ত দুঃখভাগিত্বের আপত্তি একান্ত অসঙ্গত । আর এক কথা । ত্রৈলোক্যের দুঃখভাগিত্ব কল্পনা করিয়া মুক্ত পুরুষের অধিক দুঃখভাগিত্বের আপত্তি করা হইয়াছে । কিন্তু সূক্ষ্ম-রূপে বিবেচনা করিলে প্রতীত হইবে জীবের দুঃখভাগিত্বও বাস্তবিক নাই । অবিদ্যাকৃত দেহাদি উপাধির অবিবেক-নিবন্ধন ভ্রান্তি বশতই জীবের দুঃখিত্বের অভিমান হইয়া থাকে । দেহাদিতে আত্মাভিমান রূপ ভ্রান্তি বশতই জীব স্বদেহগত দাহচ্ছেদাদি নিমিত্তক দুঃখ অনুভব করে । কেবল তাহাই নহে । পুত্রমিত্রাদিতে অসাধারণ স্নেহ থাকিলে আমিই পুত্র আমিই মিত্র ইত্যাদি ভ্রান্তিবশত পুত্রমিত্রাদিতে সর্বশেষ অভিনিবেশ হয় বলিয়া পুত্রমিত্রাদিগত দুঃখও আত্মগত রূপে অনুভব করে । দেখিতে পাওয়া যায় যে, যাহাদের পুত্রমিত্রাদি আছে কিন্তু তন্মধ্যে কতিপয় ব্যক্তির পুত্র মিত্রাদিতে অসাধারণ স্নেহ, অভিনিবেশ এবং তন্নিবন্ধন ভ্রম আছে । কতিপয় ব্যক্তি পারিত্রাজ্য অবলম্বন করাতে তাহাদের পুত্রমিত্রাদিতে তাদৃশ স্নেহ, অভিনিবেশ এবং ভ্রান্তি নাই । পুত্রমিত্রাদিতে যাহাদের তাদৃশ ভ্রান্তি আছে এবং যাহাদের তাদৃশ ভ্রান্তি নাই, তাদৃশ উভয় শ্রেণীর ব্যক্তিসকল এক স্থানে উপবিষ্ট থাকা অবস্থায় পুত্র মৃত হইয়াছে মিত্র মৃত হইয়াছে এইরূপে পুত্র মিত্রাদির মৃত্যু আঘোষিত হইলে যাহাদের পুত্রমিত্রাদিমত্মাভিমান আছে তাহারা দুঃখিত হয়, পারিত্রাজকদিগের তাদৃশ অভি-মান নাই বলিয়া তাহারা দুঃখিত হয় না । এতদ্বারা বুঝা যাইতেছে যে মিথ্যাভিমান দুঃখের নিদান । মুক্ত পুরুষের

মিথ্যাভিমান নাই । সুতরাং যুক্তের স্বদেহাদিগত দুঃখাভি-
মানও নাই । যাহার স্বদেহগত দুঃখেরও অভিমান নাই,
তাহার পক্ষে অনন্ত জীবের দুঃখ ভোগের আপত্তি স্বদূর-
পরাহত । এ অবস্থায় নিত্যসর্বজ্ঞ পরমেশ্বরের জীবগত
দুঃখভাগিত্বের আপত্তির অনৌচিত্য বুঝাইয়া দিতে হইবে না ।
দেখিতে পাওয়া যায় যে, সূর্যের বা চন্দ্রের প্রকাশ আকাশ
ব্যাপিয়া অবস্থিত । আকাশ ব্যাপিয়া অবস্থিত হইলেও
অঙ্গুল্যাदि উপাধি বশত ধাজুবক্রাদিভাব প্রাপ্ত হয় বলিয়া
বোধ হয় । বস্তুগত্যা কিন্তু প্রকাশের ধাজুবক্রাদি ভাব হয়
না । তদ্রূপ অন্তঃকরণাদি রূপ উপাধি বশত ব্রহ্ম জীব-
ভাব প্রাপ্ত হইয়া দুঃখরূপে প্রতিরমান হইলেও ব্রহ্ম দুঃখী
হন না । ঘট স্থানান্তরে নীয়মান হইলে যেমন ঘটাবচ্ছিন্ন
আকাশও নীয়মান হয় বলিয়া বোধ হয় বটে, কিন্তু বস্তুগত্যা
ঘটই নীয়মান হয় ঘটাবচ্ছিন্ন আকাশ নীয়মান হয় না । মহা-
কাশ নীয়মান হয় না ইহা বলাই বাহুল্য । সেইরূপ অন্তঃকরণে
দুঃখ উপন্ন হইলেও অন্তঃকরণাবচ্ছিন্ন চৈতন্য দুঃখী হয়
না । মহাচৈতন্য অর্থাৎ অনবচ্ছিন্ন চৈতন্য যে দুঃখী হয় না,
তাহা বলিয়া দিতে হইবে না । শরাবস্থ জলে সূর্যের প্রতি-
বিম্ব পতিত হইলে এবং প্রতিবিম্বাধার জল কম্পিত হইলে
তদগত প্রতিবিম্বও কম্পিত হয় কিন্তু বিম্বভূত সূর্য কম্পিত
হয় না । প্রকৃত স্থলেও বুদ্ধিগত চিৎপ্রতিবিম্ব বুদ্ধিগত দুঃখ
দ্বারা দুঃখী হইলেও বিম্বভূত চৈতন্য দুঃখী হইতে পারে না ।

উপরে যেরূপ বলা হইল, তদ্বারা স্বধীগণ বুঝিতে
পারিতেছেন যে উপাধিবশত অংশাংশি ভাব, অবচ্ছিন্নবাদ

এবং প্রতিবিশ্ববাদ এই পক্ষ সকলের মধ্যে কোন পক্ষেই পরমাত্মার দুঃখভাগিত্ব হইতে পারে না। জীবের দুঃখ-ভাগিত্ব আবিদ্যক ইহা পূর্বেই বলিয়াছি। এই জন্য জীবের অবিদ্যাকৃত জীব-ভাবের ব্যবচ্ছেদপূর্বক ব্রহ্ম ভাব বেদান্তে উপদিষ্ট হইয়াছে। মলিন এবং নির্মল দর্পণে মুখের প্রতিবিশ্ব পতিত হইলে ঐ প্রতিবিশ্ব মলিন এবং নির্মলরূপে প্রতীয়মান হয় কিন্তু বিশ্বভূত মুখের মলিনতা দি হয় না। দর্পণ অপনীত হইলে প্রতিবিশ্ব যেমন বিশ্বভাবে অবস্থিত হয়, তদ্রূপ বুদ্ধিগত চিৎপ্রতিবিশ্ব বুদ্ধিগত মালিন্য-দ্বারা মলিনরূপে প্রতীয়মান হইলেও বিশ্বভূত চৈতন্যের মলিনতা হয় না। তত্ত্বজ্ঞান দ্বারা অবিদ্যারূপ উপাধি অপ-নীত হইলে জীব ব্রহ্ম-ভাবে অবস্থিত হয়। পরমাত্মা জীবগত দুঃখে দুঃখী হন না ইহা উপনিষদেও উক্ত হইয়াছে। প্রগতি বলিয়াছেন—

সূর্য্যো যথা সর্ব্বলোকস্য চক্ষুর্ন লিপ্যতে বায়ুর্দৈর্ঘ্যদোষে ।

একস্তথা সর্ব্বভূতান্নাশ্রিত্য ন লিপ্যতে লোকদুঃখিন বাহ্যে ॥

সর্ব্বলোকপ্রকাশক সূর্য্য যেমন প্রকাশ্য দোষে অর্থাৎ বিষয় দোষে লিপ্ত হন না, সেইরূপ অসঙ্গ-বা দুঃখাসংস্পর্শ-স্বভাব অদ্বিতীয় পরমাত্মাও জীবগত দুঃখে লিপ্ত হন না। স্মৃতিকারেরা বলিয়াছেন—

তত্র যঃ পরমাশ্রিত্য হি স নিত্যো নিরুণাঃ স্মৃতঃ ।

ন লিপ্যতে ফলৈশ্চাপি পদ্যপত্রমিবান্ধসা ॥

কস্মাশ্রিত্য ত্বপরো যোসৌ বন্ধমোক্ষৈঃ স যুজ্যত

স সমদৃশ্যকেনাপি রাগিনা যুজ্যতে পুনঃ ॥

জীবাত্মা ও পরমাত্মার মধ্যে পরমাত্মা নিত্য ও নিগুণ । পদ্মপত্র যেমন জল দ্বারা লিপ্ত হয় না, পরমাত্মাও সেইরূপ কর্মফল দ্বারা লিপ্ত হন না । অর্থাৎ জীবগত সুখ দুঃখে পরমাত্মা স্থখী বা দুঃখী হন না । অপর অর্থাৎ জীবাত্মা কর্মের আশ্রয় । পর্যায়ক্রমে জীবাত্মার বন্ধ ও মোক্ষ হয় । জীবাত্মা পঞ্চ কর্মেন্দ্রিয়, পঞ্চ জ্ঞানেন্দ্রিয়, পঞ্চ প্রাণ, মন ও বুদ্ধি এই সপ্তদশ রাশি যুক্ত হয় । অর্থাৎ লিঙ্গশরীর যুক্ত হয় । পরমাত্মা ও জীবাত্মা ভিন্ন না হইলেও পরমাত্মা জৈব সুখ দুঃখ ভাগী নহেন, ইহা বলা হইল ।

এখন প্রশ্ন হইতেছে যে, এক পরমাত্মাই যদি সমস্ত প্রাণীর অন্তরাত্মা হন, তাহা হইলে অনুজ্ঞা পরিহার কিরূপে উপপন্ন হইতে পারে ? অনুজ্ঞা কি না বিধি, পরিহার কি না নিষেধ । ইহার উত্তর এই যে, পরমাত্মা সমস্ত প্রাণীর অন্তরাত্মা হইলেও উপাধিভেদে জীবাত্মা ভিন্ন হইয়াছে । অতএব উপাধি সংবন্ধ বশত বিধি-নিষেধের উপপত্তি হইতে পারে । কেহ কেহ বলেন যে, জীবাত্মা ও পরমাত্মার অভেদ ও ভেদ উভয়ই সত্য । সুতরাং ভেদাংশ অবলম্বনে বিধি নিষেধের উপপত্তি হইবার বাধা নাই । তাঁহারা বলেন, জীবাত্মার ও পরমাত্মার অভেদ শ্রুতিতে নির্দিষ্ট হইয়াছে সত্য, পরন্তু তদুভয়ের অর্থাৎ জীবাত্মা ও পরমাত্মার ভেদও শ্রুতিতে নির্দিষ্ট হইয়াছে । জীবাত্মা নিয়ম্য পরমাত্মা নিয়ন্তা, জীবাত্মা অশ্নেয় পরমাত্মা অশ্নেয়ব্য ইত্যাদি নির্দেশ জীবাত্মা ও পরমাত্মার ভেদ ভিন্ন হইতে পারে না । অতএব বলিতে হইতেছে যে, জীবাত্মার ও পরমাত্মার ভেদও আছে

অভেদও আছে । ভেদ আছে বলিয়া বিধি নিষেধের সর্বথা উপপত্তি হইতে পারে ।

এতদ্ব্যন্তরে বক্তব্য এই যে, জীবাত্মার ও পরমাত্তার বস্তুগত্যা ভেদ ও অভেদ উভয় থাকিলে ভেদ অবলম্বনে বিধি নিষেধের এবং অভেদ অবলম্বনে ব্রহ্মভাবের উপপত্তি হইতে পারে বটে, কিন্তু ভেদ ও অভেদ এ উভয় যথার্থ হইতে পারে না । ভেদ ও অভেদ পরস্পর-বিরুদ্ধ । বস্তুদ্বয় ভিন্নও হইবে অভিন্নও হইবে ইহা অসম্ভব । ভেদ ও অভেদ ইহার মধ্যে একটি স্বাভাবিক অপরটি ঔপাধিক ইহা অবশ্য স্বীকার করিতে হইবে । ভেদ স্বাভাবিক হইলে অভেদ ঔপাধিক এবং অভেদ স্বাভাবিক হইলে ভেদ ঔপাধিক হইবে । দেখিতে পাওয়া যায় যে ঘট শরাবাদির ভেদ স্বাভাবিক, কিন্তু ঘটও মূর্ত্তিকাময় শরাবও মূর্ত্তিকাময় অতএব মূর্ত্তিকাত্মরূপ উপাধি অবলম্বনে ঘটশরাব অভিন্ন ইহা বলা যাইতে পারে । পক্ষান্তরে আকাশের অভেদ স্বাভাবিক, ঘট পটাদি উপাধিভেদে ভেদ ঔপাধিক । জীবাত্মার ও পরমাত্তার ভেদ স্বাভাবিক অভেদ ঔপাধিক অথবা অভেদ স্বাভাবিক ভেদ ঔপাধিক ইহা বিবেচনা করা আবশ্যক হইতেছে ।

যিনি ভেদবাদী, তাঁহার প্রতি যুক্তি দ্বারা অভেদ প্রতিপন্ন করা যাইতে পারে । ভেদবাদীর শরীর আত্মবান্, অপরাপর শরীরও আত্মবান্, এ বিষয়ে বিবাদ হইতে পারে না । কিন্তু সমস্ত শরীর এক আত্মা দ্বারা আত্মবান্ কি ভিন্ন ভিন্ন আত্মা দ্বারা আত্মবান্ ইহাই বিরাদের বিষয় । অনুমান করিতে পারা যায় যে, ভেদবাদীর শরীর যে আত্মাদ্বারা আত্মবান্, অপরাপর

শরীরও সেই আত্মা দ্বারা আত্মবান্ । কারণ, ভেদবাদীর শরীরও শরীর, অপরাপর শরীরও শরীর । একটী শরীর যে আত্মা দ্বারা আত্মবান্, অপরাপর শরীরও সেই আত্মা দ্বারা আত্মবান্ হওয়াই সম্ভব । দেখিতে পাওয়া যায় যে, একটী দ্রব্য যে দ্রব্যত্ব দ্বারা দ্রব্যত্ববান্ অপরাপর দ্রব্যও সেই দ্রব্যত্ব দ্বারা দ্রব্যত্ববান্ । দ্রব্যভেদে যেমন দ্রব্যত্বের ভেদ হয় না, শরীর ভেদেও সেইরূপ আত্মা ভেদ হওয়া সম্ভব নহে । এক জন জন্মিতেছে এক জন মরিতেছে এই হেতুতে আত্মাভেদ অনুমিত হইতে পারে না । কারণ, জন্মন মরণ আত্মাধর্ম্য নহে, উহা দেহধর্ম্য, তদ্বারা দেহভেদ সিদ্ধ হইতে পারে । আত্মাভেদ সিদ্ধ হইতে পারে না । কেহ সুখী কেহ দুঃখী, এতদ্বারাও আত্মাভেদ প্রতিপন্ন করা যাইতে পারে না । কারণ, সুখদুঃখ অন্তঃকরণের ধর্ম্য আত্মার ধর্ম্য নহে সুতরাং তদ্বারা অন্তঃকরণ ভেদ প্রতিপন্ন হইতে পারে আত্মাভেদ প্রতিপন্ন হইতে পারে না ।

আরও বিবেচনা করা উচিত যে, বিশ্ব ও প্রতিবিশ্বের ভেদ না থাকিলেও আশ্রয়-বৈচিত্র্য বশত ভিন্ন ভিন্ন প্রতিবিশ্বের ভিন্ন ভিন্ন বর্ণ দেখিতে পাওয়া যায় । প্রতিবিশ্বগত বর্ণ যেমন সঙ্কীর্ণ হয় না, চিৎপ্রতিবিশ্বগত রূপে প্রতীয়মান সুখদুঃখও সেইরূপ সঙ্কীর্ণ হইবে না । অতএব জীবভেদ কল্পনার প্রমাণ নাই । জীবব্রহ্মভেদ কল্পনাও প্রমাণ শূন্য । প্রত্যক্ষ প্রমাণবলে জীব ও ব্রহ্মের ভেদ বলা যাইতে পারে না । যেহেতু জীব ও ব্রহ্ম অতীন্দ্রিয় । ভেদ প্রত্যক্ষসিদ্ধ একরূপ না বলিবার আরও হেতু আছে । তাহা এই । ভেদ, ধর্ম্যীর এবং প্রতিযোগীর

ব্যবস্থা-সাপেক্ষ । যাহাতে বা যে অধিকরণে ভেদ গৃহীত হয়, তাহার নাম ধর্ম্মী । যাহার ভেদ গৃহীত হয়, তাহার নাম প্রতিযোগী । পক্ষান্তরে ধর্ম্মীর ও প্রতিযোগীর ব্যবস্থা ভেদসাপেক্ষ । কেন না, ধর্ম্মী ও প্রতিযোগী অবশ্য এক পদার্থ হইবে না । ভিন্ন ভিন্ন পদার্থ হইবে । তবেই দাঁড়াইতেছে যে, ভেদ, ধর্ম্মীর এবং প্রতিযোগীর ব্যবস্থাসাপেক্ষ । এবং ধর্ম্মীর ও প্রতিযোগীর ব্যবস্থা ভেদ-সাপেক্ষ । এইরূপে ইতরেতরাশ্রয় দোষ উপস্থিত হয় । ভেদ অনুমান করিবার কোন হেতু নাই । শব্দাবগত লিঙ্গ দ্বারা ভেদ অনুমান করা যাইতে পারে বটে, পরন্তু শব্দ দ্বারাই তাহা বাধিত হয় । অর্থাৎ শাস্ত্রে নিয়ম্য নিয়ন্তারূপে এবং অন্বেষ্টব্য অন্বেষ্টারূপে জীব ব্রহ্মের নির্দেশ আছে বলিয়া তদুভয়ের ভেদ প্রতীত হইতে পারে বটে, কিন্তু নান্দীতীক্ষ্ণী দৃষ্টা অর্থাৎ পরমাত্মার অন্য দ্রষ্টা নাই ইত্যাদি শাস্ত্রবলে উহা বাধিত হয় । এবং অয়মাত্মা ব্রহ্ম অর্থাৎ এই আত্মাই ব্রহ্ম ইত্যাদি শ্রুতি দ্বারা জীবের ও ব্রহ্মের অভেদ প্রতিপন্ন হয় ।

আর এক কথা । ভেদ ও অভেদ এই উভয়ই শাস্ত্র প্রতিপাদিত হইয়াছে ইহা সত্য, পরন্তু দেখিতে হইবে যে, ভেদের এবং অভেদের এই উভয়ের প্রতিপাদন শাস্ত্রের অভিপ্রেত কি না । বিরুদ্ধ ভেদাভেদ প্রতিপাদন শাস্ত্রের অভিপ্রেত হইতে পারে না । সূক্ষ্মরূপে বিবেচনা করিলে বুঝিতে পারা যাইবে যে, অভেদ প্রতিপাদন শাস্ত্রের অভিপ্রেত । লোক প্রসিদ্ধ বা স্বভাবপ্রাপ্ত ভেদের অনুবাদ করা হইয়াছে মাত্র । অর্থাৎ সর্ব্বথা অভেদ সমর্থন করিবার জন্য লোকপ্রসিদ্ধ ভেদের অনুবাদ করিয়া ভেদের নিষেধ

করা হইয়াছে । আরও দেখিতে পাওয়া যায় যে, অভেদ জ্ঞানের ফল শাস্ত্রে কথিত হইয়াছে । ভেদ জ্ঞানের কোন ফল কথিত হয় নাই । প্রত্যুত ভেদজ্ঞানের দোষ কীর্তন করিয়া ভেদের প্রতিষেধ করা হইয়াছে । এতদ্বারা বুঝা যাইতেছে যে, অভেদ প্রতিপাদনই শাস্ত্রের অভিপ্রেত, ভেদ-প্রতিপাদন শাস্ত্রের অভিপ্রেত নহে । ভেদ প্রতিপাদন শাস্ত্রের অভিপ্রেত হইলে ভেদজ্ঞান নিন্দিত হইত না । বরং অভেদ জ্ঞানের ন্যায় ভেদ জ্ঞানেরও কোনরূপ ফল নির্দিষ্ট হইত । তাহা হয় নাই । অতএব বুঝা যাইতেছে যে, ভেদ প্রতিপাদন শাস্ত্রের অভিপ্রেত নহে ।

আরও বিবেচনা করা উচিত যে, সমস্ত প্রমাণে বিশেষত শব্দ প্রমাণ অজ্ঞাত বিষয়ের জ্ঞাপক । ভেদ লোকপ্রসিদ্ধ সূত্রাং তাহা সূজ্ঞাত । তাহার জ্ঞাপন শব্দের তাৎপর্য-বিষয় হইতে পারে না । যাহা সূজ্ঞাত তাহার জন্য শব্দের অপেক্ষা থাকিতে পারে না । উপনিষদের তাৎপর্য পর্যালোচনা করিলেও অদ্বৈতেই অর্থাৎ অভেদেই তাৎপর্য বোধ হয় । যাহা বাক্যের উপক্রমে এবং উপসংহারে কথিত হয় এবং মধ্যে পরামৃষ্ট হয়, তাহাতেই বাক্যের তাৎপর্য অবধৃত হয় । অভ্যাস অর্থাৎ পুনঃ পুনঃ কথিত হইলে প্রতিপাদ্য অর্থের ভুয়স্ত্ব হয় অল্পত্ব হয় না । সূত্রাং ঐ অর্থ উপচরিত ইহা বলিবার উপায় নাই । উপনিষৎ সকলের উপক্রমে, মধ্যে এবং উপসংহারে অদ্বৈতত্ব পরিকীর্তিত হইয়াছে । অতএব অদ্বৈতেই উপনিষদের তাৎপর্য । তদ্বিষয়ে সন্দেহ করিবার কারণ নাই । পূজ্যপাদ বাচস্পতি মিশ্র ভামতীগ্রন্থে বলিয়াছেন—

ভেদে লোকসিদ্ধত্বান্ন শব্দেন প্রতিপাদ্যঃ । অমেদস্বনধিগতত্বা-
দধিগতভেদানুবাदेन প্রতিপাদনমর্হতি । যেন চ वाक्यमुपक्रम्यते
मध्ये च परामृश्यते अन्तेचोपसंक्रियते तत्रैव तस्य तात्पर्यम् ।
उपनिषदश्चाद्वैतीपक्रमतत्परामर्शतदुपसंहारा अद्वैतपराएव
युज्यन्ते ।

ইহার তাৎপর্য এই । ভেদ লোকসিদ্ধ বলিয়া শব্দদ্বারা
প্রতিপাদ্য হয় না । অভেদ অনধিগত অর্থাৎ অজ্ঞাত বলিয়া
অধিগত ভেদের অনুবাদ দ্বারা প্রতিপাদ্য হইবার যোগ্য ।
যদ্বারা বাক্যের উপক্রম ও উপসংহার হয়, এবং যাহা মধ্যে
পরামৃষ্ট হয়, তাহাতেই বাক্যের তাৎপর্য অবধৃত হয় ।
উপনিষদের উপক্রমে, উপসংহারে এবং মধ্যে অদ্বৈত তত্ত্ব
কথিত হইয়াছে বলিয়া উপনিষৎ অদ্বৈতপর হওয়াই যুক্ত ।
অতএব সিদ্ধ হইতেছে যে, অভেদ স্বাভাবিক বা বাস্তবিক ।
ভেদ উপাধিক । সূত্রাৎ উপাধি সংবন্ধ বশতঃ অনুজ্ঞা
পরিহারের উপপত্তি হইবে, এই বেদান্তসিদ্ধান্ত সর্বথা
সমীচীন । ভগবান্ বাদরায়ণ বলিয়াছেন—

अनुज्ञापरिहारौ देहसंबन्धात् ज्योतिरादिवत् ।

অর্থাৎ দেহ সংবন্ধ হেতুতে অনুজ্ঞা পরিহার উপপন্ন
হইতে পারে । জ্যোতিরাদির ন্যায় । জ্যোতি এক হইলেও
ক্রব্যাদ নামক অগ্নি অর্থাৎ শাশানাগ্নি পরিহৃত হয় অপর অগ্নি
পরিহৃত হয় না । সূর্য এক হইলেও অমেধ্য প্রদেশগত সূর্য
প্রকাশ পরিহৃত হয় শুচিভূমি প্রবিষ্ট সৌর প্রকাশ পরিহৃত
হয় না । হীরক ও বৈদূর্যাদি মণি পার্থিব হইলেও উপাদীয়-
মান হয়, মৃত শরীর পার্থিব হইলেও পরিহৃত হয়, গোমূত্র গো-

পূরীয পবিত্র বলিয়া পরিগৃহীত হয়, অপর জাতির মূত্র পূরীয অপবিত্র বুদ্ধিতে পরিবর্জিত হয় । অদ্বৈতবাদেও সেইরূপ বৈচিত্র্য বশত অনুজ্ঞা পরিহার হইবার কোন বাধা নাই ।

আপত্তি হইতে পারে যে, আত্মা অসঙ্গ । অসঙ্গ আত্মার দেহের সহিত সংযোগ, সমবায় বা অন্য কোনরূপ সংবন্ধ হইতে পারে না । অতএব দেহ সংবন্ধ বশত অনুজ্ঞা পরিহার হইবে ইহা সমীচীন বলা যাইতে পারে না । এতদুত্তরে বলব্য এই যে, আত্মার সহিত দেহের সংযোগাদি সংবন্ধ হইতে পারে না সত্য, পরন্তু দেহাদি সংঘাতে আত্মবুদ্ধি অর্থাৎ আমিই দেহাদি সংঘাত এইরূপ বিপরীত প্রতীতি বা ভ্রান্তি লোক-প্রসিদ্ধ । অতএব দেহাদির সহিত আত্মার পারমাণ্বিক কোন সংবন্ধ না থাকিলেও আত্মবিষয়িণী উক্তরূপ বিপরীত প্রতীতির অপলাপ করিতে পারা যায় না । ঐ বিপরীত প্রতীতিতে দেহাদি সংঘাত আত্মারূপে ভাসমান হইতেছে । অতএব দেহ ও আত্মার সাংসৃত বা আবিদ্যক তাদাত্ম্য সংবন্ধ আছে ইহা স্বীকার করিতে হইতেছে । ঐ সংবন্ধ পারমাণ্বিক নহে । পারমাণ্বিক না হইলেও তাদৃশ সংবন্ধ আছে সন্দেহ নাই । আমি গমন করিতেছি, আমি আগমন করিতেছি, আমি অনন্ত, আমি অনন্ত এইরূপ প্রতীতি সমস্ত প্রাণীতে পরিলক্ষিত হয় । গমন ও আগমন দেহধর্ম, অনন্ততা ও অনন্ততা ইন্দ্রিয়ধর্ম । আমি দেহ ইত্যাদি ভ্রম বশত উহা অর্থাৎ গমন আগমনাদি আত্মাতে প্রতীয়মান হয় । কোন কারণ বশত তাদৃশ ভ্রান্তির উচ্ছেদ হইলে ব্যবহারের বিলোপ হইতে পারে এ আশঙ্কা ভিত্তি শূন্য । কারণ, সম্যগ্‌দর্শন অর্থাৎ আত্মতত্ত্বজ্ঞান

ভিন্ন তাদৃশ ভ্রান্তির উচ্ছেদ অসম্ভব । সম্যগ্দর্শন না হওয়া পর্য্যন্ত সমস্ত প্রাণীতে এই ভ্রান্তি অপ্রতিহত ভাবে বিদ্যমান থাকে । তাদৃশ ভ্রান্তিই অনুজ্ঞা পরিহারের নিদান । অতএব আত্মা এক হইলেও অবিদ্যাকৃত দেহাদি সংবন্ধ বশত অনুজ্ঞা পরিহার সর্বথা উপপন্ন হইতে পারে ।

সম্যগ্দর্শীর পক্ষে অনুজ্ঞা পরিহার নাই । কেন না, উক্ত ভ্রান্তিই অনুজ্ঞা পরিহারে মূল ভিত্তি । উপাদেয় বিষয়ে অনুজ্ঞা এবং হেয় বিষয়ে পরিহার উপদিষ্ট হইয়াছে । যিনি আত্মার অতিরিক্ত উপাদেয় বিষয় আছে বলিয়া বিবেচনা করেন, তিনি ঐ বিষয়ের উপাদান করিবার জন্য অনুজ্ঞাত বিষয়ে নিযুক্ত হইতে পারেন এবং যিনি আত্মার অতিরিক্ত হেয় বিষয় আছে বিবেচনা করেন, তিনি হেয় বিষয়ের হানের জন্য তৎপরিহারে নিযুক্ত হইতে পারেন । সম্যগ্দর্শী অর্থাৎ ব্রহ্মবেত্তা আত্মার অতিরিক্ত হেয় বা উপাদেয় বস্তুস্তর আছে ইহা আদৌ বিবেচনা করেন না । স্তূতরাং তাঁহার সংবন্ধে অনুজ্ঞা বা পরিহার কিছুই সম্ভব হয় না ।

আপত্তি হইতে পারে যে, যে সকল বৈদিক কর্ম্মের ফল পরলোকে সম্পন্ন হয়, তথাবিধ বৈদিক কর্ম্মে অর্থাৎ পারলৌকিক-ফলক বৈদিক কর্ম্মাকলাপে বিবেকদর্শীই অধিকারী । বৈদিক কর্ম্মের সমস্ত ফল ইহলোকে ভোগ হয় না । কোন কোন কর্ম্মের ফল ইহলোকে, কোন কোন কর্ম্মের ফল পরলোকে ভোগ হয় । মৃত্যুর পরে দেহ ভঙ্গমাৎকৃত হয় । দেহ ব্যতিরিক্ত আত্মা আছে এইরূপ জ্ঞান না থাকিলে যে কর্ম্মের ফল পরলোকভোগ্য সে কর্ম্মের অনুষ্ঠান হইতে পারে

না । সিদ্ধ হইতেছে যে, আত্মা দেহ ব্যতিরিক্ত এতাদৃশ বিবেকদর্শীর বৈদিক কর্মে অধিকার । ব্রহ্মবেত্তাও তাদৃশ বিবেকদর্শী, অতএব ব্রহ্মবেত্তারও বৈদিক কর্মে অধিকার হইতে পারে ।

এতদ্বারা বক্তব্য এই যে, আত্মা ষাট্‌কৌশিক শরীর হইতে অর্থাৎ স্থূল শরীর হইতে অতিরিক্ত এইরূপ জ্ঞান যাহার আছে, তিনিই বৈদিক কর্মে অধিকারী সত্য, পরন্তু আত্মা সমস্ত বুদ্ধ্যাদি হইতে অতিরিক্ত এবং কর্তা ভোক্তা নহে এতাদৃশ জ্ঞানবানের কর্মে অধিকার নাই । কেন না, আত্মাকে অকর্তা জানিলে কিরূপে কর্মের কর্তা হইতে পারে, আত্মাকে অভোক্তা জানিলে কাহার ভোগের জন্য কর্ম করিবে, আত্মা বুদ্ধি হইতে অতিরিক্ত এরূপ জানিলে কিরূপে ভোগ নির্বাহ হইবে । এখানে বলা উচিত যে, আত্মা কর্তা ও ভোক্তা নহে—এ তাদৃশ অপরোক্ষ জ্ঞান অর্থাৎ প্রত্যক্ষাত্মক জ্ঞান কর্মাদিকারের বিরোধী । তাদৃশ পরোক্ষ জ্ঞান কর্মাদিকারের বিরোধী নহে । কারণ, দেহাদিতে আত্মাভিমান প্রত্যক্ষাত্মক । অতএব দেহাদি ব্যতিরিক্ত রূপে আত্মার জ্ঞানও প্রত্যক্ষাত্মক হওয়া আবশ্যক । কেন না, পরোক্ষতত্ত্বজ্ঞান প্রত্যক্ষ ভ্রমের নিবর্তক হইতে পারে না । ব্রহ্মবিদ্যাভরণকার শ্রীমদ্বৈতানন্দ বলেন—

সম্যগ্‌দর্শিনী দ্বিবিধাঃ দেহাতিরিক্তাত্ম-দর্শিনঃ কেचित্ । তेषাং কর্মস্বধিকারো ন বাৰ্য্যত ।
অন্যে ত্বসত্ত্বব্রহ্মাত্মতাদর্শিনঃ । তে তু সম্যগ্‌দর্শিনীনাধিক্রিয়ন্তে ॥

অর্থাৎ সম্যগ্‌দর্শী দুই প্রকার । কেহ দেহাতিরিক্ত আত্ম-

দর্শী । তাঁহাদের কর্মে অধিকার নিবারণিত হয় না । অন্য শ্রেণীর সম্যগ্‌দর্শীরা আত্মাকে অসঙ্গ ব্রহ্মরূপে বিবেচনা করেন । তাদৃশ সম্যগ্‌দর্শী কর্মে অধিকারী নহেন ।

কেহ কেহ বলেন যে, বৈদিককর্মে অধিকারের জন্য আত্মা দেহাদি হইতে অতিরিক্ত এতাদৃশ বিবেক জ্ঞান অপেক্ষিত নহে । দেহাদি সংঘাতে আত্মবুদ্ধি থাকিলেও বৈদিক কর্মে অধিকার হইতে পারে । কেন পারে, তাহা বলা হইতেছে । বৈদিক কর্ম নানাবিধ, তাহার ফলও নানাবিধ । তন্মধ্যে কারীরী যাগের ফল তৎক্ষণাৎ সম্পন্ন হয় । অনাবৃষ্টিতে যে শস্ত্র শুষ্ক হইতে থাকে, বৃষ্টিদ্বারা সেই শস্ত্রের সুজীবন কারীরী যাগের ফল । কারীরী যাগ করিলে তৎক্ষণাৎ বৃষ্টি হইয়া থাকে । কারীরী যাগের ফল প্রত্যক্ষ পরিদৃষ্ট । যাহারা বৈদিক কর্মের সফলতা বিষয়ে বিপ্রতিপন্ন, কারীরী যাগের সমনন্তর ভাবী ফল দৃষ্টান্তরূপে উপন্যস্ত করিয়া পূর্বাচার্য্যগণ তাহাদিগকে নিরস্ত করিয়াছেন । পশু পুত্রাদি ফলও ইহজন্মেই হইতে পারে । বিশেষ এই যে কারীর্য্যাদি যাগ সমনন্তর-ফল, যে সকল যাগের ফল পশু পুত্রাদি, তাহার সমনন্তর-ফল নহে । কারীর্য্যাদির ফল তৎক্ষণাৎ হয়, ঐ সকল যাগের ফল কালান্তরে হয় । কালান্তরে হইলেও ইহজন্মেই তাহা হইতে পারে । তজ্জন্ম দেহাতিরিক্ত আত্মজ্ঞানের প্রয়োজন নাই । যে সকল যাগের ফল স্বর্গ, তাহার জন্য দেহাতিরিক্ত আত্মার জ্ঞানের আবশ্যকতা আপাতত বোধ হইতে পারে বটে; কিন্তু সূক্ষ্মরূপে বিবেচনা করিলে প্রতীত হইবে যে,

স্বর্গ ভোগের জন্যও দেহাতিরিক্ত আত্মার অপেক্ষা নাই । কারণ, এই দেহেই স্বর্গভোগ হইতে পারে । একটী গাথা আছে—

অত্রৈব নরকস্বর্গাবিতি মাতঃ প্রচলতি ।

মনঃপ্রীতিকরঃ স্বর্গো নরকস্তদ্বিপৰ্য্যয়ঃ ॥

অর্থাৎ স্বর্গ ও নরক ইহলোকই বিদ্যমান । যাহা মনঃপ্রীতিকর তাহা স্বর্গ, যাহা মনঃপীড়াকর তাহা নরক । কেহ কেহ বলেন যে, নিরতিশয় প্রীতির নাম স্বর্গ । লৌকিক প্রীতি নিরতিশয় হইতে পারে না । কেন না, লৌকিক প্রীতি দুঃখানুবিক্ত । অতএব বলিতে হইতেছে যে, পারলৌকিক সুখ-বিশেষ স্বর্গ । সুতরাং দেহাতিরিক্ত আত্মজ্ঞান গুণ স্বর্গজনক কর্মের অনুষ্ঠান হইতে পারে না । এ কথা অসঙ্গত । কারণ, সাম্রাজ্যাদি প্রাপ্তি নিবন্ধন যে সুখ বা প্রীতি হয়, তাহাকেই নিরতিশয় সুখ বলা যাইতে পারে । সত্য বটে যে, মেরু পৃষ্ঠে স্বর্গফল ভোগ হয় এইরূপ শাস্ত্রে কথিত আছে । পরন্তু মন্ত্র এবং ঔষধাদি দ্বারা এই শরীর সুদৃঢ় ও সক্ষম করা যাইতে পারে । সুতরাং এই শরীর দ্বারাই মেরুপৃষ্ঠে স্বর্গ ভোগ হইবার কোন বাধা হইতে পারে না । অনেকানেক ব্রাহ্মণ ও রাজর্ষি মেরু পৃষ্ঠে গমন করিয়াছেন পুরাণাদিতে ঈদৃশ আখ্যায়িকা বহুল পরিমাণে দেখিতে পাওয়া যায় ।-যুধিষ্ঠিরের সশরীরে স্বর্গগমনের কথা সকলেই অবগত আছেন । অতএব বৈদিক কর্মে অধিকারের জন্য দেহাতিরিক্ত আত্মজ্ঞানের অপেক্ষা নাই, কেহ কেহ এইরূপ কল্পনা করিয়া থাকেন ।

এই কল্পনা সমীচীন বলা যাইতে পারে না । কারণ, উহা শাস্ত্র বিরুদ্ধ । শাস্ত্রে যে সুখ স্বর্গ শব্দ দ্বারা অভিহিত হইয়াছে, তাদৃশ সুখ ইহলোকে সম্ভব হইতে পারে না । বাহ্যিক ভয়ে স্বর্গের লক্ষণ লিখিত হইল না । এই মাত্র বলিলেই যথেষ্ট হইবে যে, বিশিষ্ট দেশে বিশিষ্ট দেহ দ্বারা বিশিষ্ট সুখের উপভোগ হয় ইহা শাস্ত্র সিদ্ধ । মনঃপ্রীতিকর বিষয় স্বর্গ, মনঃকষ্টকর বিষয় নরক, ইহা গৌণ প্রয়োগমাত্র । অমৃতং বালমাপিতং ইহা যেমন গৌণপ্রয়োগ, মনঃপ্রীতিকরঃ স্বর্গঃ ইহাও সেইরূপ গৌণ প্রয়োগ । উপাস্ত্র দেবতার দেহের তুল্য দেহ ধারণ পূর্বক উপাস্ত্র দেবতার সহিত তল্লোকবাস* কোন কোন পুণ্য কর্মের ফলরূপে কথিত হইয়াছে । কুকুরাদি দেহ ধারণ পূর্বক ব্রহ্মহত্যাदि পাপের ফল ভোগ করিতে হয় ইহাও শাস্ত্রে কথিত আছে । অতএব বৈদিক অনুজ্ঞা পরিহারে দেহ ব্যতিরিক্ত আত্মদর্শীর অধিকার তদ্বিষয়ে সন্দেহ থাকিতেছে না । কিন্তু বৈদিক অনুজ্ঞা পরিহারে সুলদেহব্যতিরিক্ত-আত্ম-দর্শীর অধিকার হইলেও বুদ্ধাদি ব্যতিরিক্ত-আত্ম-দর্শীর অধিকার এরূপ বলিবার কোন হেতু নাই । বুদ্ধাদি সংঘাতাত্মদর্শীর বৈদিক কর্মের অধিকার ইহা পূর্বেই বলিয়াছি ।

পঞ্চম লেক্চর ।

—○—
আত্মা ।

অনুজ্ঞা পরিহারের উপপত্তি প্রদর্শিত হইয়াছে । এখন জীবাত্মার কর্তৃত্ব আছে কি না, তদ্বিষয়ে কিঞ্চিৎ আলোচনা করা যাইতেছে । ,আপত্তি হইতে পারে যে, জীবাত্মার সংবন্ধে যখন অনুজ্ঞা পরিহার আছে, তখন তাহার কর্তৃত্ব আছে ইহাও বুঝা যাইতেছে । কারণ, যাহার কর্তৃত্ব নাই, তাহার সংবন্ধে অনুজ্ঞা পরিহার হওয়া অসম্ভব । সুতরাং জীবাত্মার সংবন্ধে যখন অনুজ্ঞা পরিহার আছে তখন তাহার কর্তৃত্ব আছে, ইহা অনায়াসে বুঝিতে পারা যায় । অতএব জীবাত্মার কর্তৃত্ব আছে কি না, এই আলোচনা পিষ্টপেষণের ন্যায় নিরর্থক হইতেছে । এতদুত্তরে বক্তব্য এই যে, অনুজ্ঞা পরিহারের উপপত্তির সমালোচনা দ্বারা কর্তৃত্বের আলোচনা গতার্থ হইয়াছে, আপাতত এইরূপ বোধ হইতে পারে বটে, পরন্তু জীবাত্মার কর্তৃত্ব বিষয়ে দার্শনিকদিগের মতভেদ দেখিতে পাওয়া যায় । অতএব জীবাত্মার কর্তৃত্ব আছে কি না, এ আলোচনা নিরর্থক বলা যাইতে পারে না । দেখিতে পাওয়া যায় যে, জীবাত্মার কর্তৃত্ব আছে, এ বিষয়ে অনেক দার্শনিকের ঐকমত্য থাকিলেও জীবাত্মার কর্তৃত্ব নাই, কোন কোন দার্শনিক ইহা মুক্তকণ্ঠে বলিজে কুণ্ঠিত হন নাই । অতএব জীবাত্মার কর্তৃত্ব আছে কি না, ইহার আলোচনা করা আবশ্যিক হইতেছে ।

জীবাত্মার কর্তৃত্ব আছে কি না, এই বিষয়ের আলোচনা করিতে হইলে প্রথমত কর্তৃত্ব কি ? এবং কাহাকে কর্তা বলা যাইতে পারে, ইহার আলোচনা করিলে নিতান্ত অপ্রাসঙ্গিক হইবে না । যিনি যে কার্য করেন, তিনিই সেই কার্যের কর্তা এবং কর্তার ধর্মই কর্তৃত্ব, ইহা বুঝা যাইতেছে বটে, পরন্তু কার্যের করণ কি পদার্থ, তাহা পরিষ্কাররূপে বুঝা যাইতেছে না । একটা উদাহরণ অবলম্বন করিয়া বিষয়টী বিশদ করিবার চেষ্টা করা যাইতেছে । শুল্কন্ত যুত্তিকা, দণ্ড, চক্র, মলিল, সূত্র ও কুলাল বা কুস্তকার, এই সকল কারণের সাহায্যে ঘট নিৰ্ম্মিত হয় । যুত্তিকাদি সমস্ত কারণেই ঘটের অনুকূল ব্যাপার আছে, এবিষয়ে সন্দেহ করিবার কারণ নাই । কেন না, যাহাতে কার্যের অনুকূল ব্যাপার নাই, তাহাকে ‘কারণ’ বলা যাইতে পারে না । কারণের যে ব্যাপার হইলে ঘট নিৰ্ম্মিত হয়, তাহাই ঘটের অনুকূল ব্যাপার বুঝিতে হইবে । যাহা কারণ-জন্য অথচ কার্যের জনক, তাহাই কারণের ব্যাপার বলিয়া অভিহিত হয় । কুলাল প্রথমত যুত্তিকা জলসিক্ত করিয়া পিণ্ডাকার সম্পাদন করে । পরে ঐ যুত্তিকাপিণ্ড চক্রে বিন্যস্ত করিয়া দণ্ড দ্বারা চক্রে ঘূর্ণিত করিয়া ঘটের নিৰ্ম্মাণ কার্য সম্পূর্ণ করে । সূত্র দ্বারা ঘটের পরিমাণ নির্ণয় করা হয় । মোটামোটী হিসাবে যে কারণ যে রূপে বা যে প্রকারে কার্যের উৎপত্তিতে সাহায্য করে, ঐরূপ বা ঐ প্রকারটী ঐ কারণের ব্যাপার বলিয়া ধরিয়া লওয়া যাইতে পারে ।

‘স্বধীগণ বুঝিতে পারিতেছেন যে, ঘটের উৎপত্তির অনু-

কূল ব্যাপার প্রত্যেক কারণে রহিয়াছে । অথচ সমস্ত কারণগুলি ঘটের কর্তা নহে । কেবল মাত্র কুলাল ঘটের কর্তা বলিয়া পরিগণিত এবং ব্যবহৃত হয় । তবেই বুঝা যাইতেছে যে, কারণ হইলেই কর্তা হয় না । কোন বিশেষ কারণ কর্তা হইয়া থাকে । কারণগত সেই বিশেষত্ব কি, তাহা নিরূপণ করা আবশ্যক হইতেছে । অনুধাবন করিলে বুঝিতে পারা যায় যে, কারণ বিশেষ যে বিশেষ অনুসারে কর্তা রূপে ব্যবহৃত হয়, কর্তৃশব্দের সহিত ঐ বিশেষের অচ্ছেদ্য সংবন্ধ আছে । অতএব কর্তৃশব্দ দ্বারা কি বিশেষ প্রতীয়মান হয়, তাহা নির্ণয় করা উচিত । ‘কৃ’ ধাতু ও তৃচ্ প্রত্যয়ের যোগে কর্তৃশব্দ নিষ্পন্ন হইয়াছে । কৃ ধাতুর অর্থ নির্ণীত হইলে ঐ বিশেষ নির্ণীত হইবে এ বিষয়ে সন্দেহ হইবার হেতু নাই । গগণপাঠ ধাতুর অর্থ নির্ণয় করিবার উপায় বটে, পরন্তু এস্থলে গগণপাঠের সাহায্যে কৃ ধাতুর অর্থ নির্ণয় করিতে পারা যায় না । কারণ, গগণপাঠে কৃ ধাতু করণ অর্থে পঠিত হইয়াছে । করণ শব্দটি কৃ ধাতু হইতে উৎপন্ন । সুতরাং কৃ ধাতুর অর্থ নির্ণীত না হইলে করণ শব্দের অর্থ বুঝিবার উপায় নাই । অতএব অন্য উপায়ে কৃ ধাতুর অর্থ নির্ণয় করিতে হইবে । ন্যায়কুসুমাজলিপ্রকরণে পৃজ্যপাদ উদয়নাচার্য্য কৃ ধাতুর অর্থ নির্ণয় করিয়াছেন । তিনি বলেন,—

কৃতাকৃতবিভাগিন কৰ্ম্মরূপব্যবস্থয়া ।

যন্ন এব কৃতি:—

ইহার তাৎপর্য্য এই যে, ইহা কৃত ইহা কৃত নহে অর্থাৎ ঘটি ময়া কৃত: অঙ্কুরী ন কৃত: অর্থাৎ আমি ঘট করিয়াছি

অঙ্কুর করি নাই এইরূপ বিভাগ সর্বজনসিদ্ধ, ঈদৃশ বিভাগ দ্বারা কর্তার স্বরূপ ব্যবস্থিত বা নির্ণীত হয় । অতএব প্রযত্নই কৃতি বা কৃ ধাতুর অর্থ । কুলালে যেমন ঘটের অনুকূল ব্যাপার আছে, সেইরূপ অঙ্কুরের অনুকূল ব্যাপারও লোকের আছে সন্দেহ নাই । কারণ, অঙ্কুরের উৎপত্তির জন্য ভূমিকে বীজ বপনের উপযুক্তরূপে প্রস্তুত করা, বীজ বপন করা, জল সেচনাদি করা, এগুলি অঙ্কুরের উৎপত্তির অনুকূল ব্যাপার সন্দেহ নাই । তথাপি অঙ্কুরঃ ক্রান্তঃ অর্থাৎ আমি অঙ্কুর করিয়াছি, আমি অঙ্কুরের কর্তা, এরূপ ব্যবহার হয় না । কেন না, অঙ্কুর বিষয়ে লোকের ব্যাপার থাকিলেও প্রযত্ন নাই । ঘট বিষয়ে কুলালের প্রযত্ন আছে বলিয়াই ঘটঃ ক্রান্তঃ অর্থাৎ আমি ঘট করিয়াছি, আমি ঘটের কর্তা, এইরূপ ব্যবহার হইয়া থাকে । কেবল তাহাই নহে, কুলালের ন্যায় দণ্ড চক্রাদিতে ঘটের অনুকূল ব্যাপার থাকিলেও দণ্ড চক্রাদি ঘটের কর্তারূপে ব্যবহৃত হয় না । কেন না, দণ্ডচক্রাদিতে ঘটের অনুকূল ব্যাপার থাকিলেও ঘটের অনুকূল প্রযত্ন নাই । কুলাল ঘটের কর্তারূপে ব্যবহৃত হয় । কেন না, কুলালে ঘটের অনুকূল প্রযত্ন আছে । এতদ্বারা বুঝা যাইতেছে যে, কার্যের অনুকূল ব্যাপার থাকিলেই কর্তা হয় না । কার্য বিষয়ে প্রযত্ন থাকিলে কর্তা হয় । যিনি কার্য বিষয়ক প্রযত্নের আশ্রয়—সাহার প্রযত্ন বশত কার্যের উৎপত্তি হয়, তিনি কর্তা । সাহার ধর্ম প্রযত্নই কর্তৃত্ব । শৈবাচার্য্যদিগের মতে কর্তৃত্ব প্রযত্নরূপ নহে কিন্তু অন্তরূপ । তাহা যথাস্থানে কথিত হইবে ।

সুধীগণ স্মরণ করিবেন যে, ন্যায়মতে প্রযত্ন বিশেষ গুণ মধ্যে পরিগণিত হইয়াছে । জীবাত্মার কর্তৃত্ব বিষয়ে কি জন্ম দার্শনিকদিগের মতভেদ হইয়াছে, তাহাও এতদ্বারা কতকটা বুঝা যাইতেছে । বৈশেষিক প্রভৃতি আচার্য্যদিগের মতে মনের সহিত আত্মার সংযোগ হইলে আত্মাতে প্রযত্নের উৎপত্তি হয়, স্তরাং তাঁহাদের মতে প্রযত্ন আত্মাশ্রিত, অতএব আত্মা কর্তা । কেন না, প্রযত্নের আশ্রয় কর্তৃশব্দের অর্থ । প্রযত্নই কর্তৃত্ব স্তরাং কর্তৃত্ব আত্মার ধর্ম । সাংখ্যাচার্য্যদিগের মতে পুরুষ বা আত্মা—অসঙ্গ, অপরিণামী ও কূটস্থ বা জন্ম ধর্মের অনাশ্রয় । অর্থাৎ যাহার উৎপত্তি হয়, পুরুষ তথাবিধ কোন ধর্মের আশ্রয় হয় না । বৈশেষিক মতে মনের সহিত আত্মার সংযোগ হইলে আত্মাতে প্রযত্নের উৎপত্তি হয় । স্তরাং তাঁহাদের মতে আত্মা প্রযত্নের আশ্রয় হয় বলিয়া কর্তারূপে অঙ্গীকৃত হইয়াছে । সাংখ্য মতে তাহা হইতে পারে না । কারণ, সাংখ্যমতে আত্মা অসঙ্গ বলিয়া, মনের সহিত আত্মার সংযোগ হইতে পারে না । কেন না, মনের সহিত আত্মার সংযোগ হইলে আত্মার অসঙ্গত্বই থাকিতে পারে না অর্থাৎ আত্মাকে অসঙ্গ বলা যাইতে পারে না । মনের সহিত আত্মার সংযোগ না হইলে আত্ম-মনঃ-সংযোগ-জন্ম প্রযত্নের উৎপত্তিই হইতে পারে না । অন্য কারণে প্রযত্নের উৎপত্তি হইলেও আত্মা প্রযত্নের আশ্রয় হইতে পারে না । কেন না, আত্মা কূটস্থ অর্থাৎ জন্ম ধর্মের অনাশ্রয় । জন্ম ধর্মের অনাশ্রয় আত্মা প্রযত্নরূপ জন্মধর্মের আশ্রয় হইবে, ইহা একান্ত অসম্ভব । অধিকন্তু সাংখ্যাচার্য্যেরা বিবেচনা করেন যে, কর্তার অবশ্য কোন রূপ পরিণাম হয় । পরিণাম কিনা,

অবস্থান্তর । আত্মা অপরিণামী, এই জন্যও আত্মা কৰ্ত্তা হইতে পারে না । তাঁহাদের মতে বুদ্ধি পরিণামিনী । অতএব বুদ্ধিই কৰ্ত্তা, আত্মা কৰ্ত্তা নহে । সাংখ্যমতে প্রযত্ন বুদ্ধির ধৰ্ম্ম অতএব বুদ্ধি কৰ্ত্তা । কৰ্ত্তৃত্ব বুদ্ধির ধৰ্ম্ম, আত্মার ধৰ্ম্ম নহে । সুধীগণ বুঝিতে পারিতেছেন যে, কৰ্ত্তৃত্ব প্রযত্ন স্বরূপ হওয়াতেই আত্মার কৰ্ত্তৃত্ব বিষয়ে দার্শনিকদিগের মতভেদ উপস্থিত হইয়াছে ।

সে যাহা হউক । নৈয়ায়িক আচার্য্যগণ সাংখ্যমতের উচিত্য স্বীকার করেন নাই । প্রত্যুত তাঁহারা সাংখ্যমতের অনৌচিত্য প্রদর্শন করিয়াছেন । তাঁহারা বিবেচনা করেন যে, ভোগ, অদৃষ্ট এবং প্রযত্ন বা ক্রুতি, এ সমস্ত সমানাধিকরণ হইবে । ভোগের বৈচিত্র্য জগতে প্রচুর পরিমাণে দেখিতে পাওয়া যায় । ভোগ কি না সুখ দুঃখের অনুভব । উহা অবশ্য নির্নিমিত্ত অর্থাৎ নিষ্কারণ হইতে পারে না । প্রতিনিয়ত ভাবে ভোগের অবস্থিতি প্রতিনিয়ত কারণ জন্য হইবে, তদ্বিষয়ে সন্দেহ হইতে পারে না । দৃষ্ট কারণ সম্পত্তির বৈচিত্র্য অনুসারে ভোগের বৈচিত্র্য সমর্থন করিতে পারা যায় বটে, পরন্তু দৃষ্ট কারণ সম্পত্তির বৈচিত্র্য কি হেতুতে সম্পন্ন হয়, তদ্বিষয়ে মনোযোগ করাও উচিত হইতেছে । এইরূপে কারণ-পরম্পরার অনুসরণ করিতে হইলে পর্য্যবসানে অদৃষ্ট ভোগের নিয়ামক বলিয়া প্রতিপন্ন হইবে । দৃষ্ট কারণ সম্পত্তি অদৃষ্ট সাপেক্ষ, ইহা পূজ্যপাদ উদয়নাচার্য্য স্বীকার করিয়াছেন । দৃষ্ট কারণ সহকারে অদৃষ্ট ভোগের নিয়ামক, ইহা সর্ববতন্ত্র সিদ্ধান্ত । যে ভোগায়তন বা ভোগীধিষ্ঠান শরীর এবং যে ভোগ-সাধন ইন্দ্রিয় যাহার অদৃষ্ট বশত সৃষ্ট হয়, তাহা ঐ পূরুষের ভোগ

সম্পাদন করে ইহাও শাস্ত্রীয় সিদ্ধান্ত । এ সমস্ত বিষয় স্থানান্তরে বলা হইয়াছে বলিয়া এখানে বিস্তৃত ভাবে বলা হইল না । পর্য্যবসানে অদৃষ্টই যদি প্রতিনিয়ত ভোগের নিয়ামক হইল, তবে ভোগ নিয়ামক অদৃষ্ট ভোগাধিকরণে অবস্থিত হওয়াই সম্ভব । যেহেতু, প্রতিনিয়ত ভোগ কার্য্য এবং অদৃষ্ট তাহার কারণ । কার্য্য ও কারণ এক দেশে অবস্থিত হইবে, এ বিষয়ে বিবাদ হইতে পারে না ।

• প্রতিনিয়ত ভোগের নিয়ামক অদৃষ্ট ভোক্তৃনিষ্ঠ না হইয়া ভোগ্য-নিষ্ঠ হইবে, এতাদৃশ আশঙ্কা করা যাইতে পারে না । কারণ, ভোগ্যবস্তু সমস্ত আত্মার পক্ষে সাধারণ বলিয়া তদগত অদৃষ্ট নিবিশেষে সমস্ত আত্মার ভোগজনক হইতে পারিলেও প্রতিনিয়ত ভোগের অর্থাৎ কোন এক আত্মার বা আত্মাবিশেষের ভোগের হেতু হইতে পারে না । অতএব প্রতিনিয়ত ভোগের নিয়ামক অদৃষ্ট প্রতিনিয়ত ভোক্তৃনিষ্ঠ হইবে অর্থাৎ ভোগ-বিশেষের হেতুভূত অদৃষ্ট-বিশেষ—ভোক্তৃবিশেষে অবস্থিত হইবে, এইরূপ কল্পনা করাই সুসম্ভব । ভোগ-নিয়ামক অদৃষ্ট যেমন ভোক্তৃনিষ্ঠ, অদৃষ্টের উৎপাদক প্রযত্নও সেইরূপ ভোক্তৃনিষ্ঠ বলিতে হইবে । কারণ, অন্যের প্রযত্ন অন্যের অদৃষ্ট উৎপাদন করিবে, ইহা অসম্ভব । প্রযত্ন দ্বারা কৰ্ম্ম অনুষ্ঠিত হয় । ঐ অনুষ্ঠিত কৰ্ম্ম অদৃষ্টের উৎপাদন করে । অতএব যে ব্যক্তি যত্নপূর্ব্বক কৰ্ম্মের অনুষ্ঠান করে, ঐ অনুষ্ঠিত কৰ্ম্ম তাহাতে অর্থাৎ ঐ ব্যক্তিতে অদৃষ্ট উৎপাদন করিবে, অন্যগত অদৃষ্ট উৎপাদন করিবে না, ইহাই যুক্তিযুক্ত । • যে যত্নপূর্ব্বক কৰ্ম্মের অনুষ্ঠান করিবে, ঐ অনুষ্ঠিত কৰ্ম্ম তাহার

অদৃষ্ট উৎপাদন করিবে না, অপরের অর্থাৎ যে কর্ম্মানুষ্ঠান করে না তাহার অদৃষ্ট উৎপাদন করিবে, ইহা অপেক্ষা অসঙ্গত কথা আর কি হইতে পারে ? সুতরাং ভোগ, অদৃষ্ট ও প্রযত্ন বা কৃতি, সমানাধিকরণ হইবে ইহা প্রতিপন্ন হইল । লোকের অনুভবও তদনুরূপ দেখিতে পাওয়া যায় । অর্থাৎ অনুভব অনুসারেও ভোগ ও প্রযত্নের সমানাধিকরণ্য সমর্থিত হয় । যৌক্তং দ্রাক্ কন্মাকরং সৌহৃদ্যাদানীং তত্ফলং মুক্তে অর্থাৎ যে আমি পূর্বের কর্ম্ম করিয়াছি সেই আমি এখন তাহার ফলভোগ করিতেছি । এতাদৃশ অনুভব সর্বজনীন । এই অনুভবে কেহ বিপ্রতিপন্ন হইতে পারেন না । উক্ত অনুভবে কর্ম্মের আচরণ করা, কর্ম্মের নির্বাহক প্রযত্নবান হওয়া ভিন্ন আর কিছুই নহে, ইহা স্বধীদিগকে বলিয়া দিতে হইবে না । প্রযত্ন, অদৃষ্ট ও ভোগের ভিন্ন ভিন্ন অধিকরণে অবস্থিতি স্বীকার করিলে দাঁড়াইতেছে যে, একজনের প্রযত্ন হয়, অন্য জনে কর্ম্মের আচরণ করে, অপর জনে অদৃষ্ট উৎপন্ন হয়, ঐ অদৃষ্ট আবার অন্যজনের ভোগ সম্পাদন করে । এই অদ্ভুত মতের ঔচিত্য বা অনৌচিত্য স্বধীগণ বিচার করিবেন । তত্ত্বজন্য বাগাড়ম্বর অনাবশ্যক ।

স্থির হইল যে, ভোগ, ভোগনিয়ামক অদৃষ্ট ও অদৃষ্টের উৎপাদক প্রযত্ন এক অধিকরণে অবস্থিত হইবে । এখন ভোগের অধিকরণ কে, অর্থাৎ কে ভোগের আশ্রয় — কাহার ভোগ হয়, ইহা নির্ণীত হইলে অদৃষ্টের অধিকরণ এবং অদৃষ্টজনক প্রযত্নের অধিকরণ অর্থাৎ অদৃষ্টের এবং অদৃষ্টজনক প্রযত্নের আশ্রয় কে হইবে, তাহা সহজে নির্ণীত হইতে পারে ।

অতএব কে ভোগের আশ্রয় অর্থাৎ কাহার ভোগ হয়, তাহা নির্ণয় করা আবশ্যক হইতেছে । এ বিষয়ে নির্ণয় করিবার বিশেষ কিছু নাই । কারণ, আপামর সাধারণ সকলেই আত্মাকে ভোক্তা বলিয়া জানে । **বিদ্বৎমানী ভোগঃ** এই সূত্রে দ্বারা সাংখ্যা-চার্যেরাও চিৎপদার্থের অর্থাৎ আত্মার ভোক্তৃত্ব স্বীকার করিয়াছেন । বিজ্ঞানভিক্ষুর মতে বিষয়াকার বুদ্ধিবৃত্তি চৈতন্যে প্রতিবিস্তৃত হয় । তাদৃশ প্রতিবিস্তৃতিবিশিষ্ট চৈতন্যই ভোগ-শব্দ-বাচ্য । সুতরাং ভোগ চৈতন্যরূপে পর্য্যবসিত হয় । বুদ্ধি বিষয়াকারে পরিণত বা বুদ্ধির বিষয়াকার বৃত্তি না হইলে বিষয়ের অনুভব হয় না । সুধীগণ স্মরণ করিবেন যে, সুখ দুঃখের অনুভব ভোগ বলিয়া কথিত । বুদ্ধি জড়পদার্থ বলিয়া তাহার বৃত্তিও জড় । সুতরাং তদ্বারা সুখ দুঃখ অনুভূত বা ঐকান্তিত হইতে পারে না । বুদ্ধিবৃত্তি চৈতন্যে প্রতিবিস্তৃত হইলে তবে ভোগ সম্পন্ন হয় । বুদ্ধিবৃত্তি চৈতন্যে প্রতিবিস্তৃত হয় বলিয়া চৈতন্য বা আত্মা ভোগের আশ্রয় । আত্মা ভোগের আশ্রয় হইলে ভোগ নিয়ামক অদৃষ্টের এবং অদৃষ্টের উৎপাদক প্রযত্নের আশ্রয়ও আত্মাই হইবে, ইহা পূর্ব প্রদর্শিত যুক্তি দ্বারা প্রতিপন্ন হইতেছে । আত্মা প্রযত্নের আশ্রয় হইলে আত্মা কর্তা, এ বিষয়ে কোন সন্দেহ থাকিতেছে না । কেন না, পূর্বেই বলিয়াছি যে প্রযত্ন বা কৃতিই কর্তৃত্ব এবং তাহার আশ্রয় কর্তা । আত্মা প্রযত্নের বা কৃতির আশ্রয় অর্থাৎ কর্তা, ইহা কেবল যুক্তি দ্বারাই সমর্থিত হইতেছে না । অনুভব দ্বারাও অত্মার কর্তৃত্ব সমর্থিত হইতেছে । কেন না, **ঐতনীহং কৰীমি** অর্থাৎ চেতন আমি করিতেছি এইরূপ অনু-

ভব সৰ্বজনসিদ্ধ । স্মৃধীগণ স্মরণ করিবেন যে কৃ ধাতুর
অর্থ কৃতি । স্মতরাং 'বিতনোচ্চ' কৰ্যমি ইহার অর্থ এইরূপ
হইতেছে যে চেতন আমি কৃতির আশ্রয় । এই অনুভবের
প্রতি মনোযোগ করিলে আত্মার কর্তৃত্ব বিষয়ে কোনরূপ
সন্দেহ হইতে পারে না ।

নৈয়ায়িক আচার্য্যগণ পূর্বেবক্ত যুক্তি ও অনুভব
অনুসারে আত্মা কর্তা, এই সিদ্ধান্তে উপনীত হইয়াছেন ।
সাংখ্যাচার্য্যেরা বলেন যে, ঐ অনুভবে বুদ্ধির কর্তৃত্বই
ভাসমান হইতেছে আত্মার কর্তৃত্ব ভাসমান হইতেছে
না । বুদ্ধি অচেতন পদার্থ বলিয়া তাহাতে চেতনত্ব
ভাসমান হইতে পারে না বটে, পরন্তু চৈতন্যাংশে ঐ অনুভব
ভ্রমাত্মক, কর্তৃত্বাংশে যথার্থ বটে । ঐ অনুভব চৈতন্যাংশে
কেন ভ্রমাত্মক বলিতে হইবে, তাহার কারণ প্রদর্শন
করিতে যাইয়া সাংখ্যাচার্য্যেরা বলেন যে বুদ্ধি স্বচ্ছ পদার্থ
বলিয়া তাহাতে চৈতন্যের প্রতিবিশ্ব পতিত হয় । এই জন্য
বুদ্ধি স্বভাবত অচেতন হইলেও চেতনরূপে প্রতীয়মান হয়
অর্থাৎ চেতনের ন্যায় বোধ হয় । স্মতরাং বুদ্ধিতে চৈতন্য-
ভ্রম সর্বথা সঙ্গত । বুদ্ধিতে চৈতন্যের প্রতিবিশ্ব পতিত
হইলে বুদ্ধি চেতনায়মান হয় । স্মতরাং বুদ্ধি ও তদগত চৈত-
ন্যের ভেদ গৃহীত হয় না । এই ভেদের অগ্রাহণ
বশত বুদ্ধিতে চৈতন্যের এবং আত্মাতে কর্তৃত্বের অভিমান
হইয়া থাকে । ঐ উভয় অভিমান ভ্রমাত্মক । বিজ্ঞানভিক্ষুর মতে
বুদ্ধিতে যেমন চৈতন্য প্রতিবিশ্বিত হয় চৈতন্যেও সেইরূপ
বুদ্ধিবৃত্তি প্রতিবিশ্বিত হয় । বুদ্ধিবৃত্তির ও চৈতন্যের পরস্পর

প্রতিবিশ্ব হয় বলিয়া তদুভয়ের ভেদাগ্রহ উত্তমরূপে উপপন্ন হইতে পারে ।

এছত্তরে নৈয়ায়িক আচার্য্যেরা বলেন যে, চৈতনীহঁৎ কখোমি এই অনুভব চৈতন্যাংশে ভ্রমাত্মক, সাংখ্যাচার্য্যদিগের এই সিদ্ধান্তের কোন প্রমাণ নাই । সাংখ্যাচার্য্যেরা ঐ অনুভবের চৈতন্যাংশে ভ্রমাত্মকত্ব স্বীকার করিয়াছেন রটে, পরন্তু তাঁহাদিগের নিকট জিজ্ঞাসা করা যাইতে পারে যে, ঐ অনুভব যেমন চৈতন্যাংশে ভ্রমাত্মক বলিয়া তাঁহারা স্বীকার করেন, সেইরূপ কৃতি অংশেও উহার ভ্রমাত্মকত্ব কেন তাঁহারা স্বীকার করেন না । ফলত সাংখ্যাচার্য্যেরা যেমন পূর্বোক্ত অনুভবের চৈতন্যাংশে ভ্রমত্ব স্বীকার করেন, সেইরূপ কৃতি অংশেও ভ্রমত্ব স্বীকার করা তাঁহাদের উচিত । সে যাহা হউক, আজ্ঞা জন্যধর্ম্মের আশ্রয় নহে, এই সিদ্ধান্তের প্রতি নির্ভর করিয়াই সাংখ্যাচার্য্যেরা আজ্ঞা কর্তা নহে এইরূপ সিদ্ধান্তে উপনীত হইয়াছেন । পরন্তু আজ্ঞা জন্যধর্ম্মের আশ্রয় নহে, এই সিদ্ধান্তের অনুকূলে কোন বলবৎ প্রমাণ নাই । সুতরাং আজ্ঞা কর্তা নহে, সাংখ্যাচার্য্যদিগের এই সিদ্ধান্ত ভিত্তিশূন্য হইতেছে । কর্তা হইলেই পরিণামী হইতে হইবে, সাংখ্যাচার্য্যদিগের এ সিদ্ধান্তেরও কোন প্রমাণ নাই । বরং বলিতে পারা যায় যে, পরিণাম-স্বভাব অর্থাৎ যাহার পরিণাম আছে সে কর্তা হয় না । দেখা যাইতেছে যে, পরিণাম-স্বভাব যুক্তিকাদি গদার্থ কর্তা হয় না । অতএব পরিণাম স্বভাব বুদ্ধিও কর্তা হইতে পারে না । আরও বলিতে পারা যায় যে, বুদ্ধি প্রকৃতির পরিণাম

স্বতরাং জন্মপদার্থ । যাহা জন্মপদার্থ তাহা কৰ্ত্তা নহে । কেন না, জন্মপদার্থ ঘটাদি কৰ্ত্তা নহে । বুদ্ধিও জন্মপদার্থ অতএব বুদ্ধিও কৰ্ত্তা নহে । কৰ্ত্তা জন্ম পদার্থ হইবে, ইহার কোন প্রমাণ নাই । প্রত্যুত কৰ্ত্তা জন্ম পদার্থ নহে—কৰ্ত্তা অনাদি, ইহার প্রমাণ আছে । কারণ, রাগযুক্ত হইয়াই প্রাণী জন্ম পরিগ্রহ করে, ইহা দেখিতে পাওয়া যায় । সৰ্ব্ব বিষয়ে বিতৃষ্ণ বা অভিলাষশূন্য প্রাণী জন্ম পরিগ্রহ করে, ইহা অদৃষ্ট-পূৰ্ব্ব । জাতমাত্র শিশুর স্তন্যপানে অভিলাষ দেখিতে পাওয়া যায় । ঐ অভিলাষ রাগ বলিয়া কথিত হইয়াছে । এই অভিলাষ ইচ্ছাসাধনতা-জ্ঞান-জন্ম । পূৰ্ব্ব স্তন্যপান করিয়া ভৃগু লাভ করিয়াছিল বলিয়া জাতমাত্র শিশু ক্ষুৎ-পীড়িত হইয়া তাহার প্রতিকারের জন্য স্তন্যপানে অভিলাষী হয় । এতদ্বারা বুঝা যাইতেছে যে, ইহজন্মের পূৰ্ব্বও প্রাণী বা আত্মা বিদ্যমান ছিল । এইরূপে পূৰ্ব্ব পূৰ্ব্ব জন্মের পূৰ্ব্বও আত্মার বিদ্যমানতা ছিল, ইহা উত্তমরূপে বুঝিতে পারা যায় । প্রস্তাবান্তরে আত্মার অনাদিত্ব সমর্থিত হইয়াছে বলিয়া এখানে তাহার বিশেষভাবে আলোচনা করা আবশ্যক হইতেছে না । আত্মা কূটস্থ ইহার অর্থ এরূপ নহে যে, আত্মা জন্মধর্মের আশ্রয় নহে । কিন্তু আত্মা কূটস্থ ইহা দ্বারা ইহাই বুঝান হইয়াছে যে, আত্মার বিকার বা অবস্থান্তর নাই । দুঃখ যেমন পূৰ্ব্বাবস্থা পরিত্যাগ করিয়া দধিরূপ অবস্থান্তর প্রাপ্ত হয়, আত্মা তদ্রূপ পূৰ্ব্ব অবস্থা পরিত্যাগ পূৰ্ব্বক অবস্থান্তর প্রাপ্ত হয় না । বায়ু বাত বা বারিপাতে যেমন পৰ্ব্বতের পূৰ্ব্বাধস্থা অপগত এবং অবস্থান্তর উপগত হয় না, স্তখ দুঃখ ভোগ-

কালে আত্মারও সেইরূপ পূর্ব অবস্থার অপগম এবং অবস্থান্তরের উপগম হয় না । বাঞ্জাবাতাদিকালেও যেমন পর্বত নিষ্কম্পভাবে পূর্ব অবস্থাতেই অবস্থিত থাকে, আত্মার সংবন্ধেও তদ্রূপ বোধিতে হইবে । সুতরাং আত্মা কূটস্থ এবং অপরিণামী বলিয়া আত্মার কর্তৃত্ব হইতে পারে না, সাংখ্যচার্য্যদিগের এতাদৃশ কল্পনার কোন প্রমাণ নাই । বরং আত্মা অপরিণামী বলিয়া আত্মাই কর্তা, যাহা পরিণামী তাহা কর্তা নহে, ইহা বলাই সমধিক সঙ্গত । ইতি পূর্বেই তাহা প্রদর্শিত হইয়াছে ।

আরও বিবেচনা করা উচিত যে, সাংখ্যচার্য্যদিগের মতে বুদ্ধি কর্তা এবং অদৃষ্টের আশ্রয়, আত্মা ভোক্তা, তবেই দাঁড়াইতেছে যে, যে কৰ্ম্ম করে সে ঐ কৰ্ম্মের ফল ভোগ করে না, যে কৰ্ম্ম করে না সে কৰ্ম্মফল ভোগ করে । একজন কৰ্ম্ম করিবে অপরে তাহার ফল ভোগ করিবে, এতাদৃশ কল্পনা কিরূপ সমীচীন, সুধীগণ তাহার বিচার করিবেন । ভোগ নিয়ামক অদৃষ্ট এবং অদৃষ্টের উৎপাদক কৃতি ভোক্তাতেই থাকা উচিত, ইহা পূর্বেই বলিয়াছি । ফলত কর্তা ও ভোক্তা ভিন্ন ভিন্ন হইবে, একজনা অসঙ্গত । কর্তা ও ভোক্তা এক হইবে অর্থাৎ যে কৰ্ম্ম করিবে সেই তাহার ফল ভোগ করিবে, এইরূপ কল্পনাই সর্বথা সমীচীন এবং সর্বলোক প্রসিদ্ধ । পূজ্যপাদ উদয়নাচার্য্য বলিয়াছেন—

কৰ্ম্মধৰ্ম্মা নিয়ন্তারশ্চেতিতা চ স এব নঃ ।

অন্যথাঃ ন ধৰ্ম্মাঃ স্যাৎসংসারীথবা ধ্রুবঃ ।

অর্থাৎ আচার্য্য বলিতেছেন যে, ভোগনিয়ামক ধৰ্ম্মাদি

কর্তার ধর্ম । আমাদের মতে কর্তাই চেতন অর্থাৎ কর্তা এবং ভোক্তা অভিন্ন । কর্তা এবং ভোক্তা ভিন্ন ভিন্ন হইলে অর্থাৎ বুদ্ধি কর্তা এবং চেতন ভোক্তা হইলে প্রশ্ন হইতেছে যে, বুদ্ধি নিত্য কি অনিত্য ? যদি বলা হয় যে, বুদ্ধি নিত্য, তাহা হইলে পুরুষের অপবর্গ অর্থাৎ মুক্তি হইতে পারে না । কারণ, সাংখ্যাচার্য্যদিগের মতে পুরুষের সংসার স্বাভাবিক নহে । বুদ্ধিদ্বারা পুরুষের বিষয়াবচ্ছেদ অর্থাৎ বিষয়ের সহিত সংবন্ধ নির্বাহ হয় বলিয়া পুরুষ সংসারী হয় । বিষয়ের সহিত ইন্দ্রিয়ের সংবন্ধ হইলে এবং তাদৃশ অন্য কারণে অর্থাৎ ব্যাপ্তি জ্ঞানাদি হেতুতে বুদ্ধি বিষয়াকারে পরিণত হয় অর্থাৎ বুদ্ধির বিষয়াকার বৃত্তি হয় । পুরুষ ঐ বৃত্তিতে প্রতিবিম্বিত হয় বলিয়াই পুরুষ সংসারী হইয়া থাকে । বিজ্ঞানভিক্ষুর মতে বুদ্ধিবৃত্তি এবং পুরুষ ইহাদের পরস্পর প্রতিবিম্ব অঙ্গীকৃত হইয়াছে । অর্থাৎ বুদ্ধিবৃত্তিতে যেমন পুরুষ প্রতিবিম্বিত হয়, বুদ্ধিবৃত্তিও সেইরূপ পুরুষে প্রতিবিম্বিত হয়, ইহা পূর্বে বলিয়াছি । বিজ্ঞানভিক্ষুর মতে এই পরস্পর প্রতিবিম্বই পুরুষের সংসারের হেতু । যেক্ষণ বলা হইল, তাহাতে বুঝা যাইতেছে যে, পুরুষের সংসারের মূল কারণ বুদ্ধিবৃত্তি ও পুরুষের পরস্পর প্রতিবিম্ব । • বুদ্ধি না থাকিলে পরস্পর প্রতিবিম্ব হওয়া অসম্ভব । অতএব বুদ্ধিকে সংসারের হেতু ধলিয়া ধরিয়া লইলে নিতান্ত ভ্রান্ত হইতে হইবে না । যে বুদ্ধি পুরুষের সংসারের হেতু, সেই বুদ্ধি নিত্য হইলে পুরুষের অপবর্গ বা মুক্তি কিছুতেই হইতে পারে না । কারণ, বুদ্ধি নিত্য হইলে কোনকালে

তাহার অভাব হইবে না । বুদ্ধি সর্বদাই থাকিবে । পুরুষও
 নিত্য, তাহারও কোনকালে অভাব হইবে না । স্তুরাং
 পরস্পর প্রতিবিম্ব কিছুতেই নিবারিত হইতে পারে না ।
 যাহার সংসার সে নিত্য—কোনকালে তাহার অভাব
 হইবে না । যে হেতুতে সংসার সে হেতুও নিত্য,—
 কোনকালে তাহারও অভাব হইবে না । অথচ পুরুষের
 অপবর্গ বা সংসারের নিবৃত্তি হইবে, ইহা একান্ত অসম্ভব ।
 এই দোষ পরিহার করিবার জন্য যদি বলা হয় যে বুদ্ধি নিত্য
 নহে, বুদ্ধি জন্য পদার্থ । বুদ্ধির উৎপত্তি ও বিনাশ আছে ।
 স্তুরাং বুদ্ধি বিনষ্ট হইলেই অপবর্গ বা সংসারের নিবৃত্তি
 হইতে পারে । তাহা হইলে বক্তব্য এই যে বুদ্ধি অনিত্য
 হইলে বুদ্ধির বিনাশ হওয়ার পরে পুরুষের অপবর্গ বা সংসার-
 নিবৃত্তি হইতে পারে বটে, পরন্তু বুদ্ধি অনিত্য হইলে পুরু-
 ষের সংসার আদৌ হইতে পারে না । কেন পারে না,
 তাহা বুঝিবার চেষ্টা করা যাইতেছে । সাংখ্যমতে অদৃষ্ট
 বা ধর্ম্মাধর্ম্ম বুদ্ধির ধর্ম্ম । অর্থাৎ পুরুষ ধর্ম্মাধর্ম্মের আশ্রয়
 নহে । বুদ্ধিই ধর্ম্মাধর্ম্মের আশ্রয় বা ধর্ম্মাধর্ম্ম বুদ্ধিতে আশ্রিত ।
 ভোগায়তন শরীর, ভোগসাধন ইন্দ্রিয় ও ভোগ্যবিষয় এ সমস্তই
 অদৃষ্ট অনুসারে সৃষ্ট হয় । পুরুষসকল ভিন্ন ভিন্ন এবং
 সকল পুরুষ সর্বগত । স্তুরাং প্রত্যেক শরীরাদির
 সহিত সমস্ত পুরুষের সংবন্ধ রহিয়াছে সন্দেহ নাই । তথাপি
 একশরীরাদি দ্বারা অনেক পুরুষের ভোগ হয় না । কিন্তু
 ভিন্ন ভিন্ন শরীরাদি দ্বারা ভিন্ন ভিন্ন পুরুষের ভোগ হয় ।
 যে পুরুষের অদৃষ্টবশতঃ যে শরীরাদির সৃষ্টি হইয়াছে, সেই

শরীরাদি সেই পুরুষের ভোগ সম্পাদন করে । • এখন দেখিতে হইবে যে অদৃষ্ট পুরুষাশ্রিত না হইয়া বুদ্ধ্যাশ্রিত হইলে পুরুষের সংসার হইতে পারে কি না ? অভিনিবেশ সহকারে চিন্তা করিলে বুঝা যাইবে যে, তাহা হইতে পারে না । অদৃষ্ট বুদ্ধ্যাশ্রিত হইলে স্পষ্টই বুঝিতে পারা যায় যে, বুদ্ধির সৃষ্টি হইবার পরে তাহাতে অদৃষ্ট সমুৎপন্ন হইবে । তাহা হইলে বুদ্ধির সৃষ্টির পূর্বে অদৃষ্টের উৎপত্তি হয় না, ইহা স্বীকার করিতে হইতেছে । কেন না, বুদ্ধির সৃষ্টির পূর্বেই বুদ্ধ্যাশ্রিত অদৃষ্টের উৎপত্তি হইবে, ইহা নিতান্ত অসম্ভব । প্রকৃতিস্থ ব্যক্তি ইহা স্বীকার করিতে পারেন না । অদৃষ্ট না থাকিলে বুদ্ধির উৎপত্তিই হইতে পারে না । কেন না, শরীরাদির উৎপত্তির প্রতি যেমন অদৃষ্ট কারণ, বুদ্ধির উৎপত্তির প্রতিও সেইরূপ অদৃষ্ট কারণ । কারণের অভাবে কার্য্য হয় না হইতে পারে না । অতএব অদৃষ্ট বুদ্ধ্যাশ্রিত হইলে বুদ্ধির এবং শরীরাদির উৎপত্তি হইতে পারে না বলিয়া পুরুষের সংসার আদৌ হইতে পারে না । সাংখ্যমতে যে অনুপপত্তি হইতেছে, ন্যায়মতে সে অনুপপত্তি হয় না । কারণ, ন্যায়মতে বুদ্ধি কত্রী নহে আত্মা কর্তা । ন্যায়মতে অদৃষ্ট বা ধর্ম্মাধর্ম্ম বুদ্ধির ধর্ম্ম নহে আত্মার ধর্ম্ম । আত্মা নিত্য স্তবরাং আত্মার ভোগসাধন ইন্দ্রিয় এবং ভোগায়তন শরীর উৎপন্ন হইবার পূর্বেও আত্মাতে অদৃষ্ট বিদ্যমান ছিল । ঐ অদৃষ্টবশত শরীরের এবং ইন্দ্রিয়বর্গের সৃষ্টি বা উৎপত্তি অনাস্কাজস হইতে পারে । তদ্বিষয়ে কিছু-মাত্র অনুপপত্তি হইতেছে না । সাংখ্যাচার্য্যের বুদ্ধির

উৎপত্তির পূর্বে অদৃষ্টের অবস্থিতি বলিতে পারেন না । কারণ, অদৃষ্টের অবস্থিতি থাকিলে অবশ্য অদৃষ্ট নিরাশ্রয় থাকিতে পারে না । তাহার কোন আশ্রয়ের অপেক্ষা থাকিতেছে । সাংখ্যমতে বুদ্ধি অদৃষ্টের আশ্রয় । আশ্রয়বিহীন অদৃষ্টের অবস্থিতি অসম্ভব বলিয়া বুদ্ধির উৎপত্তির পূর্বে অদৃষ্টের অবস্থিতি কোনরূপেই সম্ভবপর বলা যাইতে পারে না । অতএব চৈতন্যোহং করোমি এই অনুভবের আলম্বন বুদ্ধি নহে । ঐ অনুভবের আলম্বন জীবাত্মা । স্মৃতির জীবাত্মার কর্তৃত্ব আছে; ইহা প্রতিপন্ন হইল । এ বিষয়ে নরেশ্বরপরীক্ষা নামক শৈবদর্শনে আচার্য্য সিদ্ধগুরু গ্রন্থের উপক্রমেই বলিয়াছেন—

জ্ঞাতা কৰ্ত্তা চ বোধেন বুদ্ধ্যা বোধ্যং প্রবৰ্ত্ততে ।

প্রবৃत्तिफलभोक्ता च यः पुमानुच्यते सः ॥

অর্থাৎ জীবাত্মা জ্ঞাতা কৰ্ত্তা এবং বুদ্ধিদ্বারা বোধ্য বিষয় অবগত হইয়া প্রবৃত্ত হয় এবং প্রবৃত্তির ফল ভোগ করে । তিনি আরও বলেন—

कृतं मया करोमीदं करिष्यामीतिबोधतः ।

वेदप्रामाण्यतश्चायोः कर्तृशक्तिस्त्रिकालगा ॥

অর্থাৎ আমি ইহা করিয়াছি ইহা করিতেছি ইহা করিব এইরূপ অনুভব সর্বলোক প্রসিদ্ধ । তদনুসারে জীবাত্মার কর্তৃশক্তি কালত্রয়গত । অর্থাৎ অতীত, বর্তমান ও ভবিষ্যৎ কাল এই কালত্রয়েই জীবাত্মার কর্তৃশক্তি আছে । কেবল তাহাই নহে, বেদপ্রামাণ্য অনুসারেও জীবাত্মার কর্তৃশক্তি অবশ্য স্বীকার করিতে হয়— স্বর্গকামী জ্যোতিষ্ঠোমিন যজিত অর্থৎ যাহার স্বর্গভোগের অভিলাষ হয়, সে

জ্যোতিষ্টোম নামক যাগ করিবে । জ্যোতিষ্টোম নামক যাগ করিলে তদ্বারা সে কালান্তরে স্বর্গভোগ করিতে সমর্থ হয় । এই বেদবাক্যে আত্মার কর্তৃত্ব নিঃসন্দিগ্ধরূপে প্রতিপন্ন হইতেছে । যিনি জ্যোতিষ্টোম যাগ করিবেন তিনি স্বর্গভোগ করিবেন । এতদ্বারা কৰ্ত্তা এবং ভোক্তার একত্ব বুঝা যাইতেছে । আত্মা ভোক্তা ইহা সাংখ্যাচার্য্যদিগেরও অনুমত । সাংখ্যাচার্য্যেরাও বেদের প্রামাণ্য স্বীকার করেন । এমত স্থলে তাঁহারা যে আত্মার কর্তৃত্ব স্বীকার করিতে চাহেন না, ইহা আশ্চর্য্যের বিষয় বটে ।

আত্মা কৰ্ত্তা নহা হইলে আত্মার সংবন্ধে কৰ্ত্তব্য ও অকৰ্ত্তব্যের উপদেশ কিছুতেই সম্ভব হইতে পারে না । বেদে আত্মার সংবন্ধে কৰ্ত্তব্যাকৰ্ত্তব্যের উপদেশ প্রচুর পরিমাণে রহিয়াছে । সাংখ্যাচার্য্যদিগের মতে বেদ প্রমাণ অথচ তাঁহারা আত্মার কর্তৃত্ব স্বীকার করিতে প্রস্তুত নহেন । ভট্ট রামকণ্ঠ সূরি বলেন যে, দৃষ্টফল কৃষি বাণিজ্যাদি এবং অদৃষ্টফল অগ্নি-হোত্রাদি কৰ্ম্ম অনবরত করা হইতেছে এবং তদ্বিষয়ে আত্মার কর্তৃত্বও অনুভূত হইতেছে, এ অবস্থায় আত্মা কৰ্ত্তা নহে কাহারও এরূপ বলিবার শক্তি নাই । বেদে অগ্নিহোত্রাদি কৰ্ম্মের কৰ্ত্তব্যতা উপদিষ্ট হইয়াছে । যে কৰ্ত্তা নহে, তাহার সংবন্ধে কৰ্ত্তব্যের উপদেশ কিছুতেই প্রমাণ বলিয়া গণ্য হইতে পারে না । অথচ বেদের প্রামাণ্য বিষয়ে আৰ্য্যদর্শনের বিপ্রতিপত্তি নাই । সুতরাং তদ্বারা আত্মার কর্তৃত্ব সিদ্ধ হইতেছে । সাংখ্যাচার্য্যেরা বলেন যে, বুদ্ধিই কৰ্ত্তা, আত্মা কৰ্ত্তা নহে । পরন্তু বুদ্ধির ও আত্মার বিবেক অর্থাৎ পৃথক্

ভাবে উপলব্ধি হয় না । এই জন্য বুদ্ধির কর্তৃত্ব আত্মাতে
‘অধ্যারোপিত হয় মাত্র । সাংখ্যাচার্য্যদিগের এই উক্তির
অনুকূলে কোন প্রমাণ নাই । ইহা কল্পনা মাত্র । বুদ্ধির
কর্তৃত্ব কল্পনা করিলে জ্ঞাতত্বও বুদ্ধিতেই কল্পিত হউক ।
তাহা হইলে জ্ঞাতারূপে অতিরিক্ত আত্মা কল্পনা করিবার
কোন আবশ্যকতা থাকিতেছে না ।

যদি বলা হয় যে, প্রকৃতি এবং প্রকৃতি কার্য্য
বুদ্ধ্যাদি প্রপঞ্চ জ্ঞেয়রূপেই সিদ্ধ হয় স্তরাং তাহাদের
জ্ঞাতত্ব হইতে পারে না । কেন না, যাহা জ্ঞেয়
তাহার অবশ্য অপর কোন জ্ঞাতা থাকিবু ইহা সহজেই
বুঝিতে পারা যায় । এই জন্য বুদ্ধ্যাদির জ্ঞাতারূপ অতিরিক্ত
আত্মা কল্পিত হইয়াছে । তাহা হইলে বক্তব্য এই যে,
বুদ্ধ্যাদি “জ্ঞেয়রূপে সিদ্ধ হইয়াছে বলিয়া যেমত তাহাদের
অপর জ্ঞাতা অঙ্গীকৃত হইয়াছে, সেইরূপ বুদ্ধ্যাদি কার্য্যরূপে
সিদ্ধ হইয়াছে বলিয়া তাহাদের কর্তারূপে অপর কোন পদার্থ
অঙ্গীকৃত হওয়া উচিত । অর্থাৎ বুদ্ধি প্রকৃতির কার্য্য, যাহা
কার্য্য তাহা কর্তা হইতে পারে না । অতএব বুদ্ধি কর্তা
নহে, কর্তা বুদ্ধি হইতে অতিরিক্ত অর্থাৎ আত্মা । আপত্তি
হইতে পারে যে, বুদ্ধি প্রকৃতির কার্য্য হইলেও স্বকার্য্যের
প্রতি তাহার কর্তৃত্ব থাকিবার বাধা নাই । অতএব বুদ্ধি
প্রকৃতির কার্য্য বটে কিন্তু স্বকার্য্যের কর্তা ইহা অনায়াসে
বলিতে পারা যায় । এতদ্ব্যতীত বক্তব্য এই যে,
সাংখ্যাচার্য্যদিগের মতে প্রকৃত্যাদি জড়বর্গ স্বস্থ কার্য্য
আকারে পরিণত হয় । স্তরাং তাহারা জড়পদার্থ বলিয়া

স্বস্ব কার্যের উপাদান কারণ হইতে পারে বটে, কিন্তু কৰ্ত্তা হইতে পারে না । উপাদান কারণত্ব এবং কৰ্তৃত্ব এক পদার্থ নহে ভিন্ন ভিন্ন পদার্থ । যে উপাদান কারণ হইবে, কিয়ৎপরিমাণে তাহার স্বরূপের অন্যথা ভাব অবশ্যই হইবে । যুত্তিকা ঘটের উপাদান কারণ । ঘট নির্মাণ করিবার সময় যুত্তিকা পূর্বভাবে থাকে না, তাহার অন্যথা ভাব অর্থাৎ অবস্থান্তর হইয়া থাকে । সূবর্ণ কুণ্ডলের উপাদান কারণ, তাহারও অবস্থান্তর হইয়া থাকে । ইহা সকলেই অর্বগত আছেন । পরিণাম অর্থাৎ অবস্থান্তর প্রাপ্তি জড়পদার্থের ধর্ম । ইহা প্রত্যক্ষ পরিদৃষ্ট । জড়ত্বের সহিত পরিণামিত্বের ব্যতিচার নাই । কৰ্তৃত্ব কিন্তু উপাদানত্ব নহে । হিতপ্রাপ্তি এবং অহিতপরিহার কামনায় লোকে কর্ম করিয়া থাকে । বুদ্ধি জড়পদার্থ, তাহার তাদৃশ কামনা হইতে পারে না । স্বতরাং বুদ্ধি কৰ্ত্তা নহে । আত্মাই কৰ্ত্তা । কৰ্তৃত্ব চিৎসত্ত্বের অব্যভিচারি, ইহা স্বসংবেদনসিদ্ধ অর্থাৎ নিজের অনুভবসিদ্ধ । যুত্তিকা ঘটের উপাদান কারণ কিন্তু যুত্তিকা ঘটের কৰ্ত্তা নহে । হিতপ্রাপ্তি কামনায় কুলাল যুত্তিকাদি কারণের প্রবর্তনা করে বলিয়া কুলাল ঘটের কৰ্ত্তা । সূবর্ণ কুণ্ডলের উপাদান কারণ, কুণ্ডলের কৰ্ত্তা নহে । স্বর্ণকার হিতপ্রাপ্তি কামনায় স্বর্ণাদি কারণের প্রবর্তনা করে বলিয়া স্বর্ণকার কুণ্ডলের কৰ্ত্তা । কুলাল যুত্তিকা দ্বারা ঘট নির্মাণ করিয়াছে, স্বর্ণকার স্বর্ণ দ্বারা কুণ্ডল নির্মাণ করিয়াছে, এতাদৃশ সহস্র সহস্র লৌকিক ব্যবহার চেষ্টার কৰ্তৃত্ব বিষয়ে সাক্ষ্য প্রদান করিতেছে ।

যদি বলা হয় যে, কর্তৃত্ব বোধরূপ নহে স্ততরাং কর্তৃত্ব আত্মার ধর্ম হইতে পারে না । তাহা হইলে বক্তব্য এই যে, নিত্যত্ব ও ব্যাপকত্ব বোধরূপ নহে স্ততরাং তাহাও আত্মার ধর্ম হইতে পারে না । আত্মার নিত্যত্ব ও ব্যাপকত্ব কিন্তু সাংখ্যাচার্য্যদিগেরও অনুমত । আত্মার নিত্যত্ব ও ব্যাপকত্ব না থাকিলে প্রকারান্তরে নৈরাভ্যবাদ উপস্থিত হয় । যদি বলা হয় যে, সূরিতার প্রকাশ যেমন সূরিতা হইতে অতিরিক্ত নহে উহা সূরিত্বস্বরূপ, সেইরূপ আত্মার নিত্যত্ব ও বিভূত্বও আত্মা হইতে অতিরিক্ত নহে উহা আত্মস্বরূপ । তাহা হইলে ইহাও বলা যাইতে পারে যে অগ্নির দাহকত্ব যেমন অগ্নি হইতে ভিন্ন নহে উহা অগ্নিস্বরূপ, আত্মার কর্তৃত্বও সেইরূপ আত্মা হইতে ভিন্ন নহে উহা আত্মস্বরূপ । কেন না, শৈবাচার্য্যদিগের মতে কর্তৃত্ব শক্তি বিশেষ মাত্র । আত্মা ঐ শক্তির আশ্রয় । তাঁহাদের মতে শক্তি ও শক্তিমানের ভেদ নাই । এই জন্য কর্তৃত্ব আত্মস্বরূপ হইবার কোন বাধা নাই । শক্তি এবং শক্তিমান এ উভয়ের ভেদ নাই, ইহা সাংখ্যাচার্য্যদিগেরও সিদ্ধান্ত । এই জন্য পাতঞ্জল-ভাষ্যে চিতিশক্তি শব্দ দ্বারা আত্মার নির্দেশ করা হইয়াছে । ভগবান্ ভাষ্যকার বলিয়াছেন—চিতিশক্তিঃ পরিত্যজ্যামিত্য-প্রতিসংক্রমাৎ অর্থাৎ চিতিশক্তির কি না চিতির—বা চৈতন্যের অর্থাৎ পুরুষের পরিণাম নাই এবং প্রতিসংক্রম নাই কি না সঞ্চার নাই অর্থাৎ গতি বা স্পন্দ নাই ।

আত্মা কর্তা হইলে আত্মা পরিণামী হইবে, এরূপ আশঙ্কা করাও অসঙ্গত । কারণ, কর্তৃত্ব যখন আত্মা হইতে অতিরিক্ত

নহে, তখন কর্তৃত্ব হইলে পরিণামিত্ব হইবে এ আশঙ্কা ভিত্তি-
শূন্য । ইহাও বিবেচনা করা উচিত যে, আত্মার কর্তৃত্ব বিষয়ে
সাংখ্যাচার্য্যদিগের বিপ্রতিপত্তি আছে বটে, কিন্তু আত্মার
জ্ঞাতৃত্ব বিষয়ে তাঁহাদের বিপ্রতিপত্তি নাই । আত্মা কর্ত্তা
হইলে যদি আত্মার পরিণামিত্বের আপত্তি হয়, তবে আত্মা
জ্ঞাতা হইলেও আত্মার পরিণামিত্বের আপত্তি হইতে পারে ।
অতএব আত্মাতে জ্ঞানশক্তির ন্যায় ক্রিয়াশক্তির সমাবেশ
স্বীকার করিলেও কোন দোষ হইতে পারে না । শৈবাচার্য্য-
দিগের মতে জড় পদার্থের স্পন্দ সমুৎপাদনে আত্মার শক্তি
আছে । ঐ শক্তিই আত্মার কর্ত্তৃত্ব । নরেশ্বরপরীক্ষাপ্রকাশে
উক্ত হইয়াছে যে, কর্ত্তৃত্ব স্পন্দাত্মক নহে । কেন না, স্পন্দ
নিজে ক্রিয়াক্রপ । ক্রিয়া ত কর্ত্তৃত্ব নহে । কিন্তু ক্রিয়া-
বিষয়ে শক্তিত্বই কর্ত্তৃত্ব । এতদ্বারা ক্রিয়াবিষয়িনী শক্তিই
কর্ত্তৃত্বরূপে অঙ্গীকৃত হইয়াছে । আরও উক্ত হইয়াছে—

জড়স্যন্দক্রিয়ায়াং য়া শক্তিঃ সা কর্ত্তৃতাत्मनः ।

আমেবস্যন্দরূপিণ্য সিদ্ধায়স্ক্যান্তবত্ স্বতঃ ॥

ইহার তাৎপর্য্য এই যে, জড়পদার্থের স্পন্দ অর্থাৎ গতি-
রূপ ক্রিয়া হইয়া থাকে । ঐ ক্রিয়াবিষয়িনী শক্তিই আত্মার
কর্ত্তৃত্ব । অতএব কর্ত্তৃত্ব স্পন্দস্বরূপ নহে । অয়স্কান্তমণি
অয়োধাতুর অর্থাৎ লৌহের আকর্ষণ করে, ইহা সকলেই অব-
গত আছেন । বলা বাহুল্য যে, অয়স্কান্তমণি লৌহের স্পন্দ
সমুৎপাদন করিয়া লৌহের আকর্ষণ সম্পন্ন করে । তবেই
বুঝা যাইতেছে যে, অয়স্কান্তমণির তাদৃশ শক্তি আছে ; যদ্বারা
লৌহ আকৃষ্ট হয় অর্থাৎ লৌহে স্পন্দের উৎপত্তি হয় । কিন্তু

অয়স্কান্তমণির কোনরূপ স্পন্দ বা ক্রিয়া হয় না, ইহা প্রত্যক্ষ পরিদৃষ্ট । আত্মারও কোনরূপ স্পন্দ বা ক্রিয়া নাই অথচ আত্মার এমন শক্তি আছে যদ্বারা শরীরাদি জড়বর্গের স্পন্দ বা ক্রিয়া সমুৎপন্ন হয় । যখন আত্মার নিজের কোনরূপ স্পন্দ বা ক্রিয়া নাই, তখন আত্মা কর্তা হইলে আত্মার পরিণাম বা বিকার হইবে, এরূপ আশঙ্কা করিবার কোন কারণ নাই । অয়স্কান্তমণির শক্তি প্রভাবে যেমন অয়োধাতুর স্পন্দ বা ক্রিয়া হয়, আত্মার শক্তি প্রভাবে সেইরূপ শরীরাদির স্পন্দ বা ক্রিয়া হয় । জীবচ্ছরীরে ক্রিয়ার অবস্থিতি এবং মৃত শরীরে ক্রিয়ার অত্যন্ত অভাব হইয়া থাকে । এতদ্বারাও বুঝিতে পারা যায় যে, আত্মার শক্তিই শরীরাদি ক্রিয়ার হেতু । লৌহের আকর্ষণের হেতুভূত অয়স্কান্তমণির শক্তি যেমন স্বতঃসিদ্ধ, আত্মার শরীরাদি ক্রিয়াজনক শক্তিও সেইরূপ স্বতঃসিদ্ধ । ইহাই শৈবাচার্য্যদিগের সিদ্ধান্ত ।

अयस्कान्तवम् এই দৃষ্টান্ত উপাদান দ্বারা শৈবাচার্য্যেরা ন্যায়মতের উপর কিঞ্চিৎ কটাক্ষপাত করিয়াছেন । ন্যায়মতে প্রযত্ন বা কৃতিত্বই কর্তৃত্ব । প্রযত্ন চेतনের ধর্ম্ম, অয়স্কান্ত মণি অচেতন পদার্থ, তাহার প্রযত্ন নাই । সুতরাং অয়স্কান্ত মণি অয়োধাতুর আকর্ষণের কর্তা হইতে পারে না । শৈবমতে কর্তৃত্ব শক্তি বিশেষরূপ । অয়স্কান্ত মণি জড় পদার্থ হইলেও তাহাতে অয়োধাতুর আকর্ষণকারিণী শক্তি আছে । 'এই জন্য' অয়স্কান্ত মণি অনায়াসে অয়োধাতুর আকর্ষণের কর্তা হইতে পারে ।

ষষ্ঠ লেক্চর ।



আত্মা ।

আত্মার কর্তৃত্ব আছে কি না, এবিষয়ে কতিপয় দার্শনিক-মত প্রদর্শিত হইয়াছে । এখন ঐ বিষয়ে বেদান্তমত প্রদর্শিত হইতেছে । বেদান্তদর্শনে শাস্ত্রসম্বন্ধ হেতু প্রদর্শন পূর্বক আত্মার কর্তৃত্ব সমর্থিত হইয়াছে । ভগবান্ বাদরায়ণ বলিয়াছেন,—

কর্তা শাস্ত্রার্থবক্ষাত্ ।

ইহার তাৎপর্য্য এই, জীবাত্মা কর্তা । কেন না, জীবাত্মা কর্তা হইলেই শাস্ত্রের অর্থবত্তা হইতে পারে । জীবাত্মা কর্তা না হইলে শাস্ত্র অনর্থক হইয়া পড়ে । যাগ, হোম ও দান শাস্ত্রে বিহিত হইয়াছে । কর্তা থাকিলেই তাহার সংবন্ধে কর্তব্যের উপদেশ হইতে পারে । কর্তা না থাকিলে কাহার সংবন্ধে কর্তব্যের উপদেশ হইবে ? অতএব কর্তার প্রতি কর্তব্য উপদেশ হইয়াছে এবিষয়ে বিবাদ হইতে পারে না । দেহসংবন্ধবশত অনুজ্ঞা পরিহারের উপপত্তি প্রস্তাবান্তরে সমর্থিত হইয়াছে । সুধীগণ স্মরণ করিবেন যে, দেহসংবন্ধ কি না দেহাদিতে আত্মাভিমান অর্থাৎ অবিদ্যাজনিত দেহ ও আত্মার তাদাত্ম্যসংবন্ধ । জীবাত্মার ঐরূপ দেহসংবন্ধ আছে । অতএব জীবাত্মা কর্তা ।

জীবাত্মা কর্তা নহে বুদ্ধিই কর্ত্রী, এ সিদ্ধান্ত সঙ্গত বলা

হাইতে পারে না। কারণ, কর্তার অভিলষিত সিদ্ধির অপেক্ষিত উপায় নির্দেশ করিয়া দেওয়াই বিধিবাক্যের অর্থাৎ কর্তব্য-বোধক বাক্যের কার্য্য। অর্থাৎ বিধিবাক্য অপেক্ষিত উপায় নির্দেশ করিয়া দেয়। উপায়ের অপেক্ষা কি না, উপায়-বিষয়ে অভিলাষবিশেষ বা ইচ্ছাবিশেষ। উপায়বিষয়ে কেন অভিলাষ হয়, তদ্বিষয়েও মনোযোগ করা উচিত। উপায় কি না ফলসাধন? ফলপ্রাপ্তির অভিলাষ হইলে, কি উপায়ে অভিলষিত ফল পাওয়া যাইতে পারে, তাহার অনুসন্ধান হওয়া স্বাভাবিক। লোকে ক্ষুধার তাড়নায় পীড়িত হইয়া ক্ষুন্নিবৃত্তির অভিলাষ করে। ক্ষুন্নিবৃত্তির অভিলাষ হইলে কি উপায়ে ক্ষুন্নিবৃত্তি হইতে পারে, তাহার অনুসন্ধান করে। ভোজন ক্ষুন্নিবৃত্তির উপায় অর্থাৎ ভোজন করিলে ক্ষুন্নিবৃত্তি হয় এই কারণে ক্ষুন্নিবৃত্তির জন্য ভোজনে অভিলাষ হয়। পরে ভোজন করিয়া ক্ষুন্নিবৃত্তি সম্পাদন করে। ইহা সকলেই অবগত আছেন। উক্তস্থলে ক্ষুন্নিবৃত্তি ফল, ভোজন তাহার উপায়। প্রথমত ফলবিষয়িণী ইচ্ছা হইলে তবে উপায়-বিষয়িণী ইচ্ছা হয়। স্পষ্টই বুঝা যাইতেছে যে, ফলেচ্ছা উপায়েচ্ছার কারণ। ফলবিষয়ে ইচ্ছা না হইলে উপায়বিষয়ে ইচ্ছা হয় না। যাহার ক্ষুধা পায় নাই, তাহার ক্ষুন্নিবৃত্তির ইচ্ছা হওয়া অসম্ভব। কারণ, ক্ষুধা পাইলে ক্ষুধা কষ্ট দেয় বলিয়া লোকের ক্ষুন্নিবৃত্তির ইচ্ছা হইয়া থাকে। শিরোনাস্তি শিরোনাস্তি যেমন অসম্ভব, ক্ষুধা না পাইলে ক্ষুন্নিবৃত্তিও সেই-রূপ অসম্ভব।

এখন দেখিতে হইবে যে, ফলেচ্ছা কাহার হইতে পারে ?

যিনি ফলভোক্তা তাঁহার ফলেচ্ছা হইবে, ইহা সকলেই স্বীকার করিবেন । ফল বিষয়ে ইচ্ছা হইলে তাহার উপায়ের অনুষ্ঠান দ্বারা ফললাভ হইয়া থাকে, ইহাতে সন্দেহ করিবার কোন কারণ নাই । যিনি বিদ্যালাভ করিতে ইচ্ছুক হন, তিনি অধ্যয়ন করিয়া বিদ্যালাভ করেন । যিনি ধনলাভ করিবার ইচ্ছা করেন, তিনি বাণিজ্যাদি উপায়ের অনুষ্ঠান করিয়া ধনলাভ করেন । যিনি মুক্তিলাভ করিতে অভিলাষী হন, তিনি শ্রবণ মননাদি শাস্ত্রীয় উপায়ের অনুষ্ঠান করিয়া মুক্তিলাভ করেন । দেখা যাইতেছে যে, যিনি ভোক্তা বা ফল-প্রার্থী, তাঁহার ভোগ বিষয়ে বা ফল বিষয়ে ইচ্ছা হয় । ফল বিষয়ে ইচ্ছা হইলে তাহার উপায়ের অনুসন্ধান হয় । উপায় অবগত হইলে উপায় বিষয়ে ইচ্ছা হয় । অবশেষে উপায়ের অনুষ্ঠান করিয়া ফললাভ করেন ।

যাহা বলা হইল, তাহার প্রতি মনোযোগ করিলে বুঝা যাইবে যে যিনি ভোক্তা তিনি কর্তা হওয়াই সম্ভব এবং ইহাই অনুভবসিদ্ধ । ‘পূর্ববসীমাংসা দর্শনে ভগবান্ জৈমিনি প্রকারান্তরে ইহার সমর্থন করিয়াছেন । জৈমিনির সূত্রটি এই—

শাস্ত্রফলং প্রযোক্তরি তল্লক্ষণাত্মান্ ।

অর্থাৎ প্রযোক্তা কি না যিনি প্রয়োগকর্তা, অর্থাৎ অনুষ্ঠাতা কি না কর্তা, শাস্ত্রীয় ফল, তাঁহারই হইয়া থাকে । কারণ, শাস্ত্র, কর্তার ফল-সাধন প্রতিপাদন করে । অর্থাৎ অপেক্ষিত উপায় প্রতিপাদন করিয়া দেওয়াই শাস্ত্রের কার্য, ইহা পূর্বেরই বলিয়াছি । শাস্ত্রীয় ফল স্বর্গাদি । যিনি স্বর্গফলের অভি-

লাগী হন, তাঁহার সংবন্ধেই শাস্ত্র স্বর্গের উপায়ভূত অগ্নি-
হোত্রাদি কৰ্ম্ম নির্দেশ করিয়া দেয় । তদনুসারে তিনি
অগ্নিহোত্রাদি উপায়ের অনুষ্ঠান করিয়া স্বর্গভোগ করিতে
সমর্থ হন । একজন উপায়ের অনুষ্ঠান করিবে, অপর জন
ফলভোগ করিবে, ইহা অসম্ভব ।

আপত্তি হইতে পারে যে, যোল জন ঋত্বিক্ বা যাজক-
বিশেষ দ্বারা যজ্ঞের অনুষ্ঠান হয় যজমান তাঁহার ফলভোগ
করে । সুতরাং শাস্ত্রফল অনুষ্ঠাতার হইয়া থাকে ইহা
কিরাপে সম্ভব হইতে পারে ? ইহার উত্তরে বক্তব্য
এই যে, এতদ্বারা শাস্ত্রফল অনুষ্ঠাতার হইবে- এই নিয়মের
ব্যভিচার বলা যাইতে পারে না । কারণ, উক্ত স্তলে ঋত্বিক্-
গণ যজমানের প্রতিনিধি মাত্র । তাঁহারা কর্তা নহেন । যজ-
মানের হইয়া তাঁহারা যজমানের কর্তব্য যজ্ঞের অনুষ্ঠান
করেন । উহার জন্য যজমান দক্ষিণা দ্বারা তাঁহাদিগকে ক্রয়
করিয়া থাকেন । প্রণতি বলিয়াছেন,—

দীক্ষিতমদীক্ষিতা দক্ষিণাভিঃ ক্রীতা যাজয়ন্তি ।

যজ্ঞদীক্ষা যজ্ঞে অধিকারের সম্পাদক । যজমান যথাবিধি
দীক্ষিত হইয়া যজ্ঞে অধিকারী হন, ঋত্বিক্গণ দীক্ষিত হন না ।
তাঁহারা স্বয়ং দীক্ষিত না হইয়াও দীক্ষিত যজমান কর্তৃক দক্ষিণা
দ্বারা ক্রীত হইয়া দীক্ষিত যজমানের যজ্ঞ সম্পাদন করেন ।
লোকেও দেখিতে পাওয়া যায় যে, গৃহনির্মাণ আবশ্যক হইলে
স্থপতিকে অর্থ দ্বারা ক্রয় করিয়া তাঁহার দ্বারা গৃহ নির্মাণ
করিয়া লওয়া হয় । জলাশয় খননের জন্য খনককে অর্থদ্বারা
ক্রয় করিয়া তদ্বারা জলাশয় প্রস্তুত করিয়া লওয়া হয় । স্থপতি

বা খনক গৃহের বা জলাশয়ের কর্তারূপে ব্যবহৃত হয় না । যিনি তাহাদিগকে অর্থ দ্বারা ক্রয় করিয়া গৃহাদি প্রাপ্ত করান, তিনিই কর্তারূপে ব্যবহৃত হইয়া থাকেন । অতএব শাস্ত্রফল অনুষ্ঠাতার হয়, এ নিয়মের ব্যতিক্রম হইতেছে না । তবে কোন কোন স্থলে বিশেষ বিশেষ শাস্ত্র অনুসারে অনুষ্ঠাতার শাস্ত্রফল না হইয়া অপরের ও শাস্ত্রফল হইয়া থাকে । যেমন পুত্র গয়াশ্রাদ্ধ করিলে পিতার স্বর্গ হয়, পিতা জাতেষ্টি করিলে পুত্রের পবিত্রতা হয় ইত্যাদি । যেখানে তদ্রূপ বিশেষ শাস্ত্র নাই, সেখানে শাস্ত্রফল অনুষ্ঠাতার হইবে সন্দেহ নাই ।

সে যাহা- হউক, যাহারা বুদ্ধির কর্তৃত্ব স্বীকার করেন, তাহাদের মতেও আত্মাই ভোক্তা, বুদ্ধি ভোক্ত্রী নহে । বুদ্ধি কর্ত্রী আত্মা ভোক্তা হইলে দাঁড়াইতেছে যে, যাহার উপায় অপেক্ষিত, সে কর্তা নহে । যে কর্তা, তাহার উপায় অপেক্ষিত নহে । এতদপেক্ষা অসম্ভব মত আর কি হইতে পারে ? ইহা আমার কর্তব্য, এতাদৃশ বোধে সমর্থ-চেতনের পক্ষেই উপায়ের অর্থাৎ কর্তব্য-সাধনের উপদেশ সম্ভবপর । বুদ্ধি অচেতন, তাহার পক্ষে কর্তব্য উপদেশ একান্তই অসম্ভব । যাহার কর্তব্য বোধ নাই, তাদৃশ অচেতনের সংবন্ধে কর্তব্য উপদেশ সাধারণ লোকেও করে না । প্রমাণভূত শাস্ত্র তথাবিধ কর্তব্য উপদেশ করিবেন, এইরূপ কল্পনা করিলে বালোন্মত্তাদি বাক্যের ন্যায় প্রকারান্তরে শাস্ত্রের অপ্রামাণ্য এবং আনর্থক্য কল্পনা করা হয় । আরও বিবেচনা করা উচিত যে, বুদ্ধি—করণরূপেই পরিকল্পিত । করণ—কর্তার ব্যাপার-ব্যাপ্য । অর্থাৎ কর্তার দ্বারা উপকৃত হইয়াই করণ ক্রিয়া সম্পাদন

করে । পরশু ছেদন ক্রিয়ার করণ । কর্তার উদ্যমন ও নিপাতনরূপ ব্যাপার না হইলে পরশু ছেদনক্রিয়া সম্পাদন করিতে পারে না । স্বতরাং করণ ও কর্তা ভিন্ন ভিন্ন হইবে । অতএব করণ স্বরূপ বুদ্ধি কর্ত্রী নহে । আত্মা কর্তা ।

আপত্তি হইতে পারে যে, আত্মা কর্তা হইলে আত্মা নিজের প্রিয় ও হিতকর কার্য্যই করিবে ইহাই সম্ভব । কারণ, আত্মা চেতন ও স্বতন্ত্র । কেন না যিনি স্বতন্ত্র তিনিই কর্তা । আত্মা চেতন ও স্বতন্ত্র বলিয়া নিজের হিতাহিত বিবেচনা করিতে সক্ষম । আত্মা হিতাহিত বিবেচনা করিতে সক্ষম হইয়া এবং স্বতন্ত্র হইয়া নিজের অহিতকর কার্য্য করিবে ইহা সম্ভবপর নহে । অতএব আত্মাকে কর্তা বলা সম্ভব নহে । এতদুত্তরে বক্তব্য এই যে, আত্মার কর্তৃত্ব বিষয়ে মতভেদ থাকিলেও আত্মার উপলব্ধি বিষয়ে মতভেদ নাই । আত্মা উপলব্ধি অর্থাৎ জ্ঞাতা ইহা সর্ববাদিসম্মত । যাহারা আত্মার কর্তৃত্ব স্বীকার করেন না, তাহাদের মতেও আত্মাই ভোক্তা । ভোগ কি না ইচ্ছানিষ্ঠ বিষয়ের অর্থাৎ সুখ দুঃখের অনুভব । অনুভব উপলব্ধিবিশেষ । অতএব আত্মা চেতন অর্থাৎ হিতাহিত বিবেচনা করিতে সক্ষম এবং উপলব্ধি বিষয়ে স্বতন্ত্র হইয়াও যেমন অনিয়মে ইচ্ছা ও অনিচ্ছা বিষয়ের উপলব্ধি করে, সেইরূপ কর্ম্মানুষ্ঠানে স্বতন্ত্র হইয়াও ইচ্ছা ও অনিচ্ছা কর্ম্মের অনুষ্ঠান করিতে পারে । অহিতকর কর্ম্মের অনুষ্ঠানে লোকের প্রবৃত্তি হয় না সত্য, পরন্তু হিতকর ভ্রমে অহিতকর কর্ম্মের অনুষ্ঠানের শত শত নিদর্শন লোকে দেখিতে পাওয়া

যায় । দেখিতে পাওয়া যায় যে, বাণিজ্য করিলে প্রচুর অর্থ-
গম হইবে বিবেচনায় বাণিজ্যে অর্থ নিযুক্ত করিয়া লোকে
সর্বস্বান্ত হয় । অঙ্গ প্রয়োগ দ্বারা আরোগ্য লাভ হইবে
বিবেচনায় অঙ্গ প্রয়োগ করিয়া তাহার ফলে প্রাণ বিয়োগ
হয় । রাজা রাজ্যরক্ষা অভিলাষে যুদ্ধে প্রবৃত্ত হইয়া রাজ্য-
ভ্রষ্ট হন । যে কারণেই হউক উক্ত অবস্থাপন্ন ব্যক্তিদিগের
পক্ষে তত্তৎ কৰ্ম বস্তুগত্যা হিতকর না হইলেও উহা হিতকর
হইবে বিবেচনা করিয়াই তাহারা তাহার অনুষ্ঠান করিয়াছিল
সন্দেহ নাই । অতদূর যাইবারই বা প্রয়োজন কি ? হিতকর
হইবে বিবেচনায় আমরা সকলেই অঙ্গ বিস্তার অহিতকর
কৰ্মের অনুষ্ঠান করিয়া থাকি । প্রত্যক্ষ পরিদৃষ্ট বিষয়ের
অপলাপ করা যাইতে পারে না । অতএব আত্মা কর্তা হইলে
সে কেবল নিজের হিতকর কৰ্মের অনুষ্ঠান করিত, অহিত-
কর কৰ্মের অনুষ্ঠান করিত না, এ আপত্তি অসম্প্রত ।

কেহ কেহ বলেন যে, উপলব্ধি বিষয়েও আত্মার স্বাতন্ত্র্য
নাই । কেন না, চক্ষুরাদি করণ ভিন্ন আত্মা বিষয়োপলব্ধি
করিতে পারে না । অতএব উপলব্ধি বিষয়ে আত্মা চক্ষুরাদি-
করণ-পরতন্ত্র । পরতন্ত্র বলিয়া ইচ্ছা ও অনিচ্ছা বিষয়ের উপ-
লব্ধি করিয়া থাকে । এই মতটী সমীচীন বলা যাইতে পারে
না । কেন সমীচীন বলা যাইতে পারে না, তাহা বুঝিবার
চেষ্টা করা যাইতেছে । আত্মা নিত্যোপলব্ধি স্বরূপ । নিত্য
উপলব্ধি সর্বদাই আছে, তাহার হেতুর অপেক্ষা নাই । জন্য
উপলব্ধি চক্ষুরাদি করণ সাপেক্ষ বটে । কেন না, কোন
একটী বিষয় অবলম্বনেই জন্য উপলব্ধি অর্থাৎ রূপাদি জ্ঞান

হইয়া থাকে । জন্য উপলব্ধি হইতে হইলেই তাহার কোন বিষয় থাকিবে, যাহার বিষয় নাই, তাদৃশ অর্থাৎ নির্বিষয় জন্য উপলব্ধি হইবে ইহা অসম্ভব । চক্ষুরাদি করণ উপলব্ধির বিষয় উপস্থিত করিয়া দিয়া উপলব্ধির সহায়তা করিলেও উপলব্ধি বিষয়ে আত্মার স্বাতন্ত্র্যের কোন হানি হইতে পারে না । আত্মা চৈতন্য স্বরূপ বলিয়া উপলব্ধি বিষয়ে আত্মার স্বাতন্ত্র্য অপ্রতিহত ।

“সহায় সম্পন্ন হইয়া যিনি কৰ্ম্ম করিতে সক্ষম, তিনিই কৰ্ত্তা । কৰ্ত্তা সহায়ের অপেক্ষা করে বলিয়া তাহার স্বাতন্ত্র্য নাই, ইহা বলা সম্ভব নহে । দেখিতে পাওয়া যায় যে, যাহার যে বিষয়ে স্বাতন্ত্র্য আছে, সে ইচ্ছা করিলে সহায় সম্পন্ন হইয়া তাহা করিয়া থাকে । সুপকার বা পত্না অগ্নি, জল, পাচ্য বস্তু, পাকস্থালী প্রভৃতি উপকরণ সমাহৃত করিয়া পাক করে । কুস্তকার যুতিকাদি সহকারী কারণের সমাহরণ করিয়া কুস্ত নির্মাণ করে । স্বর্ণকার স্বর্ণাদি আহরণ করিয়া কুণ্ডলাদি অলঙ্কার প্রস্তুত করে । ঐরূপ সহায় অপেক্ষা করে বলিয়া “পত্না পাকের, কুস্তকার কুস্তের এবং স্বর্ণকার কুণ্ডলের কৰ্ত্তা নহে, ঐরূপ বলিলে অনায়াস হইবে । সুসীমাগণ স্মরণ করিবেন যে, চক্ষুরাদি ইন্দ্রিয় রূপাঢ্যাকার বৃত্তির জন্য অর্থাৎ জন্য উপলব্ধির বিষয়ের উপস্থাপনের জন্য অপেক্ষিত, ইহা প্রতীতিসিদ্ধ । সহায় অপেক্ষা করিলেই যদি স্বাতন্ত্র্য পরিলভ্য হয়, তাহা হইলে ঈশ্বর কৰ্ম্মাদি সাপেক্ষ হইয়া সৃষ্টি করেন বলিলে তাঁহারও স্বাতন্ত্র্য থাকিতে পারে না । ঈশ্বরও যদি স্বতন্ত্র না হন, তাহা হইলে স্বতন্ত্রতা আকাশকুসুমের ন্যায় অলীক পদার্থ

হইয়া পড়ে । ফলত সহায়ের অপেক্ষা না করা স্বাভাব্য নহে । কিন্তু যিনি করণাদি কারকের প্রয়োক্তা অথচ স্বয়ং অপর কারক কর্তৃক প্রযুক্ত হন না, তাঁহাকেই স্বতন্ত্র বলা যায় ।

উদাহরণের সাহায্যে বিষয়টি বিশদ করিবার চেষ্টা করা যাইতেছে । পাক্তা পাকক্রিয়া সম্পন্ন করে । স্থালী, কাষ্ঠ, জল, পাচ্যবস্তু, পাকক্রিয়ার প্রধান সহায় । পাচ্যবস্তু জল-সংযোগে স্থালীতে স্থাপন করিয়া কাষ্ঠ জ্বালিয়া অগ্নির তাপে পাক করা হইয়া থাকে । এস্থলে স্থালী অধিকরণ কারক, কাষ্ঠ ও অগ্নি করণকারক, পাচ্যবস্তু কৰ্ম্মকারক এবং পাক্তা কর্তৃকারক । কারক কি না ক্রিয়ার নিমিত্ত । এ কারকগুলি ভিন্ন পাকক্রিয়া হইতে পারে না । অতএব ঐগুলি পাকক্রিয়ার নিমিত্ত । তন্মধ্যে পাক্তা, স্থালী প্রভৃতি অপরাপর কারকগুলির প্রয়োক্তা, কিন্তু স্থালী প্রভৃতি অপরাপর কারকগুলি কর্তার প্রয়োক্তা নহে । সুতরাং ঐ সকল কারকের মধ্যে কর্তা স্বতন্ত্র, করণাদি অপরাপর কারক স্বতন্ত্র নহে, তাহারা কর্তৃপরতন্ত্র । অতএব উপলব্ধির বিষয়ের উপস্থিতির জন্য চক্ষুরাদিকরণের সাহায্য অপেক্ষিত হইলেও উপলব্ধি বিষয়ে আত্মার স্বাভাব্যের কোন হানি হয় না । সহায় অপেক্ষা আছে বলিয়া উপলব্ধি বিষয়ে আত্মার স্বাভাব্য নাই, ইহা বলিলে, কৰ্ম্মানুষ্ঠানে দেশ কালাদি নিমিত্তের অপেক্ষা আছে বলিয়া কৰ্ম্মানুষ্ঠান বিষয়ে আত্মার স্বাভাব্য নাই, ইহাও অনায়াসে বলা যাইতে পারে । ফলত সহায়ের অপেক্ষা স্বাভাব্য নহে । স্বাভাব্য কি, তাহা পূর্বেই বলিয়াছি । ঐ স্বাভাব্য সাহায্যাপেক্ষার বিরোধী নহে । প্রত্যুত অনুকূল । কেন না,

ক্লারকান্তর অপেক্ষিত না হইলে কর্তা কাহার প্রযোক্তা হইবে ? অতএব সহায়ের অপেক্ষা ও স্বাতন্ত্র্য এই উভয়ের কিছুমাত্র বিরোধ নাই ।

আত্মা কর্তা ইহা প্রতিপন্ন হইল । এখন জিজ্ঞাস্য এই যে, আত্মার কর্তৃত্ব স্বাভাবিক কি ঔপাধিক ? অর্থাৎ কর্তৃত্ব আত্মার স্বভাব, অথবা কর্তৃত্ব আত্মার স্বাভাবিক ধর্ম্য নহে ; উহা উপাধি প্রযুক্ত আগন্তুক ধর্ম্য ! মীমাংসক ও নৈয়ায়িক প্রভৃতি আচার্য্যগণের মতে কর্তৃত্ব আত্মার স্বাভাবিক ধর্ম্য, উহা উপাধিসংবন্ধকারিত আগন্তুক বা ঔপাধিক ধর্ম্য নহে । তাঁহারা বিবেচনা করেন যে, শাস্ত্রের অর্থবত্বাদি হেতু বলে আত্মার কর্তৃত্ব সিদ্ধ হয় । স্বাভাবিক কর্তৃত্ব সম্ভব হইলে তাহার ঔপাধিকত্ব কল্পনা করা সম্ভব হয় না । বাধক প্রমাণ থাকিলে কর্তৃত্ব ঔপাধিক বলা যাইতে পারে বটে, কিন্তু আত্মার কর্তৃত্ব স্বাভাবিক হইতে পারে না, ইহা সমর্থন করিতে পারা যায়, এরূপ কোন বাধক প্রমাণ নাই ।

বেদান্তমতে আত্মার কর্তৃত্ব স্বাভাবিক নহে । উহা উপাধি-নিমিত্ত । বৈদান্তিক আচার্য্যেরা বিবেচনা করেন যে, ব্রহ্ম নিত্যশুদ্ধ নিত্যবুদ্ধ নিত্যমুক্তস্বভাব ইহা বেদান্তে অর্থাৎ উপনিষদে ভূয়োভূয়ঃ শ্রুত হইয়াছে । জীব ব্রহ্ম স্বরূপ, ব্রহ্ম হইতে অতিরিক্ত নহে, ইহাও পুনঃ পুনঃ শ্রুত হইয়াছে । অধিক কি, জীব ব্রহ্মের একত্বই বেদান্তশাস্ত্রের মুখ্য প্রতিপাদ্য । ব্রহ্ম উদাসীন এবং কূটস্থ অর্থাৎ সমস্ত নিকার পরিবর্জিত ইহাও শাস্ত্রসিদ্ধ । যদি তাহাই হইল, তবে আত্মার কর্তৃত্ব স্বাভাবিক হইতে পারে না, ইহা স্বধীদিগকে বলিয়া

দিতে হইবে না । অতএব বাধ্য হইয়া বলিতে হইতেছে যে, আত্মার কর্তৃত্ব উপাধি নিমিত্ত ।

বস্তু স্বভাব পর্যালোচনা করিলে আত্মার কর্তৃত্ব স্বাভাবিক হইতে পারে না ইহা বলা হইল । পক্ষান্তরে আত্মার কর্তৃত্ব স্বাভাবিক, ইহা বলিতে পারা যায় না তাহার কারণও বিদ্যমান আছে । অর্থাৎ কর্তৃত্ব যে স্বাভাবিক ইহার সাধক প্রমাণ নাই । অধিকন্তু বাধক প্রমাণ আছে । তাহা এই । জীবের কর্তৃত্ব স্বাভাবিক হইলে জীবের মুক্তি হইতে পারে না । মুক্তি কি না সমস্ত দুঃখের সম্পর্কবিরহিত পরমানন্দ অবস্থা । কর্তৃত্ব আত্মার স্বভাব হইলে স্বভাবের উচ্ছেদ অসম্ভব বলিয়া মুক্তি অবস্থাতেও আত্মার কর্তৃত্ব বিলুপ্ত হইতে পারে না । পক্ষান্তরে মুক্তি অবস্থাতে কর্তৃত্ব বিলুপ্ত হইলে কর্তৃত্ব আত্মার স্বভাব হইতে পারে না । কর্তৃত্ব আত্মার স্বভাব হইলে এবং মুক্তি অবস্থাতে কর্তৃত্বের উচ্ছেদ স্বীকার করিলে একরাত্তরে জীবের বিনাশ স্বীকার করা হয় । কারণ, যাহা যাহার স্বভাব, তাহার নাশ না হইলে তাহার অর্থাৎ স্বভাবের উচ্ছেদ হওয়া অসম্ভব । কিন্তু মুক্তি অধস্যে কর্তৃত্ব থাকিলে উহাকে মুক্তি অবস্থাই বলা যাইতে পারে না । কেন না, কর্তৃত্ব দুঃখস্বরূপ । এতদ্বারাও প্রতিপন্ন হইতেছে, যে, জীবের কর্তৃত্ব স্বাভাবিক নহে । উহা উপাধিক ।

আপত্তি হইতে পারে যে, আত্মা বোধস্বরূপ অর্থাৎ জ্ঞানস্বভাব । কিন্তু মুক্তি অবস্থাতে জ্ঞেয় বিষয় থাকে না অথচ তৎকালেও আত্মার জ্ঞানস্বভাবের কোন ব্যাঘাত হয়

না । সেইরূপ আত্মা কর্তৃস্বভাব হইলে এবং যুক্তি অবস্থায় আত্মার ক্রিয়াবেশ না থাকিলেও তৎকালে আত্মাকে অকর্তা বলা যাইতে পারে না । অতএব যুক্তি অবস্থায় বিষয়জ্ঞান না থাকিলেও যেমন আত্মাকে জ্ঞানস্বভাব বলা হয়, সেইরূপ তৎকালে আত্মার ক্রিয়াবেশ না থাকিলেও আত্মাকে কর্তৃস্বভাব বলা যাইতে পারে । এতদ্ব্যতীত বক্তব্য এই যে, আত্মা নিত্যবোধস্বভাব ইহা শ্রুতিসিদ্ধ । সুতরাং দগ্ধব্য সম্পর্ক না থাকিলেও যেমন বহির দগ্ধস্বভাবের কোন ব্যাঘাত হয় না । কেন না বহিঃ দগ্ধস্বভাব ইহা প্রমাণসিদ্ধ । সেইরূপ জ্ঞেয় সম্পর্ক না থাকিলেও আত্মার জ্ঞানস্বভাবের কোন ব্যাঘাত হইতে পারে না । কেন না আত্মা জ্ঞানস্বভাব ইহা প্রমাণ সিদ্ধ । বোধের ন্যায় কর্তৃত্ব আত্মার স্বভাব ইহা শ্রুতিসিদ্ধ বা প্রমাণান্তরসিদ্ধ হইলে ক্রিয়া সম্পর্ক না থাকিলেও আত্মার কর্তৃস্বভাবের কোন হানি হয় না, এরূপ বলিতে পারা যাইত । কিন্তু আত্মা কর্তৃস্বভাব ইহা শ্রুতিসিদ্ধও নহে প্রমাণান্তর-সিদ্ধও নহে । প্রত্যুত আত্মার কর্তৃস্বভাব শ্রুতিবিরুদ্ধ । কারণ, আত্মা উদাসীন ও কূটস্থ ইহা শ্রুতিতে পুনঃ পুনঃ কথিত হইয়াছে । উদাসীন এবং কূটস্থের কর্তৃত্ব অত্যন্ত অসম্ভব । কেন না, কর্তার অবশ্য ক্রিয়ার সহিত সংবন্ধ থাকিবে । লোকে দেখিতে পাওয়া যায় যে, ক্রিয়ার সহিত যাহার সংবন্ধ আছে সে কর্তা বলিয়া অভিহিত হয়, ক্রিয়ার সহিত যাহার সংবন্ধ নাই সে কর্তা বলিয়া অভিহিত হয় না । পাকক্রিয়ার সহিত যাহার সম্পর্ক আছে, তাহাকেই পাককর্তা বলা হয় । পাকক্রিয়ার সহিত যাহার

সংবন্ধ নাই তাহাকে পাককর্তা বলা হয় না। পাকের উপকরণ সম্পাদনকারীকে উপকরণ সম্পাদনের কর্তা বলা হয় বটে, কিন্তু পাককর্তা বলা হয় না। এই অন্বয় ব্যতিরেক দ্বারা স্থির হইতেছে যে, ক্রিয়াবেশ না হইলে কর্তৃত্ব হয় না ক্রিয়াবেশ-বশতই কর্তৃত্ব হইয়া থাকে। অতএব আত্মা কর্তৃস্বভাব হইলে মুক্তি অবস্থাতেও আত্মার ক্রিয়াবেশ স্বীকার করিতে হয়। কেন না মুক্তি অবস্থাতে আত্মার স্বভাবের ব্যতিক্রম হইতে পারে না। অথচ ক্রিয়াবেশ ভিন্ন কর্তৃত্ব থাকিতে পারে না। পক্ষান্তরে মুক্তি অবস্থায় ক্রিয়াবেশ থাকিলে তাহাকে মুক্তি অবস্থাই বলিতে পারা যায় না। কেন না, ক্রিয়া দুঃখরূপ। মুক্তি কিন্তু সমস্ত দুঃখবিরহিত পরম আনন্দ অবস্থা। সুধীগণ ইহাও স্মরণ করিবেন যে, উদাসীন এবং কূটস্থ আত্মার ক্রিয়াবেশ কোন মতেই হইতে পারে না। অতএব অবশ্য বলিতে হইতেছে যে, আত্মার কর্তৃত্ব এবং ক্রিয়াবেশ উপাধিক। কেন না, উপাধির ক্রিয়াবেশ অনায়াসে হইতে পারে এবং তদ্বারা আত্মাতেও তাহার অধ্যাস হওয়া সম্ভবপর। জ্বা-কুসুমের লোহিত্য দ্বারা যেমন স্ফটিকমাণ লোহিত হয় উপাধির ক্রিয়াবেশ দ্বারা সেইরূপ আত্মার ক্রিয়াবেশ হয়। মুক্তি অবস্থাতে আত্মার উপাধি সম্পর্ক থাকে না, সুতরাং তৎকালে ক্রিয়াবেশও থাকিতে পারে না। মুক্তি অবস্থাতে ক্রিয়াবেশ থাকে না কিন্তু আত্মা থাকে। অতএব সিদ্ধ হইতেছে যে, আত্মার কর্তৃত্ব স্বাভাবিক নহে উপাধিক।

বিষয় সম্পর্ক ভিন্ন জ্ঞান লোকে দেখিতে পাওয়া যায় না বটে, কিন্তু ঐ জ্ঞান বৃত্তিজ্ঞান, উহা নিত্য চৈতন্যস্বরূপ

জ্ঞান নহে । বৃত্তি জ্ঞানের বিষয় সম্পর্ক অবর্জনীয় হইলেও নিত্য চৈতন্যস্বরূপ জ্ঞান বিষয়সম্পর্কযুক্ত নহে । উহা চৈতন্য মাত্র । চক্ষুরাদি করণ দ্বারা জ্ঞানের বিষয় নিয়মিত হয় অর্থাৎ চক্ষুরাদি করণ দ্বারা অন্তঃকরণের বিষয়বিশেষ-নিয়ন্ত্রিত বৃত্তি হইয়া থাকে । ঐ বৃত্তি চৈতন্য-প্রদীপ্ত হইলে বিষয়বিশেষের জ্ঞান সম্পন্ন হয় । আত্মা বৃত্তিজ্ঞান স্বভাব নহে । নিত্য চৈতন্যস্বরূপ জ্ঞান আত্মার স্বভাব । বৃত্তিজ্ঞান একং চৈতন্যাত্মক জ্ঞানের মধ্যে স্বর্গমর্ত্য প্রভেদ বলিলে অতু্যক্তি হয় না । এসমস্ত বিষয় স্থানান্তরে আলোচিত হইয়াছে, অনাবশ্যক বিবেচনায় এস্থলে তাহার পুনরালোচনা করা হইল না ।

শৈবাচার্য্যদিগের মতে আত্মার কর্তৃত্ব স্বাভাবিক । তাঁহাদের মতে ক্রিয়ানুকূল শক্তিই কর্তৃত্ব । ঐ শক্তি আত্মাতে আছে । এই জন্য আত্মা কর্তৃত্বস্বভাব ইহা প্রস্তাবান্তরে কথিত হইয়াছে । শৈবাচার্য্যদিগের মতে শক্তি অবস্থাতেও আত্মার ঐ শক্তি অব্যাহত থাকে বলিয়া আত্মা-কর্তৃত্বস্বভাব । শৈবাচার্য্যদিগের এ কল্পনা অসঙ্গত । কেন অসঙ্গত, তাহার আলোচনা করা যাইতেছে । প্রথমত আত্মা অসঙ্গ বলিয়া আত্মাতে কোন শক্তি আদৌ থাকিতে পারে না । দ্বিতীয়ত আত্মা কূটস্থ এবং উদাসীন বলিয়া আত্মার ক্রিয়াবেশ নাই ইহা পূর্বেই বলিয়াছি । আত্মার ক্রিয়াবেশ না থাকিলে আত্মাতে ক্রিয়াক্রান্তি থাকিতে পারে না । কেন না, শক্তি নির্নিয়ম হইতে পারে না । শক্তি বিষয়বিশেষ-নিয়ন্ত্রিত হইবে । কোন বিষয় নাই, অথচ শক্তি আছে, ইহা অসম্ভব ।

আরও বিবেচনা করা উচিত যে, শক্তি—শক্ত ও শক্যের সহিত সংবন্ধ হইবে । যাহার শক্তি, তাহার নাম শক্ত । শক্তি যে কার্য্য সম্পন্ন করে, ঐ কার্য্যের নাম শক্য । অর্থাৎ যাহার শক্তি এবং যে বিষয়ে শক্তি, ঐ উভয়ের সহিত শক্তির সংবন্ধ অবশ্য থাকিবে । তাহা না হইলে ইহা অমুক শক্তি ইহা অমুক শক্তি নহে, একথা বলা যাইতে পারে না । যে কোন একটী শক্তিকে জগতে নিখিল কার্য্যজনক শক্তি বলা যাইতে পারে । উদাহরণের সাহায্যে কথাটী বুঝিবার চেষ্টা করা যাইতেছে । যাহারা বলেন, আত্মার ক্রিয়াশক্তি আছে, তাঁহাদের মতে ক্রিয়াশক্তির সহিত ক্রিয়ার কোনরূপ সংবন্ধ অঙ্গীকৃত না হইলে ঐ শক্তিকে যেমন ক্রিয়াশক্তি বলা হয়, সেইরূপ জ্ঞান-শক্তি, সৃষ্টিশক্তি, সংহারশক্তি প্রভৃতি সমস্ত শক্তিই বলা যাইতে পারে । কেন না, জ্ঞান, সৃষ্টি ও সংহার প্রভৃতি কার্য্যের সহিত যেমন ঐ শক্তির সংবন্ধ নাই, ক্রিয়ার সহিতও সেইরূপ ঐ শক্তির কোন সংবন্ধ নাই । সুতরাং উহা ক্রিয়া-শক্তি, জ্ঞানাদি শক্তি নহে, এরূপ বলিবার কোন হেতু নির্দেশ করিতে পারা যায় না । যুদ্ধিকাতে ঘট শক্তি আছে, তন্তুতে পটশক্তি আছে, বীজে অঙ্কুর শক্তি আছে, তিলে তৈলশক্তি আছে, ইত্যাদি রূপে বিশেষ বিশেষ কারণে বিশেষ বিশেষ শক্তি সর্বলোক প্রসিদ্ধ । শক্যের সহিত শক্তির সংবন্ধ না থাকিলে ঐরূপ নিয়ম কিছুতেই হইতে পারে না । এই জন্য পূর্বাচার্য্যেরা বলিয়াছেন যে, উপাদান কারণে সূক্ষ্মরূপে কার্য্য অবস্থিত । যুদ্ধিকাতে ঘট, তন্তুতে পট, বীজে অঙ্কুর, তিলে তৈল সূক্ষ্মরূপে অবস্থিত আছে । এই জন্য

মৃত্তিকাতে ঘটশক্তি, তন্তুতে পটশক্তি, বীজে অঙ্কুর শক্তি ও তিলে তৈলশক্তি আছে ইহা বলিতে পারা যায় । কেন না, মৃত্তিকাদিতে ঘটাদি সূক্ষ্মরূপে আছে বলিয়া মৃত্তিকাগত শক্তির মৃত্তিকা ও ঘট এই উভয়ের সহিত সংবন্ধ রহিয়াছে । মৃত্তিকাতে পট তন্তুতে ঘট সূক্ষ্মরূপে নাই বলিয়া পটের সহিত মৃত্তিকাগত শক্তির এবং ঘটের সহিত তন্তুগত শক্তির সংবন্ধ নাই । এই জন্য মৃত্তিকাতে পট শক্তি এবং তন্তুতে ঘট শক্তি নাই, ইহা বুঝিতে পারা যায় । শস্যের সহিত শক্তির সংবন্ধ না থাকিলে শক্তি-সঞ্চার-প্রসঙ্গ অনিবার্য হইয়া পড়ে । অর্থাৎ যে কোন একটা শক্তিকে সমস্ত শক্তি বলা যাইতে পারে । ঘটশক্তিকে পটশক্তি এবং পটশক্তিকে ঘটশক্তি বলিবার কোন বাধা থাকিতে পারে না ।

ছান্দোগ্য উপনিষদের একটা আখ্যায়িকাতে কারণে সূক্ষ্মরূপে কার্যের অবস্থিতি কথিত হইয়াছে । আখ্যায়িকাটির ঐ অংশটি এইরূপ । পিতা অর্কিণ পুত্র শ্বেতকেতুকে কহিলেন, হে প্রিয়দর্শন, একটা ন্যগ্রোধ ফল অর্থাৎ বট বৃক্ষের একটা ফল এখানে আনিয়ন কর । পুত্র ন্যগ্রোধ ফল আনিয়ন করিলে পিতা বলিলেন যে ঐ ফলটি ভগ্ন কর । পিতার আজ্ঞাক্রমে পুত্র ফলটি ভগ্ন করিলে পিতা জিজ্ঞাসা করিলেন ফল মধ্যে কি দেখিতেছ ? পুত্র বলিলেন, হে ভগবন্, সূক্ষ্ম সূক্ষ্ম ধানা দৃষ্ট হইতেছে । পিতা বলিলেন একটা ধানা ভগ্ন কর । পুত্র তাহা করিলে পিতা পুনরপি জিজ্ঞাসা করিলেন ধানার মধ্যে কি দেখিতেছ ? পুত্র বলিলেন কিছু না অর্থাৎ ধানার মধ্যে কিছুই দেখা যাইতেছে

না । পিতা বলিলেন, হে প্রিয়দর্শন, অতি সূক্ষ্ম বলিয়া তুমি দেখিতে পাইতেছ না বটে, কিন্তু এই সূক্ষ্ম ধানার মধ্যে এই মহান ন্যগোধ বৃক্ষ অবস্থিত রহিয়াছে ।

পাশ্চাত্য মনীষীগণও উপাদান কারণে সূক্ষ্মরূপে কার্যের অবস্থিতি স্বীকার করিয়াছেন । সে যাহা হউক, মুক্তি অবস্থাতে জীবের ক্রিয়াশক্তি থাকিলে ক্রিয়াও অবশ্য থাকিবে । কেন না, ক্রিয়া না থাকিলে ক্রিয়া শক্তি থাকিতেই পারে না, ইহা পূর্বেই বলিয়াছি । ক্রিয়া থাকিলে ক্রিয়াবেশ, এবং ক্রিয়ার উদ্ভব অপরিহার্য ।

বলা যাইতে পারে যে, মুক্তি অবস্থাতে জীবের কর্তৃ-শক্তি থাকিলেও কর্তৃশক্তির কার্য পরিহার দ্বারা মুক্তি হইতে পারে । কার্যের বা ক্রিয়ার নিমিত্ত পরিহার করিলেই কার্যের পরিহার সম্ভবপর । দেখিতে পাওয়া যায় যে, অগ্নির দহন শক্তি থাকিলেও দাহ কাষ্ঠ পরিহার করিলে দাহ ক্রিয়া হয় না । এতদ্ব্যতীত বক্তব্য এই যে, প্রকৃত-স্থলে নিমিত্ত পরিহার অসম্ভব । শক্য ভিন্ন শক্তির অবস্থিতি হয় না, ইহা পূর্বে বলিয়াছি । অতএব শক্তি যেমন কার্যের আক্ষেপক, সেইরূপ নিমিত্তেরও আক্ষেপক হইতে পারে । শক্তির অবস্থিতিতে শক্যের সমুদ্ভব অবশ্যস্বাভাবী । নিমিত্ত ভিন্ন শক্যের সমুদ্ভব হইতে পারে না বলিয়া নিমিত্ত সমাবেশ অপরিহার্য । বিবেচনা করা উচিত যে, কাষ্ঠের পরিহার করিয়া কিঞ্চিৎ কালের জন্য দাহ ক্রিয়ার সমুদ্ভব প্রতিরুদ্ধ করিতে পারা যায় বটে । চিরকালের জন্য পারা যায় না । কোম না কোন সময়ে অগ্নির সহিত কাষ্ঠের সংযোগ এবং

দাহ ক্রিয়ার সমুদ্ভব হইবেই হইবে । মৃত্তকরও সেইরূপ কোন্‌ না কোন সময়ে ক্রিয়াবেশ হইতে পারে ।

যদি বলা হয় যে, মনুষ্য যেমন কর্ম্মদ্বারা দেবভাব প্রাপ্ত হয়, সেইরূপ কর্তৃত্বভাব জীবের শাস্ত্রায শ্রবণ মননাদি উপায় দ্বারা অকর্তৃত্বভাব হইবে । তাহা হইলে বক্তব্য এই যে, যদি তাহাই হয়, তবে কর্তৃত্ব জীবের স্বভাব হইতে পারে না । কেন না, জীব বিগ্ৰহমান থাকিতেও কর্তৃত্বভাব অর্পিত হইয়া অকর্তৃত্বভাব প্রাপ্ত হইলে কিরূপে কর্তৃত্বভাব জীবের স্বভাব হইতে পারে ? স্বভাবের সমুচ্ছেদ হয় না, ইহা পূর্বে বলিয়াছি । বস্তুগত্যা মোক্ষ—শ্রবণ মননাদি সাধ্য, ইহা বৈদান্তিক আচার্য্যগণ স্বীকার করেন না । তাহার বিবেচনা করেন যে, বাহ্য কোন অনুষ্ঠানসাধ্য বা প্রযত্ন সাধ্য, তাহা অনিত্য বা বিনাশী হইবে । মোক্ষ বিনাশী হইলে স্বর্গপ্রাপ্তিদিগের যেমন সময়ান্তরে পতন অবশ্যস্তাবী, মোক্ষপ্রাপ্তিদিগের অর্থাৎ মৃত্তক পূরুষেরও সেইরূপ পুনঃ সংসার অবশ্যস্তাবী হইয়া পড়ে । বেদান্তমতে মৃত্তিক আত্ম স্বরূপ । আত্মার উৎপত্তি বিনাশ নাই, স্তবরাং মৃত্তিকরও উৎপত্তি বিনাশ নাই । আত্মা নিত্যপ্রাপ্ত । তাহার অভিনব প্রাপ্তিও নাই । দেখিতে পাওয়া যায় যে, স্বর্গহার কণ্ঠস্থিত থাকিলেও সময় বিশেষে ভ্রম বশত উহা অপহৃত বা পরিভ্রষ্ট বলিয়া বোধ হয়, ঐ অবস্থায় কোন মহাজন যদি বলিয়া দেন যে, তোমার স্বর্গহার অপহৃত বা পরিভ্রষ্ট হয় নাই তোমার কণ্ঠেই রহিয়াছে ভ্রমবশত তুমি উহা অপহৃত বা পরিভ্রষ্ট হইয়াছে বলিয়া বোধ করিতেছ ।

তখন ঐ মহাজনের বাক্য শুনিয়া প্রথমোক্ত ব্যক্তি সর্গ-
হার প্রাপ্ত হইল বলিয়া বোধ করে । প্রকৃতস্থলেও আত্মা
নিত্য প্রাপ্ত হইলেও ভ্রম বশত জীব তাহাকে অপ্রাপ্ত বলিয়া
বোধ করে এবং গুরুর উপদেশ অনুসারে শ্রবণ মননাদি
দ্বারা তাহার প্রাপ্তি হইল বলিয়া বিবেচনা করে । বস্তুগত্যা
শ্রবণ মননাদি মুক্তির হেতু নহে । উহা ভ্রমাপনয়নের হেতু
মাত্র । মণি যেমন আবৃত অবস্থাতেও স্বপ্রকাশ, আবরণ
অপসারিত হইলে তাহার স্বাভাবিক প্রকাশ পরিলক্ষিত হয়,
আত্মাও সেইরূপ সংসার অবস্থাতেও স্বপ্রকাশ ও নিত্যমুক্ত ।
অবিচার আবরণ অপসারিত হইলে জীবের পক্ষে তাহা
প্রত্যক্ষ পরিলক্ষিত হয় মাত্র । মণির প্রভা যেমন পুরুষ
প্রযত্ন সাধ্য নহে, মুক্তিও সেইরূপ পুরুষ প্রযত্নসাধ্য নহে ।
অতএব কৰ্ম্মবিশেষের অনুষ্ঠান দ্বারা মনুষ্য জীবের যেমন
দেবতাব প্রাপ্তি হয়, শ্রবণ মননাদির অনুষ্ঠান দ্বারা কর্তৃ-
স্বভাব জীবের সেইরূপ এককর্তৃত্বরূপ মুক্তি হইবে, এ কল্পনা
অসঙ্গত ।

আরও বিবেচনা করা উচিত যে, নিত্যশুদ্ধ, নিত্য
বুদ্ধ, নিত্যমুক্ত, পরমানন্দস্বরূপ আত্মার সাক্ষাৎকার দ্বারা
মোক্ষলাভ হয়, ইহা বেদান্ত শাস্ত্রের উপদেশ । আত্মার
কর্তৃত্ব স্বাভাবিক হইলে তাদৃশ আত্মজ্ঞান হইতেই পারে না ।
কেন না, কর্তৃত্ব দুঃখরূপ ইহা পূর্বের কথিত হইয়াছে । কর্তৃত্ব
আত্মার স্বভাব হইলে আত্মাকে নিত্যশুদ্ধ নিত্যমুক্ত ও
পরমানন্দস্বরূপ বলিয়াহঁতে পারে না । অতএব আত্মার কর্তৃত্ব
স্বাভাবিক নহে, উহা আধ্যাত্মিক, এই বেদান্তসিদ্ধান্ত সর্বথা

সুমৌলীর্ন । শ্রবণ মননাদি সম্পাদ্য তত্ত্বজ্ঞান দ্বারা আত্মার কর্তৃত্ব বিনিবৃত্ত হইবে এবং অকর্তৃত্ব সম্পন্ন হইবে, ইহা বলিতে গেলে কর্তৃত্ব স্বাভাবিক হইতে পারে না । জ্ঞানের দ্বারা যাহার বিনিবৃত্তি হয় তাহা কিরূপে স্বাভাবিক হইতে পারে ? সর্বত্রই দেখা যায় যে, তত্ত্বজ্ঞান অজ্ঞানের বা ভ্রম জ্ঞানের এবং তাহার কার্যের নিবর্তক হইয়া থাকে । রজ্জুতে সর্প ভ্রম হইলে ভয় ও গাত্ত্ব কম্পাদি উপস্থিত হয় । রজ্জু তত্ত্বজ্ঞান হইলে সর্প ভ্রম এবং তাহার কার্য ভয়কম্পাদি বিনিবৃত্ত হয় । আত্মতত্ত্ব জ্ঞান দ্বারা আত্মার কর্তৃত্ব বিনিবৃত্ত হইলে ঐ কর্তৃত্ব ভ্রম জ্ঞানের কার্য, ইহা অবশ্য বলিতে হইতেছে । কেন না, উহা ভ্রমজ্ঞানের কার্য না হইলে তত্ত্বজ্ঞান দ্বারা তাহার নিবৃত্তি হইতে পারে না । অতএব বলিতে হইতেছে যে, আত্মার কর্তৃত্ব আধ্যাত্মিক । অধ্যাত্ম ভ্রমজ্ঞানের নামান্তর মাত্র । এতদ্বারাও সিদ্ধ হইতেছে যে আত্মাতে উপাধি ধর্মের অধ্যাস নিবন্ধন আত্মার কর্তৃত্ব । অতএব উহা স্বাভাবিক নহে । স্তত্রাং আত্মার কর্তৃত্ব আবিদ্যক । অধ্যাস ও আবিদ্যা এক কথা । পূজ্যপাদ ভগবান্ শঙ্করাচাৰ্য্য বলিয়াছেন—

তমীতমিৎলক্ষণামধ্যাসং পণ্ডিতা অবিদ্যা ইতি মন্যন্তে ।

অর্থাৎ অধ্যাসকেই পণ্ডিতেরা অবিদ্যা বিবেচনা করেন । দেহে আত্মাভিমান বশত অনুজ্ঞা পরিহারের উপপত্তি প্রস্তাবান্তরে সমর্থিত হইয়াছে । তদ্বারাও বুঝিতে পারা যায় যে, কর্তৃত্ব আধ্যাত্মিক, স্বাভাবিক নহে । শাস্ত্র অনুসারেও উপাধি সম্পর্ক বশতই আত্মার কর্তৃত্ব প্রতিপন্ন হয় । শ্রুতি বলিয়াছেন—

আত্মেন্দ্রিয়মনীয়ুক্তা ভীক্তিত্যাহুর্মনীষিণাঃ ।

বিদ্বান্গণ ইন্দ্রিয় ও মনঃসংযুক্ত আত্মাকে ভোক্তা বলেন । এই শ্রুতিতে আত্মার ভোক্তৃত্ব উপাধি সম্পর্কধীন এতন্মাত্র কথিত হইয়াছে বটে, পরন্তু যিনি ভোক্তা তিনিই কর্তা, একজন ভোক্তা অন্যজন কর্তা, ইহা হইতে পারে না । ইহা প্রতিপন্ন হইয়াছে । অতএব উপাধিসংযুক্ত আত্মার ভোক্তৃত্ব বলাতেই উপাধিসংযুক্ত আত্মার কর্তৃত্ব, ইহাও প্রকারান্তরে বলা হইয়াছে । এই জন্য আত্মার বস্তুগত্যা কর্তৃত্ব নাই, ইহা শ্রুতান্তরে প্রতিপাদিত হইয়াছে । যথা, —

অযতীব লীলায়তীব ।

অর্থাৎ আত্মা যেন ধ্যান করে যেন চলিত হয় । এই শ্রুতিতে ‘ইব’ শব্দ প্রয়োগদ্বারা প্রকৃতপক্ষে আত্মা ধ্যানাদি করে না, ইহা বুঝাইয়া দেওয়া হইয়াছে । অতএব আত্মা স্বভাবত অকর্তা, উপাধি সম্পর্কবশত কর্তা, এই সিদ্ধান্ত শ্রুতানুসারী ।

সত্য বটে যে, কর্তা ভীক্তা বিজ্ঞানাত্মা পুরুষঃ । অর্থাৎ জীবাত্মা কর্তা ও ভোক্তা এই শ্রুতিতে জীবাত্মার কর্তৃত্ব ও ভোক্তৃত্ব উক্ত হইয়াছে । কিন্তু ঐ কর্তৃত্ব ভোক্তৃত্ব যে স্বাভাবিক নহে, উপাধিক মাত্র, তাহা, আত্মেন্দ্রিয়মনীয়ুক্তা ভীক্তিত্যাহুর্মনীষিণা এই শ্রুতিতেই স্পষ্ট ভাষায় বুঝাইয়া দেওয়া হইয়াছে । অতএব আত্মার কর্তৃত্ব বোধক শাস্ত্র এবং আত্মার অকর্তৃত্ব-বোধক শাস্ত্র, এই দ্বিবিধ শাস্ত্রের বিরোধ আপাতত প্রতীয়মান হইলেও বস্তুগত্যা কিছুমাত্র বিরোধ হইতেছে না । কেন না, কর্তৃত্ব-বোধক শাস্ত্র আত্মার উপাধিক

কর্তৃত্ব বুঝাইয়া দিতেছে । অকর্তৃত্ব বোধকশাস্ত্র আত্মার স্বাভাবিক কর্তৃত্ব নাই, ইহা প্রতিপাদন করিতেছে । স্বাভাবিক অকর্তৃত্ব এবং ঔপাধিক কর্তৃত্ব এ উভয় পরস্পর বিরুদ্ধ হইতে পারে না । আকাশের স্বাভাবিক অপরিচ্ছেদ ও ঔপাধিক পরিচ্ছেদ এবং স্ফটিকমণির স্বাভাবিক শুভ্রতা অর্থাৎ অলৌহিত্য অথচ ঔপাধিক লৌহিত্য সকলেই নিবিবাদে স্বীকার করেন । ঈয়ালু ব্যক্তি দৈবাৎ মদমত্তাবস্থায় অপরের অন্বিষ্ট করিতে পারেন, কিন্তু অপরের অন্বিষ্ট করা তাহার স্বভাব নহে । উহা মত্ততা নিবন্ধন ঘটিয়াছে মাত্র । অর্থাৎ পরের অন্বিষ্ট তিনি করিয়াছেন সন্দেহ নাই । পরন্তু পরান্বিষ্ট-কারিত্ব তাহার স্বাভাবিক বলা যাইতে পারে না । উহা মত্ততা নিবন্ধন ঘটিয়াছে এইরূপ বলিতে হয় । বলিতে হয় যে, স্বভাবত তিনি পরের অন্বিষ্টকারী নহেন । আত্মার কর্তৃত্ব সংবন্ধেও ঐরূপ বুঝিতে হইবে ।

আর এক কথা । বেদান্ত মতে পরমাত্মার অতিরিক্ত জীবাত্মা নামে কর্তা ভোক্তা চেতনান্তর নাই ।

নান্দ্যোতাস্তি হুয়া ।

অর্থাৎ পরমাত্মার অতিরিক্ত দ্রষ্টা নাই ইত্যাদি শ্রুতিতে স্পষ্টভাষায় চেতনান্তরের প্রতিষেধ করা হইয়াছে । অদ্বৈতবাদে পরমাত্মার অতিরিক্ত পদার্থ নাই ইহা সর্বসম্মত । পরমাত্মা বা ব্রহ্মই যদি জীবাত্মা হইল, তবে জীবের কর্তৃত্ব ঔপাধিক ভিন্ন স্বাভাবিক বলাই যাইতে পারে না ইহা পূর্বেই বলিয়াছি । আপত্তি হইতে পারে যে, পরমাত্মার অতিরিক্ত জীবাত্মা না থাকিলে পরমাত্মাই কর্তা ভোক্তা এবং সংসারী এইরূপ বলিতে

হয় । তাহা কিন্তু সম্ভব হইতে পারে না । কারণ, তাহা হইলে পরমাত্মার নিত্যমুক্তত্ব এবং নিত্যশুদ্ধত্বাদির ব্যাঘাত হয় । এই আপত্তির উত্তর পূর্বেই একরূপ কথিত হইয়াছে । কর্তৃত্ব আধ্যাত্মিক বা আবিদ্যিক ইহা পূর্বে বলিয়াছি । তদ্বারাই উক্ত আপত্তি নিরাকৃত হইয়াছে । কেন না, কর্তৃত্ব ভোক্তৃত্ব অবিদ্যা প্রত্যুপস্থাপিত, বাস্তবিক নহে । রজ্জুর অবিদ্যা অর্থাৎ রজ্জুবিষয়ক অজ্ঞান রজ্জুতে সর্প উপস্থাপিত করে । তা বলিয়া রজ্জু সর্প হয় না । স্তরাং অবিদ্যা পরমাত্মাতে বা ব্রহ্মে কর্তৃত্ব ভোক্তৃত্ব উপস্থাপিত করিলেও রজ্জুগত্যা পরমাত্মা কর্তা ভোক্তা বা সংসারী হন না । শ্রুতি বলিয়াছেন—

যত্র হি হুঁতমিষ ভবতি তদিতর হুতং পশ্যাত ।

অর্থাৎ যখন দ্বৈতের ন্যায় হয় তখন একে অন্যকে দর্শন করিবে । বুঝা যাইতেছে যে, শ্রুতি অবিদ্যাবস্থাতে কর্তৃত্ব ভোক্তৃত্ব প্রভৃতি সমস্ত ব্যবহার প্রদর্শন করিয়াছেন । পরস্পরেই,

যত্র ত্বস্ত্য সর্ব্বমাত্মৈবামুত তন্ কীল কং পশ্যেত ।

অর্থাৎ যখন সমস্ত বস্তু আত্মাই হয় তখন কান্নাহারা কান্নাকে দেখিবে, এইরূপে বিদ্যাবস্থাতে কর্তৃত্ব ভোক্তৃত্ব প্রভৃতি সমস্ত ব্যবহারের বারণ করিতেছেন । যাহাদের মতে প্রাপঞ্চ্যই অবিদ্যা প্রত্যুপস্থাপিত, তাহাদের পক্ষে কর্তৃত্ব ভোক্তৃত্ব অবিদ্যা প্রত্যুপস্থাপিত, ইহা বলাই বাহুল্য ।

স্বধীশ্বর স্মরণ করিবেন যে, বিশ্ব প্রতিবিশ্ব ভাবে পরমাত্মা ও জীবাত্মার ব্যবস্থা কথিত হইয়াছে । ইহাও স্মরণ করিবেন যে, পরমাত্মার প্রতিবিশ্ব ভাবও অবিদ্যা

প্রত্যুপস্থাপিত। তাহা হইলে দাঁড়াইতেছে যে, পরমাত্মার মুক্তি বা সংসার নাই। তিনি নিত্য মুক্ত। পরমাত্মার অতিরিক্ত জীবনামে অপর কোন চেতন নাই। স্তবরাং জীবাত্মার সংসার ও মুক্তি ইহাও বলা যাইতে পারে না। যাহা নাই, তাহার সংসার ও মুক্তি, অজাতপুত্রের নামকরণের ন্যায় অসম্ভব। অবিদ্যা প্রত্যুপস্থাপিত বুদ্ধাদিসংঘাত আছে বটে, পরন্তু বুদ্ধাদিসংঘাতের মুক্তি ও সংসার, ইহাও বলিবার উপায় নাই। কেন না, বুদ্ধাদিসংঘাত অচেতন। সংসার বা মুক্তি অচেতনের হইতে পারে না। সংসার কি না স্বখদুঃখের অনুভব। অনুভব চেতনের ধর্ম। অতএব বলিতে হইতেছে যে, মুক্তি ও সংসার বিশুদ্ধ পরমাত্মারও নহে, বুদ্ধাদি সংঘাতেরও নহে। কিন্তু বুদ্ধাদ্যুপহিত অর্থাৎ অবিদ্যা প্রত্যুপস্থাপিত বুদ্ধাদিরূপ উপাধি সম্পর্কমুক্ত হইয়া জীবতাব প্রাপ্ত আত্মার সংসার ও মুক্তি।

বুদ্ধাদি উপাধি যখন অবিদ্যা প্রত্যুপস্থাপিত, তখন আত্মার জীবতাব যে অবিদ্যাকৃত উহা বাস্তবিক নহে, তাহা আর বলিয়া দিতে হইবে না। বুদ্ধাদি সংঘাত ভিন্ন ভিন্ন। আত্মা একমাত্র। কিন্তু আত্মা এক হইলেও ভিন্ন ভিন্ন বুদ্ধাদি সংঘাতরূপ উপাধির সম্পর্কবশত ভিন্নের ন্যায়, এবং আত্মা বিশুদ্ধ হইলেও অবিশুদ্ধ বুদ্ধাদি সংঘাতরূপ উপাধির সম্পর্কবশত অবিশুদ্ধের ন্যায় প্রতীয়মান হন। ব্রহ্ম সাক্ষাৎকার দ্বারা একটী বুদ্ধাদি সংঘাতরূপ উপাধি অপগত হইলে তাহাতে মুক্তির ন্যায়, অপরাপর বুদ্ধাদি সংঘাতরূপ উপাধিতে বন্ধের ন্যায় প্রতিভাত হন। মুখ এক হইলেও প্রতিবিন্দ্যধার মণি

ও রূপাণাদি রূপ উপাধির ভেদবশত নানার ন্যায়—উপাধির ধর্ম অনুসারে কোথাও দীর্ঘ, কোথাও বর্ত্তূল, কোথাও স্তামল, কোথাও নির্ম্মলরূপে ভাসমান হয়। কোন উপাধি বিগত হইলে তাহার ধর্ম হইতে পরিমুক্ত এবং অন্যত্র উপহিতের ন্যায় প্রতীয়মান হয়। আত্মার সংবন্ধেও ঐরূপ বৃষ্টিতে হইবে। যেরূপ বলা হইল, তাহাতে আত্মার কর্তৃত্ব যে উপাধিক, তাহা বেশ বুঝা যাইতেছে। আর একটি বিষয়ের প্রতি মনোযোগ করিলে উহা আরও বিশদভাবে বৃষ্টিতে পারা যায়। বিষয়টি এই। জ্যোতির্লক্ষণে স্বপ্নান্ত ও বুদ্ধান্ত অবস্থা অর্থাৎ স্বপ্ন ও জাগরিত অবস্থা বিবর্ত্ত করিয়া বক্ষ্যমাণরূপে স্রষ্টি অবস্থার উপন্যাস করা হইয়াছে।

तद्वयथास्मिन् आकाशे श्येनी वा सुपर्णा वा विपरि-
पत्य श्रान्तः संहृत्य पक्षौ सन्नयायैव प्रियते एवंमेवायं
पुरुष एतस्मा अन्ताय धावति ।

অর্থাৎ যেমন ক্ষুদ্র পক্ষী বা বৃহৎ পক্ষী আকাশে বিচরণ করিয়া শ্রান্ত হইয়া পড়ে। যখন শ্রান্তি বশত আর বিচরণ করিতে সক্ষম হয় না, তখন পক্ষদ্বয় সংহত করিয়া বিশ্রামাভিলাষে নিজের কুলায় বা নীড়ের অভিমুখে ধাবমান হয়। সেইরূপ এই পুরুষ অর্থাৎ জীব স্বপ্নান্ত এবং বুদ্ধান্ত অবস্থাতে বিষয় উপভোগ করিয়া যখন শ্রান্ত হইয়া পড়ে, তখন স্রষ্টি অবস্থার জন্য ধাবমান হয়। এইরূপে স্রষ্টি অবস্থার অবতারণা করিয়া স্রষ্টি অবস্থার স্বরূপ নির্দেশ স্থলে বলা হইয়াছে—

यत्र सुप्ती न कञ्चन कामं कामयती न कञ्चन स्वप्नं पश्यति ।

অর্থাৎ স্মৃতি পুরুষ যে অবস্থাতে কোন কাম্য বিষয়ে ইচ্ছা করে না, কোনরূপ স্বপ্নদর্শন করে না, তাহার নাম স্মৃতি অবস্থা । কার্য্যকরণ সংঘাতের সম্পর্ক বশত জাগ্রদবস্থাতে স্পষ্ট বিষয়ের যথাবৎ উপভোগ এবং কেবলমাত্র অন্তঃকরণের সম্পর্ক বশত স্বপ্নাবস্থাতে বাসনাময় বিষয়ের উপভোগ হয় । উভয়বিধ উপভোগ দ্বারা জীব পরিশ্রান্ত হইয়া স্মৃতি অবস্থাতে উপনীত হয় । ঐ অবস্থাতে জীবের কেবল বাহ্য করণের সংহিত নহে, অন্তঃকরণের সহিতও সম্পর্ক বিলীন হয় । সুতরাং স্মৃতি অবস্থাতে বাহ্যকরণ-সাধ্য সূক্ষ্ম বিষয়ের উপভোগ এবং অন্তঃকরণ-সাধ্য সূক্ষ্ম বিষয়ের উপভোগ হয় না । স্মৃতি অবস্থাতে করণ সম্পর্ক পরিমুক্ত হয় বলিয়া জীব তখন স্ব-স্বরূপে অবস্থিত হয় । স্বং দ্ব্যপীণা ভবন্তি অর্থাৎ স্ব-স্বরূপ প্রাপ্ত হয়, এইরূপে ছান্দোগ্যোপনিষদেও স্মৃতি অবস্থায় জীবের স্ব-স্বরূপাপত্তি কথিত হইয়াছে । বলা বাহুল্য যে, পরমাত্মভাব জীবের স্থায়ী রূপ । স্মৃতি অবস্থা নির্দেশ করিয়া জ্যোতির্ব্রাহ্মণে পুনরপি বলা হইয়াছে—

তদ্যথা প্রিয়য়া স্থিযা সম্পরিষ্কী ন বাহ্য' কিস্তন
বিদ নান্দ্রমীর্ষমিবাযং পুরুষঃ প্রাজ্ঞে নাহ্মনা সম্পরিষ্কী ন
বাহ্য' কিস্তন-বিদ নান্দ্রম ।

অর্থাৎ প্রিয়তমা স্ত্রীকর্তৃক সম্যকরূপে আলিঙ্গিত কামুক পুরুষ যেমন তৎকালে বাহ্য বা অন্তর কোন বিষয় জানিতে পারে না, সেইরূপ স্মৃতিকালে জীব পরমাত্মার সহিত একীভূত হয় বলিয়া তৎকালে বাহ্য বা অন্তর কোন বিষয় জানিতে পারে না । স্মৃতি অবস্থার রূপই জীবের স্বরূপ । স্মৃতি

অবস্থার উপসংহার কালে জ্যোতিরীক্ষণেই স্রষ্টি কালীন জীবের স্বরূপ দুঃখশূন্য পরম আনন্দরূপে নির্দেশ করিয়াছেন । জ্যোতিরীক্ষণের তাৎপর্যের প্রতি লক্ষ্য করিলে বুঝিতে পারা যায় যে, স্বপ্ন ও জাগ্রদবস্থাতে জীব অন্তঃকরণ-যুক্ত থাকে বলিয়া তৎকালে আত্মা সংসারী ও কর্তা । স্রষ্টি অবস্থাতে অন্তঃকরণের সহিত আত্মার সম্পর্ক থাকে না বলিয়া তৎকালে আত্মা স্বভাবভূত, পরমানন্দরূপেই অবস্থিত হয় । উক্তরূপ অন্বয় ও ব্যতিরেক দ্বারা স্থির হইতেছে যে, আত্মার কর্তৃত্ব বা সংসার স্বাভাবিক নহে । উহা বুদ্ধাদিরূপ উপাধি-কারিত ।

কেহ কেহ আশঙ্কা করেন যে, স্রষ্টি অবস্থার ন্যায় স্বপ্নাবস্থাতেও আত্মার করণ-সংবন্ধ থাকে না । অথচ তৎকালে বিষয়োপভোগ এবং দর্শনাদি ব্যাপার হইয়া থাকে । অতএব আত্মার ভোগ ও কর্তৃত্ব উপাধিক নহে, স্বাভাবিক । কেন না স্বপ্নাবস্থাতে উপাধি সংবন্ধ নাই অথচ কর্তৃত্বাদি আছে । এ আশঙ্কা নিতান্ত অসঙ্গত । কারণ, স্বপ্নাবস্থাতে উপাধির সহিত আত্মার সংবন্ধ থাকে না, এই কল্পনা অনুসারে উক্ত আশঙ্কার অবতারণা করা হইয়াছে । পরন্তু স্বপ্নাবস্থাতে উপাধির সহিত আত্মার সংবন্ধ থাকে না, ইহা ঠিক নহে । কেন না, স্বপ্নাবস্থাতেও বুদ্ধির বা অন্তঃকরণের সহিত আত্মার সংবন্ধ থাকে । • শ্রুতি বলিয়াছেন,—

• সধীঃ স্বপ্নোন্মূল্যমং লীকমতিক্রামতি ।

অর্থাৎ জীব বুদ্ধির সহিত স্বপ্নাবস্থাগত হইয়া এই লোক অতিক্রম করে । স্মৃতিতে কথিত হইয়াছে—

ইন্দ্রিয়ানাশুপরমে মনোনিপতং যদি ।

সেবতে বিষয়ানিব তদ্বিত্যত্ স্বপ্নদর্শনম্ ।

অর্থাৎ অপরাপর ইন্দ্রিয়ের উপরম হইলেও মন যদি উপ-
রত না হয়, তবে জীব বিষয়সেবাই করে । তাহাকে অর্থাৎ
তাদৃশ বিষয়সেবাকে স্বপ্নদর্শন বলিয়া জানিবে । স্বপ্নে অভি-
লাষাদি অনুভূত হয় । অভিলাষাদি মনের ধর্ম্ম । ধর্ম্মী না
থাকিলে ধর্ম্ম থাকিতে পারে না । এতদ্বারাও স্বপ্নাবস্থাতে
মনের অবস্থিতি প্রতিপন্ন হইতেছে । পূর্বে বলিয়াছি যে
স্বপ্নে বাসনাময় বিষয়ের ভোগ হয় । বাসনাও মনোধর্ম্ম,
অতরাং স্বপ্নাবস্থাতেও মনের সহিত আত্মার সংবন্ধ থাকে, এ
বিষয়ে সন্দেহ করিবার কারণ নাই ।

সপ্তম লেক্চর ।

উপসংহাৰ ।

আত্মার বিষয়ে আরও বলিবার ছিল । সমাধাভাবে তাহা বলা হইল না । এখন অপরাপর বিষয়গুলি সংক্ষেপে বলা যাইতেছে ।

জগতের মূলকারণ কি এবং আরম্ভবাদ, পরিণামবাদ, বিবর্তবাদ ও অনির্বাচ্যত্ববাদ পূর্ব পূর্ব প্রস্তাবে সংক্ষেপে বলা হইয়াছে । বেদান্ত মতে প্রথমত আকাশ, তৎপরে বায়ু, তৎপরে অগ্নি, তৎপরে জল, সর্বশেষে পৃথিবী, এই ক্রমে পঞ্চ ভূতের সৃষ্টি হইয়াছে । অপরাপর স্মূল বস্তু ইহাদের দ্বারা নির্মিত । যে ক্রমে সৃষ্টি হইয়াছে তাহার বিপরীত ক্রমে প্রলয় হয় । প্রলয় চারি প্রকার—নিত্য, নৈমিত্তিক, প্রাকৃতিক ও আত্যন্তিক । স্রুষ্টি অবস্থা নিত্য প্রলয় বলিয়া অভিহিত । ব্রহ্মার দিনাবসানে যে প্রলয় হয়, তাহার নাম নৈমিত্তিক প্রলয় । ব্রহ্মার আয়ুর অবসানে যে প্রলয় হয়, তাহার নাম প্রাকৃতিক প্রলয় । ব্রহ্মসাক্ষাৎকার নিমিত্তক সর্বজীব মূর্ত্তিই আত্যন্তিক প্রলয় বা মহাপ্রলয় । মীমাংসক আচার্যগণ নিত্য-প্রলয় ভিন্ন অপর ত্রিবিধ প্রলয় স্বীকার করেন না । কোন কোন নৈয়ায়িক আচার্য এবং পাতঞ্জল ভাষ্যকার মহাপ্রলয় বা আত্যন্তিক প্রলয় প্রাণাণিক বলিয়া অঙ্গীকার করেন না । বৈদান্তিক আচার্যগণ আত্যন্তিক প্রলয় স্বীকার করিয়াছেন ।

জগতের স্থিতিকালীন সংসারের বিচিত্র গতি পর্যালোচনায় । পাণ্ডুরা যমলোকে পাপানুরূপ যাতনা ভোগ করিয়া ইহলোকে জন্মপরিগ্রহ করে । ক্ষুদ্র জন্তুসকল এই লোকেই পুনঃ পুনঃ জন্ম মরণ প্রাপ্ত হয় । পুণ্যবান্দিগের পরলোকে গমন করিবার দুইটি পথ শাস্ত্রে উক্ত হইয়াছে, উত্তরমার্গ ও দক্ষিণমার্গ । সাধারণত সগুণ ব্রহ্মোপাসক উত্তরমার্গ দ্বারা সত্যলোকে গমন করে এবং শুভ কৰ্ম্মানুষ্ঠায়ীরা দক্ষিণমার্গ দ্বারা স্বর্গে বা চন্দ্রলোকে গমন করে । অর্চিরাদি কতিপয় নির্দিষ্ট দেবতা—উত্তরমার্গগামী উপাসকদিগকে সত্যলোকে বা ব্রহ্মলোকে এবং ধূমাদি কতিপয় নির্দিষ্ট দেবতা—দক্ষিণমার্গগামী কৰ্ম্মাদিগকে চন্দ্রলোকে লইয়া যায় ।

পয়ঃ প্রভৃতি দ্রব দ্রব্য দ্বারা অগ্নিহোত্র হোমাদি সম্পাদিত হয় । আহুতিভূত দ্রব দ্রব্য যজ্ঞমানে সূক্ষ্মভাবে অবস্থিত থাকে । যজ্ঞমান মৃত হইলে প্রথমত ছ্যলোকে নীত হয় । এই ছ্যলোককে অগ্নিরূপে চিন্তা করিবে । দেবতার। ছ্যলোকরূপ অগ্নিতে অগ্নিহোত্রাহুতির পরিণামভূত সূক্ষ্ম জল হৃত করেন । চন্দ্র এই আহুতির পরিণাম । অর্থাৎ অগ্নি হোত্রাহুতির জল সূক্ষ্ম ভাবাপন্ন হইয়া ছ্যলোকাগ্নিতে হৃত হইলে উহা চন্দ্ররূপে পরিণত হয় বা চন্দ্রলোকে শরীররূপে পরিণত হয় । যজ্ঞমান এই জলময় শরীর দ্বারা চন্দ্রলোকে অগ্নিহোত্রের ফল ভোগ করিয়া থাকে । ভোগাবসানে অগ্নিহোত্রাহুতির পরিণামভূত সূক্ষ্ম জল পর্জন্যে মিলিত হয় । এই পর্জন্যকেও অগ্নিরূপে চিন্তা করিবে । প্রথম পর্য্যায়ে সূক্ষ্ম জল সোমাকারে পরিণত

হইয়া দ্বিতীয় পর্য্যায়ের পৰ্জন্যাগ্নিতে হৃত হইয়া উহা বৃষ্টিরূপে পরিণত হয় । বৃষ্টি পৃথিবীতে পতিত হয় স্তবরাং পৃথিবীকে অগ্নিরূপে চিন্তা করিবে । তৃতীয় পর্য্যায়ের ঐ সূক্ষ্ম জল পৃথিবীরূপ অগ্নিতে হৃত হইলে ক্রীহিবাদি অন্ন উৎপন্ন হয় । পুরুষ অন্ন ভোজন করে । অতএব পুরুষকে অগ্নিরূপে চিন্তা করিবে । চতুর্থ পর্য্যায়ের ক্রীহিবাদিরূপ অন্ন পুরুষরূপ অগ্নিতে হৃত হইয়া রসরক্তাদি ক্রমে রেতোরূপে পরিণত হয় । পঞ্চম পর্য্যায়ের ক্রীকে অগ্নিরূপে চিন্তা করিবে । রেত—ক্রী-রূপ অগ্নিতে হৃত হইয়া গর্ভরূপে পরিণত হয় । ইহার নাম পঞ্চাগ্নিবিদ্যা । অর্থাৎ দু্যলোক, পৰ্জন্য, পৃথিবী, পুরুষ ও ক্রীকে অগ্নিরূপে এবং অগ্নিহোত্রাহুতিভূত জলাদিকে আহুতি-রূপে চিন্তা করার নাম পঞ্চাগ্নিবিদ্যা । পঞ্চাগ্নিবিদ্যা দ্বারা সংসারগতি প্রদর্শিত হইয়াছে ।

ঐ গর্ভ—জাত বা প্রসূত হইয়া যাহার যতকাল আয়ু, সে তাবৎকাল জীবিত থাকে । আয়ুষ্কালের অবসানে তাহার মরণ হইলে আবার অগ্নিই তাহাকে নির্দিষ্ট পরলোকে লইয়া যায় । আত্মসাক্ষাৎকার না হওয়া পর্য্যন্ত এইরূপ গমনা-গমন অপরিহার্য্য । অবরোহ সময়ে জীব মূর্চ্ছিতের ন্যায় সংজ্ঞাহীন থাকে । মৃত্যুকালে জীবের প্রীতিপতন্য দেহ-বিষয়ে দীর্ঘ ভাবনা হইয়া থাকে । ফলতঃ সংসারগতি নিতান্ত কষ্টকর, তদ্বিষয়ে সংশয় নাই । কেন না, স্বর্গভোগ-কালেও পুণ্যবান্ জীব, পশ্বাদির ন্যায় দেবতাদিগের ভোগ্য বা উপকরণভূত হইতে বাধ্য হয় । অতএব আত্ম-তত্ত্বসাক্ষাৎকারের জন্য সংসারগতি পর্য্যালোচনা দ্বারা

বৈরাগ্য অবলম্বন পূর্বক শ্রবণাদি উপায়ের অনুশীলন করা কর্তব্য, ইহা শাস্ত্রে উপদিষ্ট হইয়াছে । মলিনবস্ত্র লোহিতাদি বর্ণ দ্বারা অনুরঞ্জিত হইলে তাহাতে যেমন লোহিতাদি বর্ণ প্রতিফলিত হয় না সেইরূপ সংসারগতির পর্য্যালোচনা করিলেও অবিষ্মুদ্রচিত্তে বৈরাগ্যের প্রাদুর্ভাব হয় না । ঘনঘটাচ্ছন্ন অমানিশাতে বিদ্যুৎপ্রকাশের ন্যায় ক্ষণকালের জন্য বৈরাগ্যের অস্পষ্ট ছায়া কদাচিৎ প্রকাশ পাইলেও অবিষ্মুদ্রচিত্তে কিছুতেই উহা লক্ষ্যপদ বা স্থায়ী হইতে পারে না । অতএব সর্বদা চিত্তের শুদ্ধিসম্পাদন একান্ত আবশ্যিক ।

চিত্তশুদ্ধির উপায় প্রস্তাবান্তরে সংক্ষেপে বলা হইয়াছে । বর্ণাশ্রমোচিত নিত্যনৈমিত্তিক কর্মের অনুষ্ঠান দ্বারা চিত্তশুদ্ধি হইয়া থাকে । চিত্ত ত্রিগুণাত্মক । রজস্তমোত্তমের অভিভব ও সত্ত্বগুণের সমুদ্ভব হইলে চিত্তশুদ্ধি হয় বলা যাইতে পারে । পাপ—চিত্তের কালুষ্য সম্পাদন করে । নিত্যনৈমিত্তিক কর্মের অনুষ্ঠান দ্বারা সঞ্চিত পাপ ক্ষয়প্রাপ্ত হয় । পারিজাত পাপের ক্ষয়ের জন্য প্রায়শ্চিত্তের অনুষ্ঠানও অবশ্য কর্তব্য । চিত্ত সত্ত্বপ্রধান হইলেও পাপ দ্বারা কলুষিত হয় । আদর্শ স্ভাবত স্বেচ্ছ হইলেও মলসংস্পর্শ বশত কলুষতা প্রাপ্ত হয় । ইষ্টকং চূর্ণাদি সংঘর্ষণে মল অপনীত হইলে আদর্শের শুদ্ধি সম্পাদিত হইয়া থাকে । চিত্তের শুদ্ধিও তদ্রূপ বৃদ্ধিতে হইবে । রাগ দ্বেষাদি রহিত ইন্দ্রিয় দ্বারা শব্দাদি বিষয়ের উপভোগও সত্ত্বশুদ্ধির অর্থাৎ অন্তঃকরণ শুদ্ধির হেতু, ইহা ছান্দোগ্য উপনিষদে উক্ত হইয়াছে । চিত্তশুদ্ধি হইলে সংসারগতি পর্য্যালোচনাদি দ্বারা বৈরাগ্য লক্ষ্যপদ বা দৃঢ়ভূমি হইয়া

থাকে । বৈরাগ্য দৃঢ়ভূমি হইলে প্রবল আত্মানুসন্ধিৎসা উপস্থিত হয় । ভক্তিও আত্মতত্ত্বসাক্ষাৎকারের অতীব উপযোগিনী । কেন না বেদান্তবাক্যার্থ অনুসারে আত্মতত্ত্ব জ্ঞানের আবির্ভাব হয় । ভক্তি ভিন্ন বেদান্তবাক্যের অর্থ সম্পূর্ণরূপে প্রকাশ পায় না । শ্রুতি বলিয়াছেন,—

यस्य देवे परा भक्तिर्यथा देवे तथा गुरौ ।

तस्यैते कथिता ह्यथाः प्रकाशन्ते मन्त्रात्मनः ॥

দেবতাতে এবং গুরুরূপে যাহার পরম ভক্তি আছে, সেই মহাত্মার সংবন্ধেই বেদান্তকথিত অর্থ প্রকাশ পায় ।

ভক্তির ন্যায় শমাদি সম্পত্তিও একান্ত আবশ্যিক । শম, দম, উপরতি, তিতিক্ষা, সমাধান ও শ্রদ্ধা এই সকল সম্পত্তির নাম শমাদিসম্পত্তি । শ্রবণাদির ভিন্ন বিষয় হইতে মনের নিগ্রহের নাম শম । অর্থাৎ শ্রবণাদি এবং তদনুকূল বিষয়েই মনকে অভিনিবিষ্ট রাখিবে । বাহ্যবিষয়ে মনের অভিনিবেশ নিবারণ করিবে । শ্রবণাদি-ব্যতিরিক্ত বিষয় হইতে বহিরি-
ন্দ্রিয়ের নিবর্তনের নাম দম । উপরতি কি না সংন্যাস । সংন্যাস প্রধানত দুই প্রকার । বিবিদিয়া-সংন্যাস ও বিদ্বৎ-সংন্যাস । ব্রহ্ম জ্ঞানেচ্ছাতে যে সংন্যাস অবলম্বিত হয়, তাহার নাম বিবিদিয়া-সংন্যাস । ব্রহ্মজ্ঞান হইলে যে সর্ব-
কর্ম সংন্যাস হয় তাহার নাম বিদ্বৎ-সংন্যাস । অনাবশ্যক বোধে সংন্যাসের অন্যান্য প্রকার প্রদর্শিত হইল না । শীতোষ্ণাচ্চিৎ দ্বন্দ্ব সহিষ্ণুতাই তিতিক্ষা । শীত ও উষ্ণ, সুখ ও দুঃখ এবং মান ও অপমান ইত্যাকার পরস্পার বিরোধী কতকগুলি যুগল পদার্থ দ্বন্দ্ব নামে কথিত । ঐগুলি সহ

কুরার নাম তিতিক্ষা । শ্রবণাদি ও তদনুকূল বিষয়ে চিন্তের একাগ্রতার নাম সমাধান । গুরুবাক্য এবং বেদান্তবাক্যে অবিচালিত বিশ্বাসের নাম শ্রদ্ধা । মুমুক্ষা বা মোক্ষচ্ছার দৃঢ়তাও আত্মতত্ত্বসাক্ষাৎকারের বিশেষ উপকারী । ভগবান্ শঙ্করাচার্য্য বলিয়াছেন,—

বৈরাগ্যম্ মুমুক্ত্বং দৃঢ়ং যস্যোপজায়তে ।

তস্মিন্নৈবার্থবন্তঃ সুরাঃ ফলবন্তঃ শমাদয়ঃ ॥

অর্থাৎ বৈরাগ্য ও মুমুক্ষুত্ব যাহার দৃঢ়তা প্রাপ্ত হইয়াছে, শমাদি তাহার পক্ষেই ফলপ্রদ হইয়া থাকে ।

চিত্ত স্বভাবত চঞ্চল, তাহার একাগ্রতা সম্পাদন করা বড়ই কঠিন । এই জন্য উপাসনাও অবশ্য কর্তব্য । উপাসনা কি না মানস ব্যাপার বিশেষ । তাহাকে চিন্তা বলিলে নিতান্ত অসঙ্গত হইবে না । নিরালম্বন চিন্তা হইতে পারে না । কোন একটা বিষয়ের চিন্তা করিতে হয় । সত্ত্ব বিষয়—চিন্তার প্রথম অবলম্বন হওয়া উচিত । কেন না, সত্ত্ব বিষয়ের চিন্তা অপেক্ষাকৃত অগ্নায়াসে সম্পন্ন হইতে পারে । নিগুণ ব্রহ্মের উপাসনাও হইতে পারে বটে, পরন্তু তাহা বহু আয়াসসাধ্য । এই জন্য নিগুণ ব্রহ্মের প্রতীকোপাসনা শাস্ত্রে বিহিত হইয়াছে । নিগুণ ব্রহ্মবিষয়ক জ্ঞানের আবির্ভকে নিগুণ ব্রহ্মোপাসনা বলা যাইতে পারে । যে পর্য্যন্ত ঐ জ্ঞান পরোক্ষাত্মক থাকিবে, সেই পর্য্যন্ত তাহা উপাসনা বলিয়া পরিগণিত হইবে । ঐ জ্ঞান প্রত্যক্ষাত্মক হইলে আর তাহাকে উপাসনা বলা যাইতে পারিবে না । জ্ঞান বলিতে হইবে । কেবল তাহাই নহে । উপাসনা—শব্দানুবিদ্ধ হইবে,

জ্ঞান—শব্দানুবিক্ত হইবে না। জ্ঞানে বস্তুস্বরূপ মাত্রের স্ফূর্তি হইবে ।

বৈরাগ্যাदि আত্মতত্ত্বসাক্ষাৎকারের উপায় বটে, পরন্তু তাবন্যাত্রেই উপায় নহে । শ্রবণ, মনন, নিদিধ্যাসন ও যোগ বা সমাধি আত্মতত্ত্বসাক্ষাৎকারের প্রকৃষ্ট উপায় । তন্মধ্যে শম দমাদি ও শ্রবণ মননাদি অন্তরঙ্গসাধন এবং আশ্রম কৰ্ম্মাদি বহিরঙ্গসাধন বলিয়া কথিত । অদ্বিতীয় ব্রহ্মে সমস্ত বেদান্তের তাৎপর্যের অবধারণ করার নাম শ্রবণ । তথাবিধ তাৎপর্য অবধারণ করিবার হেতু যড়বিধ লিঙ্গ । পূৰ্ব্বাচার্য্য বলিয়াছেন,—

‘উপক্রমীপসংহারাবধ্যাসোऽপূৰ্ব্বতা ফলম্ ।

অর্থবাদীপপত্তী চ লিঙ্গ’ তাত্পর্য্যনির্ণয়ি ॥

অর্থাৎ উপক্রম ও উপসংহার, অভ্যাস, অপূৰ্ব্বতা, ফল, অর্থবাদ এবং উপপত্তি এইগুলি তাৎপর্য্য নির্ণয় করিবার হেতু । উদাহরণের সাহায্যে ইহা বুঝিবার চেষ্টা করা যাইতেছে । ছান্দোগ্য উপনিষদের ষষ্ঠ প্রপাঠকে অদ্বিতীয় ব্রহ্মের উপদেশ করা হইয়াছে । অদ্বিতীয় ব্রহ্মেই উহার তাৎপর্য্য অন্য কোন বিষয়ে ঐ গ্রন্থের তাৎপর্য্য নহে । উপক্রম উপসংহার প্রভৃতি যড়বিধ লিঙ্গদ্বারা ইহা উত্তমরূপে বুঝিতে পারা যায় । উপক্রম উপসংহার কিনা প্রকরণের আদিতে এবং অন্তে প্রকরণ প্রতিপাদ্য বস্তুনির্দেশ । উপক্রম ও উপসংহারে যাহা নির্দিষ্ট হয়, তাহাতেই বাক্যের তাৎপর্য্য বুঝিতে হয় । লৌকিক বাক্যেও ইহার ভুরি ভুরি নিদর্শন দেখিতে পাওয়া যায় । ছান্দোগ্য উপনিষদের ষষ্ঠ প্রপাঠকে উপক্রমে

एकमीवाहितीयं ইহা দ্বারা এবং উপসংহারে ऐतदात्ममिदं सर्वं এতদ্বারা অদ্বিতীয় বস্তুর নির্দেশ আছে । অনেকবার পরিকীর্তনের নাম অভ্যাস । যষ্ঠ প্রপাঠকে অদ্বিতীয় বস্তু—নয় বার বুঝাইয়া দেওয়া হইয়াছে । প্রকরণ প্রতিপাদ্য বস্তু অন্য প্রমাণের বিষয় নহে, ইহার প্রতিপাদনের নাম অপূর্বতা । যষ্ঠ প্রপাঠকে आचार्यवान् पुरुषोवेद अर्थां आचार्यवान् পুরুষ অদ্বিতীয় বস্তু জানিতে পারে । এতদ্বারা, প্রকরণ প্রতিপাদ্য অদ্বিতীয় বস্তু অনুমানাদি প্রমাণ গম্য নহে কিন্তু শাস্ত্রৈক সমধিগম্য, ইহাই প্রকারান্তরে জানান হইয়াছে । ফল কি না প্রযোজন । অদ্বিতীয় বস্তুজ্ঞানের ফল যুক্তি, ইহাও যষ্ঠ প্রপাঠকে প্রতিপাদিত হইয়াছে । প্রকরণ প্রতিপাদ্য বস্তুর প্রশংসার নাম অর্থবাদ । যষ্ঠ প্রপাঠকে পিতা আরুণি পুত্র শ্বেতকেতুকে জিজ্ঞাসা করিতেছেন,—

उत तमादिशममाक्षी यनाश्रुतं श्रुतं भवत्यमतं मत-
मविज्ञातं विज्ञातमिति ।

যাহা শ্রুত হইলে অশ্রুত বিষয় শ্রুত হয়, যাহা মত হইলে অমত বিষয় মত হয়, যাহা বিজ্ঞাত হইলে অবিজ্ঞাত বিষয় বিজ্ঞাত হয়, অর্থাৎ যে এক বস্তু জানিতে পারিলে সমস্ত বস্তু পরিজ্ঞাত হয়, ঈদৃশ বিষয়ে কি তুমি গুরুর নিকট প্রশ্ন করিয়াছিলে ? এতদ্বারা অদ্বিতীয় বস্তুর প্রশংসা করা হইয়াছে । উপপত্তি কি না যুক্তি । শ্বেতকেতু অশ্রুত বিষয়ের শ্রবণ অমতের মনন অবিজ্ঞাতের বিজ্ঞান অর্থাৎ এক বিজ্ঞানে সর্ববিজ্ঞান অসম্ভব বিবেচনা করিলে তাহার অভিপ্রায় বুঝিতে পারিয়া আরুণি পুনরপি বলিলেন—

यथा सोम्यैकेन मृत्पिण्डेन सर्वं मृन्मयं विज्ञातं
स्याद्वाचारमणं विकारोनामधेयं मृत्तिकेत्येव सत्यम् । •

হে প্রিয়দর্শন, একটি মৃৎপিণ্ড জানা হইলে সমস্ত মৃন্ময় পদার্থই জানা হয় । জানা হয় যে, ঘটশরাবাদি সমস্ত মৃদ্বিকার মৃত্তিকা মাত্র । বিকার কেবল বাক্যদ্বারা আরন্ধ হয় । উহা নাম মাত্র । ঘটশরাবাদি বস্তু গত্যা কোন পদার্থান্তর নহে । উহা মিথ্যা, মৃত্তিকাই সত্য । এই ছয়টি লিঙ্গ তাৎপর্য নির্ণয়ের উৎকৃষ্ট উপায় । এতদ্বারা অদ্বিতীয় ব্রহ্মে, বেদান্ত বাক্যের তাৎপর্য নির্ণয় করাই শ্রবণ বলিয়া কথিত হইয়াছে ।

অদ্বিতীয় বস্তু উক্তরূপে শ্রুত হইলে বেদান্তার্থের অনুগুণ যুক্তিদ্বারা তাহার অনবরত চিন্তার নাম মনন । অদ্বিতীয় বস্তুর চিন্তা করিতে গেলে অন্য বস্তুর চিন্তাও সময়ে সময়ে উপস্থিত হয় । তাদৃশ অন্য বস্তুর চিন্তা রহিত করিয়া অদ্বিতীয় বস্তুর চিন্তাপ্রবাহ সম্পাদনের নাম নিদিধ্যাসন ।

সমাধি দুই প্রকার সবিবক্ল ও নির্বিবক্ল । যে সমাধিতে জ্ঞাতা, জ্ঞান কি না চিন্তরুত্তি ও জ্ঞেয় কি না অদ্বিতীয় বস্তু এই তিনের ভান হয়, তাহার নাম সবিবক্ল সমাধি । ‘আমি অদ্বিতীয় ব্রহ্ম’ ইত্যাকার সমাধিতে ‘আমি’ এতদ্বারা জ্ঞাতার ভান হইতেছে । তাহা হইলেই দ্বৈত ভান থাকিতেছে সত্য, তথাপি আমি অদ্বিতীয় ব্রহ্ম এই জ্ঞানে অদ্বৈত বস্তুর ভান হইতেছে সন্দেহ নাই । একটী দৃষ্টান্তের প্রতি মনোযোগ করিলে বিষয়টি বিশদ হইতে পারে । মৃন্ময় গজাদির ভান হইবার স্থলে যেমন মৃন্ময় গজাদির ভান হইলেও মৃদ্বিকার ভান হয়, সেইরূপ আমি অদ্বিতীয় ব্রহ্ম এস্থলে দ্বৈতের ভান হইলেও

অদ্বিতীয় বস্তুর ভান হইতেছে স্বীকার করিতে হইবে । নির্বিকল্প সমাধিতে জ্ঞাতা ও জ্ঞানের কি না চিত্তবৃত্তির ভান না হইয়া কেবল অদ্বিতীয় বস্তুর ভান বা স্ফূর্তি হয় । নির্বিকল্প সমাধিতেও চিত্তবৃত্তি থাকে বটে । কিন্তু ঐ চিত্তবৃত্তি অদ্বিতীয় বস্তুর আকার ধারণ করে বলিয়া যেন অদ্বিতীয় বস্তুর সহিত এক হইয়া যায় । এই জন্য পৃথগ্ভাবে চিত্তবৃত্তির ভান হয় না । জলে লবণ মিশ্রিত করিলে লবণ জলের সহিত মিশিয়া যায় । তখন জলে লবণ থাকিলেও লবণের ভান হয় না জলমাত্রের ভান হয় । প্রকৃত স্থলেও চিত্তবৃত্তি অদ্বিতীয় বস্তুর সহিত একই ভাবাপন্ন হয় বলিয়া চিত্তবৃত্তি থাকিলেও তাহার ভান হয় না অদ্বিতীয় বস্তু মাত্রেরই ভান হয় ।

এই নির্বিকল্প সমাধির আটটি অঙ্গ ; যম, নিয়ম, আসন, প্রাণায়াম, প্রত্যাহার, ধারণা, ধ্যান ও সমাধি । "অহিংসা, সত্য, অস্তেয়, ব্রহ্মচর্যা ও অপরিগ্রহের নাম যম । শৌচ, সন্তোষ, তপ অর্থাৎ চান্দ্রায়ণাদি, স্বাধ্যায় অর্থাৎ প্রণবাদি মন্ত্রজপ ও ঈশ্বর প্রাণধান অর্থাৎ ঈশ্বরে সমস্ত কন্মের সমর্পণ, এইগুলির নাম নিয়ম । আসন কিনা করচরণাদির সংস্থান বিশেষ । পদ্মাসন স্বস্তিকাসন প্রভৃতি নানাবিধ আসন যোগশাস্ত্রে কথিত হইয়াছে । রেচক পুরক ও কুস্তকরূপ প্রাণ-নিগ্রহের উপায় বিশেষের নাম প্রাণায়াম । শব্দাদি বিষয় হইতে শ্রোত্রাদি ইন্দ্রিয়ের প্রত্যাহরণ করার নাম প্রত্যাহার । অদ্বিতীয় বস্তুতে অন্তঃকরণের ধারণা, ধারণা বলিয়া কথিত । অদ্বিতীয় বস্তুতে বিচ্ছিন্নভাবে অন্তঃকরণ-বৃত্তি প্রবাহের নাম ধ্যান । সমাধি বলিতে সর্বিকল্পক সমাধি ।

আত্ম-সাক্ষাৎকারের জন্য এই সকল উপায় অবলম্বন করা একান্ত আবশ্যিক । তন্মধ্যে শ্রবণ প্রথম উপায় বলিয়া গণ্য । কেন না মনন ও নিদিধ্যাসন শ্রবণের পর-ভাবী । শ্রবণ দ্বারা মনন ও নিদিধ্যাসনের বিষয় অবগত হওয়া যায় । সুতরাং শ্রবণ না হইলে মনন ও নিদিধ্যাসন হইতেই পারে না ।

যে রূপ বলা হইয়াছে, তদ্বারা বুঝা যাইতেছে যে, আত্মা বেদান্তপ্রতিপাদ্য ইত্যাকার অবধারণ করা, শ্রবণ বলিয়া কথিত । প্রশ্ন হইতেছে যে, কোন ধর্ম্মপুরস্কারে অভিধেয় বা অর্থের প্রতিপাদন করা শব্দের স্বভাব । ন্যায়াদি দর্শনের মতে আত্মা নির্ধর্ম্মক নহে । সুতরাং আত্মগত কোন ধর্ম্ম অবলম্বনে বৈদিক শব্দ আত্মার প্রতিপাদন করিতে পারে । বেদান্ত মতে আত্মার কোন ধর্ম্ম নাই । যাহার কোন ধর্ম্ম নাই, তাহা কিরূপে শব্দ প্রতিপাদ্য হইতে পারে ? দ্বিতীয় প্রশ্ন হইতেছে যে, ন্যায়াদি মতে আত্মা জ্ঞানের বিষয় বটে, কিন্তু বেদান্ত মতে আত্মা জ্ঞানের বিষয় নহে । বেদান্তী আচাৰ্য্যগণ বলেন যে, যাহা জ্ঞেয় তাহা ঘটাদির ন্যায় জড় পদার্থ । আত্মা চৈতন্য, অতএব আত্মা জ্ঞেয় নহে । যাহা জ্ঞেয় নহে, তাহার জ্ঞান কিরূপে হইতে পারে ?

এতদ্বারা বক্তব্য এই যে, কোন কোন নৈয়ায়িকের মতে আকাশ-শব্দ যেমন কোন ধর্ম্ম অবলম্বন না করিয়া ধর্ম্মমাত্রের অর্থাৎ শুদ্ধ আকাশ স্বরূপের প্রতিপাদন করে, সেইরূপ আত্মা শব্দও শুদ্ধ আত্মস্বরূপের প্রতিপাদন করিবে । তাহা হইলে

আত্মা বেদান্তে প্রতিপাদ্য হইবার কোনরূপ বাঁধা হইতেছে না । বিশেষত আত্মা নির্ধর্ম্যক হইলেও অর্থাৎ বস্তুগত্যা আত্মাতে কোন ধর্ম না থাকিলেও কল্লিত ধর্ম্য অবলম্বনে বেদান্তবাক্য আত্মার প্রতিপাদন করিতে পারে । কল্লিত ধর্ম্যপুরস্কারে আত্মার প্রতিপাদন করিয়া পরে ঐ সকল ধর্ম্যের নিষেধ করা হইয়াছে, বেদান্তে ইহার বহুল উদাহরণ দেখিতে পাওয়া যায় । অর্থাৎ লোকপ্রসিদ্ধ ধর্ম্যের অনুবাদ করিয়া ঐ সকল ধর্ম্যের নিষেধ দ্বারা প্রকারান্তরে আত্মার পরিচয় দেওয়া হইয়াছে । দ্বিতীয় প্রশ্নের উত্তরে বলা যাইতে পারে যে, বেদান্ত শাস্ত্র ইদংত্বরূপে অর্থাৎ জ্ঞেয়ত্বরূপে বা চিৎপ্রিয়ত্বরূপে আত্মার প্রতিপাদন করে না । ইহা ঘট এইরূপে যেমন সাক্ষাৎ সংবন্ধে ঘটাদির প্রতিপাদন করা যাইতে পারে, সেরূপে আত্মার প্রতিপাদন করা যাইতে পারে না । অর্থাৎ ইহা আত্মা এইরূপে সাক্ষাৎ সংবন্ধে আত্মার প্রতিপাদন করা যাইতে পারে না । পূজ্যপাদ শঙ্করাচার্য্য শারীরকভাবে বলিয়াছেন,—

অবিষয়ত্বৈ ব্রহ্মণাঃ শাস্ত্রয়োনিত্বানুপপত্তিরিতিচিন্ন
অবিদ্যাকল্পিতভেদনিবৃত্তিপরত্বাচ্ছাস্ত্রস্য । ন চি
শাস্ত্রমিদন্তয়া বিষয়ভূতং ব্রহ্ম প্রতিপিপাদয়িষতি
কিন্তাহি প্রত্যগাত্মত্বেনাবিষয়তয়া প্রতিপাদ্যদবিদ্যা-
কল্পিতং বৈদ্যবদিত্তবেদনাদিভেদমপনয়তি ।

অর্থাৎ ব্রহ্ম অবিষয় বা অজ্ঞেয় হইলে তিনি শাস্ত্র-প্রতি-
পাদ্য হইতে পারেন না, এ আশঙ্কা করা উচিত নহে । কারণ,
অবিদ্যাকল্লিত ভেদের নিবৃত্তিই শাস্ত্রের কল । অথবা, সর্ব-
বিদ্যাকল্লিত ভেদের নিবৃত্তিই শাস্ত্রের কল । অথবা, সর্ব-
বিদ্যাকল্লিত ভেদের নিবৃত্তিই শাস্ত্রের কল ।

ভেদ নিরুক্তিরূপ ব্রহ্মেই শাস্ত্রের তাৎপর্য । শাস্ত্র, চিৎ্তবিষয়ত্ব-
রূপে ব্রহ্মকে প্রতিপাদন করে না । কিন্তু প্রত্যগাত্মতা হেতুতে
চৈতন্যের অবিষয়রূপে ব্রহ্মকে প্রতিপাদন করে । ঐরূপে
ব্রহ্মকে প্রতিপাদন করিয়া বেদান্ত শাস্ত্র—বেদ্য, বেদিতা ও
বেদনাদি ভেদের অপনয়ন করে । পূজ্যপাদ গোবিন্দানন্দ
বলেন যে, বেদান্ত জন্ম ব্রহ্মবিষয়িণী চিত্তবৃত্তি সমুদ্ভূত হইলে
অবিद्या বা অজ্ঞানের নিরুক্তি হয় । ব্রহ্মে এই চিত্তবৃত্তির
বিষয়তা আছে বলিয়া ব্রহ্মকে শাস্ত্রপ্রতিপাদ্য বলা হয় ।
ব্রহ্মের বৃত্তিবিষয়ত্ব থাকিলেও বৃত্তিতে অভিব্যক্ত স্ফুরণের বা
চৈতন্যের বিষয়ত্ব নাই বলিয়া ব্রহ্মকে অজ্ঞেয় বা অপ্রমেয়ও
বলা হয় । পূর্বাচার্য্য বলিয়াছেন,—

ফলব্যাখ্যত্বমেবাস্য শাস্ত্রকল্পজিনির্বাক্তম্ ।

• লক্ষ্যার্থাননাশায় ব্রহ্মব্রহ্মবিষয়িত্বমিচ্ছিতম্ ॥

ব্রহ্মাকার অন্তঃকরণ বৃত্তিতে প্রতিফলিত চৈতন্যের
নাম ফল । ব্রহ্মের ফল-বিষয়ত্ব অর্থাৎ বৃত্তি-প্রতিফলিত
চৈতন্য বিষয়ত্ব নাই, ইহাই শাস্ত্রকারদিগের মত । কিন্তু ব্রহ্ম-
বিষয়ক অজ্ঞানের বিনাশের জন্য ব্রহ্মের ব্রহ্মাকার অন্তঃকরণ
বৃত্তির বিষয়ত্ব অপেক্ষিত আছে । জড় পদার্থ যেমন বৃত্তির
বিষয় সেইরূপ বৃত্তি-প্রতিফলিত চৈতন্যেরও বিষয় হইয়া
থাকে । কেন না, ঘটাকার অন্তঃকরণ বৃত্তি দ্বারা ঘটবিষয়ক
অজ্ঞান বিনষ্ট হইলেও ঘট জড় পদার্থ বলিয়া তাহার প্রকাশ
হইতে পারে না । অতএব বলিতে হইতেছে যে, ঘটাকার
অন্তঃকরণ বৃত্তি ঘটগোচর অজ্ঞান বিনষ্ট করিয়া দেয় এবং
বৃত্তি-প্রতিফলিত চৈতন্য ঘটের প্রকাশ সম্পন্ন করে । সুতরাং

যদ্যপি জড় পদার্থ, বৃত্তির এবং বৃত্তি প্রতিফলিত চৈতন্যের
বিষয় । পূর্বাচাৰ্য্য বলেন,-

বুদ্ধিতস্যচিদাভাসো হাবন্তৌ ব্যাপ্তৌ ঘটম্ ।

তন্নাশান ধিয়া নশ্যেদাভাসেন ঘটঃ স্ফুৰেৎ ॥

বুদ্ধিবৃত্তি ও বৃত্তিপ্রতিফলিত চৈতন্য এই উভয়ে
ঘটকে সংবন্ধ করে । তন্মধ্যে ঘটাবয়বক অজ্ঞান বুদ্ধিবৃত্তি
দ্বারা বিনষ্ট হয় এবং চিদাভাস বা বৃত্তিপ্রতিফলিত চৈতন্য
দ্বারা ঘটের স্ফূর্তি বা প্রকাশ হয় । ব্রহ্ম চৈতন্যস্বরূপ ও
স্বপ্রকাশ । স্বপ্রকাশ হইলেও, সংসার অবস্থাতে অজ্ঞানাবৃত
হওয়াতে আবৃত মণির ন্যায় প্রকাশ পান না । ব্রহ্মাকার
অন্তঃকরণ বৃত্তি দ্বারা ব্রহ্মের আবরণ অজ্ঞান বিনষ্ট হইলে
স্বপ্রকাশ ব্রহ্ম অনাবৃত মণির ন্যায় আপানিষ্ট প্রকাশ পান ।
তাহার প্রকাশের জন্য চিদাভাসের কিছুমাত্র প্রয়োজন হয়
না । পঞ্চদশীকার বলেন, —

ব্রহ্মাণ্যজ্ঞাননাশায় বৃত্তিব্যাতিরপঞ্জিতা ।

স্বয়ং স্ফুরণরূপত্বান্নাভাস উপযুজ্যত ॥

চক্ষুর্দীপাবপচ্ছ্যেতে ঘটাৎদের্গনি তথা ।

ন দীপদর্গনি কিন্তু চক্ষুর্বেকমপচ্ছ্যেত ॥

স্থিতিপ্যসৌ চিদাভাসো ব্রহ্মাণ্যকৌমবেৎ পরম ।

ন তু ব্রহ্মাণ্যতিগয়ং ফলং কুব্যাৎঘটাদিবৎ ॥

অপ্রমীষমনাদিভেদ্যত্র শ্রুত্বেদমৌরিতম্ ।

মনসেবেদমামব্যমিতি ধীব্যাপ্যতা শ্রুতা ॥

ইহার তাৎপর্য্য এই । ব্রহ্মাবয়বক অজ্ঞানের বিনাশের
জন্য ব্রহ্মের—ব্রহ্মাকার অন্তঃকরণবৃত্তির ব্যাপ্যতা অপেক্ষিত ।

ব্রহ্ম স্বয়ং স্ফুরণরূপ বা প্রকাশরূপ, প্রতিবন্ধক অপগত হইলে
 ব্রহ্ম স্বয়ং স্ফূর্তি পান্ এই জন্য ব্রহ্মের স্ফূর্তি বিষয়ে চিদাভাসের
 উপযোগিতা নাই । ঘটাদির দর্শনে চক্ষুঃ ও প্রদীপ এই উভয়
 অপেক্ষিত বটে । কিন্তু প্রদীপ দর্শনে প্রদীপান্তর অপেক্ষিত
 হয় না কেবল চক্ষুর্মাত্র অপেক্ষিত হয় । প্রকৃত স্থলেও জড়
 পদার্থের জ্ঞানের জন্য বুদ্ধিবৃত্তি ও চিদাভাস এই উভয় অপে-
 ক্ষিত হইলেও ব্রহ্মের জ্ঞান বিষয়ে বুদ্ধিবৃত্তি মাত্র অপেক্ষিত
 চিদাভাস অপেক্ষিত হয় না । বুদ্ধিবৃত্তির স্বভাব এই যে, তাহা
 চিৎপ্রতিবিম্বগ্রাহী হইবে । সুতরাং ঘটাদ্যাকার বৃত্তিতে
 যেমন চৈতন্য প্রতিবিম্বিত হয়, ব্রহ্মাকার বৃত্তিতেও সেইরূপ
 চৈতন্য প্রতিবিম্বিত হইবে সন্দেহ নাই । পরন্তু ঘটাদ্যাকার
 বৃত্তিতে প্রতিবিম্বিত চৈতন্য যেমন ঘটাদিগত অতিশয় বা
 ফল জন্মায় অর্থাৎ ঘটাদির প্রকাশ সম্পাদন করে; ব্রহ্মাকার
 বৃত্তিগত চিদাভাস ব্রহ্মে সেইরূপ কোন অতিশয় আধান করে
 না বা ব্রহ্মের প্রকাশ সম্পাদন করে না । যাহা স্বপ্রকাশ,
 তাহার পক্ষে প্রকাশের সম্পাদন একান্ত অসম্ভব । সুতরাং
 ব্রহ্মাকার বৃত্তিতে চিদাভাস থাকিলেও ব্রহ্মের প্রকাশ বা
 জ্ঞান বিষয়ে তাহার কিছু মাত্র উপযোগিতা নাই । প্রত্যুত
 প্রচণ্ড মার্ত্তণ্ডাতপের মধ্যবর্তী প্রদীপ ও মণির প্রভা যেমন
 মার্ত্তণ্ডাতপের সহিত মিলিতের ন্যায় হইয়া যায়, সেইরূপ
 ব্রহ্মাকার-চিত্তবৃত্তি-গত চিদাভাস ব্রহ্মের সহিত একীভূত
 হইয়া যায়, ব্রহ্ম হইতে ভিন্নরূপে ভাসমান হয় না । ব্রহ্ম,
 চিত্তবৃত্তি-গত চিদাভাস ব্যাপ্য নহে, বলিয়া অমৃতবিন্দু
 উপনিষদে ব্রহ্মকে অপ্রমেয় বলা হইয়াছে । . যথা,—

নির্বাক্যমনস্তত্র হিতৃষ্টান্তবর্জিতম্ ।

অপ্রমীয়মনাদিত্র যজ্ঞাত্বা মুচ্যতে বুধঃ ॥

অর্থাৎ ব্রহ্ম নির্বাক্য অনন্ত, হেতু ও দৃষ্টান্ত শূন্য, অপ্রমীয় ও অনাদি । এতাদৃশ ব্রহ্মের জ্ঞান হইলে মুক্তি হয় । আবার—

মনসেইদমামখ্যং নহ নানাংস্তি ক্ষিপ্তম ।

মনের দ্বারাই ব্রহ্ম জানিতে হইবে । ব্রহ্মে কিছুই নানী নাই । এই কঠবল্লীগত শ্রুতিতে 'মনসেইদমামখ্যং' এতদ্বারা ব্রহ্মের মনোরূপ-ব্যাপ্যত্বও শ্রুত হইয়াছে । অতএব ব্রহ্মের রূপ-ব্যাপ্যত্ব আছে ফল-ব্যাপ্যত্ব বা চিদাভাস-ব্যাপ্যত্ব নাই, ইহা শাস্ত্রের সিদ্ধান্ত । এই অভিপ্রায়েই কেনোপনিষদে বলা হইয়াছে—

যস্যামতং তস্য মতং মতং যস্য ন বেদ সঃ ।

অবিজ্ঞাতং বিজ্ঞানতাম্ বিজ্ঞাতমবিজ্ঞানতাম্ ॥

যিনি বিবেচনা করেন যে, ব্রহ্ম অমত অর্থাৎ অজ্ঞাত কি না চৈতন্যের অব্যয়, তিনি ব্রহ্ম জানিতে পারিয়াছেন । যে অল্পজ্ঞ বিবেচনা করে যে ঘটপটাদির ন্যায় ব্রহ্মও চৈতন্যের বিয়য়, সে ব্রহ্মকে জানে না । যাহারা জ্ঞানী তাহাদের সংবন্ধে ব্রহ্ম অবিজ্ঞাত, যাহারা অজ্ঞানী তাহাদের সংবন্ধে ব্রহ্ম বিজ্ঞাত । উপরে যেরূপ বলা হইল, তৎপ্রতি মনোযোগ করিলে স্বধীগণ বুঝিতে পারিবেন যে, ব্রহ্ম অজ্ঞেয় হইলেও বেদান্ত বাক্যের তাৎপর্য্য বিষয় হইতে পারেন । সুতরাং ব্রহ্মের শ্রবণ সর্বথা উপপন্ন হইতেছে । কেবল শ্রবণ নহে । ব্রহ্ম সাক্ষাৎকারও উক্তরূপেই বুঝিতে হইবে ।

সে যাহা হউক, আত্মসাক্ষাৎকারের জন্য শ্রবণ মননাদি

উপায় অবলম্বন করিতে হয় । এতদ্বারা হহাও বুঝা যাই-
তেছে যে, শ্রবণ মননাদি একবার মাত্র করিয়া বিনিবৃত্ত
হইতে হইবে না । আত্মসাক্ষাৎকার হওয়া পর্য্যন্ত শ্রবণ
মননাদির পুনঃ পুনঃ আৱৃতি করিতে হইবে । ধ্যান বা
নিদিধ্যাসন যে আৱৃতিগর্ভ অর্থাৎ ধ্যান বলিতেই নিরন্তর চিন্তা
বুঝায় একবার মাত্র চিন্তা বুঝায় না, তাহা সকলেই অবগত
আছেন । লোকে বলে,—আয়তি দ্রীষিত্বান্নাথ্য পতিং যাহার
স্বামী বিদেশস্থ রহিয়াছে, সে পতিকে ধ্যান করে । যে স্ত্রী
নিরন্তর স্বামীর চিন্তা করে, তাহার সংবন্ধেই লোকে
ঐ বাক্য প্রযুক্ত হইয়া থাকে । যে কদাচিৎ এক
আধ বার পতির স্মরণ করে, তাহার সংবন্ধে লোকে তাদৃশ
বাক্যের প্রয়োগ করে না ।

সুধীগণ অবগত আছেন যে, সঙ্গীত শাস্ত্রের অভ্যাস
দ্বারা শ্রবণেন্দ্রিয়ের এতাদৃশ শক্তির আবির্ভাব হয় যে,
সে অনায়াসে নিষাদ গান্ধারাদি স্বর প্রত্যক্ষ করিতে
সক্ষম হয় । সঙ্গীতশাস্ত্রের অভ্যাস দ্বারা শ্রবণেন্দ্রিয়ের
সংস্কার সম্পন্ন হয় । সংস্কৃত শ্রোত্র নিষাদাদি স্বর
প্রত্যক্ষ করিবার উপযুক্ত শক্তিলভ করে । তদ্রূপ পুনঃ
পুনঃ অভ্যস্ত শ্রবণ মননাদি দ্বারা মন সংস্কৃত হইলে উহা
আত্মসাক্ষাৎকার করিতে সমর্থ হয় । অতএব শ্রবণাদির
আৱৃতির আবশ্যকতা বিষয়ে সন্দেহ করিবার কারণ নাই ।
কোন মহাপুরুষ যেমন একবার সঙ্গীতশাস্ত্র শ্রবণ করিলেই
ষড়্ভূজাদি স্বর প্রত্যক্ষ করিতে সক্ষম হন, সেইরূপ নিরতিশয়
পুণ্যশালী কোন ধন্য মহাত্মা একবার শ্রবণাদি করিলেই

আত্মসাক্ষাৎকার করিতে পারেন । তাহার পক্ষে শ্রবণাদির অভ্যাস বা পুনঃ পুনঃ অনুশীলন অনাবশ্যক বটে, পরন্তু তাদৃশ মহাপুরুষ জগতে কয় জন আছেন, অথবা আছেন কি না, তাহা বলিতে পারি না । শ্রবণাদির প্রত্যক্ষ ফল আত্মসাক্ষাৎকার । স্বতরাং যে পর্য্যন্ত আত্মসাক্ষাৎকার না হয়, সে পর্য্যন্ত শ্রবণাদির আশ্রয় করিতে হইবে । আত্মসাক্ষাৎকার হইলে শ্রবণাদির আবশ্যকতা থাকে না । অন্ধকার রাত্রিতে আলোকের সাহায্যে লোকে গন্তব্য স্থানে উপনীত হয়, গন্তব্যস্থান না পাওয়া পর্য্যন্ত আলোকের সাহায্য লইতে হয় । গন্তব্যস্থান প্রাপ্ত হইলে আলোকের প্রয়োজন বিনিবৃত্ত হয় । প্রকৃত স্থলেও ঐরূপ বোধিতে হইবে । আত্মসাক্ষাৎকার হইলে শ্রবণাদির আবশ্যকতা বিলুপ্ত হয় ।

আত্মসাক্ষাৎকার কি, তাহা সংক্ষেপে বলিয়াইতেছে । আত্ম বিষয়ে প্রত্যক্ষাত্মক চিত্তবৃত্তিই আত্মসাক্ষাৎকার বলিয়া কথিত । অন্যান্য চিত্তবৃত্তি যেমন আত্মার দ্বারা প্রকাশিত, আত্মাবিসম্বন্ধি চিত্তবৃত্তিও সেইরূপ আত্মা দ্বারাই প্রকাশিত হয় । আত্মা স্ববিসম্বন্ধি চিত্তবৃত্তিকে দর্শন করেন । অতএব আত্মসাক্ষাৎকারের কর্তা আত্মা । পাতঞ্জলভাষ্যকার বলেন,—

ন চ পুরুষপ্রত্যয়েন বুদ্ধিসত্ত্বাত্মনা পুরুষী দৃশ্যসী

পুরুষএষ প্রত্যয়ঃ স্বাত্মাবলম্বনং দৃশ্যমিতি ।

পুরুষবিষয়ক প্রতীতি কি না বুদ্ধিসত্ত্বের পুরুষাকার বৃত্তি । তৎকর্তৃক পুরুষ দৃষ্ট হয় না । কেন না, বুদ্ধিসত্ত্ব জড়পদার্থ ; তাহার পুরুষাকার বৃত্তিও জড় পদার্থ । পুরুষ চেতন । জড়

পদার্থ চেতন কর্তৃক প্রকাশিত হয়, চেতন জড় পদার্থ কর্তৃক প্রকাশিত হয় না। অতএব পুরুষাকার বুদ্ধিবৃত্তি কর্তৃক পুরুষ প্রকাশিত হয় না। কিন্তু পুরুষ, অবিসময়ক বুদ্ধিবৃত্তিকে দর্শন করে। বৃহদারণ্যক উপনিষদেও উক্ত হইয়াছে—

বিজ্ঞাতারমহী কেন বিজানীযাত্ ।

* অর্থাৎ বিজ্ঞাতাকে কাহার দ্বারা জানিতে পারা যায়, অর্থাৎ কাহারই দ্বারা বিজ্ঞাতাকে জানিতে পারা যায় না। সাক্ষাৎকারের অপর নাম অবগতি। আত্মতত্ত্ব-সাক্ষাৎকার বা আত্মতত্ত্বের অবগতি হইলেই মুক্তি হয়।

শ্রায় ও বৈশেষিক মতে জীবাত্মার তত্ত্বজ্ঞান মুক্তির হেতু। তাঁহাদিগের মতে দেহাদিতে আত্মবুদ্ধিই আত্মার বন্ধের বা সংসারের কারণ। কেন না, দেহাদিতে আত্মবুদ্ধি হইলে দেহাদির অনুকূল বিষয়ে 'রাগ' ও প্রতিকূল বিষয়ে 'দ্বेष' হয়। রাগ ও দ্বেষ প্রবৃত্তির হেতু। প্রবৃত্তি হইলে ধর্মাধর্মের সঞ্চয়, ধর্মাধর্মের সঞ্চয় হইলে তৎফল ভোগের জন্য জন্ম এবং জন্ম হইলেই দুঃখ অপরিহার্য হয়। প্রকৃত আত্মতত্ত্বসাক্ষাৎকার হইলে অর্থাৎ দেহাদি-ভিন্নরূপে আত্মার সাক্ষাৎকার হইলে দেহাদিতে আত্মবুদ্ধি অপগত হয়। কারণ, দেহাদিতে আত্মবুদ্ধি মিথ্যা-জ্ঞান এবং দেহাদি-ভিন্নরূপে আত্মবুদ্ধি তত্ত্বজ্ঞান। তত্ত্বজ্ঞান, মিথ্যা জ্ঞানের বিরোধী বা উপমর্দক। দেহাদিতে আত্মবুদ্ধি অপগত হইলে দেহের অনুকূল ও প্রতিকূল বিষয়ে রাগ ও দ্বেষ অপগত হয়।* আত্মা বস্তুগত্যা অচ্ছেদ্য অভেদ্য হইলেও দেহগত চ্ছেদন ভেদনাদি—মিথ্যাজ্ঞান মূলে আত্মাতে আরো-

পিতৃ হয বলিয়াই রাগ দ্বয়ের আবির্ভাব হয় । আত্মা দেহাদি নহে আত্মা দেহাদি হইতে ভিন্ন, এইরূপ জ্ঞান হইলে আর রাগ দ্বয়ের আবির্ভাব হইতে পারে না । রাগ দ্বয় অপগত হইলে প্রবৃত্তি অপগত হইবে । কেন না, রাগ দ্বয় মূলেই প্রবৃত্তি হইয়া থাকে । প্রবৃত্তি অপগত হইলে ধর্মাধর্মের সঞ্চয় হইবে না । ধর্মাধর্মের সঞ্চয় না হইলে তৎফল ভোগার্থ জন্ম হইবে না । জন্ম না হইলে দুঃখ হইবে না । নৈয়ায়িক ও বৈশেষিক আচার্য্যগণ এই সিদ্ধান্তে উপনীত হইয়াছেন । তাহাদের প্রক্রিয়া অনুসারে তাহাদের এই সিদ্ধান্ত সমীচীন বলিতে হইবে ।

সাংখ্য ও পাতঞ্জল দর্শনের মতও প্রায় এইরূপ । তাহাদের মতে প্রকৃতি পুরুষের বিবেক বা প্রকৃতি এবং প্রকৃতির কার্য্য হইতে ভিন্ন রূপে পুরুষের বা আত্মার জ্ঞান, মূক্তির হেতু বলিয়া অবধারিত হইয়াছে । বেদান্ত মতে পরমাত্মার তত্ত্বজ্ঞান মূক্তির হেতু । স্বধীগণ স্মরণ করিবেন যে, বেদান্ত মতে পরমাত্মা বা ব্রহ্ম স্বায় আবিষ্ঠা দ্বারা সংসারী এবং স্ববিদ্যা দ্বারা মুক্ত হন । সুতরাং আমি ব্রহ্ম ইত্যাকার জ্ঞান মূক্তির হেতু হইতেছে । বিশেষ্য এই যে বেদান্ত বাক্য জ্ঞান্য অপরোক্ষ জ্ঞান বেদান্ত মতে মূক্তির কারণরূপে নির্ণীত হইয়াছে । নৈয়ায়িক আচার্য্যগণ দ্বৈতবাদী । তাহারা জীবাত্মার তত্ত্বজ্ঞান সাংক্ষেপে সংবন্ধে মূক্তির কারণ বলিয়া স্বীকার করিয়াছেন বটে, পরন্তু পরমাত্মার তত্ত্বজ্ঞানের মূক্তি-কারণত্ব অস্বীকার করেন নাই । তাহাদের মতে পরমাত্মার তত্ত্বজ্ঞান জীবাত্মার তত্ত্বজ্ঞান দ্বারা মূক্তির হেতু ।

তবেই দাঁড়িঁতেছে যে, নৈয়ায়িক মতে পরমাত্মার তত্ত্বজ্ঞান পরম্পরা এবং জীবাত্মার তত্ত্বজ্ঞান সাংক্ষাৎ মুক্তির হেতু । তাঁহার। স্পষ্টই বলিয়াছেন যে,—

स हि तत्त्वतो ज्ञात आत्मसाक्षात्कारस्योपकरोति ।

অর্থাৎ পরমাত্মা যথার্থরূপে জ্ঞাত হইলে তিনি জীবাত্মার সাংক্ষাৎকারের উপকার করেন । প্রসিদ্ধ নৈয়ায়িক উদয়নাচার্য্য ন্যায়কুসুমাজলি প্রকরণে বলিয়াছেন—

स्वर्गापवर्गयोर्मार्गिभामनन्ति मनीषिणः ।

यदुपास्तिमसावत्र परमात्मा निरूप्यते ॥

পণ্ডিতগণ যাহার উপাসনা স্বর্গ ও অপবর্গের অথবা স্বর্গ-তুল্য অপবর্গদ্বয়ের অর্থাৎ জীবমুক্তির ও পরম মুক্তির উপায় বলিয়াছেন সেই পরমাত্মা এই গ্রন্থে নিরূপিত হইতেছেন । এতদ্বারা পরমাত্মজ্ঞানের মক্তি হেতু স্পষ্ট ভাষায় অঙ্গীকৃত হইয়াছে । সূতরাং বেদান্তমত প্রকারান্তরে নৈয়ায়িকদিগেরও অনুমত হইতেছে । বেদান্ত মত শ্রুতিসিদ্ধ, একথা বলাই বাহুল্য ।

সে যাহা হউক, ভগবান্ শঙ্করাচার্য্যের মতে তত্ত্বজ্ঞান মাত্র মুক্তির হেতু । আশ্রমকর্মাদি চিত্তশুদ্ধি সম্পাদনদ্বারা তত্ত্বজ্ঞানের উপত্তির কারণ হইলেও মুক্তির সহিত কর্মের কোন সম্বন্ধ নাই । অর্থাৎ তত্ত্বজ্ঞানের বা বিচার উপত্তির প্রতি কর্মের অপেক্ষা আছে, বিচার ফলের প্রতি অর্থাৎ মুক্তির প্রতি কর্মের অপেক্ষা নাই । ইহাই শঙ্করাচার্য্যের মত । কোন কোন আচার্য্যের মতে মুক্তি কেবল জ্ঞানসাধ্য নহে । কিন্তু কর্ম ও জ্ঞান এই উভয়সাধ্য । ইহারই নাম সমুচ্চয় বাদ ।

তাহারা বিবেচনা করেন যে, বেদে কোন কোন কন্ম যাবজ্জীবন
বিহিত হইয়াছে । ঐ সকল কন্মের পরিত্যাগ বেদবিরুদ্ধ ।
কেবল তাহাই নহে । বেদে স্পষ্টই বলা হইয়াছে যে,—

জরামর্থ্যং বা এতন্ম সত্যং যদগ্নিহোত্রং দর্শপৌর্ণ-

মাসী চ জরয়া হ্যেবাস্মান্মুচ্যন্তে মৃত্যুনা চ ।

অগ্নিহোত্র ও দর্শপৌর্ণমাস জরামর্থ্য, কেবল জরা ও মরী-
ণের দ্বারা তাহা হইতে মুক্ত হওয়া যায় । যখন এতাদৃশ জরা
উপস্থিত হয় যে, কোনরূপেই যাগের অনুষ্ঠান করা সম্ভবপর
হয় না, তখন ঐ যাগ হইতে মুক্ত হওয়া যায় । অথবা মৃত্যু
দ্বারা মুক্ত হইতে পারা যায় । অর্থাৎ তৎকালে অগ্নিহোত্রাদির
অনুষ্ঠান না করিলে পাপ হয় না । বেদে মৃত্যু পর্য্যন্ত যাহার
কর্তব্যতা উপদিষ্ট হইয়াছে, তাহার পরিত্যাগ বেদানুমত বলা
যাইতে পারে না । তদ্বজ্ঞান অবশ্যই মৃত্যুর পূর্বে হইবে ।
সুতরাং কন্ম ও জ্ঞান সমুচ্চিত হইয়া মুক্তির কারণ, ইহা বলাই
সঙ্গত । সমুচ্চয়বাদ সংক্ষেপে প্রদর্শিত হইল । এখন কেবল
জ্ঞানবাদীরা সমুচ্চয়বাদ যে হেতুতে অনাদৃত "করিয়াছেন;
তাহাও সংক্ষেপে প্রদর্শিত হইতেছে । বেদে সংন্যাস বিহিত
হইয়াছে । সুতরাং কন্মত্যাগ বেদানুমত, তদ্বিয়য়ে সন্দেহ
থাকিতেছে না । বেদে স্পষ্টই বলা হইয়াছে,—

एतद्ध ऋ वै तद्विद्वांस आहुर्ऋषयः कारषेया किमर्था-

वयमध्येऽथामहे किमथावयं यक्ष्यामहे । एतद्ध ऋ वै तत्-

पूर्वं विद्वांसोऽग्निहोत्रं न जुहवाञ्चक्रिरे । एतं वै

तमात्मानं विदित्वा ब्राह्मणाः पुत्रैषगायाश्च विसैषगायाश्च

লৌকৈষগায়াশ্চ ব্যুত্থায়াথ ভিক্ষাভ্যর্থ্য চরন্তি ।

ইহার তাৎপর্য এই, এই আত্মার জ্ঞানবান্ কার্ষেয় ধ্যায়গণ বলেন, কি জন্য আমরা অধ্যয়ন করিব, কি জন্য আমরা যাগ করিব ? পূর্ববাচাধ্যায়গণ এই আত্মাকে জানিয়া অগ্নিহোত্র হোম করেন নাই । এই আত্মাকে জানিয়া ব্রাহ্মণগণ পুত্রৈ-
ষণা, বিভৈষণা ও লোকৈষণা হইতে ব্যঞ্চিত হইয়া অর্থাৎ ঐয়ণা-
ত্রৈয় পরিত্যাগ করিয়া কি না সংন্যাস অবলম্বন করিয়া জীবন
ধারণের জন্য ভিক্ষাচর্যা করেন ।

প্রশ্ন হইতে পারে যে, বেদে মৃত্যু পর্যন্ত অগ্নিহোত্রাদি
কর্ম করিবার অনুজ্ঞা আছে । আবার বেদেই আত্মজ্ঞের
পক্ষে অগ্নিহোত্রাদি কর্মের অকরণও অনুজ্ঞাত হইয়াছে ।
অতএব বেদবাক্য পরস্পর বিরুদ্ধ হইতেছে । পরস্পর
বিরুদ্ধ হইলে কোন বাক্যই প্রমাণ বলিয়া গণ্য হইতে পারে
না । কেন না, কোন বাক্যের প্রতি আস্থা স্থাপন করিতে
হইবে, তাহা স্থির হইতেছে না । এতদ্ব্যতীত বক্তব্য এই যে,
বেদবাক্য পরস্পর বিরুদ্ধ হইতে পারে না । অধিকারিভেদে
উভয় বাক্যই সমঞ্জস হইতেছে । আত্মজ্ঞের পক্ষে অগ্নি-
হোত্রাদি কর্মের পরিত্যাগ স্পষ্ট ভাষায় অনুজ্ঞাত হইয়াছে ।
মরণ পর্যন্ত অগ্নিহোত্রাদি করিতে হইবে; এই বাক্যে কোন
অধিকারী কথিত হয় নাই । সুতরাং মরণ পর্যন্ত অগ্নি-
হোত্রাদি করিতে হইবে, ইহা সামান্য শাস্ত্র । আত্মজ্ঞ অগ্নি-
হোত্রাদি কর্ম পরিত্যাগ করিবে, ইহা বিশেষ শাস্ত্র । বিরোধ
স্থলে সামান্যশাস্ত্র বিশেষশাস্ত্রের ইতরস্থলে পর্য্যবসিত
হয়, ইহা শাস্ত্রমর্যাদা । তদনুসারে মরণ পর্যন্ত অগ্নিহোত্রাদি
কর্ম করিবে এই সামান্য শাস্ত্র, আত্মজ্ঞ অগ্নিহোত্রাদি কর্ম

করিবে না এই বিশেষ শাস্ত্রের ইতরস্থলে পর্য্যবসিত হইবে। অর্থাৎ আত্মজ্ঞের সংবন্ধে কস্মত্যাগের উপদেশ আছে বলিয়া মৃত্যু পর্য্যন্ত কস্মাচরণের শাস্ত্র অনাত্মজ্ঞের পক্ষে বৃথা হইবে। অধিকন্তু আত্মজ্ঞের ভেদজ্ঞান থাকে না। পক্ষান্তরে কস্মানুষ্ঠান—কর্ত্ত, কস্ম, করণাদি জ্ঞানসাপেক্ষ অর্থাৎ ভেদজ্ঞান সাপেক্ষ। এতদ্বারাও বুঝা যাইতেছে যে, আত্মজ্ঞের পক্ষে কস্মের অনুষ্ঠান হইতে পারে না। সুধীগণ স্মরণ করিবেন যে, সমস্ত কস্মকাণ্ড অবিদ্বাদ্বয় ইহা পূজ্যপাদ শঙ্করাচার্যের মত। সুতরাং আত্মজ্ঞের পক্ষে কস্মানুষ্ঠান-শাস্ত্রের প্রবৃতিই হইতে পারে না।

একটি কথা বলা উচিত হইতেছে, যে জন্মে শ্রবণাদির অনুষ্ঠান করা হইবে, সেই জন্মেই আত্মসাক্ষাৎকার হইবে, এরূপ নিয়ম নাই। যদি কোন প্রতিবন্ধক না থাকে এবং শ্রবণাদি সাধন পরিপক্বতা প্রাপ্ত হয়, তাহা হইলে সেই জন্মেই আত্মসাক্ষাৎকার হইবে। প্রতিবন্ধক থাকিলে জন্মান্তরানুষ্ঠিত শ্রবণাদি দ্বারা জন্মান্তরে আত্মসাক্ষাৎকার হইবে। এই জন্য গর্ভস্থ অবস্থাতেই বামদেবের আত্মসাক্ষাৎকার হইয়াছিল। আত্মসাক্ষাৎকার হইলে মূর্ত্তি অবিলম্বে সম্পন্ন হইবে। সে বিষয়ে কোন সন্দেহ নাই। সংন্যাস আত্মসাক্ষাৎকারের সাধনরূপে কথিত হইয়াছে সুতরাং গৃহস্থদিগের আত্মসাক্ষাৎকার হইবে না বলিয়াই বোধ হয় বটে, পরন্তু জন্মান্তরানুষ্ঠিত শ্রবণাদি যেমন জন্মান্তরে আত্মসাক্ষাৎকারের হেতু হয়, সেইরূপ জন্মান্তরানুষ্ঠিত সংন্যাসও জন্মান্তরে আত্মসাক্ষাৎকারের হেতু হইতে

পারে । সুতরাং যে জন্মান্তরে সংন্যাস করিয়াছে, জন্মান্তরে গৃহস্থ হইলেও তাহার আত্মসাক্ষাৎকার হইবার পক্ষে কোন বাধা দেখা যায় না । যাজ্ঞবল্ক্য বলিয়াছেন,—

ন্যায়ার্জিতধনস্তত্त्वজ্ঞাননিষ্ঠোঽতিথিপ্রিয়ঃ ।

শ্রাস্তকৃত্ সত্যবাদী চ গৃহস্থোঽপি বিমুচ্যতে ॥

যে গৃহস্থ শাস্ত্রসম্মত উপায়ে ধনের অর্জন করে এবং তত্ত্বজ্ঞান-নিষ্ঠ, অতিথিপ্রিয়, শ্রাদ্ধকর্তা ও সত্যবাদী হয়, সে গৃহস্থও মুক্ত হয় । মিতাকুরাকার বিজ্ঞানেশ্বর বলেন যে, যে জন্মান্তরে সংন্যাস করিয়াছিল, তথাবিধ গৃহস্থই মুক্ত হয় । জনকাদি গৃহস্থাত্মা থাকিয়াও তত্ত্বজ্ঞানী ছিলেন । তাঁহাদের পক্ষে কর্ম করিবার আবশ্যিকতা না থাকিলেও লোকসংগ্রহার্থ তাঁহারা কর্মের অনুষ্ঠান করিয়াছেন । প্রতিপন্ন হইল যে, পূর্ব সাধনবলে যে কোন আশ্রমে তত্ত্বজ্ঞান হইতে পারে । তত্ত্বজ্ঞান হইলে মুক্তি অবশ্যস্তাবিনী । বিজ্ঞানায়ত ভাষ্যে—

তত্त्वজ্ঞানীন মুচ্যন্তে যত্র তত্রাশ্রমী রতাঃ ।

অর্থাৎ যে কোন আশ্রমস্থ ব্যক্তি তত্ত্বজ্ঞান দ্বারা মুক্ত হয়, এই স্মৃতিবাক্য উদ্ধৃত হইয়াছে ।

মুক্তি পরম পুরুষার্থ । মুক্তি কি, তদ্বিষয়ে ছুই একটী কথা বলিলে অসঙ্গত হইবে না । বেদান্ত মতে, সংসার নিদান মিথ্যা জ্ঞানের বা অজ্ঞানের নিরুদ্ভি ও স্ব-স্বরূপ আনন্দের অবাগ্ধিই মুক্তি । জীবাত্মার সংসার মিথ্যাজ্ঞান-মূলক । তত্ত্বজ্ঞান দ্বারা মিথ্যাজ্ঞান অবশ্যই বিনষ্ট হইবে । মিথ্যা জ্ঞান বিনষ্ট হইলে স্ব-স্বরূপ আনন্দ প্রকাশিত হইবে । আনন্দ স্ব-স্বরূপ হইলেও অজ্ঞান তাহার

আবরক ছিল বলিয়া সংসার অবস্থায় তাহা প্রকাশ পায় না । তদ্বজ্ঞান দ্বারা অজ্ঞান বিনষ্ট হইলে আবরণ অপ-
গত হইল বলিয়া মুক্তি অবস্থায় স্বপ্রকাশ আনন্দ কোন
রূপেই অপ্রকাশ থাকিতে পারে না । বেদান্ত মত শ্রুতি-
সিদ্ধ । মূল কারণ অজ্ঞান বিনষ্ট হইলে তাহার কার্য্য ছুঃখ
থাকিতে পারে না, ইহা বলাই বাহুল্য । কেবল তাহাই নহে,
স্ব-স্বরূপ আনন্দ প্রকাশ পাইলে ছুঃখের অবস্থান একান্ত
অসম্ভব, ইহা সুধীদিগকে বলিয়া দিতে হইবে না ।

বৈশেষিক মতে আত্মগত সমস্ত বিশেষ গুণের আত্যন্তিক
ধ্বংসই মুক্তি । অর্থাৎ অবস্থিত বিশেষ গুণের ধ্বংস হইবে এবং
ঐ আত্মাতে আর কোন বিশেষ গুণের উৎপত্তি হইবে না ।
এতাদৃশ অবস্থা মুক্তি বলিয়া কথিত । নৈয়ায়িক মতে ছুঃখের
অত্যন্ত নিবৃত্তির নাম মুক্তি । বৈশেষিক মতে ও ন্যায়মতে মুক্তি
অবস্থাতে আত্মা কাষ্ঠ পাষাণাদির ন্যায় জড়ভাবে অবস্থিত
থাকে । সুধীগণ স্মরণ করিবেন যে, 'নৈয়ায়িকাদি মতে আত্মা
স্বভাবত জড় । মনঃসংযোগবশত আত্মাতে চেতনা নামক
বিশেষ গুণের উৎপত্তি হয় বলিয়া আত্মাকে চেতন বলা হয় ।
দেহাবচ্ছেদে আত্মাতে চেতনার উৎপত্তি হয়, মুক্ত পুরুষের
দেহ সংবন্ধ থাকে না সুতরাং মুক্ত পুরুষে চেতনার উৎপত্তি
হইতে পারে না । আত্মার দেহ সংবন্ধ ধর্মাধর্ম্য-জন্য । তদ্ব-
জ্ঞান ধর্মাধর্ম্যের নাশক । এই জন্য মুক্ত পুরুষের দেহ-
সংবন্ধ হইতে পারে না । ছুঃখ পুরুষের এতই বিদ্বিষ্ট যে
ছুঃখের হস্ত হইতে পরিমুক্ত হইবার জন্য অচেতনাবস্থাও
লোকের অভিলষণীয় হইয়া থাকে । লোকে ইহার দৃষ্টান্ত

বিরল নহে । যে চেতনা দুঃখ ভোগের কারণ হয়, লোকে সে চেতনা চাহে না । ন্যায়ভাষ্যকার অপবর্গ বিষয়ে 'মিথ্যা' জ্ঞানের প্রদর্শন স্থলে বলিয়াছেন,—

भीष्मः खल्वयं सर्वकार्योपरमः सर्वविप्रयोगी अपवर्ग
बहु भद्रकं लुप्यते इति कथं बुद्धिमान् सर्वसुखोच्छेद-
मचैतन्यममुमपवर्गं रोचयेत् ।

অর্থাৎ অপবর্গে সমস্ত কার্যের উপরম বা অভাব হয়, তখন কোন কার্য থাকে না । সকল হইতে বিপ্রযুক্ত হইতে হয় । অপবর্গে অনেক স্থল বিলুপ্ত হয়, চৈতন্য পর্যন্ত থাকে না । সুতরাং অপবর্গ ভয়ানক পদার্থ । সর্ব স্থলের ও চৈতন্যের সমুচ্ছেদকারী এই অপবর্গ কিরূপে বুদ্ধিমানের প্রার্থনীয় হইতে পারে ? অপবর্গ বিষয়ক তত্ত্বজ্ঞান প্রদর্শন করিতে যাইয়া, ন্যায়ভাষ্যকারই বলিয়াছেন,—

शान्तः खल्वयं सर्वविप्रयोगः सर्वोपरमीऽपवर्गः बहु
खल्वङ्गं घोरं पापकं लुप्यते इति कथं बुद्धिमान् सर्व-
दुःखोच्छेदं सर्वदुःखसंविदमपवर्गं न रोचयेदिति ।
तद्यथा मधुविषमंपृक्तान्नमनादेयमिति एवं सुखं दुःखानु-
सक्तमनादेयमिति ।

অর্থাৎ অপবর্গ ভয়ানক নহে, উহা শান্তিনিকেতন । অপবর্গে সকল হইতে বিপ্রয়োগ সাধিত হয় সকল কার্যের উপরম হয় এই জন্য অপবর্গ শান্তিনিকেতন । অনেক দুঃখ ও ভয়ঙ্কর পাপ অপবর্গে পরিলুপ্ত হয় এই জন্য অপবর্গ শান্তিনিকেতন । যাহাতে সর্ব দুঃখের উচ্ছেদ হয় সর্বদুঃখের সংবিৎ থাকে না, তাহা অপবর্গ কোন্ বুদ্ধিমানের রুচিকর হইবে না ? মধুপ্লুত

অন্ন যেমন বিষ সম্পৃক্ত হইলে অনাদেয় হয়, দুঃখানুযুক্ত সুখও সেইরূপ অনাদেয় । দুঃখ জর্জরিত ব্যক্তি যাতনা সহ করিতে না পারিয়া সর্বান্তঃকরণে অচৈতন্য অবস্থা প্রার্থনা করে এবং অচৈতন্য অবস্থা উপস্থিত হইলে যথেষ্ট লাভ বিবেচনা করে । কেবল তাহাই নহে, সুখকোড়ে লালিত রাজপুত্র দুঃখের যাতনা অসহ্য বোধ করিয়া তাহার প্রতিকারের জন্য স্বচ্ছন্দ-চিত্তে আত্মহত্যা করিতে কুণ্ঠিত হয় না । দুঃখের কশাঘাত এতই তীব্র বটে ! সে যাহা হউক, সাংখ্য মতেও ত্রিবিধ দুঃখের অত্যন্ত নিরুত্তিই মুক্তি বলিয়া অঙ্গীকৃত হইয়াছে । সাংখ্যমতে আত্মা চৈতন্য স্বরূপ, স্তরাং মুক্তি অবস্থাতেও আত্মার চৈতন্যরূপতাই থাকে জড়রূপত্ব হয় না । “পাতঞ্জল মত সাংখ্যমতের অনুরূপ । পতঞ্জলি বলেন,—

“পুরুষার্থশূন্যানাং গুণানাং প্রতিদ্রব্বঃ কৌষল্যং অবস্থাপ-
প্রতিষ্ঠা বা স্থিতিশক্তিরিতি ।

পুরুষার্থ সাধিত হইলে গুণসকল পুরুষার্থ শূন্য হয় । ঐ অবস্থায় গুণসকলের স্বকারণে লয় হইয়া যায় । উহাই কৈবল্য বলিয়া অভিহিত । গুণসকল স্বকারণে লীন হইলে আর দুঃখ ভোগ হয় না । অথবা, চিত্তশক্তির বা পুরুষের স্বরূপ প্রতিষ্ঠাই মুক্তি । সংসার অবস্থায় চিত্তশক্তি রুত্তিমারূপ্য প্রাপ্ত হন । মুক্তি অবস্থায় বুদ্ধি বিলীন হয় বলিয়া তৎকালে পুরুষের রুত্তি-সারূপ্য থাকে না । স্তরাং স্বরূপ প্রতিষ্ঠা সম্পন্ন হয় । জৈন মতে যেমন মৃত্তিকালিপ্ত অলাবুদ্রব্য জলে নিমজ্জিত হইলে এবং জল দ্বারা-ধৌত হইয়া ঐ মৃত্তিকালেপ অপগত হইলে উহা উর্দ্ধে উত্থিত হয়, সেইরূপ পুরুষটুক-পরিবেষ্টিত আত্মা সংসারে

ানমগ্ন হয়, জৈনশাস্ত্রোক্ত তপস্যা দ্বারা কৰ্মক্ষয় হইলে পূৰ্ণাষ্টক-
পরিমুক্ত হইয়া অনবরত উৰ্দ্ধে গমন করে বা অলোকাকাশ-
গামী হয় । এই উৰ্দ্ধ গমন বা অলোকাকাশগমন মুক্তি বলিয়া
কথিত । শূন্যবাদি-বৌদ্ধের মতে শূন্যভাব মুক্তি । বিজ্ঞানবাদি-
বৌদ্ধের মতে সাংসারিক জ্ঞান সমস্তই সোপপ্লব । বুদ্ধোক্ত-
চতুর্বিধ ভাবনা দ্বারা প্রদীপ নির্বাণের ন্যায় সোপপ্লব ।
বিজ্ঞানসত্তানের অত্যন্ত বিনাশ, কিংবা নিরূপপ্লব বিজ্ঞান-
সত্তানের উদয়, অথবা সর্বজ্ঞ বিজ্ঞানসত্তানের অন্তর্ভাব, মুক্তি-
রূপে অঙ্গীকৃত হইয়াছে । সুধীগণ বুঝিতে পারিতেছেন যে,
বৌদ্ধের মতে নির্বাণ শব্দের অর্থ নিবিয়া যাওয়া । শঙ্করা-
চার্যের মতে নির্বাণ শব্দের অর্থ ব্রহ্মীভূত হওয়া । সুতরাং
বৌদ্ধের নির্বাণ ও শঙ্করাচার্যের নির্বাণ যে স্বর্গ মর্ত্যের ন্যায়
অত্যন্ত ভিন্ন, তাহা বলিয়া দিতে হইবে না ।

একটি কথা বিবেচনা করা উচিত, বেদান্ত মত ভিন্ন
সমস্ত মতেই মুক্তি কার্য্য, নিত্য নহে । কেন না, দুঃখধ্বংসই
বলুন আর বিশেষ গুণধ্বংসই বলুন, অথবা উৰ্দ্ধগমনাদিই
বলুন, এ সমস্তই জন্য পদার্থ কিছুই নিত্য নহে । বেদান্ত
মতে মুক্তি আত্মস্বরূপ । আত্মা নিত্য, সুতরাং মুক্তি নিত্য ।
এই জন্য প্রগতি বলিয়াছেন—

বিমুক্তাশ্চ বিমুক্তয়তি ।

অর্থাৎ বিমুক্ত থাকিয়াই বিমুক্ত হয় । মুক্তি অনিত্য
হইলে তাহা কোনরূপ অনুষ্ঠান-সাধ্য বা ক্রিয়া-জন্য হইলেও
হইতে পারিত । আত্মস্বরূপ মুক্তি আদৌ জন্য নহে, তাহার
ক্রিয়া-জন্যত্ব একান্ত অসম্ভব । বিশেষতঃ ক্রিয়ার কৰ্ম চতুর্বিধ

নির্বর্ত্য, বিকার্য, সংস্কার্য ও প্রাপ্য । আত্মস্বরূপ নিত্য, অতএব তাহা নির্বর্ত্য নহে । আত্মা অবিকারী, সুতরাং তাহাকে বিকার্য বলা যাইতে পারে না । আত্মা নিত্য-শুদ্ধ, অতএব সংস্কার্যও হইতে পারে না । যাহা অবিশুদ্ধ, তাহাই সংস্কার দ্বারা শুদ্ধিপ্রাপ্ত বা সংস্কার্য হইতে পারে । আত্মা নিত্যপ্রাপ্ত, এইজন্য প্রাপ্যকর্মের অন্তর্গতও হইতে পারে না । সুধীগণ স্মরণ করিবেন যে, আত্মা নিত্যপ্রাপ্ত হইলেও, অবিদ্যার আবরণ বশত অপ্রাপ্তরূপে ভ্রম জন্মে এবং শ্রবণ মননাদি দ্বারা অবিদ্যার আবরণ তিরোহিত হইলে প্রাপ্ত বলিয়া বোধ হয় । কণ্ঠগত স্বর্ণহারের নিদর্শনও স্মরণ করা উচিত । যাহারা উপাসনা বিশেষের বলে, ব্রহ্মলোকে গমন করেন, তাঁহারা ব্রহ্মলোকে শ্রবণাদির অনুষ্ঠান দ্বারা আত্মসাক্ষাৎকার সম্পন্ন হইয়া ব্রহ্মার সহিত ণ্ডুক্ত লাভ করেন । তাদৃশ মুক্তির নাম ক্রমমুক্তি । যে দেহে আত্ম সাক্ষাৎকার হয়, যে পর্য্যন্ত ঐ দেহের পাত না হয় বা আত্মজ্ঞ পুরুষ যে পর্য্যন্ত জীবিত থাকেন, সেই পর্য্যন্ত জীবনমুক্তি অবস্থা বলা যায় । যে দেহে আত্মতত্ত্বসাক্ষাৎকার হয়, সেই দেহ পাত হইলে, পরমমুক্তি বা বিদেহকৈবল্য বা নির্বাণ-মুক্তি হইয়া থাকে ।" জীবনমুক্ত পুরুষের পক্ষে বিধি নিষেধ না থাকিলেও অশুভ বাসনা পূর্বেই পরিত্যক্ত হয় বলিয়া জীবনমুক্ত পুরুষের অশুভ বাসনা হইতে পারে না । পূর্বদা-ভ্যাস বশত শুভবাসনারই অনুবৃত্তি হইয়া থাকে । সুতরাং জ্ঞানীর পক্ষে যথেষ্টাচরণের আশঙ্কা হইতে পারে না । পূর্ববাচার্য্য বলিয়াছেন,—

বুদ্ধাহ্নেতসতত্বস্য যথেষ্টাচরণং যদি ।

শূনাং তত্বদৃশাশ্চৈব কী ভেদোঃশুচিমন্বয়ী ॥

যিনি অদ্বৈততত্ত্ব সাংক্ষাৎকার করিয়াছেন, তাঁহার যদি যথেষ্টাচার হয়, তবে অশুচি ভক্ষণবিষয়ে কুকুর ও তত্ত্বদর্শীর কি ভেদ ? তবে প্রারব্ধকর্মা নানারূপ । প্রারব্ধ বশত কোন জ্ঞানীর কদাচিৎ অশুভাচার হইলেও অপরের পক্ষে তাহার অনুবর্তন করা উচিত নহে । জ্ঞানীর সংযতাচার শাস্ত্রানুমত । পঞ্চদশী গ্রন্থে কথিত হইয়াছে যে,—

প্রারব্ধকর্ম্মনানাত্বাদবুদ্ধানামন্যথান্যথা ।

বর্মনং তেন শাস্ত্রার্থে স্মরিতব্যং ন দণ্ডিতৈঃ ॥

প্রারব্ধ কর্ম্মের নানাত্ব হেতুতে জ্ঞানীদিগের নানারূপ বর্তন হয়, সেই হেতুতে পণ্ডিতদের শাস্ত্রার্থবিষয়ে ভ্রান্ত হওয়া অনুচিত । বিদ্বানের দেহপাত হইবার সময় অবিদ্বানের ন্যায় মৃত্যুর অবস্থা হইয়া থাকে । অবিদ্বানের যেমন বাক্য মনে মনে তেজ্জ লীন হয়, বিদ্বানের উৎক্রান্তিও তৎসমান বুদ্ধিতে হইবে । কিন্তু বিশেষ এই যে অবিদ্বানের প্রাণ উৎক্রান্ত হইয়া দেহান্তরগত হয় । বিদ্বানের প্রাণ উৎক্রান্ত হয় না । এইখানেই ব্রহ্মে মিলিত হয় । প্রতি বলিয়াছেন,—

ন তস্য প্রাণা ভূত্কাশ্মন্তি স্নাত্বৈব সমবনীযন্তে ।

বিদ্বানের প্রাণ উৎক্রান্ত হয় না এখানেই সম্যক অবনীত হয় স্মরণ্য বিদ্বানের কোনরূপ পরলোক গতি নাই, ইহা আর বলিয়া দিতে হইবে না । মুক্তাত্মা ব্রহ্মীভূত হইলেও ঈশ্বরের ন্যায় তাঁহার সৃষ্টি প্রলয় কর্তৃত্ব হয় কি না,

বেদান্ত মতে এ আশঙ্কা হইতে পারে না । কেন না, বেদান্ত মতে ব্রহ্মই জীবভাবাপন্ন হন । ব্রহ্মের সৃষ্টিাদি কর্তৃত্ব নির্বিবাদ । তবে একথা বলা উচিত যে, মণ্ডল ব্রহ্মোপাসক যোগীদিগের তাদৃশ ক্ষমতা হয় না । সে যাহা হউক, বেদান্তাদি দর্শনের মতে সান্ন্যাসাদি মুক্তি প্রকৃত পক্ষে মুক্তি মধ্যে পরিগণিত নহে । তবে নৈবাচাৰ্য ও বৈষ্ণবাচাৰ্যগণ শিষ্ট-লোক প্রাপ্তি ও বিষ্ণুলোক প্রাপ্তি মুক্তি বলিয়া স্বীকার করিয়াছেন ।

সম্পূর্ণ ।

•আমার শেষ কথা।

এই আমার শেষ লেক্চর। যাঁহার ইচ্ছা হইলে ক্ষুদ্র তৃণ হইতে বৃহৎ কার্য্য সাধিত হয়, সেই ইচ্ছাময়ের ইচ্ছা অনুসারে আমি ফেলোসিপের কার্য্যে নিযুক্ত হইয়াছি। এই কার্য্য উপলক্ষে চারি বৎসর কৃতবিত্তমণ্ডলীর আরাধনা করিতে যথাসাধ্য চেষ্টা করিয়াছি। কৃতবিত্ত মণ্ডলীর সন্তোষ সম্পাদন করিতে পারিয়াছি কি না, কৃতবিত্তমণ্ডলীই তাহা বলিতে পারেন। তবে আমার সাধনার বিষয় এই যে, মাননীয় বিদ্বৎসমিতি সিণ্ডিকেট এবং স্বর্গীয় ৬ শ্রীগোপাল বাবু দয়া করিয়া একাধিকবার আমাকে ফেলোসিপের কন্মো নিযুক্ত করিয়াছেন এবং আমার যৎসামান্য শাস্ত্রজ্ঞান, যৎসামান্য বুদ্ধি ও যৎসামান্য শক্তি যাহা আছে, ফেলোসিপের কার্য্যে তাহা সম্পূর্ণরূপে প্রয়োগ করিতে আমি কোনরূপ আলস্য বা উদাসীনতা করি নাই। চারি বৎসরে ২৪টী লেক্চর দিবার নিয়ম। আমি ৩২টী লেক্চর দিয়াছি।

ফেলোসিপের আলোচ্য বিষয় অত্যন্ত জটিল। সুতরাং আমি বিশেষ সাবধানতা অবলম্বন করিলেও কদাচিৎ আমার ভ্রমপ্রমাদ হওয়া বিচিত্র নহে। বরং বিষয়ের শুকতের প্রতি লক্ষ্য করিলে ভ্রমপ্রমাদ না হওয়াই বিচিত্র বলিয়া বোধ হইবে। কোন স্থলে আমার ভ্রমপ্রমাদ পরিলক্ষিত হইলে সুধীগণ তাহা শুধিয়া লইবেন। তজ্জন্ত সমস্ত লেক্চর উপেক্ষা করিবেন না। কারণ, শাস্ত্র সিদ্ধান্তের অনুসরণ করিয়াই লেক্চর দেওয়া হইয়াছে। কৃতবিত্তমণ্ডলী শাস্ত্রের সিদ্ধান্ত অবগত হন, ইহা প্রার্থনীয়।

পারিশেষে যাঁহাদের অনুগ্রহে আমি ফেলোসিপের কার্য্যে নিযুক্ত হইয়াছি, তাঁহাদিগের নিকট আন্তরিক সবিশেষ কৃতজ্ঞতা ও ধন্যবাদ জ্ঞাপন করিতেছি। বিশেষতঃ যাঁহাদের অসাধারণ দেশহিতৈষণা এবং বদান্ততা প্রভাবে এতদ্দেশে এই ফেলোসিপের প্রবর্তনা হইয়াছে, সেই মহাত্মা স্বর্গগত শ্রীগোপাল বাবুর পারলৌকিক মঙ্গল এবং তাঁহার উত্তরাধিকারীর ও বংশধরদিগের ইহ-

ଯୋକିକ ମର୍ତ୍ତ୍ୟାନ୍ତର ମନ୍ତ୍ରଣ ମର୍ତ୍ତ୍ୟାନ୍ତରକ୍ରମେ ଭଗବାନେନ ନିକଟ ପ୍ରାର୍ଥନା କରିয়া ଆମି କୃତବିଷ୍ଣୁମଣ୍ଡଳୀର ନିକଟ ବିଦାୟ ଗ୍ରହଣ କରିলাম । ଯାହାର କୃପାକଟାକ୍ଷ ପାତେ ନାନାରୂପ ବାଧା ବିନା ଅତିକ୍ରମ କରିয়া ଆମି କେନ୍ଦ୍ରୋଗିନୀର କାର୍ଯ୍ୟ କରିতে ମନ୍ତ୍ରମ ହইয়াছি, କାର୍ଯ୍ୟାନ୍ତେ সেই পরମେଶ୍ବରର ଶ୍ରୀପାଦପଦ୍ମ ଉଦ୍ଦେଶେ ଭକ୍ତିଭାବେ ପ୍ରଣାମ କରିতেছি ।

ब्रह्माण्डं जनयत्यनेकमनिशं नापेक्षते साधनं

वाह्यं किञ्चिदथापि तत् सुविपुलं धत्ते तथाप्यहयः ।

• • वाचां गोचरतामतीत्य नितरां यो वर्त्तते सर्वदा

• • वेदान्तप्रतिपाद्यताञ्च भजते कस्मैचिदस्मै नमः ॥

ସିନି ନିରନ୍ତର ଅନେକ ସଂଖ୍ୟକ ବ୍ରହ୍ମାଂ ଶ୍ରୁତି କରିତେଛନ୍, ଅଥଚ ତତ୍ତ୍ଵ ବାହ କୋନରୂପ ଉପକରଣର ଅପେକ୍ଷା କବେନ ନା ; ସିନି ସୁବିପୁଳ ବ୍ରହ୍ମାଂ ଧାରଣ କରିଥାଂ ଅନ୍ତିତାୟ ; ସିନି ବାକ୍ୟର ଅଗୋଚର ହইଥାଂ ବୈଦାନ୍ତପ୍ରତିପାଦ୍ଧ, ଅନିର୍ବଚନୀୟ ସେହି ମହାପୁରୁଷକେ ପ୍ରଣାମ ।

• • ହେ ଆଶ୍ଵିନ ।
୧୩୦୮ ମାସ ।

ଶ୍ରୀଚନ୍ଦ୍ରକାନ୍ତ ଶର୍ମା ।

